

A P E S 2

PHILOSOPHIS
MELLIFICANTES

sive

UNIVERSA PHILOSOPHIA

sub auspicijs

BARBERINARVM
APIVM

Edita, & propugnata

à

IOSEPHO PAVLVCCIO
PISAVRENSI

Sem. Rom. Cler.

Pro Laurea Philosophica decertante

In Aula Collegij Rom.
maxima.

Anno Christiano, 1654.

R O M A E,

Typis Ignatij de Lazari. MDCLIV.

Superiorum Permissu.

Imprimatur,

Si videbitur Reuerendis.
Patri Sac. Palatij Apost.
Magistri.

A Argulus Vicefg.

Imprimatur,

Fr. Vincentius Fanus Sac.
Pal. Apost. Mag. Socius
Ord. Præd.



EMINENTISSIMO

AC REVERENDISS. PRINCIPI

ANTONIO

BARBERINO

S. R. E.

CARD. CAMERARIO,

IOSEPHVS PAVLVCCIVS

PISAVRENSIS

Sem. Rom. Cler. Felicit.



BSTINATA

sterilitate iam diu
premitur, Merce-

de sua fraudatus, Litterato-

rum

rum Labor . Ex humana
mente , hoc est fœcunda
Matre natus , nactus ta-
men videtur , hæreditario
quasi fato , sterilitatem . Il-
lum quidem sine laudatio-
ne pauci prætereunt , sine
remuneratione quamplu-
rimi ; sed prolem dum lau-
dant : adulantur Matri , vt
iterum pariat ; remunera-
tionem dum subtrahunt :
natum laborem , veluti pro-
iectitium infantem expo-
nunt . Rarus Samson
fœcundis Laboris sui visce-
ribus , conceptam Merce-
dem videt erumpere . Quod

fi

si nostro sæculo nouum illi
satum videtur obtingere,
fortunam suam Tibi refer-
re debet acceptam, Benefi-
cientissime Princeps, apud
quem regalis planè muni-
ficentia, hoc est, animo Tuo
par, obstericatur nascenti
Litteratorum labori, eumq.
argenteis reclinat in cunis.
Ad Te ergo confugit meus
hic Philosophicus Labor,
nempe ad Apes Tuas, in
faucibus VENETI Leonis, qui
BARBERINAE Nobilitatis fa-
stis nuper accessit, fauos ar-
chitectantes, ad mellis dul-
cedinem eruditis laboribus

† 3 pro-

propinandam . Mercedem
flagitat nullam , quia om-
nem accepit . Nempe nec,
quæcumque , fortuna do-
mus : immò hoc ipsum ,
quòd Te Patronum audax
hic labor exposcat, est mu-
neris Tui . Qualem verò
Patronum ? Principem , ut
optabat Plato , ex aurea
massa conflatum , qui pluri-
mos nosse à beneficijs in-
cepit , quæ manu tam
facili elargitur , ut nullum
ipsi momentum notaueris
sterile beneficentia . Neq.
enim ex illorum est nume-
ro , qui beneficijs com-
men-

mendationē captāt ex difficultate vel raritate, vel mora. Principē ad omnia summa natū, qui charus etiam capitibus diademate coronatis, in hoc eorum gratia utitur, ut quantum amicitia valeat, aliorum utilitatibus innotescat. Et quoniam ex oraculo sapientū: nullum est meritum maius, quā gratiam inuenisse Regnantū, quanta Temerita commendent, Princeps, agnosce, quibus adnitentibus, ad Regnantū gratiam euectus, felicitatis apicem tenes. Vix ostendisti

Te


Te Galliæ, vbi nimirum
Principes Apes Regijs Flo-
ribus infederunt; & statim
non modò populorum, sed
LVDOVICI Augustissimi Re-
gis animum, citrà Magna-
tum inuidiam, demeruisti:
cum tamen liuido superci-
lio omnes excipiant Virtu-
tem exteram, præcipuè ve-
rò Regnantibus non inui-
sam, & rara felicitate con-
tingat, vt idem sit Regi
charus & Satrapis. Apud
omnes semper maior, &
charior, & clarior fuisti,
quibus innotuisses; & cum
hec sit rerum humanarum
con-

conditio, vt magnitudinem
illis ac pretium, præsentia,
& consuetudo subducat,
Tibi nihil accommodatius
fuit ad gloriæ incrementū,
quàm diu ac penitus inspi-
ci. Neque verò inspecta
Lvdovico Regi merita sine
præmio fuere præterita,
cum ijs primos in Regno
suo, hoc est in aula Virtu-
tis & Fortunæ Regnatricis,
Honores decreuerit, quos
vt aquireret, hac vna vsus
es arte: quòd Meruisti. At-
que hæc Dignitatum ac-
cessio, & amplitudo fortu-
næ nihil mutauit in Te,
nisi

nisi vt prodesse, magis pos-
ses ac velles, iam verò quòd
Te Romæ restitueris, voti
ream fecisti Italiam. Vrbi
scilicet redditus, ad populo-
rum vtilitatem, ad ciuium
plausum, ad patrocinium
Litteratorum. Verùm inter
tot obsequia fortunæ, an-
cillantis Virtuti Tuæ, illud
in primis prodigij loco est,
quòd felicitatē tantam, ne-
mo est, qui sinistris sermo-
nibus carpat, & tamen ma-
gna hominum censura est,
magna Felicitas. Nemo
quippe improbat tam in-
gentem fortunam, quia il-
lius

lius amplitudinem tue ma-
gnitudo Virtutis excedit.
Vale ergo, fortunatissime
Princeps, Teque incolu-
mem generis humani bo-
no diutius conserua;





LIBER^I PRIMVS

*Logicam complectens, &
Metaphysicam*

Metaphysicā Logicæ sparsim inferemus
breuioris, ac facilioris methodi gratia,
& recepto recentiorum Scholarū more,
Metaphysicas quæstiones magna ex par-
te cum Logicis permiscantium.

DISTINCTIO PRIMA

Logicæ Proëmialia.

CAPVT PRIMVM.

*Origo, Existentia, Necessitas,
ac diuisio Logicæ.*



LOGICAM præmittimus,
vtpote Organum, & me-
dium, quod ad scientiarum
affecutionem parari debet.
Hanc ab Experientia geni-
tam perfecit Philosophia. Artem enim,
qualem probabimus esse Logicam, ex-
A pe-

perientia genuit, vt docet Aristot. prim. Met. cap. 1. Sic autem ab experientia oriri potuit Logica; vt primò aduerte- rint homines se in suis intellectus opera- tionibus modo bene, modo malè ope- rari, deinde modū adnotauerint, quem in cognoscendo adhibebant; & quia obseruarunt modū bonum semper esse eundem, statuerint tandem vniuersalia præcepta de adhibendo tali modo ad bonas cognitiones eliciendas. Hæc au- tem præcepta sunt Logica actualis. Sic de quacunque arte docet Aristotel. ini- tio Met. quod tunc formetur, quando ex multis experimentalibus conceptibus vna de similibus vniuersalis opinio fit;

2 Sic verò exorta Logica debuit per- fici à Philosophia ad hoc, vt sicuti ab Experientia certitudinem habebat merè experimentalem, ita à Philosophia om- nimodæ præterea sortiretur certitudinis complementum. Quod si summa hæc certitudo in alijs artibus non est vniuer- saliter necessaria, Logicæ omnino debe- batur, vtpote instrumento earum etiam Scientiarum, quæ infallibilem certitudi- nem requirunt; hanc enim si Logica non præhaberet, dare huiusmodi scien- tijs non posset. Quamuis autem Logi- ca sit instrumentum Philosophiæ, ab ali-

a aliqua tamen illius parte faciliore, nec multum indigente directione artis, habere potuit omnimodam certitudinem, per quam deinde ad alias operationes scientificas difficiliorese deferuiret. Imò illa eadem pars Philosophiæ faciliore, quæ Logicæ præceptis dederat certitudinem, ab iisdem deinde præceptis Logicæ iam stabilitis recipere potuit perfectionis incrementum. Experienciæ ergo addentes Philosophi inquisitionem circa naturam, & proprietates nostri intellectus, inuenire tandem potuerunt causam necessariam, cur talis modus operandi, qui prius per solam experientiam apparuerat bonus, agnosceretur præterea esse infallibiliter bonus.

3 Hoc modo exortam, & perfectam Logicam existere, ac de facto dari dicimus, si enim ex *Aristotel. initio Rhetoricorum de accusatione, & defensione*, datur ars Rhetoricæ, quia hæ operationes possunt per præcepta regulari; dabitur etiã ars Logicæ de operationibus intellectus, cum hæ sint per rationem reflectentem supra suos actus, & per imperium voluntatis dirigibiles. Non tamen propterea ex hoc sequitur de omnibus etiam leuissimis operationibus regulabilibus per rationem dari de facto

peculiarem artem; quia perfectio operis habita dependenter ab arte esset aliquādo ita modica, vt per illam non compensaretur labor infumtus in addiscenda tali arte. Sæpe etiam animaduersio ad præcepta potius retardaret, quam perficeret operationem; atqui neutrum ex his, vt patet, militat in Logica.

4 Sed videri fortasse posset, operationes intellectus non esse per artem dirigibiles, quia tales sunt nostræ cognitiones, quales sunt species, de quibus non apparet quomodo sint in nostra potestate. Sed dicendum est, posse à voluntate dependenter ab illuminatione præceptorum, imperari excitationē huius vel illius speciei, quæ deseruiat ad elicendam hanc operationem rectam loco alterius prauæ. Hinc prima operatio, non modo simplex, sed etiam complexa, est per artē dirigibilis. Si enim ex gr. velimus bene definire, imperamus excitationem speciei alicuius prædicati, quod possit esse genus, & alicuius, quod possit esse differentia, & ex vtroque per directionē Logicę formamus bonā definitionem; deindē verò, quādo dependenter ab illuminatione præceptorum, applicamus per iudicium definito hanc potius definitionem bonā, quā aliam malam, diri-

dirigimus per Logicam secundam operationem . Tertia demum operatio dirigitur à Logica, tum in præmissis, tum etiam quia sæpe positis præmissis non sequitur Conclusio ita euidenter, vt necesse non sit aduertere bonitatem consequentiæ per reflexionem ad præcepta Logicæ. Ex quo patet, quod licet operatio, quæ est recta, vel praua, non potuerit, non esse recta, vel praua; tamen, quod eliciatur hæc operatio recta, haberi potest per artem, quatenus sine illa, loco rectæ, potuit elici praua. Neque enim à natura determinati sumus ad modum operationum, sicuti sumus determinati ad illarum substantiam. Quia licet non possimus efficere quo minus operationes nostri intellectus sint actus vitales, accidentia, &c. (quæ prædicata voco substantiam operationum) possumus tamen efficere, quod loco operationis prauæ, quæ sæpe sine præceptis eliceretur, recta operatio dependenter à præceptis eliciatur.

5 Logicæ existentia ex eius etiam necessitate confirmatur. Nam ab bene esse vtrique illa est necessaria, vt patet, tum communi auctoritate, tum experientia veterum Philosophorum, qui, vt est apud *Aristotel. primo Phys. text. 10.*

Falsa accipiebant, eò quod non essent syllogizantes, hoc est carerent Logica. Accedit ratio, sunt enim aliqui discursus adeò difficiles, & fallaciæ adeò implexæ, ut, vel cum Logica vix sit, qui in aliquo non erret, eò quod Logica non benè vtatur. Quid ergo fieret sine Logica? Certè in operibus difficilibus, cuiusmodi sunt cognitiones scientificæ, ad bene esse necessarium erit instrumentum, quale est Logica.

6 Cæterum moraliter loquendo nulla est cognitio scientifica acquisibilis per Logicam, quæ moraliter haberi non possit sine Logica. Tunc enim A. v.g. dicitur moraliter necessarium ad B, quando licet B sit Physicè acquisibilis sine A; tamen tanta est difficultas in acquisitione B, ut nullus vnquam illam superauerit, aut sit superaturus: Nulla autè est assignabilis cognitio scientifica, ex his, quas cum Logica de facto acquirimus de qua dicere cogamur, quod nemo vnquam illam sit sine Logica affectus, vel saltem non possit assequi. Sine Logica enim cognosci potest, & quodlibet principium, utpotè per se notum, & bonitas cuiuslibet illationis. Confirmatur, tum experientia eorum, qui ante Logicam demonstrationes Mathematicas

cas olim addiscebant : tum etiam quia si absque Logica probari potest veritas præceptorum , ne Logica probetur per Logicam, ideòque idem per idem ; non est cur alia quælibet cognitio scientifica probare, saltem moraliter, non possit sine Logica . Verum quidem est multas esse cognitiones scientificas , quas non possumus moraliter assequi , nisi aduertamus ad variam terminorum suppositionem, &c. Sed aduertentia ad variam terminorum suppositionem distributiuam, vel collectiuam, v. g. licet prout designata sub his terminis proprijs artis, non fiat nisi per artem; illud tamen, quod per hos terminos proprios, aliosq; similes, importatur, non est cur non possit solo lumine naturali obtineri .

7. Hinc inferitur neque ad scientias totales acquirendas, Logicam esse moraliter necessariam , si enim ad nullam cognitionem scientificam Logica est moraliter necessaria, neque erit ad scientias totales , quæ nihil aliud sunt , nisi varia aggregata cognitionum scientificarum. Et si de facto scientia totalis Mathematicæ addiscebatur olim ante logicam, non dabitur in ordine ad alias scientias totales moralis necessitas logicæ, sed sola necessitas ad bene esse, & ad illas sci-

rias facilius cum logica acquirendas ,
 quas sine illa non nisi cum magna diffi-
 cultate assequeremur . Quod si dicas
 non bene procedi à qualibet cognitio-
 ne scientifica distributiue , ad magnam
 aliquam cognitionum scientificarum
 collectionem; sicuti non bene probare-
 tur ex eo, quod possim ferre distributi-
 uè centum mille libras , quod illas etiã
 possim ferre coniunctim . Respondeo ,
 quod sicuti si possum ferre vnã libram,
 possum successiue ferre alias, dummo-
 dò ferendo primã non fuerint meæ vi-
 res debilitatæ ; ita multò magis si pos-
 sum sine logica habere vnã cognitionem
 scientificam , potero & reliquas :
 cū non modo priores cognitiones non
 imminuant , sed augeant lumen intel-
 lectui, ratione similitudinis, vel dissimi-
 litudinis, quam obiectum vnius cogni-
 tionis habet cum obiecto alterius .

8 Bene diuiditur logica in actualẽ ,
 & habitualem; in vniuersalem, quæ tra-
 dit præcepta, vel pro quacunque ma-
 teria , vel pro omnibus operationibus
 intellectus ; & particularem, quæ tradit
 præcepta pro aliqua, vel operatione, vel
 materia peculiari . Item in artem vete-
 rem, quæ erat in vsu ante Arist. & no-
 uam, quæ vel inuenta, vel maximè per-
 fecta

fecta est ab Arist. Pariter in Analiticam, quæ tradit præcepta pro materia scientifica, Topicam, quæ pro materia probabilis, & Sophisticam, quæ docet texere, & dissolvere fallacias. Hæ enim diuisiones ad diuersos diuidetium fines sunt idoneæ. Bene etiam diuiditur in docentem, & vtentem, intelligendo per docentem præcepta logica, prout potentia dirigere scientias; nomine verò vtentis ipsa præcepta, quatenus actu illas dirigunt, ita vt dicatur logica vtens, quasi vtens, seu efficiens actualem directionem scientiarum. E contra, malè diuiditur in docentem & vtentem, si nomine vtentis intelligantur scientiæ, quatenus vtuntur præceptis logicis. In omni enim bona diuisione debet diuisum posse absolute prædicari de membris diuidentibus. Animal enim absolute prædicatur de rationali, rugibili, &c non potest autem absolute dici, scientiæ vtentes Logica, sunt Logica. Quod si respondeas posse saltem dici, scientiæ vtentes Logica, sunt Logica vtens. Contra est quia diuisum non est Logica vtens, sed Logica absolute dicta, quæ deberet posse absolute prædicari de scientijs. Propter eandem rationem malè diuiditur logica in naturalem, & artificialem, intel-

ligendo per logicam naturalem, intellectum naturaliter aliquando benè operantem, neque enim dici absolute potest intellectus naturaliter bene operari est logica. Adde malè transferri nomen logicæ, per quod venit aliquid artificiale acquisitum, & superadditum naturæ ad significandum intellectum præcisè secundum id, quod habet à natura.

CAPVT SECVNDVM.

Vtrum Logica sit Practica, vel Speculatiua.

Pro hac re prius examinanda est ratio, & essentia cognitionis practicæ & speculatiuæ. Quare fit

SECTIO PRIMA.

Reijciuntur variæ Sententiæ circa essentiam cognitionis practicæ.

COgnitio practica dicitur in ordine ad praxim, eo quod habeat pro; fine praxim, hoc est latine actionem. Quam.

Quamuis autem actio distinguatur a factione, poterit tamen in materia præfenti cum factione confundi, eo quod hîc inquiramus essentiâ cognitionis præcticæ prout contradistinctæ à speculatiua non habente pro fine neque actionem, neque factionem, sed meram veritatem. Similiter non est cur nomine Praxis, non benè possimus comprehendere quâmcunque operationem naturæ intellectualis, & ipsius etiam intellectus, dirigibilem per regulas prudentiæ, vel artis. Si enim etiam operationes intellectus subesse possunt directioni cognitionis præceptiuæ, & præcticæ, prudentiæ, & artis, erunt praxis, cum sint finis cognitionum præceptiuarum, & præcticarum, quæ tales cognitiones dirigunt, & præcipiunt. Non ergo repugnat, quod ipsa etiam cognitio speculatiua sit praxis. Licet enim habeat sistere in contemplatione sui obiecti, est tamen etiam praxis, quatenus est opus, regulatum per cognitionem præcticam, ideòque cognitio speculatiua, licet opponatur cognitioni præcticæ, nō tamen opponitur praxi, sed præcticæ praxis.

2 Difficultas in hac materia in eo consistit, quod cum ex Aristot. secundo Met. tex. tertio. *Speculatiua finis sit veri-*

tas, practica autem opus : similiter ex eodem tertio de Anim. *Intellectus actiuus differat à speculatiuo, fine*, non apparet quomodo cognitio possit intendere finem, cum cognitio non intendat, nec appetat. Quod si dicas illam esse cognitionem practicam, quæ supponit in cognoscente voluntatem faciendi obiectu talis cognitionis. Contra est, quia frustra cum Arist. assignarentur intellectui practico habitus prudentiæ, & artis; intellectui verò speculatiuo habitus intellectus scientiæ, & sapientiæ. Si enim non habetur ex intrinseca natura talis habituum, & cognitionum, quod sint practicæ, vel speculatiuæ, sed possunt ex libera, & extrinseca voluntate cognoscentis nunc intendentis, nunc non intendentis opus, esse nunc practicæ, nunc speculatiuæ, non est cur potius hæ cognitiones, quam illæ numerentur inter practicas. Aliquid ergo firmum, nec ad libitum variabile in ipsa entitate cognitionum inueniendum est, ratione cuius possint hæ potius, quam aliæ cognitiones dici practicæ, & habere pro fine opus. Simili modo reiiciendi sunt, qui ad cognitionem practicam requirunt insinuationem voluntatis, actum scilicet voluntatis, quo intellectui int-

metur,

metur , & præcipiatur considera-
tio de aliqua cognitione, quæ sicuti fi-
ne hac intimatione fuisset speculati-
ua , ita per illam constituatur in ratio-
ne cognitionis practicæ . Nam omis-
sis alijs huius sententiæ impugnationi-
bus, in ipsa veritate cognitionis, præscin-
dendo ab omni extrinseco, inuenienda
est, si possumus, ratio practici.

3 Præterea quod aliqua cognitio
habeat pro fine opus , & sit practica ,
non habetur solum per hoc , quod sit
de obiecto operabili, hoc enim, quam-
uis requiratur , non tamen est satis ,
quia innumeræ demonstrationes Ma-
thematicæ , & Speculatiuæ sunt de
obiecto factibili: multò minus satis est,
quod sit talis cognitio , ex vi cuius se-
qui possit aliqua operatio. Cum enim
nulla sit cognitio ex vi cuius sequi non
possit amor, vel odium rei, quæ cogno-
scitur, nulla daretur cognitio Specula-
tiua . Neque pariter ratio practici ha-
betur per hoc, quod spectato labore
in assecutione alicuius cognitionis, non
sit hæc prudenter expetibilis, nisi prop-
ter opus. Quia hæc cognitio, *vitium est*
fugiendum , est practica , cum sit di-
ctamen practicum prudentiæ, & tamē
hæc cognitio ratione veritatis , quam
con-

continet, est prudenter experibilis etiam præscindendo ab opere, & spectato ei-
 rianæ labore in affectuione talis cogni-
 tionis, ratione meræ veritatis. Nullus
 enim in talis veritatis affectuione re-
 quiritur labor, cum naturaliter in no-
 bis talis cognitio oriatur, & potius la-
 borandum sit, ne in nobis insurgat.

4 Demum non bene explicatur co-
 gnitio practica, quod sit cognitio de
 re operabili, ut operabilis est, quæ vi-
 delicet explicet modum, & ultimas cir-
 cumstantias faciendi opus, nec non de-
 bitum, & conuenientiam, quam ha-
 bet natura rationalis adhibendi talem
 modum si velit operari, atque hoc to-
 tum explicetur dicendo exemp. grat.
*Sillogismus in Barbara est ita tibi facien-
 dus.* Hæc enim sententia reijcitur pri-
 mo, quia Arist. 1. Topic. cap. 9. affert pro
 exemplo problematis practici: *utrum vo-
 luptas sit fugienda*; ergo aliqua cognitio
 per Arist. est practica, cum tamen per il-
 lam non dicatur, quoad ultimas circū-
 stantias, & modum, voluptas esse ita mi-
 hi, & tali répore &c. fugienda. Secun-
 do hæc sententia procedit ex falso fun-
 damento, supponit enim, cognitionem
 practicam esse illam, quæ est ultima ex
 parte intellectus, ad hoc ut homo di-
 catur

catur completè potens operari, hoc autem est falsum, tum ex Arist. suprà citato distinguente cognitionem, & intellectum practicum à speculatiuo, non per hoc, quod gratis hæc sententia assumit, sed per finem operis, qui potest intèdi ab aliqua operatione, etiam non ultimò dirigente ad opus. Tum etiam, quia dantur tam in prudentia, quàm in arte præcepta vniuersalia, quæ neque modum, neque ultimas circumstantiàs explicant, neque possunt immediatè dirigere ad opus, nisi illis aliæ cognitiones practicæ de obiecto in singulari subnectantur.

Et vt vno verbo omnes alias sententias reiiciamus. Omne ens, vtpote, verum, est speculabile, ideòque modus, ultimæ circumstantiæ, debitum, convenientia, & quidquid volueris, sunt obiecta speculabilia, cognoscibilia scilicet per cognitionem habentem pro fine non opus, sed illorum veritatem, ergo superest assignandum quid peculiare habeat cognitio practica, quæ attingat, hæc obiecta non gratia veritatis, sed operis.

SECTIO SECVNDA.

*Proponitur nostra sententia de
Cognitione practica.*

1 **C**VM, quælibet cognitio cõstitua-
tur in suo esse, & distinguatur
ab alia cognitione, vel per obiectũ, quod
attingit, vel per modum tendendi, quo
illud attingit, cognitio practica, vel per
vtrumque, vel per alterutrum ex his
differre potest à speculatiua; atqui non
per obiectum, vt probauimus, cum
nullum sit obiectum, cuius entitas,
ideòque cuius veritas, non sit gratia sui
cognoscibilis, & speculabilis, ergo di-
cendum erit cognitionem practicam
differre à speculatiua ex modo ten-
dendi.

2 Modum ergo tendendi constitu-
tuum cognitionis practicæ dicimus
esse modum tendendi præceptiuũ, quod
probatur primo ex Arist. 6. ethic. cap.
10. vbi ait: *Prudentia præceptiua est, quid
enim agendum, aut non agendum sit, finis est
ipsius.* Hæc autem Arist. illatio, non ef-
fet bona, nisi vniuersaliter supponeret,
quod

quod omnis habitus habens pro fine, opus sit præceptiuus. Secundò, quia modus tendendi præceptiuus, qui explicari solet per voces *fac hoc, vel faciendum est hoc*, non est nobis datus à natura, nisi propter opus. Cum enim tota veritas, quam in se continet cognitio præceptiua, haberi possit per iudicium aliquo alio modo tendens, talis modus præceptiuus, quo illum exprimimus datus est nobis merè ad hoc, vt vel nos, vel alios moueremus ad opus. Hinc quoties mouere efficaciter volumus ad opus, vtimur præcepto. Cum ergo modus tendendi præceptiuus non sit nobis datus à natura, nisi propter opus, cognitio præceptiua præscindendo ab omni actu voluntatis, & ab alio quocumque, habebit de se peculiari modo pro fine opus, quod non competit cognitioni seculari. Tertiò, nemo est qui neget præceptum esse de se propter opus, etiamsi qui hìc, & nunc opus præcipit, illud nolit. Hinc cognitiones synderesis, etiam si nolimus opus, quod dictant, sunt practicae, quia institutum est à natura, vt illæ in nobis insurgant propter opus. Demum de vtroque habitu intellectus practici Prudentia, scilicet, & Arte dicimus quod sint practici

ctici, quia sunt præceptiui. Accedit auctoritas S. Thomæ, qui 1.2. quæst. 57. art.6. sic ait: *circa agibilia autem humana tres actus rationis inueniuntur, quorum primus est consiliari, secundus indicare tertius est precipere. Primi autem duo respondent actibus intellectus speculatiui, qui sunt inquirere, & indicare, sed tertius actus est propriè intellectus practici.* Ergo ex S.Thoma idem est esse practicum, ac esse præceptiuum.

3 Quod si quæras quid sit modus tendendi præceptiuus. Respondeo primò hoc satis per experientiam innotescere, sicuti satis innotescit modus tendendi disrunctiuus, compositiuus, quos si volueris explicare, potius implicabis. Adhuc tamè dici secūdò potest cognitionē præceptiuā esse cognitionē intimationā, per quā .s.cognoscēs, vel alteri, vel sibi intimet id, quod per iudiciū speculatiuū indicauit de rebus, vel pertinentibus, vel præscindentibus ab honestate. Per hanc enim intimationem redditur dispositus ad opus. Quamuis autem admittatur sine cognitione formaliter præceptiua, posse cognoscentem disponi ad opus, non aliter ac seruus sine formali præcepto Domini ex mera cognitione, vel voluntatis Domini, vel ali-

alicuius utilitatis, quæ Domino ex tali opere resultat, moueri potest ad illud exequendum: huiusmodi tamen cognitiones non præceptiuæ non habent de se quidquam peculiare, ratione cuius præsciundo ab omni extrinseco, possint habere pro fine opus.

4. Ex his inferimus primò: meritò dici, quod intellectus extensione fiat practicus, quia quandiu consultat, quandiu de consultatis iudicat est speculatiuus; eatenus autem fit practicus, quatenus se extendit ad præcipiendum id de quo speculatiuè consultauit, & iudicauit. Secundò rationem præceptiui, & practici non consistere in indiuisibili, sed fieri posse vel per modum tendendi magis dispositiuum ad opus, & cum quadam motione, quæ explicatur per illas voces *fac hoc*, vel fine tali motione, & explicari solet per illas alias *faciendum est hoc*; vtraque tamen ex his cognitionibus est practica, vtpote elicta per modum tendendi non datum nobis à natura, nisi propter opus. Tertiò, Neutra ex his cognitionibus de practica transire potest in speculatiuam, cum vtraque de sua essentia habeat talem modum peculiare tendendi. Quarto, benè ab Arist. 6. moral. cap. 2. dicitur

tur *Activa*, & *cogitativa* opus est *veritas*, tam enim ab habitu practico, quam à speculativo dicitur cognitio vera; sed cū hoc bene stat, quod respectu vnius habitus, finis sit sola veritas cognitionis, respectu autem alterius, opus quod præcipit, vt alibi Philosophus docuerat. Rectè etiam dicitur speculativa esse de rebus necessarijs, practica de contingentibus, illa enim habet pro fine veritatem necessariam, hæc verò opus contingens. Demum iuxta nostrā explicationem dantur in Deo cognitiones practicae præscindendo à volitione de ponendo operē, quia dantur in illo cognitiones habentes omnem perfectionem disponendi ad opus, quam habent nostræ cognitiones practicae seclusis imperfectionibus.

SECTIO TERTIA.

Statuitur, cognitiones omnes proprias Logicæ esse practicas.

1 **Q**UOD hæ, vel illæ cognitiones sint propriae huius vel illius sciētiae, licet partialiter habeatur ratione

le alicuius intrinseci fundamēti in ipsis
 cognitionibus, habetur tamen tanquā
 ab ultimo determinat ex placito pri-
 morum Sapientum, qui tali potius fun-
 damento, quam alio ad talem scien-
 tiarum diuisionem instituendā vti vo-
 uerunt, vt melius constabit, vbi de di-
 uisione scientiarum. Sic quod diuisio
 Orbis terrarum facta fuerit in Europā,
 Asiam &c. habetur quidem cum ali-
 quo intrinseco fundamento talium
 montium, fluminum, Principum &c.
 Tamen, quod hoc potius fundamento,
 quam alio vti voluerint primi diuidē-
 tes, fuit ex eorum placito. Sicut ergo
 si quis scire vellet, vtrum hæc Ciuitas
 sit propria Asiæ, vel Africæ, deberet spe-
 ctare diuisionem factam à primis diui-
 dentibus, ita dum quærimus vtrum
 aliqua cognitio speculatiua sit propria
 Logicæ spectare debemus diuisionem
 primorum Sapientum, & ex illa colli-
 gere, vtrum omnes cognitiones specu-
 latiue assignatæ fuerint tanquam pro-
 priæ alijs scientijs, & Logica relictæ
 cum solis cognitionibus instrumentali-
 bus præceptiuis, & practicis.

2 Porro diuisio cognitionum spe-
 culatiuarum quomodo fuerit facta à
 Sapientibus, non melius potest nobis
 inno-



innotescere, quā ab Arist. Philosophorū Principe. Hic ergo 6. met. tex. 3. ait. *Tres utique erunt Speculativa Philosophica, Mathematica, Naturalis, Theologia*, ergo cognitiones scientificę speculatiuę fuerunt diuisę in tria aggregata, seu scientias totales, ita ut nulla sit cognitio speculatiua, quę non sit propria, vel Mathematicę, vel Naturalis, seu Physicę, vel Theologię, hoc est Metaphysicę; aliter diuisio non esset bona. Sicut enim diuisio orbis terrarum in quatuor partes, ideò est bona, quia nihil est Terrę, quod propriè ad vnā ex illis partibus non pertineat; ita ad hoc, ut sit bona diuisio Speculatiuę Philosophię nulla debet esse cognitio Speculatiua, quę non sit propria vnus ex his tribus Scientijs. Nō quod de facto, ita exerceatur hę tres scientię Speculatiuę, ut qui illas possidēt, habere debeant omnes cognitiones Speculatiuas, quę possunt haberi, hoc enim naturę imbecillitati est difficile, sed quod quęcunque cognitio Speculatiua obtineatur, referri statim tanquā propria debet ad vnā ex his scientijs. Sic Princeps, qui esset Dominus totius Europę, licet aliquam regionem spectantem ad suū dominatum non nosset, ubi tamen illam detegeret, statim illam tan-

tanquam sibi debitam iure assumeret. Nulla ergo superest cognitio Speculatiua, quæ sit propria Logicæ. Sed quotquot huiusmodi habet, assumit vel ab aliqua scientia Speculatiua, vel ab habitu primorum principiorum.

3 Dices Aristotelē noluisse cōprehendere quidquid est speculatiuum. Sed contra, quia quoties diuidens aliud nō exprimit, tunc vt eius diuisio sit bona debet comprehendere quidquid participat rationem diuisi; aliàs dicam diuisionem animalis in marinum, & pēnatum esse bonam, quia diuidens voluit comprehendere quidquid est animal. Eodē modo respondebo si dixeris Aristotelē diuidisse sciētias totaliter speculatiuas, vel scientias solum reales, nō rationales, qualis est Logica, debuisset enim hoc exprimere, & non assumere diuidendam Philosophiam Speculatiuam vt sic. Præterea quia præter Mathematicam practicam, datur etiam Speculatiua, Arist. inter Speculatiuas numerauit Mathematicam, ita si præter Logicam practicam daretur Speculatiua fuisset ab Arist. recensita.

4 Præterea Logica Aristotelica, de qua loquimur, est instrumentum, ergo est propter opus, quod si dicas non esse

se totaliter instrumentum , tuum erit hoc probare; quod nunquam efficies. Semper enim dicam intentionem Arist. in instituenda Logica fuisse solum formare Organum, & præcepta, ad quod ubi opus fuit, assumpsit mutuas à scientijs , vel ab habitu principiorum aliquas veritates speculatiuas . Demum, nulla est cognitio Speculatiua, quæ ratione obiecti , quod habet non comprehendatur sub obiecto alicuius ex tribus illis scientijs Speculatiuis.

5 Quamuis autem Logica sit totaliter practica , poterit tamen aliqualiter probare sua præcepta, quantum ad rationem artis requirit Arist. hoc enim potest à Logica fieri modo practico, & præceptiuo , ac per terminos proprios artis, sicuti à Philosophia exactior probatio fit modo Speculatiuo . Assumere etiam poterit Logica , vel supponere ex habitu primorum principiorum , & ex Philosophico quidquid speculatiui ad suorum præceptorum probationem opus erit . Quare dum in qualibet arte communiter dicitur dari pars practica, & pars speculatiua, nomine partis speculatiuæ possunt intelligi vel præcepta vniuersalia, quæ tamen vere sunt practica, vel probationes præceptorum, quæ

quæ pariter factæ modo practico exactè loquendo sunt etiam ipsæ practicæ. Vel denum si qua erit pars verè speculatiua, hæc desumpta erit à Philosophia. Hinc neque cognitiones, per quas artes reflectunt supra opus à se factum, erunt speculatiuæ; cū non eliciantur ab artibus, nisi propter opus vel retinendum, vel immutandum.

6 Dices Logica habet pro fine veritatem, cū intendat rectas, & veras operationes intellectus, ergo est Scientia speculatiua. Respondeo habitus speculatiuos habere pro fine veritatem, cognitionum immediatè à se elictarum; cū è contra habitus Logicæ, ideò sit practicus, quia non habet pro fine veritatem suorum præceptorum, quæ immediatè elicit, sed veritatem actuum, directorum per præcepta.

7 Infertur ex dictis primò, logicam esse scientiam, quia eius præcepta sunt certa, & euidentiā probata per suas causas practico modo ab ipsa logica; à Philosophia autem modo speculatiuo, & magis exacto. Sicut enim non omnes scientiæ æqualem exigunt certitudinem, ita ad rationem scientiæ practicæ, qualis est logica, non erit necesse, quod ab ipsa etiam logica exactissimè probentur

B sua

fua præcepta . Porro de obiectis artium dari potest vera scientia , cum de entibus, etiam per accidens complexis certo scire possimus , quod si taliter coalescant , hoc , vel illud ex illis oriatur . Inferitur secundo; logicam non esse partem Philosophiæ, si nomine Philosophie veniant solum scientiæ speculatiuæ , in latiori verò acceptione poterit esse pars, & instrumentum corporis .

CAPVT TERTIVM.

De Obiecto Logica.

SECTIO PRIMA .

*Quid, & quotuplex sit
Obiectum.*

Objecti nomine significatur id, quod obijcitur , & proponitur, vel facultati speculatiuæ, vt merè considerandum ; vel practicæ , vt efficiendum , & immutandum . Aliud est *communis*, quod obijcitur tanquam quomodocunque considerandum, aut efficiendum : Aliud est *attributionis*, quod obijcitur tanquam per se considerandum , aut effi-

efficiendum . Hinc in practicis habentibus pro fine opus , obiectum attributionis erit finis artis . Obiectum enim , quod per se ars efficit, vel immutat, erit opus , quod tanquam finem per se ars intēdit, & in ordine ad quod alia omnia ordinat tanquam media . Illud autem opus dicendū est per se intendi ab arte, quod intenditur ab artifice, non vt homo liber est, sed vt artifex est . In speculatiuis non est idem obiectum attributionis , & finis ; cum enim habeant pro finē veritatem, finis illarum erit vera cognitio; obiectum verò erit id, circa quod versantur illę verę cognitiones, quę per se à tali scientia speculatiua intenduntur .

2 Obiectum attributionis aliud est totale, totum videlicet , quod à facultate aliqua per se intenditur; aliud partiale, quod nimirum est pars illius, quod per se intenditur , sed talis pars , quę etiam de se accepta per se intendatur . Nam lapides v.g. sunt quidem pars domus , quę est obiectum attributionis ædificatorię, sed non propterea sunt obiectum partiale ædificatorię, sicuti est v. g. cubiculum domus respectu ædificatorię; & sanitas capitis respectu medicinę, cum etiam prout tales partes sunt

intendantur per se. Licet autem obiectū partiale ordinetur ad totum tanquam pars, quia tamen non ordinatur tanquam medium ad finem, sed tanquam pars ad totum, ideò participat rationem obiecti attributionis.

3 Rursus Obiectum attributionis aliud est materiale, aliud formale. Ratio autem obiecti formalis non consistit in hoc, quod obiectum materiale sit commune pluribus artibus, formale verò proprium vnius, à quo propterea ars speciem desumat. Nam sicuti dantur artes diuersæ, quæ non differunt ratione obiecti materialis, sed formalis, ita dantur artes diuersæ, quæ non differunt ratione obiecti formalis, sed materialis; ideoque non possunt multæ artes ab alijs differre, nisi ratione obiecti materialis simul, & formalis simul accepti. Melius ergo dicetur obiectum materiale artiū esse illud, in quod Physicè, vel Metaphysicè præsuppositum inducitur forma artis. Dixi *Physicè, vel Metaphysicè præsuppositum*; quia aliquando in artibus assignatur obiectum materiale physicè distinctum, & physicè recipiens formam artis: aliquando non distinctum, nisi formaliter, & metaphysicè.

4 Sed

4 Sed difficultas ex hoc oritur, quando in artibus assignandū sit obiectū materiale distinctū physicè; quādo verò distinctum solum Metaphysicè . Dicunt aliqui in artibus requirentibus peculiaris præcepta pro subiecto, in quod inducenda est forma artis, assignandum esse subiectum physicum, secus in alijs. Sed contrā primò, quia hoc, quod est dari, vel non dari præcepta de aliquo, impertinenter se habet ad hoc, ut illud assignetur, vel non assignetur pro obiecto attributionis in aliqua arte . Cum enim illud sit assignandum pro obiecto attributionis, quod est finis artis, possunt dari præcepta de aliquo, quod non habeat rationem finis, ut de facto accidit in Medicina dante præcepta de purgando aëre, componendo pharmaco, quæ sunt pura media . E contrā de eo, quod est finis nulla sæpe dantur præcepta, eo quod positis medijs, quæ immediate per præcepta diriguntur, necessario finis, & opus artis sequatur . Contra secundò, quia in pictura dantur præcepta de modo, quo bene imprimi debeant colores in tabula, vel pariete, & diuersa hæc subiecta peculiarem afferunt difficultatem non superabilem, nisi ab eo, qui nouit talia præcepta,

cepta, & tamen in pictura, neque paries, neque tabula habent rationem obiecti attributionis, quia habent merè rationem mediij; eò quod si haberentur colores bene dispositi sine tabula, & pariete, nihil de his pictura curaret. Similiter Musica indiget peculiaribus præceptis, vt in hoc, vel illo loco latiori, vel angustiori bene temperetur vox; & tamen locus, in quo canitur non est obiectum Musicæ.

5 Meliorem ergo, & vniuersalem pro hac re regulam assignabimus deductam ab intrinseca ratione obiecti attributionis & finis, si dicamus ab aliquibus artibus non intendi per se, nisi talem formam præscindendo à subiecto; ab alijs verò intendi formam prout in tali subiecto, ideòque in artibus, quæ intendunt per se formam prout receptam in tali subiecto physico melius assignari tale subiectū physicum pro obiecto materiali, & formam physicè aduenientem pro formali. In artibus verò, quæ intendunt formam præcisè prout talem, siue tandem sit in hoc, siue in illo subiecto, assignari congruentius pro obiecto materiali rationem cōmunem talis formæ, & rectitudinem pro formali. Ratio huius est, quia sicuti in
arti-

artibus secundi generis, si assignemus subiectum physicum, assignamus in obiecto attributionis, & siue aliquid, quod non habet rationem finis; ita in artibus primi generis non assignantes subiectum physicum, quod habet rationem finis, non assignamus integrum finem, sed solum partem, quod fieri non debet, præsertim in artibus; in quibus utpote non procedentibus per multas abstractiones, non est cur non assignemus subiectum physicum, quando hoc, cæteroqui habet rationem finis.

SECTIO SECVNDA.

Infertur Obiectum Materiale Logicæ.

EX dictis inferimus primò obiectū materiale attributionis in Logica non esse res omnes, circa quas versantur operationes intellectus, quia Logica non intendit per se perfectionem rerum, sed intellectus; neque enim curat, quod res sint, & denominetur bene cognitæ, sed quod intellectus sit bene cognoscens. Hinc quando in prædicamentis Logica ruditer agit de rebus omnibus, hoc non facit intendens perfectionē rerum, sed intellectus. **Quam-**

uis autem res sint obiectum scientiarum, non tamen sunt obiectum Logicæ, quæ est instrumentum scientiarum; idem enim est finis Logicæ, & scientiarum, cum idem sit finis instrumenti, & principalis. Non verò idem est obiectum Logicæ, & scientiarum, quia in scientijs, vt supra diximus, non est idem finis, & obiectum: sed obiectum est id, circa quod per se versantur cognitiones illæ, quas scientiæ habent pro fine. Neque obstat, quod veritas, quæ est finis Logicæ constituatur partialiter per res, cum quibus cognitio vera conformatur. Quia finis Logicæ est veritas, solum secundum, quod veritas importat in recto, & ex parte intellectus. Sic statuarum vult similitudinem suæ statuæ cum Cæsare v. g. non secundum quod hæc similitudo dicit in obliquo, sed supposita existentia Cæsaris, de qua statuarum non curat, vult deinde in sua statua similitudinem, secundum quod similitudo dicit in recto, & ex parte ipsius statuæ. Dispar tamen est ratio in fine hominis supernaturali, hic enim non est sola visio Dei, sed etiam Deus visus, quia ipsa visio intenditur à Beatis propter Deum amatum, in ordine ad quem sua bona omnia Beatus dirigit.

2 Inferimus voces externas non esse obiectum attributionis in Logica, quia de non intendit illas perficere, & sensus vocibus, habitaque sola perfectione: intellectus per conceptus internos, Logica est contenta, cum non utatur Logica vocibus externis, nisi per accidens, & in ordine ad voces, seu conceptus internos, quibus tantum constant, per se loquendo, opera Logicæ.

3 Inferimus præterea neque Ens rationis Metaphysicum, neque Logicum esse obiectum attributionis in Logica; non Metaphysicum, quia pertinet ad Metaphysicam. Non Logicum, quia ens rationis Logicum acceptum materialiter sunt res, quas ab obiecto Logicæ, iam reiecimus: acceptum verò formaliter est ipsa cognitio, non prout perficit intellectum, sed prout denominat res cognitæ. Cognitio autem accepta sub hac consideratione non intenditur per se à Logica, quæ ut instrumentum scientiarum vult cognitiones rectas, non quatenus hæ denominant obiectum rectè cognitum, sed quatenus perficiunt intellectum. Quod si Ens rationis Logicum constitui dixeris per relationem rationis, præterquam quod hoc est falsum, adhuc tamen, sicuti ad Logicam

non per se pertinet Ens rationis metaphysicum, ita nec huiusmodi relationes rationis ad illam per se spectabunt.

4. Supereft ergo, vt assignetur, vel intellectus humanus, seu Anima prout potens intelligere, si intellectus supponatur ab Anima indistinctus; vel ratio communis operationum intellectus. Sed ex dictis inferimus melius assignari intellectum humanum, prout perfectibile per rectas operationes. Tunc enim, vt diximus, melius assignatur pro obiecto materiali alicuius artis subiectum physicum, quando à tali arte intenditur forma, prout in tali subiecto; sed ita se res habet in Logica, ergo &c. Minor probatur, illud per se intenditur ab instrumento, vt instrumentum est, quod per se intenditur à principali; sed Logica est instrumentum habituum scientificorum, ergo illud per se intenditur à Logica, quod per se intenditur ab habitibus scientificis. Sed habitus scientifici per se intendunt cognitiones veras, non quomodocumque existentes in mundo, sed prout perficientes intellectum; ergo etiam Logica hoc modo illas intendit. Minor subsumpta eodem principio probatur. Illud enim per se intendunt habitus scientifici, quod per se

se intendit sciens, respectu cuius habitus sunt instrumentum; sciens autem intendit cognitiones veras, prout per illas ipse sciens perficitur, & fit possessor veritatis. Hinc ex Aristotele initio Met. Homines scire desiderant. Scire autem non est dari quomodocumque scientiā, sed habere, & possidere scientiam, & per illam perfici. Confirmatur quia Philosophia moralis intendit operationes honestas prout perficientes, & felicitantes hominem, homo bene assignatur pro illius obiecto ex S. Thoma initio Ethicorum, ergo &c.

¶ Non tamen eodem modo assignamus totum hominem pro obiecto materiali Logicæ, sicuti assignatur in Philosophia morali, quia hæc intendit formaliter perficere totum hominem, per omnes eius operationes honestas, tam internas, quam externas. At in Logica sicuti, assignantes intellectum, assignamus totum id, quod Logica per se intendit formaliter perficere: ita non bene assignaremus totum hominem, quia assignaremus plusquam id, quod per se Logica intendit formaliter perficere. Neque dicas à Logica intendi perfectionem intellectus; prout in homine, seu prout intellectus inexistit in homi-

ne tanquam illius pars. Disparitas enim est quia inexistencia intellectus in homine non est opus Logicæ, sicut operatio recta prout existens in intellectu est opus factum per Logicam, cum dependenter à præceptis inducatur in intellectum. hæc operatio recta loco operationis prauæ. Quare cum obiectum, & finis proximus arti debeat esse opus ipsius artis, non debet assignari pro obiecto Logicæ totus homo, sed solus intellectus perfectus, qui est opus proximum factum, & intentum per se à Logica. In hoc autem opere facto per Logicam distinguimus deinde operationem rectam, quæ est forma artis, & intellectum, in quem tanquam in subiectum per se proximè intentum, inducitur à Logica talis forma.

6 Dices sequi ex dictis quod obiectum omnium artium sit intellectus, cum hic per omnes artes perficiatur. Sed contra est, quia aliæ artes non perficiunt intellectum, nisi formaliter per se ipsas, hoc est per sua præcepta, & per suos habitus; ac Logica non solum hoc modo perficit intellectum: sed illum præterea perficit per opus factum dependenter à talibus præceptis, ideòque intellectus à talibus præceptis Logicæ per se perfectus, est eorum obiectum.

7 Dices iterum in omnibus artibus assignandum esse pro obiecto hominem, cum omnes artes sint per se institutæ propter utilitatem hominis, tanquam propter finem. Sed contra, quia obiectum in artibus non est finis *cuius gratia*, qualis est homo respectu omnium artium, sed finis *qui*, hoc est opus illud, quod per se intendit ars efficere; finis autem *qui* in Logica est Intellectus per rectas operationes perfectus, qui deinde ad hominem, tanquam ad finem *cuius gratia* ordinatur. In Philosophia verò morali homo per honestas operationes perfectus, est finis *qui*, & idem homo est finis *cuius gratia*, quia à Philosophia morali perficitur in utilitatē ipsius hominis.

SECTIO TERTIA.

Quodnam sit obiectum formale attributionis in Logica.

1 **C**VM intellectus sit obiectum materiale, recta intellectus operatio, utpote forma, quæ in intellectum per Logicam inducitur, erit obiectum formale Logicæ, sed difficultas est, utrum tam prima, quàm secunda, & tertia ope-

operatio recta, & in quacumque materia participant rationem obiecti attributionis, & finis, an verò aliqua ex illis intendatur à Logica merè tãquam medium in ordine ad rectitudinem aliarũ. Verũ eodem vtentes principio, dicimus illam operationem rectam intendi per se à Logica, quæ per se intenditur à scientijs, cuius Logica est instrumentum. Pro qua re decernendum prius est, quarum scientiarum per se loquendo Logica sit instrumentum.

2. Primò ergo non videtur posse dici, Logicam esse instrumentum scientiarum in strictissima solũ acceptione; quia cognitiones demonstratiuæ, strictèque scientificæ, sunt paucissimæ, nec indigentes multa Logica: Cognitiones autem, vel nõ adedò euidenter certæ, vel solũ probabiles, & non solũ speculatiuæ, sed etiam practicæ sunt plurimæ, & multæ ex illis valde expetibiles, adedò vt ex Aristotele veritates probabiles de rebus diuinis sint expetibiliores multis veritatibus euidentibus de rebus humanis; & ad istas, vtpote maiori periculo errandi expositas, opus maximè est Logica; ergo non debemus dicere Logicam fuisse per se institutam, solũ propter modicã vtilitatem paucissi-

ciffimarum cognitionum ftrictè fcienc-
tificarum, fed etiam propter vtilitatem,
& neceffitatem longè maiorem fcienc-
tiarum in latiori acceptione .

3 Ex hoc autem fit, quod, cum non
fit maior ratio, cur dicatur Logica fuiſſe
per ſe inſtituta , vt eſſet inſtrumentum
huius potius ſcientiæ, quàm illius; me-
ritò dici poſſit, eam eſſe inſtrumentum
per ſe omnium ſcientiarum , & omniũ
habituum, quibus competit ratio ſcien-
tiæ. Accedit communis locutio, & ſen-
ſus omnium Philoſophorum abſolutè
appellantium Logicam inſtrumentum
ſcientiarum, & exiſtimantium, Logicam
per ſe deſeruire non modò ſcientijs ſpe-
culatiuis , ſed etiam practicis .

5 Porro nomen , & ratio ſcientiæ
competit , non modò habitibus diſcur-
ſiuis ſpeculatiuis , ſed etiam practicis
Ariſtotel. enim primo Met. tex. primo.
Omnes artes vocat ſcientias. Imò ratio
ſcientiæ competit etiam habitui intelle-
ctus , ſeu primorum principiorum .
Ariſtoteles enim primo Poſt. cap. 3. illum
appellat ſcientiam immediatorem indemon-
ſtrabilem , ergo tam ſecunda , quàm
tertia operatio recta , tam practica ,
quàm ſpeculatiua intenditur per ſe à
ſcientijs, & per conſequens etiam à Lo-
gica ,

gica, à qua pariter intenduntur non solum in materia strictè scientifica, sed etiam probabilis; cum ut vidimus, propter veritates probabiles debuerit peculiari iure institui Logica. Quod si veritates probabiles re ipsa aliquando sunt falsitates, adhuc tamen hæ per se expecti possunt à Logica, sicuti expectuntur per se à scientijs. Quia cum in hac vita non nisi paucissima possimus euidenter scire, melius fuit per se expetere aliquid, quod aliquando potest afferre, aliquam falsitatem, quàm manere in perpetua ignorantia. Præterea in scientijs prout nunc exercentur, & traduntur ab Aristotele, sunt plurimæ veritates solum probabiles, ergo hæ aliquo modo intenduntur ab ipsis scientijs, sed non ut medium, & in ordine ad veritates demonstratiuas, quia ex probabilibus partialiter quidem potest sequi euidentius, ergo intenduntur per se, ergo si earum bonitas, licet exposita falsitati intenditur per se à scientijs, etiam per se à Logica.

5 Dices si Logica esset instrumentum Prudentiæ, & Artium haberet pro fine finem prudentiæ, & artium, cum idem sit finis instrumenti, & principalis; hoc autem est falsum, cum finis Logicæ sit
sola

sola veritas, non opus artis . Sed contra est , quia Logica est instrumentum prudentiæ , & artium in ordine solum ad actus elicitos intentionales prudentiæ , & artium ; non verò in ordine etiam ad actus externos , & directos . Sicut autem finis habituum intentionaliū , vt intentionales sunt, est veritas , ita eadem veritas est finis Logicæ ; quæ est illorum instrumentum , in ordine ad eliciendam veritatem practicam ; non verò in ordine ad opus directum per præcepta .

6 Adde à Logica expeti per se secundam, & tertiam operationem rectam etiam in materia sophistica . Materia enim sophistica est materia apta ad decipiendum intellectum , vel ergo circa talem materiam intellectus decipitur , & errat , vel non ; si errat , talis error vtpote operatio praua nullo modo, neque per accidens, intenderetur à Logica . Quod si intellectus circa materiam sophisticam bene operatur , talis operatio recta, erit per se intenta à Logica intendente per se omnem rectitudinem , & veritatem secundæ , & tertiæ operationis , vel euentem , vel probabilem . Quod verò materia, circa quam versatur talis operatio recta sit materia dispositi-

spofita ad decipiendum, non facit, quod Logica dum detegit fallacias, & bene operatur non aflequatur, & quidem, maiori cum laude finem fuum; ficuti, quod Medicina verſetur circa morbum malignum, & oculum, non facit quominus per illius ſanitatem non aflequatur, & maiori cum laude ſuum finem. Tam ergo ſecunda, quàm tertia operatio recta, tam practica, quàm ſpeculativa, tam in materia ſcientifica, quàm probabili; & ſophiſtica, cum per ſe intendatur à ſcientijs, per ſe etiam intendetur à Logica.

7 Non tamen propterea aſſerimus omnem ſecundam operationem rectam participare rationem obiecti formalis attributionis, quia non omnis ſecunda operatio eſt dirigibilis per Logicam, cum aliquæ de obiecto per ſe noto ita ſint rectæ, ut non potuerint eſſe prauæ. Solùm ergo illæ ſunt pars obiecti formalis Logicæ, quæ per Logicam poſſunt dirigi. Neque verò bonum, quod habetur ex bona definitione, vel diuiſione per iudicium applicata definito, vel diuiſo eſt bonum ita modicum, ut non debeat à Logica per ſe intendi. Nam primò non eſt modicum bonum intellectus ſcire per definitiones naturas rerum,

rum , & per diuisionem quot , ac quibus aliquid conueniat. Secundo etiam si hoc effet modicum bonum, adhuc posset secunda operatio recta esse obiectum parziale , sicuti respectu Medicinæ est obiectum parziale sanitas alicuius minimæ partis corporis .

8 Dices veritatem non possideri perfectè, nisi per terciã operationem; ideòque hanc solùm debere esse obiectum formale Logicæ. Sed contrà primò, quia Deus cognoscens perfectissimè omnem veritatem , non cognoscit illam per discursum. Contrà secundò, quia etiam id quod minorem continet bonitatem , potest per se intendi: sic sanitas partium non vitalium continens minorem expectabilitatem , quàm sanitas partium vitalium, adhuc per se intenditur à medicina , & sicuti finis partialis Medicinæ est sanitas alicuius partis ignobilioris corporis, licet vltimò non sistat, nisi habita sanitate totius corporis, ita quamuis Logica non sisteret vltimo, nisi habita perfectione terciæ operationis , adhuc tamen posset partialiter sistere in secunda. tanquam in parte sui finis totalis .

Prima operatio intellectus nullo modo participat rationem obiecti formalis

lis attributionis in Logica, quia eius re-
 stitudo non participat rationem finis
 respectu Logicae, cum neque partialiter
 intendatur per se ab vlla scientia, etiam
 late dicta; & sanè sicuti ostendentes fi-
 nem acquisitum per scientias, ostendi-
 mus ad minimum propositiones, ita
 ridiculus censeretur, qui loco finis etià
 partialis scientiarum, diceret se aquisi-
 visse bene ordinatas apprehensiones.
 Prima ergo operatio recta habet ratio-
 nem puri mediij, cum è contra secun-
 da, licet ordinetur ad tertiam, adhuc
 tamen præscindendo ab hoc ordine sit
 per se expectabilis.

9 Dices in prima operatione recta
 esse veritatem radicalem. Sed contra
 est, quia etiam in pharmaco est sanitas
 radicalis, & tamen pharmacum non
 participat rationem finis respectu Me-
 dicinae, ergo neque ista veritas radica-
 lis, neque aliud, quomodocumque ex-
 plicetur, habet rationem finis respectu
 Logicae, cum rationem finis non habeat
 respectu scientiarum. Quod si Aristo-
 teles de prima etiam operatione tradi-
 dit præcepta, hoc non probat, quod
 propterea debeat habere rationem obie-
 cti attributionis, quia etiam de purè
 medijs tradi possunt præcepta, & datur
 finis

finis alicuius artis , de quo immediate nulla tradantur præcepta .

10 Pariter nullo modo sunt obiectū formale attributionis in Logica operationes rectæ prout directiuæ aliarum, per modum ideæ. Hæc enim prout ideæ non intenduntur, nisi tanquam mediū. Neque dicas Logicam esse artem conficiens instrumenta, sicuti est frænifactoria respectu equestris , hoc enim est falsū. Nam Logica non est ars conficiens instrumenta, sed ipsa est instrumentum scientiarū, de ratione autem instrumenti est cōcurrere simul cum principali ad opus, & habere pro fine idē opus, quod per se intenditur à principali. Quod si Logica conficit aliqua instrumenta, & ideas syllogismorū; has, prout ideæ sunt, non intendit per se. Dixi *prout ideæ sunt*, quia quatenus etiam hi syllogismi ideales continent aliquam veritatem, intenduntur per se à Logica, sicuti intenduntur per se à scientia illa, ad quam pertinet obiectum illud, quod est materia talium syllogismorum.

11 Hinc Logica non est habitus progymnasticus, seu præexercitatorius, sicuti est lanistica respectu militaris, quia Logica non sistit in operationibus factis, in materia ficta, sicuti sistit lanistica, sed

sed habet per sua præcepta concurrere cum scientijs illuminando intellectum ad operationes rectas in materia vera.

12 Ex hucusque dictis inferitur adæquatum, & integrum obiectum attributionis in Logica constans ex materiali, & formali, esse intellectum humanum, ut dirigibilem, seu perfectibilem per secundam, & tertiam operationem rectam tam practicam, quam speculatiuam, tam in materia necessaria, quam probabili, & sophistica. Dixi, *ut dirigibilem, seu perfectibilem*, ut ostendatur capacitas in obiecto materiali ad recipiendum formale dependenter à Logica.

CAPVT QVARTVM.

*Vtrum Logica sit Virtus
Intellectualis.*

SECTIO PRIMA.

*Quid requiratur ad rationem
virtutis intellectualis.*

1 **V**irtus definitur ab Aristotele secundo Ethic. cap. 6. *Habens ex quo,*

*Et bonus homo ipse efficietur . Et bene opus
suum reddet .* Ex quo formata est com-
munis definitio virtutis , qua dicitur ,
virtus esse quæ bonum facit habentem ,
& opus eius reddit bonum . Ideoque
quando præterea dicitur opus virtutis
debere esse optimum , intelligendum est
de optimo non simpliciter , sed secun-
dum quid ; cum verò in habitibus pra-
cticis duplex sit inuenire opus , aliud
immediatè elicited ab habitu ; aliud
verò directum ab actu , quem habitus
immediatè elicit . Dubitatur vtrum ad
rationem virtutis sit satis , quod solum
opus immediatè elicited sit bonum .
Sed respondendum est affirmatiue , pri-
mò quia opus directum non est opus
habitus , sed est opus operis . Secundò ,
quia allata virtutis definitio est commu-
nis cuicumque habitui , etiam specula-
tius , cui cõuenit ratio virtutis per hoc
præcisè , quod opus ad quod immédia-
tè disponit sit bonum intellectus . Ter-
tiò quia habitus scientiæ speculatiuæ est
virtus , & tamen ex speculatione sequi
potest malum aliquod speculanti , ex eò
quod eius valerudini noceat . Simili-
ter ars pingendi eò est perfectior virtus
intellectualis , quò dependenter ab eius
veris præceptis fit pictura magis deci-
piens

piens oculos , & intellectum .

2 Ratio autem à priori cur ad rationem virtutis intellectualis nō requiratur bonitas actuum directorum est , quia si habitus immediatè disponit ad vera præcepta, disponit absolutè, & simpliciter ad tale bonum intellectus, quod non habet necessariam connexionem, cum vlllo malo , quod dependenter à talibus præceptis fieri potest ; ergo si deinde aliquod malum dependenter ab illis fit , tota malitia refundenda est in voluntatem liberè vtentem talibus præceptis ad malum . Hinc meritò à Sancto Augustino definitur Virtus bona, *qualitas mentis, qua nemo malè utitur, nemo enim vti potest virtute ad opus immediatè elicited ab ipsa virtute, quod sit malum .*

3 Dices præceptum de aliquo opere malo, prout præceptum est habere de se tendentiam ad malum , ideòque, & tale præceptum, & habitum, qui ad illum disponit esse malum . Sed respondeo præceptum non habere in malum tendentiam efficacem , hoc est necessario tractiuam operis mali , sicuti de se habet necessariò afferre veritatem. Ideòque cum absolutè , & simpliciter afferat bonum, & nullum malum, non est
cur

cur habitus ad tale bonum disponens non sit virtus. Quod si à legibus prohibemur addiscere aliquas artes, quamuis veras, hoc non fit, ex eo quod non sint virtutes intellectuales, sed ne ratione humanæ malitiæ à scientia fiat transitus ad opus noxium, quod ex veris præceptis fieri potest.

4. Dices iterum, sequeretur, quod si esset possibilis habitus docens ipsum intellectum errare, & quamlibet rem malè facere, talis habitus esset virtus intellectualis. Respondeo, si talis habitus daret de hoc vera præcepta, immediate, & absolute disponderet ad bonum, & totum malum refundendum esset in liberam voluntatem vtentis tali habitu, ideoque non est cur non esset virtus intellectualis. Neque instes non posse habitum oppositum prudentiæ, & arti esse virtutem. Nam vitium oppositum prudentiæ & arti, non esset huiusmodi habitus ex consultatione, rectòque iudicio eliciens vera præcepta, sed habitus, qui ex inconsideratione; & ignorantia inclinaret ad operationes malas.

SECTIO SECVNDA.

*Infertur quinam habitus sint
Virtus, & secundum quas
sui partes Logica sit
Virtus.*

Quinque habitus enumerati ab Aristotele, quibus semper verum dicit, habitus scilicet intellectus, Scientiæ. Sapientiæ, Prudentiæ, & Artis sunt virtutes intellectuales, cum semper disponant ad opus immediatè elicitum verum, ideòque bonum intellectui. Dubitari solùm potest de prudentia, & arte, quæ nō semper videntur disponere ad vera præcepta, si enim Petrus, v.g. verè diues appareat inuincibiliter pauper, Prudentia dictabit Petro esse subueniendum, hoc autem dictamen erit falsum, similiter si hæc materia appareat inuincibiliter bona ad ædificandū, ars dictabit hanc esse adhibendam, nec nisi per præceptum re ipsa falsum. Adhuc tamen dicendum est Prudentiā, & artem semper disponere ad verū saltem practicè, nam hoc quod est, Petro esse

esse subueniendum, duo dicit, & quod Petrus mereatur subuentionem, & quod ego debeā hic, & nunc Petro subuenire. Primum est falsum, secundum verum, teneor enim subuenire Petro inuincibiliter apparenti vt pauper, ad hoc, vt honeste operer, sicuti pariter teneor adhiere pro ædificio materiam apparentem inuincibiliter bonā, vt obtineam finem artis, qui non est nisi finis humano modo acquisibilis.

2 Quamuis ergo dictamen de subuentione Petri, non conformetur speculatiue cum meritis Petri, quia tamen conformatur cum debito, quod ego habeo in ordine ad taliter operandum, ideò dictamen de subueniendo falso pauperi, sed qui inuincibiliter apparet vt pauper; est dictamen simpliciter verū, & bonum, & tota malitia, & falsitas speculatiua refundenda est in iudicium speculatiuum falsum de paupertate Petri; sicuti tota malitia motus distorti refunditur, non in potentiam motiuam, sed in defectum tibiarum.

3 Neque verò in omnibus scientijs eadem requirenda est certitudo, sicut enim inter ipsas scientias speculatiuas Mathematica, & Metaphysica maiorem requirunt certitudinem, & euidentiam,

quam Physica, ita comparando virtutes intellectuales speculativas cum practicis, sicuti ad virtutes speculativas requiritur veritas speculativa, ita ad practicas satis est veritas practica modo explicato. Quando verò Arist. 6. Ethic. cap. 5. ait *Artis esse virtutem; prudentia autem nequaquam*, intelligendus est, quod ars non fit in se virtus moralis, sed per imperium alicuius virtutis moralis eius exercitium esse possit bonum etiam moraliter. E contra prudentiæ non est virtus, quia virtus moralis non versatur circa prudentiam, sicuti versatur circa artem, sed ipsa prudentia est virtus per quam honestè operamur.

4. *Habitus Opinionis ex Aristotel. 6. Ethicorum cap. 3. meritò rejicitur a ratione virtutis, quia opus immediatè elicited ab Opinione potest esse falsum, & malum. Sed dices: scientiæ, prout nunc exercentur multas habent veritates non nisi probabiles, ergo non sunt virtutes intellectuales. Respondeo scientiæ prout nunc exercentur esse aggregatum ex habitibus, quorum aliqui inclinant ad veritates scientificas, alij ad veritates merè probabiles, nullum autem est absurdum, quod secundum aliquas sui partes non sint virtutes; dicuntur*

tur tamen simpliciter virtutes, sumpta denominatione à potiori, & nobiliori.

5 Logica est virtus, tam secundum partem analyticam, vt patet, quam secundum partem Topicam, quia immediate disponit ad vera præcepta infallibiliter obtinentia suum finem, hoc est veritatem probabilem. Idem dicendum de Logica secundum partem sophisticam, siue per sophisticam intelligamus artem soluendi siue contexendi syllogismos fallaces, semper enim eius præcepta obtinent finem soluendi, vel contexendi syllogismos de se aptos ad decipiendum. Patet autem disparitas inter Logicam Topicam, & habitum Opinionis; hic enim cum immediate disponat ad actus probabiles, qui sæpe sunt falsi, non est virtus. Logica verò Topica, cum immediate disponat ad præcepta semper vera, erit virtus.

6 Dices potentia visiva, quæ ita eliceret bonam visionem, vt bona visio produceret deinde habitum noxium oculo, non esset virtus. Sed ita se habet Topica respectu intellectus ergo, &c. Sed respondeo quidquid sit de maiori, negatur minor, bona enim visio in casu posito haberet necessario relinquere.

habitu nexum oculo: At Logica Topica non habet efficaciter elicere, nisi bona præcepta, in cuius bono sistere possumus, si voluerimus. Idem dicendum de sophistica docente modum, quo intellectus se ipsum falleret, si enim talis habitus non implicat, & disponat ad vera præcepta, cum efficaciter non afferat nisi bonum veri præcepti, non est cur non sit virtus.

DISTINCTIO SECVNDA.

De Vniuersali in communi.

Ad Vniuersalis notitiam præmittenda est explicatio veritatis, & distinctionis rerum, præcisionis, &c. Quare sit.

CAPVT PRIMVM.

Quid, & Quotuplex sit Vnitas.

VNitas definitur, seu describitur negatio diuisionis in se, & diuisio à quolibet alio. Desumpta est hæc definitio ex Aristotel. 5. Met. tex. primo, vbi

vbi ait: *Quacumque non habent diuisionem, quatenus non habent, eatenus vnum dicuntur*; dubitatur autem quid veniat nomine diuisionis. Apud aliquos venit separatio, ita vt illud sit vnum, quod vel nullas habet partes, vel si habet partes, hæ non sint per separationem resolutæ, sed vnitæ aliqua vnione, per quam sint vnum in aliqua ratione.

2 Sed hæc explicatio, vnitatem, & vnum conuertibile cum vnitatem, confundit cum vnito, ideòque destruit definitionem, & conceptum vnitatis. Nam de vnitatem dicitur, quod sit negatio diuisionis in se, ideòque negatio diuisionis in ipsa vnitatem, non verò negatio diuisionis in aliquo, quod non est vnitas. Iuxta positam verò explicationem, vnitas esset negatio diuisionis, seu separationis in partibus cõstituentibus vnitatem, partes autem etiam non separatæ, licet sint constitutivæ vnitatis; non tamen sunt de se vnitas, nisi quatenus accipiuntur, vt quid simplex; si enim præscindimus ab hac Metaphysica acceptione, partes etiam nõ separatæ non sunt vnitas, sed pluralitas rerum vnitatum. Cum ergo vnitas sit negatio diuisionis in se, hoc est in ipsa vnitatem, non verò in partibus, quæ non sunt vni-

tas, si de unitate dicatur esse negatio diuisionis in partibus, erit definitio, & conceptus non vnus, neque unitatis, sed uniti. Unitum enim est id, quod non est in suis partibus diuisum, seu quod per diuisionem non est resolutum in partes constitutiuas uniti in ea ratione, in qua est unitum.

3 Quamuis ergo euilibet vni conueniat non habere partes separatas in ea ratione, in qua est vnum; non tamen per hoc vlla unitas constituitur formaliter in ratione unitatis, sicuti non ex eo, quod cuicumque vni conuenit ratio boni, veri, & aliorum prædicatorum conuertibilium cum ente, ideò conceptus vnus prout formaliter talis constituitur per prædicata explicantia formalem rationem veri, & boni.

4 Ex allata unitatis explicatione inferunt illius assertores, quod negatio diuisionis in se, quam dicit unitas, non sit vniuersaliter loquendo negatio alicuius impossibilis, cum non sit impossibile, quod partes recipiant diuisionem, & separationem. Sed contra est, quia id, de quo prædicatur negatio diuisionis in se, est unitas; impossibile autem est, quod unitas recipiat diuisionem in ea ratione, in qua est unitas. Neque
dicas

dicas unitatem posse recipere diuisionem in sensu diuiso, sicuti cæcus potest recipere visionem in sensu diuiso à cæcitate. Est enim manifesta disparitas inter *cæcum*, quod est concretum physicum, & *unum* quod est concretum metaphysicum; cum enim aliud sit id, quod est cæcum, aliud cæcitas. Id quod à cæcitate dicitur cæcum in sensu diuiso à cæcitate, potest recipere visionem, ac cum idem sit *unum*, & *vnitas*, id quod est *unum*, non potest recipere diuisionem, nisi in sensu diuiso à se ipso, ita ut non id, quod est *unum*, & *vnitas*, sed alia, quæ non sunt *unum*, nimirum partes, recipiant diuisionem. Sicut ergo in quocumque sensu est impossibile, quod cæcitas recipiat visionem, ita in quocumque sensu est impossibile, quod vnitas recipiat diuisionem. Sed multò magis indiuisio in se negabit vniuersaliter aliquid impossibile iuxtà meliorem explicationem indiuisiōis in se, quam mox afferemus.

5 Præterea nomine diuisionis non potest venire distinctio, licet enim quidquid est *unum* sit indistinctum in se, & distinctum à quolibet alio, tamen si explicaretur vnitas per negationem distinctionis, explicaretur per aliquod

Q 5 obscu-

obscurius, indigens pluribus reflexionibus, nam vnum esse distinctum ab alio est, quod vnum non sit aliud, ergo si vnum est quod est indistinctum in se ipso, vnum erit, quod est non non ipsum.

6 Supereſt ergo vt nomine diuiſionis veniat pluralitas, quamuis enim nō oīa, quæ ſunt plura, ſint in omni rigore diuiſa. Omnia tamen, quæ ſunt plura, habent peculiare aliquod fundamētum ratione ſuæ pluralitatis, vt ab intellectu diuidi poſſint, quod peculiare fundamentum non habent ea, quæ realiter non ſunt plura. Porrò pluralitas, quam negat vnitas, non eſt pluralitas quomodocumque exiſtens in rerum natura, ſed pluralitas identificata cum eo, quod eſt vnum, ideòque in definitione vnitatis adduntur illæ parti- culæ *in ſe*. Ideò ergo Petrus eſt vnus homo, quia non habet ſecum identificatam pluralitatem hominum, neque poteſt diuidi in plures tales, qualis eſt ipſe. Petrus hoc eſt, in plures Petros, licet poſſit diuidi in Animam, & corpus, vel in alias partes. Et vniuerſaliter quid- quid in aliqua ratione eſt vnum, non habet ſecum idétificatam pluralitatem in ea ratione, in qua eſt vnum, neque diui-

diuidi potest in plura eiusdem rationis.

7 Ex quo patet negationem, quam importat qualibet vnitas esse negationem alicuius impossibilis, ideòque etiam si admitterentur negationes rerum contingentium, cum tamen ex peculiari capite negationes necessariae reijciantur, ex peculiari capite, negatio, quam dicit vnitas, non est negatio formalis, sed fundamentalis, adeòque erit entitas rei, quæ est vna, prout dat fundamentum intellectui ad dicendum, quod non sit pluralitas. Et sanè sicut ipsa formalis negatio superaddita, si daretur, deberet esse vna, & non per aliam negationem, ne daretur processus in infinitum, ita non est cur entitas positiua non sit vna sine formali negatione superaddita.

8 Adduntur in definitione vnitatis verba illa *diuisio à quolibet alio* ad maiorem explicationem vnitatis comparando illam cum alijs, & per hæc verba, significatur, quod vnitas à quocumque alio habeat, vt simul cum illo faciat pluralitatem.

Hæc vnitatis definitio non est rigorosa, quia non est per terminos clariores, pluralitas enim per cuius negationem explicatur vnitas, non est quid notius

vnitate, melior tamen definitio afferri non potuit; quia conceptus vnitatis, & pluralitatis sunt primi. Propter hanc etiā rationem non cōmittitur circulus, dum explicatur vnitas per negationem pluralitatis, & pluralitas per negationem vnitatis, quia licet explicentur per aliquid æquè notum, non tamen simpliciter damnari debent huiusmodi explicationes, quando meliores dari non possunt, ex eo quod deuenire tandem debeamus ad aliquos primos conceptus vltius inexplicabiles, & sanè hoc idem debet ab omnibus dici, etiamsi nomine diuisionis intelligatur separatio, neque enim separatio videtur esse quid notius vnitate, præsertim, si nomine separationis veniat exclusiū vnionis, vnio enim est plurium vnio, ideòque conceptus vnionis, vel minus, vel saltem æquè clarus est, ac conceptus pluralitatis.

9 Vnitas, sicuti non importat aliquid formaliter negatiuum superadditum, ita neque importat aliquid positiuum superadditum rei, quæ dicitur vna, tum quia vnum est prædicatum conuertibile cum ente, tum etiam quia si haberetur per aliquid positiuum superadditum, hoc vel esset vnum, vel mul-

multiplex . Si vnum , vel per aliud superadditum , & sic procederetur in infinitum , vel per se ipsum , & nulla est ratio , cur omne aliud , quod est vnum , non possit per se ipsum esse tale , quod si hoc superadditum est multiplex , constabit procul dubio vnitatibus , de quibus redibit eadem quaestio .

10 Vnitas alia est realis , alia rationis , alia per se , & simpliciter , alia secundum quid ; vnitas per se , & simpliciter conuenit vni per se , habenti nimirum vnā naturam , vt homo , lapis , &c. Vnitas secundum quid conuenit vni per accidens , conflatō nimirum ex pluribus rebus , quæ non ex primaria naturæ intentione coaluerunt in vnum , vt vnus exercitus , &c. Item alia est vnitas numerica , per quam res est vnum indiuiduum , alia essentialis , seu formalis , per quam res est habens vnā essentiam , hæc tamen non distinguitur realiter ab illa , sicuti ratio essentialis non distinguitur realiter à ratione indiuiduali .

11 Inter plura indiuidua alicuius naturæ nulla datur vera vnitas simpliciter , quia tam nihil Petri est in Paulo , quam nihil Petri est in equo , & tam pereunte equo , quàm pereunte Paulo
nihil

nihil perit in Petro . Quia tamen datur inter Petrum, & Paulum maior conuenientia, quàm inter Petrum, & Equum; ideo non est, cur hæc maior cōuenientia congruenter ad modum loquendi Aristotelis , & Philosophorum non vocetur vnitas specifica . Similiter maior conuenientia, quæ est inter hominem , & equum , quam inter hominem , & lapidem , appellari potest vnitas generica , sed fundamentaliter sicuti & illa alia specifica solum fundamentaliter . Porro hæc cōuenientiæ appellari possunt vnitates , tum quia hæc vnitates recensentur ab Aristotele , ubi tradit definitionem vnitatis , tum quia ex eodem Aristotele similia sunt , quorum qualitas vna , tum etiam quia apud Philosophos relationes fundatæ in cōuenientia, dicuntur fundari in vnitatem & nulla cæteroqui ratio est cur plures milites dici possint vnus exercitus , & plures homines , non possint dici vnum formaliter , seu vnum in essentia .

12. Ex dictis inferitur simpliciter loquendo rationem vnitatis, & vnus consistere in indiuisibili ; sicuti enim Deus est vnus, quia omnem Deorum pluralitatem excludit, ita vnus exercitus est vnus, quia omnem exercituum pluralitatem

tatem excludit , ita vt si vel in vnicam exercitus pluralitatem diuidi posset , non esset vnus exercitus , sed multiplex . In alio tamen sensu minus proprio Deus dici potest magis vnus , quia omnes partes excludit , quas non excludit exercitus .

CAPVT SECVNDVM .

Quid, & quotuplex sit rerum distinctio .

ILLa inter se distinguuntur, quorum vnum non est aliud, seu quæ sunt talia, vt ratione suæ entitatis dent fundamentum intellectui ad dicendum , quod vnum non sit aliud . Quare distinctio vnus ab alio non est quidquam positium , vel negatium superadditum rei, quæ distinguitur, vt facile colligitur ex dictis capite superiori, adeoque verissimum est : quod idem sit constitutiuum rei, ac distinctiuum eiusdem ab omni alio .

2 Distinctio alia est realis, alia rationis, & hæc alia rationis ratiocinatæ, alia rationis ratiocinantis . Distinctio rationis ratiocinatæ est distinctio per intellectum .

telleſtum, ſed cum aliquo fundamen-
to in re, eo quod res ipſa quamvis ſim-
plex ſit æquivalens pluribus diſtinctis .
Diſtinctio rationis eſt ſine fundamento
in re : hoc modo diſtinguitur, v. g. Pe-
trus à ſe ipſo , dum dicimus Petrus eſt
Petrus . Diſtinctio realis, alia eſt realis
ſimpliciter intercedens inter ré, & rem
alia realis modalis intercedens inter rem,
& modum . Rurſus alia eſt adæquata,
quæ etiam dicitur contradistinctio , &
intercedit inter duo , quorum vnum
non includit aliud, alia eſt inadæquata,
quæ intercedit inter includens, & inclu-
ſum, inter partes, & totum , ſic homo
inadæquatè diſtinguitur ab Anima .

-3 Inter diſtinctionem realen , &
rationis nullam agnoſcimus diſtinctio-
nem intermediam ex natura rei , quia
nulla eſt neceſſitas illam admittendi ,
neque eſt explicabile quid ſit. Illa enim
diſtinguuntur, quorum vnum non eſt
aliud , ſi ergo animalitas , & rationali-
tas diſtinguuntur tanquam vnum ab
alio , ſeu tanquam ens ab ente diſtin-
guuntur realiter; ſi verò diſtinguuntur
tanquam vnâ formalitas obiectiva ab
aliâ formalitate obiectiva, explicandum
eſt quid ſit formalitas obiectiva talis
videlicet , quæ neque ſit entitas, neque
nihil

nihil, sed quid mediū inter ens, & nihil. Licet enim Personalitates Diuinæ neque sint nihil, neque sint perfectio simpliciter simplex, melior scilicet ipsa, quam non ipsa, sed sint perfectio simplex, & quid medium inter perfectionem simpliciter simplicem, & nihil; in creatis tamen, sicuti non est inuehendum Mysterium Trinitatis, ita non est inuehendum quid medium inter nihil, & ens importans perfectionem simpliciter simplicem, ideòque nulla pariter est inuehenda distinctio media inter realem, & rationis.

4 Dices illa distinguī ex natura rei, quæ habent diuersas definitiones, & conceptibilitates. Sed contra, vel enim loqueris de conceptibilitate, & definitione obiectiua, vel de merè formali, & per intellectum. Si de merè formali, nullam aliam distinctionem probas, nisi merè formalem, per intellectum scilicet potentem diuersimodè concipere, & definire eandem rem simplicem, sed æquiualentem pluribus distinctis. Quod si loqueris de diuersa conceptibilitate, & definitione obiectiua, hæc vel habetur ab entibus realiter distinctis, vel ab eadem entitate simplici, sed æquiuacente pluribus, ideòque dante fundamentum.

mentum intellectui, ut nunc vno, nunc alio conceptu concipiatur, & definiatur. Hinc gradus, qui dicuntur Metaphysici cum non distinguantur realiter, non distinguuntur, nisi distinctione rationis ratiocinatae.

5 Præterea, stando in creatis, nulla datur distinctio virtualis intrinseca, ratione cuius de aliquo objecto realiter simplici verificari possint duo contradictoria realia, vel intentionalia. Est enim propter Mysterium Trinitatis admittatur inter essentiam Diuinam, & personalitates, distinctio virtualis intrinseca, hanc tamen in creatis dicendum est repugnare, sicuti repugnat Mysterium Trinitatis, aliter nihil per humanum discursum probari posset per reductionem ad contradictoria, statim enim pateret effugium dicendi ratione distinctionis virtualis intrinsecae verificari posse de eodem realiter duo contradictoria.

6 Implicat etiam in creatis distinctio virtualis intrinseca in ordine ad contradictoria intentionalia, primò, quia vnum contradictorium intentionale æquè ac reale tollit quidquid ponitur ab alio, idèdque si cognitio est cognoscens obiectum aliquod realiter simplex, non poterit esse non cognoscens

scens illud . Secundò ex distinctione ,
 virtuali intrinseca sequuntur etiam cō-
 tradictoria intrinseca: Nam si animalitas
 distingueretur virtualiter intrinsecè à
 rationalitate, animalitas esset idem rea-
 liter cum animalitate per omnimodam
 identitatem cum illa excludentem om-
 nem distinctionē, etiam virtuales; Sed
 rationalitas non esset omninò idem cū
 animalitate; quia ab illa distingueretur.
 virtualiter. Ergo de animalitate, & ra-
 tionalitate, quæ sunt idem realiter, veri-
 ficaretur, quod essent, & nō essent om-
 ninò idem cum animalitate, quæ sunt
 prædicata contradictoria intrinseca .
 Tertiò ex distinctione virtuali sequun-
 tur alia contradictoria intrinseca, quod
 nimirum eadem cognitio sit imago , &
 non imago eiusdem ; conformis & non
 conformis eidem, quod idem intellectus
 sit cognoscens, & non cognoscens idem
 obiectum, &c. Quod implicare dicen-
 dum est non aliter , ac implicat, quod
 idem sit produciens, & non produciens,
 efficiens, & non efficiens respectu eius-
 dem . Demum est inexplicabile, quid sit
 ista distinctio virtualis ; si enim dicas
 animalitatem distingui à rationalitate
 virtualiter , quia in ordine ad intelle-
 ctum perindè se habent, ac si essent duo
 di-

distincta . Contra est , quia intellectus non immutat essentias rerum . ergo si in illis non datur vnum , & aliud , sed vnum quid simplex , implicat quod intellectus possit cognoscere tale obiectū , & in illo cognoscere vnum , & non aliud , si non datur vnum , & aliud .

7 Dices magis sunt idem posse ferire , & posse vulnerare in gladio , quam posse sentire , & posse discurrere in homine , ergo si posse ferire , & posse vulnerare in gladio sunt idem realiter , & virtualiter ; posse sentire , & posse discurrere in homine erunt idem realiter , sed non virtualiter . Respondeo posse ferire , & posse vulnerare esse idem realiter , & formaliter , hoc est idem , & eodem modo cognitum , cum tota diuersitas sit solum penes nomina , è contra posse sentire , & posse discurrere in homine , sunt idem realiter , non tamen formaliter , quia idem diuerso modo cognoscitur .

8 Dices iterum si datur in Diuinis distinctio virtualis , cur non etiam datur in creatis ? Sed contra , quia eodem modo dicam , si datur Mysterium Trinitatis in Diuinis , cur negatur in creatis ? Prætetea hæc paritas nimis probaret , probaret enim , quod sicuti datur
in

in Diuinis distinctio virtualis in ordine ad produci, & non produci, communicari, & non communicari, ita etiam deberet dari in creatis distinctio virtualis non solum in ordine ad prædicata, opposita intentionalia, sed etiam realia.

9 Signum distinctionis realis infallibile quidem, sed non conuertibile est separabilitas. Pater enim in Diuinis realiter distinguitur à Filio, à quo tamen est inseparabilis. Signum etiam distinctionis realis est oppositio, vel contradictoria, vel contraria, cum nihil aduersum se pugnet; vel relatiua, quia de conceptu relatiuorum est esse ad aliud.

CAPVT TERTIVM.

Vtrum detur Præcisio Obiectiua.

1 **I**mplicat in creatis præcisio obiectiua, per quam ex duobus prædicatis realiter identificatis vnum ex parte obiecti cognoscatur, & aliud non cognoscatur. Implicat enim idem obiectiue cognosci, & non cognosci, vt capite superiori probauimus. Dantur ergo solum in huiusmodi prædicatis præcisiones

siones formales, per cognitiones magis, vel minus claras de toto obiecto, ita ut quælibet cognitio de obiecto simplici non possit non cognoscere realiter, & obiectiue totum obiectum, licet vna cognitio attingat illud clariùs, alia obscuriùs.

2. Ut verò explicemus quid sit realiter, & obiectiue cognoscere totum obiectum simplex, non verò illud cognoscere totum formaliter, seu non totali claritate: Aduerte cuicumque cognitioni conuenire hoc, quod est esse determinatiuum formale viuientis cognoscitiui ad operandum, duplex autem distinguendum est genus operationum, ad quas cognitio potest determinare, quarum aliquas appellamus reales, alias intentionales. Nomine operationū intentionalium appellamus affirmationes, & negationes, ad quas determinare possunt simplices operationes, alias verò operationes; v.g. contactum, productionem, &c. appellamus operationes reales ad distinctionem priorum intentionalium. Cognoscere ergo realiter, & obiectiue totum obiectum simplex est habere cognitionem de tali obiecto, quæ non sit determinatiuum ad exercendam vllam operationem.

nem realem, nisi circa totum obiectum. Hinc, quia quacumque cognitione cognoscatur obiectum simplex; ita semper cognoscitur, ut ex vi talis cognitionis non possit cognoscens determinari ad exercendum ullam operationem realem, nisi circa totum obiectum, ideo quacumque cognitione cognoscatur obiectum simplex, semper obiective, & realiter cognoscitur totum.

3 E contra obiectum simplex potest diuersimodè cognosci formaliter, ita ut ex vi talis cognitionis, cognoscens determinari possit ad has operationes intentionales circa tale obiectum, ex vi autem alterius cognitionis determinari possit ad alias operationes intentionales. Tunc ergo idem obiectum clarius cognoscitur, quando ex vi talis cognitionis potest intellectus determinari ad nouas, & plures affirmationes de tali obiecto, & ad nouas, & plures negationes, per quas tale obiectum à pluribus distinguatur, quare cognoscere entitatem simplicem hominis, prout animal, est illam tanta, & non maiore claritate cognoscere, ut ex vi talis cognitionis determinari possit intellectus ad dicendum quod sit principium sensationis, ad distinguendum illam à lapidi-

pidibus, plantis, &c. Cognoscere verò illam tandem entitatem, vt animal rationale, est illam cognoscere cognitione clariore, cognitione scilicet potente determinare intellectum ad plures affirmationes de tali obiecto, ad dicendum videlicet, quod sit principium sensationis, & principium discursus, & ad faciendas pariter de tali obiecto plures negationes, per quas à pluribus distinguatur, dicendo, quod obiectum cognitum non sit lapis, non sit planta, & non sit equus. Quia verò adhuc claritas huius cognitionis non est omnimodè clara, sed est permixta cum aliqua obscuritate, ideo non possum dicere vtrum sit principium talium accidentium individualium, vtrum sit Petrus, Paulus, &c. Cum verò possimus semper habere aliam, & aliam cognitionem, quæ ad plures, & plures operationes intentionales de aliquo obiecto possit nos determinare, ideo nulla nostra cognitio de vilo obiecto ita est clara, vt non possit dari alia clarior.

4. Ex hoc autem habetur diuersitas prædicatorum, eadem enim entitas cognita per cognitionem tantæ claritatis, vt solum possit determinare intellectum ad dicendum de illa, quod sit principium
sen-

sensationis constituit prædicatum, & formalitatem animalis, eadem entitas cum diuersa cognitione erit prædicatum, & formalitas rationalis. Quare quod dum cognosco animal formaliter, non cognoscam rationale formaliter, nulla est contradictio, licet animal, & rationale sint realiter idem, quia cognoscere animal formaliter est cognoscere hanc entitatem tali cognitione; cognoscere rationale est cognoscere eandem entitatem alia cognitione, hæc autem entitas cum hac cognitione non est hæc eadem entitas cum alia cognitione, ideoque vna formalitas prout talis formalitas, non est alia formalitas, licet id, quod est vna formalitas, v.g. rationalis, sit realiter id quod est formalitas animalis.

5 Dices primò dum cognosco animal nullam possum reddere rationem de rationali, ergo rationale nullo modo à me cognoscitur. Respondeo cognoscere rationale, ita vt possit de rationali reddi ratio, dicendo, quod sit principium discursus, est cognoscere rationale formaliter; quare per conceptum animalis, quia non cognosco rationale nisi obiectiuè, ideò, vt ita dicam; non possum reddere rationem de

D

ra-

rationali, nisi obiectiuam, per hoc scilicet quod ad nullam operationem, realem determinare possit cognitio de animali, quæ operatio realis non terminetur tam ad animal, quàm ad rationale; neque enim potest tangi, produci, &c. vnum, quin tangatur, & producat aliud. Hoc idem verificatur etiam circa rationale non existens, sed merè possibile, semper enim cognitio de rationali quantum est de se, non potest determinare ad operationem realem circa rationale, & non circa animal, si rationale ponatur existens, & sic capax terminare operationes reales.

6 Dices secundò, si non daretur præcisio obiectiua, quando cognosco ens, cognoscerem omnia entia, omnia secreta cordium, &c. quod videtur absurdum. Respondeo nullum esse absurdum, quod solum obiectiuè, ac materialiter cognoscam omnia entia; cognitio enim de ente non est potius de se determinatiuum ad operandum realiter circa hoc ens, quàm circa aliud, quare cum quantum est de se fit determinatiuum ad operandum realiter circa quodlibet ens; quodlibet ens per hanc cognitionem cognoscitur obiectiuè, & realiter: Solum ergo esset absurdum, si per

si per conceptum entis vt sic , secreta-
cordium cognoscerentur formaliter, per
ralem scilicet cognitionem , quæ esset
determinationum ad affirmationem de
talibus secretis cordium .

7 Dices tertio , non potest vna co-
gnitio esse clarior altera , nisi à clariori
cognitione attingatur aliquid plus , &
diuersum in obiecto . Respondeo hoc
esse falsum, sufficit enim si idem melius
cognoscatur; Nam possum cognoscere,
v. g. Petrum nunc vt potentem cogno-
scere terram , v. g. nunc præterea , vt
potentem cognoscere plantam ; per has
autem cognitiones non cognosco merè
Petrum, & terram, Petrum, & plantam,
sed cognosco in Petro potentiam, & or-
dinem ad cognoscendum Terram , po-
tentiam, & ordinem ad cognoscendum
plantam. Quid ergo est nunc vnā so-
lum, nunc verò aliam etiam potentiam
in Petro cognoscere? Si est aliquid plus,
& diuersum ex parte obiecti, in ipso sci-
licet Petro ; tot in Petro dabuntur po-
tentia virtualiter intrinsecè distinctæ ,
quot sunt obiecta diuersa , quæ ab illo
possunt cognosci: Imò tot dabuntur di-
stinctæ potentia, quot sunt gradus per-
fectionis diuersi designabiles in pluri-
bus , & pluribus cognitionibus possibi-

libus elici à Petro; quod est absurdum. Quando ergo per cognitionem clario-rem aliquid plus cognoscitur in obliquo, adhuc dicendum est, quod cognitio recti sit clavior per hoc, quod modo meliori tendat in illud obiectum, in quod alia cognitio tendebat modo deteriori.

8 Dices demum, si nullus homo existat in atrio, & ego dicam, *homo existens in atrio*, quid cognosco per hanc cognitionem? Respondeo formaliter à me cognosci animal rationale habens talem vocationem in atrio; quia ex vi talis cognitionis determinari possum ad operationem formalem, affirmando homo existens in atrio est animal rationale habens vocationem in atrio. Obiectiue autem, & realiter, proximè, & completè nihil cognosco, quia ad hoc, ut habeatur determinatiuum proximū, & completum ad operandum realiter, requiritur obiectum nō modo existens, & expressum in cognitione, sed etiam existens in se. Hinc quando dico *homo existens in atrio*, si nunc adsit, nunc non adsit homo in atrio, non mutatur cognitio secundum quod dicit de formali, seu secundum quod cognitio habet de determinatiuo ad operationes intentionales, quia ex vi illius semper possum
eli-

elicere easdem operationes intètionales, sed mutatur secundum quod est determinatiuum proximum, & completum ad operationes reales, quod habet partialiter ab obiecto existente in se.

9 Porro cognitio de obiecto non habente esse in se, nisi merè possibile, differt à cognitione de impossibili per hoc, quod per cognitionem de impossibili, neque cognoscitur, neque potest cognosci quidquam ex parte obiecti, & in se; quia talis cognitio, nec est, nec esse potest determinatiuum ad operandum realiter circa obiectum cognitum; sed solum est determinatiuum ad operandum circa illud formaliter. Cognitio verò de obiecto possibili, licet non sit completum determinatiuum ad operandum realiter ex defectu existentiae in obiecto, potest tamen euadere determinatiuum completum ad operandum realiter per positionem ipsius obiecti.

10 Quæ diximus de præcisione intellectus applicanda proportionaliter sunt voluntati. Hæc enim dum in cibo, v. g. vult id quod est principium dulcedinis, non verò id quod est principium morbi, si vtrumque principium in cibo supponatur esse realiter idem, voluntas non posset obiectiue, & realiter velle,

nisi vtrūque, quia nulla operatio realis, ad quam determinet talis volitio terminari potest, nisi ad totum. Formaliter verò non vult nisi principium dulcedinis, quia vult cibum tali volitione, quæ est determinatiuum intellectui cognoscenti talem volitionem ad faciendas has operationes formales, hoc est has propositiones de obiecto volito non verò ad faciendas alias.

CAPVT QVARTVM

*Quid sit, & an detur
Vniuersale.*

I CVM Vniuersale ex vi nominis sit vnum pertinens ad multa; aliud est Vniuersale in causando, vt Deus, qui cum sit vnus est causa omnium. Aliud in significando, vt hæc vox *homo*: Aliud in repræsentando, vt cognitio de homine repræsentans omnes homines, sicut vox *homo* illas omnes significat. Aliud demum est Vniuersale in prædicando, quod definitur: vnum aptum esse in multis, quia verò prædicari sequitur ad esse; vniuersale debet esse in multis, ad hoc vt possit de illis prædicari: ita verò debet vnum esse, vel saltem habere

re aptitudinem, & potentiam ad esse-
dum in pluribus per identitatem, vt in
illis multiplicetur, ideòque natura Di-
uina non est Vniuersalis iuxta præsen-
tem acceptionem, quia ita est in tribus
Personis, vt in illis non plurificetur in
tres naturas Diuinas. Ex his ergo pa-
tet implicare Vniuersale, quod secun-
dum eundem statum habeat rigorosam
vnitatem, & pluralitatem, ideòque tale
solum dari potest Vniuersale, per quod
plura indiuidua, quæ habent in se in-
trinsecam pluralitatem, habeant ab in-
tellectu vnitatem extrinsecam.

2. Non datur Vniuersale extra sin-
gularia in Ideis Platoni attributis. Im-
plicat enim dari substantias ab indiui-
duis separatas, & à loco, ac tempore
independentes, cum nihil dari possit,
quod non sit determinatum, singula-
re, & à Deo in hac, vel illa circum-
stantia loci, ac temporis dependens.
Pariter non datur Vniuersale ante sin-
gularia in statu præcisionis, seu possi-
bilitatis, in quo sit aliquid præter omni-
potentiâ Dei, vt infra probabimus. Tum
quia, vel natura in statu possibili est
eadem cum illa, quæ deindè ponitur in
statu actuali, vel est quid diuersum. Si
est eadem, sicuti in statu actuali est sin-

gularis, ita in statu possibilitatis erit singularis. Si verò est quid diuersum; Contra est, quia possibile debet esse illud idem, quod deinde reducitur in actum; ergo si non reducitur in actum quidquam vniuersale, sed hæc, & illa natura in particulari, non nisi hæc, & illa natura in particulari erit possibilis.

3 Demum non datur vniuersale in ipsis singularibus iuxta modum explicandi Scotistarum, tum quia hoc vniuersale supponit distinctionem ex natura rei inter naturam, & hæcceitatem, quam reiecinus: tum quia etiam ea admi ista, adhuc natura equina Equi A perit, nihil pereunte de natura equina Equi B; ergo non sunt vnum, nisi per convenientiam: Tum denique, quia hæcceitas Petri v. g. prout distincta ex natura rei à natura, non est nihil, ergo aliquid ergo ens, ergo in ratione entis conueniet hæcceitas Petri cum hæcceitate Pauli; ergo in ipsa hæcceitate datur prædicatū commune, & prædicatū differentiale, ex hoc autem, vt patet, infertur processus in infinitum.

4 Solum ergo datur vniuersale per intellectum præscindentem formaliter naturam communem ab indiuiduationibus, & cognoscentem plura, vt vnum.

Non

Non signatè, hoc enim esset errare, sed
vt vnum exercitè, hoc est per talem
actum confusum, ex vi cuius non pos-
sit intellectus determinari ad dicendum
quod obiectum à se cognitū sit à parte
rei multiplex, neque ad dicendum,
quod à parte rei sit vnum, sed solūm,
quod ex vi talis cognitionis dicere pos-
sit, quod non sit multiplex, ideòque
sit vnum præcisiuè, & exercitè.

5 Quare vniuersale, neque fit per
actum, quo dico *omnis homo*, neque
per actum, quo dico *aliquis homo*, vel
vnus homo, sed per actum, quo dico *ho-*
mo. Huic enim cognitioni ita correspon-
dent omnes homines ex parte obiecti,
sicuti diximus vbi de præcisione, vt ex
parte cognitionis hi omnes homines
fiant vnum prædicabile de pluribus, cū
homo taliter cognitus prædicari possit
de quodlibet ex illis, qui ex parte obie-
cti respondent cognitioni de homine.

6 Sicuti autem distinctio formalis,
& exercita inter realiter identificata,
non est chimerica, ita vniuersitas formalis,
& exercita constitutiua vniuersalis, per
quam plura modo dicto cognoscuntur
vt vnum, non est chimerica, sed realis
extrinseca ab actu intellectus, nam ne-
que ipsa cognitio est aliquid chimeri-
cum,

cum, neque obiectum cognitum. Quia plura indiuidua obiectiue cognita sunt quid reale; neque modus, quo hæc plura indiuidua cognoscuntur vt vnum, est quid chimericum, quia cognoscere plura vt vnum, non est cognoscere plura cum negatione pluralitatis, vel cognoscere illa plura signatè cum negatione differentiarum, sed est talis modus cognoscendi, per quem cognoscatur natura plurium, non cognita formaliter pluralitate, eò quod plura ita confusè cognoscantur, vt ex vi talis cognitionis non possit determinari intellectus ad affirmandam de obiecto cognito pluralitatem; in quo nihil chimericum intercedit.

CAPVT QVINTVM.

Vtrum vniuersale, quando prædicatur de inferioribus retineat suam vniuersalitatem.

Vniuersale in actuali prædicatione de inferioribus retinet suam vniuersalitatem. Vniuersale enim est vnam

vnum aptum prædicari de pluribus, ergo non id, quod fuit vniuersale, sed ipsum vniuersale remanens vniuersale potest prædicari de pluribus. Sed dices etiam lignum esse aptum comburi, ita tamen, vt in actuali cōbustione lignum, destruat, & non remaneat lignum. Verum non est cur ita intelligatur definitio vniuersalis, tum quia in prædicatione scientifica prædicatum magis latè patere debet subiecto, ad quod requiritur quod sit vniuersale: tū quia cum dico *Petrus est homo* eodem modo concipio ly *homo*, dum prædico illud de Petro, ac ante illud conceperam per simplicem apprehensionem; ex vi enim prædicati æquè nullam possum reddere rationem neque de pluralitate, neque de singularitate hominum, cum ergo nihil obstet, vt patebit, non est neganda manifesta experientia; præsertim, cum non nisi difficillimè possit explicari quomodo in illa propositione *Petrus est homo* ex parte prædicati concipiatur singulare; longè enim diuersa est cognitio, qua dico *Petrus est homo*, à cognitione, qua dicerem *Petrus est hic homo*, vel *unus homo*, &c.

2. Dixi: ex parte, & ex vi prædicati nullam posse ab intellectu reddi rationem

nem de singularitate, licet enim de hac certificetur ex vi subiecti; hoc tamen non facit, quod per actum iudicii simplicem quidem, sed æquiualentem duabus distinctis apprehensionibus, non possit intellectus, solum quantum est ex vi prædicati, facere vniuersale, quatenus scilicet solum ex vi prædicati habet conceptum confusum, qualis requiritur ad vniuersale. Et sicuti si dicam *homo non est Deus* hic actus ex parte subiecti est cognitio de re creata; ex parte prædicati de re increata, ita dū dico *Petrus est homo* hic actus habebit ex parte prædicati, non verò ex parte subiecti modum cognoscendi confusum, & si nō repugnat, quod ex parte subiecti attingatur vnum obiectū, ex parte prædicati; aliud obiectū diuersum, nec repugnabit quod ex parte prædicati sit cognitio tendens tali modo diuerso à modo subiecti.

3 Dices, si dum dico *Petrus est homo*, ly *homo* esset vniuersale, prædicarentur de Petro omnes homines & talis propositio esset falsa cum falsum sit, quod detur identitas inter Petrū, & omnes homines. Respondeo ad veritatem propositionum affirmatiuarum requiri identitatem subiecti cum prædicato, non tamen semper adæquatam, sed vel adæquatam, vel

vel inadæquatam , prout diuersimodè
 ab intellectu per diuersos modos ten-
 dendi designatur . Sic quando adhibet
 terminum syncategorematicum *omnis*
 designat intellectus , se prædicare vni-
 uersale vniuersaliter , ideòque se affir-
 mare quod prædicatum adæquatè iden-
 tificetur cum subiecto . Quando ergo
 intellectus adhibet terminum commu-
 nem nullo affectum signo syncatego-
 rematico , tunc designat se affirmare
 solum , quod prædicatum identificetur
 cum subiecto præscindèdo ab hoc , quod
 identificetur adæquatè , vel inadæqua-
 tè ; sicut enim per terminum commu-
 nem , seu vniuersalem , *homo* , intellectus
 non certificatur formaliter de plurali-
 tate , neque de singularitate hominum ;
 ita , neque affirmat , quod cum Petro ,
 v. g. identificentur plures , neque quod
 identificetur vnus tantum homo ; sed
 præcisè affirmat , quod homo identifi-
 cetur cum Petro , ita vt ad veritatem
 huius propositionis æquè sit satis , siue
 identificetur Petrus cum omnibus , siue
 identificetur cum vno tantum homine .
 Hinc tam est vera hæc propositio *Petrus*
est homo , in qua prædicatum solum
 inadæquatè identificatur cum subiecto ,
 quam hæc alia *omnia animalia rationalia*
sunt

sunt homo, in qua prædicatum adæquatè identificatur cum subiecto.

4 Dices iterum, ergo idem erit dicere *Petrus est aliquis homo*, seu *Petrus est vel hic*, vel *hic homo*, ac dicere *Petrus est homo*, æquè enim ad veritatè utriusque propositionis, satis est, quod prædicatum inadæquatè identificetur cum subiecto. Respondeo differre has propositiones ex modo tendendi, in illis enim primis intellectus explicitè designat se affirmare, quod prædicatum identificetur inadæquatè cum subiecto, at in illa *Petrus est homo* intellectus nullam determinatam identitatè explicitè designat, sed solum explicitè designat prædicatū identificari cum subiecto præscindendo ab hoc, quod identificetur adæquatè, vel inadæquatè, sicuti concipit omnes homines præscindendo ab eorum pluralitate, & singularitate.

5 Ex his colligitur primo vniuersale fieri posse per omnes tres operationes intellectus, cum enim de prima non sit dubium, de secunda, ideòque per consequens etiam de tertia, iam probatum est. Pòtest etiam fieri vniuersale tam, per cognitionem directam, quam reflexam, tam per absolutam, quam per comparatiuam, imò in omni propositione,

tionē, per quam vniuersale prædicatur de singulari intercedit aliqua comparatio prædicati cum subiecto. Colligitur secundò, non posse vniuersale fieri, nisi ab intellectu capace cognitionis cõfusæ.

6 Superesset dicendum de aptitudine requisita ad vniuersale, sed cum hæc nihil aliud sit, nisi possibilitas plurium indiuiduorum, quæ cognoscuntur, vt vnum; quid sit in hac re dicendum, constabit ex dicendis de ente possibili.

DISTINCTIO TERTIA.

De Vniuersalibus in particulari, seu de quinque Prædicabilibus.

CAPVT PRIMVM.

De diuisione Prædicabilium.

1 **Q**uæcumque de alio, vt vniuersalia prædicari possunt in quinque classes, seu in quinque prædicabilia fuere diuisa, quæ sunt Genus, Species, Differentia, Proprium, & Accidens. Quidquid enim de alio prædicatur, vel prædicatur vt quid illi essentiale, vel vt quid accidentale, si
essen-

essentiale, vel formaliter vt tota essentia, & erit species; vel formaliter vt pars essentiae perfectibilis, & importata ad modum per se stantis, & erit genus; vel formaliter, vt pars essentiae perfectiua, & importata ad modum adiacentis, & erit differentia. Si verò prædicatur de alio, vt quid illi accidentale, vel prædicatur, vt quid accidentale, seu profluens ab essentia, & ab illa exigitum, & erit Proprium; vel vt quid merè accidentale, nullam dicens connexionem cum essentia, & erit accidens commune, vt melius constabit ex dicendis de singulis hisce prædicabilibus in particulari.

2. Hæc diuisio est bona pro fine, & instituto Logicæ ad hoc scilicet, vt Logico inseruiat ad intelligenda prædicamenta Aristotelis, ad quod respexit Porphyrius, neque enim hæc diuisio continet tot membra, quæ pariant confusionem, neque tam pauca, vt non satis rem explicet. Quare simpliciter dicenda est bona diuisio; tunc enim diuisio aliqua est bona, quando bene inseruit fini, ad quem instituitur, etiam si metaphysicè loquendo melior fieri potuisset.

3. Et sanè in casu nostro negari non
po-

potest, quod in plura, vel pauciora membra fieri ponisset diuisio prædicabilium. Si enim diuisio in duo tantum prædicabilia, essentiale scilicet, & accidentale fuisset nimis pressa, certè cum nulla in modo prædicandi appareat differentia inter proprium, & accidens, ut videbimus, quæ necessitas erat, quod ab his duo diuersa prædicabilia constituerentur? Præterea ipsum accidens commune, sicuti diuiditur in diuersa prædicamenta, ita cur non poterat subdividi in alia prædicabilia? Dicendum ergo est diuisionem in quinque prædicabilia ad institutum Logicæ esse bonam, licet Metaphysicè loquendo aliter fieri potuisset.

CAPVT SECVNDVM.

De Genere.

I **G**enus definitur id, quod prædicatur de pluribus differentibus specie in quid. Ponuntur in hac definitione loco generis particulæ illæ, *id quod prædicatur de pluribus*, in hoc enim, quod est esse de pluribus prædicabile cōuenit genus cum alijs prædicabilibus. Sed ut præ-

prædicari de pluribus sit essentialiale generi, intelligendum est non de actuali, sed de radicali prædicatione; ita ut idem sit id quod prædicatur de pluribus, ac prædicabile, seu potes prædicari de pluribus.

2 Loco differentiarum ponuntur illæ particulæ; *differentibus specie in quid*, quamvis enim genus prædicari etiam possit de differentibus solo numero, posse tamen prædicari de differentibus specie inquit, non conuenit, nisi generi. Porro bene definitur genus per prædicabilitatem de pluribus differentibus specie, quia supponitur esse aliunde notum. Adduntur ultimæ particulæ *in quid*, ut explicetur modus, quo genus est prædicabile; est enim prædicabile per responsionem ad interrogationem factam per *quid*, si enim petatur *quid est homo*, respondetur *est animal*.

3 Essentia generis, ex qua oritur, quod possit taliter prædicari, consistit in hoc, quod sit conceptus essentialis obiectiue attingens totam essentiam rei, sed formaliter inadæquatus, & representans solum partem essentiarum; importatam tamen ad modum totius, & per se stantis, & primò quidem debet esse conceptus essentialis, quia cum per prædicatum genericum respondeamus ad interrogam-

rogationem factam per *quid*; per interrogationem factam per *quid* quærimus essentialia rei, sicuti per interrogationem per *quale* quærimus accidentalia. Secundò genus obiectiuè debet attingere totam essentiam rei, tum quia nulla pars prædicatur in *quid* de suo toto; tum quia, cum non detur præcisio obiectiua, prædicatum metaphysicum essentialè attingit obiectiuè totam essentiam, verùm formaliter est conceptus inadæquatus nec representans, nisi partem essentiæ. Tunc enim existimamur scire totam rei essentiam, quando scimus aliquid, per quod res conuenit cū alijs, & aliquid per quod ab illis differt, hinc definitio dicitur oratio explicans essentiam rei, quia per illam scimus hæc duo, non quod essentia rei non possit semper clarius, & clarius sciri, sed quod scientiæ humanæ tunc existimentur attingisse essentiam rei, quando de illa cognouerint aliquid per quod res conuenit, & aliquid per quod disconuenit ab alijs. Cum ergo genus formaliter non repræsentet, nisi id per quod res conuenit cum alijs, hinc conceptus genericus est formaliter inadæquatus, & per hoc differt à conceptu specifico, qui, vt dicemus, explicat formaliter totā essentiam.

4 Sed quia etiam differentia est *conceptus essentialis solum obiectiue*, non verò formaliter inadæquatus, ideo vt genus à differentia distingueretur; additur, quod genus sit *prædicabile in quid*. Porro ad hoc, vt aliquid sit prædicabile in quid non est satis, quod obiectiue attingat totam essentiam; nam differentia attingit obiectiue totam essentiam, & tamen non est prædicabilis, nisi in quale quid. Solum ergo illud prædicari potest in quid, quod vel est etiam formaliter conceptus adæquatus representans formaliter totam essentiam, sicuti est species; vel si est conceptus formaliter inadæquatus, importatur tamen ad modum totius, & per se stantis, cuiusmodi est genus.

5 Duo ergo requiruntur ad hoc vt aliquid possit prædicari in quid, & quod saltem obiectiue attingat totā rei essentiam, & quod importetur ad modum per se stantis. Ex defectu primæ conditionis non potest dici: Petrus est Anima, Petrus est humanitas; quia licet hæc prædicata sint essentialia Petro, & importata ad modum per se stantis, seu modo substantiuo, non tamen attingunt obiectiue totam essentiam. Ex defectu verò secundæ conditionis differentia

non

non prædicatur, nisi in *quale quid*: vtraque verò conditio generi conueniens, efficit vt prædicari possit in *quid*.

6 Dices primo si prædicabile vt sic esset genus ad omnia quinque prædicabilia, esset genus respectu generis primi prædicabilis, & si genus definiretur per genus, genus quod definitur non esset genus, sed species respectu prædicabilis vt sic. Respondeo posse genus, quod definitur, esse genus, & speciem respectu diuersorum: est enim genus formaliter respectu huius, & illius generis in particulari; respectu verò prædicabilis vt sic est formaliter species, nec nisi denominatiue, & materialiter est genus. Sicut enim animal respectu hominis, & equi est genus, respectu verò viuientis est species; ita genus respectu omnium generum est genus, respectu verò alterius cognitionis reflexæ cognoscentis confusè omnia prædicabilia sub conceptu prædicabilis vt sic, est species.

7 Dices secundò, si prædicabile vt sic esset genus respectu generis, esset superius genere, cum omne genus sit superius respectu speciei sibi subiectæ, sed etiam esset inferius eodem genere, quia cum prædicabile vt sic sit vnum ex generibus, erit inferius genere primo prædicabile.

dicabili, quod est superius ad omnia genera; ergo prædicabile ut sic erit superius, & inferius genere primo prædicabili. Sed primò respondeo hoc argumentum habere multas instantias, cognitio enim, per quam cognosco omnes cognitiones, cognoscit reflexè se ipsam, utpote vnā ex omnibus, ergò talis cognitio est cognoscens, & cognita, superior, & inferior respectu sui ipsius. Similiter definitio in communi definitur oratio explicans essentiam rei, hæc ergò definitio cuiuscumque definitionis erit superior respectu sui ipsius, quatenus est superior ad omnes definitiones, sed simul erit inferior, quatenus est vna ex definitionibus definitis per hanc definitionem definitionis in communi. Demum dum dico *vniversale*, ut sic facio vniversale, cui correspondent omnia vniversalia, sed ipsum vniversale, quod per hanc cognitionem facio, est vnum ex vniversalibus, ergo &c.

8 Ad hæc igitur omnia dicendum est cognitionem habentē, & se ipsam, & alia plura pro obiecto, ita esse multiplicem, seu vniversalem in repræsentando, ut etiam de se sit tale ens singulare, hinc autem fit ut possit æquiuale-

ualere duabus, & simul esse cognoscēs,
 & cognita, superior, & inferior etiam
 respectu sui ipsius; quatenus nunc cō-
 sideratur secundum esse vniuersale in
 repræsentando, nunc secundum suum
 esse entitatum singulare. Quare co-
 gnitio de omni cognitione, quatenus
 habet pro obiecto omnem cognitionē,
 & per consequens etiam se ipsam est
 cognoscens, & superior respectu om-
 nium cognitionum, & respectu sui ip-
 sius: quatenus verò cognitio de omni
 cognitione, ipsa etiam est talis cognitio
 in particulari, est cognita, & inferior
 respectu sui ipsius considerata vt est
 vniuersalis in repræsentando; quod idē
 applicandum est cæteris. In casu au-
 tem nostro prædicabile vt sic quatenus
 est quid vniuersale habens pro obiecto
 omnia prædicabilia, & per consequens
 etiam se ipsum, est quid superius etiam
 ad se ipsum, sed quia etiam est tale
 prædicabile in particulari, idē quate-
 nus tale, est quid inferius respectu sui
 ipsius, & respectu generis, vt sic.

9 Allata generis definitione defini-
 tur, vt quod natura, vt quo verò generei-
 tas. In omnibus enim definitionibus
 conrektorum semper dicitur definiri
 vt quod, & materialiter ipsum subiectū,

vt

ut quo verò, id cuius essentia per talem definitionem explicatur. Cum ergo per allatam generis definitionem explicetur essentia genereitatis, meritò dicitur definiri *ut quo* ipsa genereitas. Porro genereitas tam secundum unitatem, quàm secundum aptitudinem est extrinseca naturæ, quæ denominatur generica. Unitas enim habetur à cognitione confusa, aptitudo à possibilitate plurium differentium specie, vtraque autem est extrinseca naturæ, quæ dicitur generica, ut constabit ubi de possibilitate. Ideoque genereitas erit totaliter extrinseca naturæ, quæ est genus.

CAPVT TERTIVM.

De Specie.

SECTIO PRIMA.

Quid, & quotuplex sit Species.

1. **S**pecies est, quæ subijcitur generi. Alia est tantum subijcibilis, qualis

lis est species subalterna, quæ prout prædicabilis non est species, quia prædicatur vt genus; alia est subijcibilis, & prædicabilis, qualis est species infima, quia tam respectu generis, cui subijcitur, quam respectu indiuiduorum, de quibus prædicatur, est prædicabilis vt species.

2 Species, quæ tam prout subijcibilis, quam prout prædicabilis est species, requirit pluralitatem indiuiduorum saltem possibilem, neq; enim potest esse apta prædicari de pluribus, nisi sint saltem possiblem plura, de quibus prædicetur. E contra species tantum subijcibilis non requirit pluralitatem indiuiduorum, neque possibilem; quia ad rationem speciei merè prout subijcibilis, satis est, quod supponatur generi. Quare si esset possibilem Creatura immultiplicabilis, quam tamen inferius reijcimus, dici posset species, quia poni posset sub aliquo genere.

3 Species infima prout prædicabilis benè definitur, id quod prædicatur de pluribus differentibus numero in quid, de hac autem, & reliquorum prædicabilium definitionibus inferius afferendis eadem proportionaliter sentienda sunt, quæ diximus de definitione

E

ne

ne generis, quod nimirum consent suo genere, & differentia, quod intelligi debeat de prædicatione aptitudinali.

4 Quamvis autem etiam genus prædicetur de pluribus differentibus numero in quid, species tamen convenit tantum prædicari de pluribus differentiibus numero. Neque verò necesse fuit in definitione species apponere explicitè particulam *tantum* per huius enim particulæ additionem non debuit definitio species reddi longior, cum sufficienter illa intelligatur; non aliter, ac quando dicimus Petrum, & Paulum differre numero, & scholam distare à platea decem passibus, iuxta communem loquendi modum intelligitur particula *tantum*.

5 Assignandus superest conceptus aliquis communis tam species infimæ, quam species subalternæ. Hic ergò non potest desumi per prædicabilitatem, quia prædicabilitas de inferioribus non convenit species subalternæ, quæ non est prædicabilis de inferioribus, nisi ut genus; præterea non potest desumi per subijcibilitatem, quia species infima est species non solum prout subijcitur generi, sed etiam præcisè per hoc, quod est prædicabilis de inferioribus, sub quo
con-

conceptu non conuenit illi subijcibilitas.

6 Melius ergo essentia, & conceptus communis speciei tam subijcibili, quam prædicabili, consistet in hoc, quod species sit conceptus non solum obiectiuè, sed etiam formaliter adæquatus, seu formaliter explicans totam essentiam eorum, respectu quorum est species, & importatus prætereà ad modum per se stantis. Sic homo v. g. est species subijcibilis respectu animalis, & est species prædicabilis respectu Petri, & Pauli, quia est conceptus non modo obiectiuè, sed etiam formaliter explicans totam essentiam Petri, & Pauli, respectu quorum est species prædicabilis, cum explicet aliquid, per quod illi cum alijs conueniunt, & aliquid per quod ab alijs differunt, iuxta dicta de genere. Similiter explicat formaliter totam essentiam generis, cui subijcitur; Homo enim subijcitur animali tanquam generi, homo verò cum idem formaliter sit, ac animal rationale explicat profectò ipsum animal, licet etiam explicet aliquid plus, nimirum rationale. Demum species subalterna, v. g. animal est species respectu videntis, cui tanquam generi subijcitur, quia explicat



totam essentiam viuentis ; cum enim animal idem sit , ac viuens sensitivum , profectò animal explicat totam essentiam viuentis , licet , simul cum essentia viuentis , explicet etiam aliquid plus . Cum verò tam species subijcibilis , quàm prædicabilis importetur ad modum per se stantis , patet quod conceptus assignatus speciei conueniat speciei tam subijcibili , quàm prædicabili , & quod hic conceptus differat à conceptu tam generis , quàm differentiae quia tam conceptus genericus , quàm differentialis non explicat formaliter , nisi partem essentiae .

SECTIO SECVNDA.

Quid sit differre specie.

C V M species dicatur à spectando, illa dici possunt differre specie , si spectemus etymologiam , quæ differunt spectabiliter . Dupliciter autem potest aliquid dici spectabile, vt diuersum ab alio, vel quia sit potens tanquàm diuersum ab alio spectari respectu nostri, in ordine ad quos quærimus differentiam specificam , vel quia sit etiam di-

dignum, quod à nobis spectetur vt diuersū ab alio. Rursus id quod respectu nostri est potens spectari, vt diuersū ab alio, vel est tale, vt licet habeat positiuā differētiā ab alio, nō sit tamen à nobis talis positiua differētia positiuē designabilis vt diuersa, sed merē negatiuē, per hoc scilicet quod solum possimus dicere, quod vnum non est aliud, & hæc quia non sunt à nobis positiuē designabilia vt diuersa, non differunt nisi numericē; sic duæ guttæ aquæ non differunt nisi numero, quia si spectemus earum naturam, & entitatem, præscindendo ab accidentibus merē coassumptis, vt mox explicabimus, non possunt à nobis designari vt diuersæ, nisi merē per hoc, quod dicemus vnā guttam non esse aliam.

2 Alia tamen dantur, quæ non modo habent inter se positiuam differentiam, sed præterea sunt à nobis positiuē designabilia vt diuersa, talia autem sunt, quæ habent prædicatum aliquod entitatum, seu essentiale positiuē designabile vt diuersum, sufficiens ad tollendam integram, & perfectam similitudinem in natura, & entitate, & hæc quia differunt plusquam illa, quæ non sunt designabilia, vt diuersa nisi negati-

uè , dici possunt differre specie, iuxta doctrinam Suarez disp. 5. met. sect. 2. num. 35. ubi sic ait: *Individua eiusdem speciei cum reali distinctione habent integrā , & perfectam similitudinem in natura , in quo differunt ab individuis differentibus specie suo eodem genere, qua inter se non habent tantam , tam perfectamque similitudinem .*

3 Sed quoniam non omnia, quæ ratione cuiuscunque prædicati entitatiui tollentis integram, perfectamque similitudinem in natura , differunt inter se sunt talia, ut attenta vitæ breuitate , nostræque intelligentiæ limitata capacitate, digna sint , quæ spectentur ut diuersa, ideò non omnia, quæ iuxta priorem acceptionem differunt specie, sunt talia , ut etiam respectu humanarum scientiarum differant specie. Quare duplicem distinguere poterimus differentiam specificam , prima dicatur entitatiua, secunda scientifica ; non quod hæc secunda non fundetur etiam in entitate rei , sed quod cum prior illa habeatur merè ratione entitatis, & naturæ rei nõ attentis ullis extrinsecis circumstantijs, hæc verò attendat etiam ad extrinsecas scientiarum circumstantias , hæc peculiari nomine dici poterit scientifica ,

4 Porro quæ alterutro modo non differunt

differunt nisi numericè, dicenda sunt differre secundum id quod se habet ut materia, ex Aristotele enim 10. met. cap. 7. tex. 25. *Materia negatione ostenditur* ergo illa, quæ non ostenduntur, neque designantur à nobis ut diuersa, nisi per negationem meritò cum Aristotele, & S. Thoma dicuntur differre secundum id, quod se habet ut materia, non quod non possint solo numero differre, nisi quæ habent materiã primam, sed quod illa, quæ in ordine ad designari ut diuersa se habent sicuti materia prima, non differant nisi numero, quæ verò differunt per prædicatum aliquod positiuè designabile ut diuersum modo explicato, differant secundum id quod se habet ut forma. Sic Aristoteles 10. met. tex. 25. docens hominem album, & nigrum differre solo numero ait: *homo namque ut materia est.*

5 De specie entitativa iuxta modum explicatum verificari dicendum est cõmune axioma fundatum in Aristotele 8. met. tex. 10. Quod scilicet species sunt sicut numeri, sicut enim quælibet positiua additio, & positiuè designabilis variat numerum, ita quodlibet entitativum prædicatum positiuè designabile ut diuersum variat speciem entitativã.

Et sanè cum quodlibet huiusmodi prædicatum sit communicabile pluribus plusquam numero differentibus, non erit indiuiduale, sed constitutum speciei saltem entitatiuæ.

6 Dices primò, Materia differt specie à forma, ergo aliquid quod non modo se habet vt materia, sed est materia, differt specie ab alio. Respondeo materiam differre specie à forma, quia non vtraque ex his est materia, neque vtraque se habet vt materia, quare ad diuersitatem duorum numericam requiritur, quod vtrumque se habeat vt materia comparatum cum alio.

7 Dices secundò, Nihil est quod alteri cōparatum nō habeat aliquod accidēs loci, téporis &c. positiuè designabile vt diuersum ab alio. Respondeo ex Aristotele citato: *Quacumque in ratione contrarietates sunt, specie differentiam faciunt; quacumque verò in coassumpta materia minimè faciunt.* Aliqua ergo accidentia, cuiusmodi sunt hic locus, hoc tempus &c. sunt merè coassumpta per accidens, talia scilicet, quæ stante vna alicuius alterius entitate æquè potuissent illi conuenire, ideòque id, quod designatur vt diuersum ab alio merè per ordinem ad hæc accidentia, non differt

differt ab illo , nisi numericè , quia si spectemus illud , quod non per accidens, sed ratione sui habetur peculiare ab vno , & non ab alio , hoc non erit designabile, vt diuersum nisi negatiuè . E contra accidentia , quæ ita vni conueniunt , vt non possint alteri conuenire , cuiusmodi sunt discursus , sensatio &c. indicant diuersitatem principij, ideòque id, quod per ordinem ad hæc accidentia designatur vt diuersum, differt ab alio specie saltem entitatiua . Similiter dicendum est de maiori mole, quæ non facit diuersitatem specificam , sed pluralitatem, & numerum partium non differentium nisi secundū id, quod se habet vt materia .

8 Dices tertio. In scientijs aliqua modo considerari, modo non considerari, vt positiuè diuersa pro libito proferentium ipsas scientias, ideòque regulam à nobis traditam de differentia specifica scientifica non esse firmam . Respondeo regulam de differentia specifica entitatiua esse firmissimam , sicuti firmæ sunt rerum essentia . Circa diuersitatem verò specificam scientificam non potuit à nobis tradi regula firmior quam sint ipsæ scientiæ humanæ , quæ nunc ampliores , nunc angustiores

fines habent. Quanquam in pluribus satis constat, quæ nam consueuerint in aliqua scientia considerari vt positiuè diuersa.

SECTIO TERTIA.

An dari possit Species, seu Creatura immultiplicabilis.

ICREaturam immultiplicabilem appellauimus nomine speciei, quia si dari posset, esset species saltem subijcibilis. Porro dicimus repugnare huiusmodi Creaturam, quæ ex suis intrinsicis principijs habeat, quod ab omnipotentia diuina non possit produci alia illi similis, quia huiusmodi Creatura præcisè, prout immultiplicabilis haberet prædicatum nullam importans peculiarem perfectionem, sed merè hoc, quod est directè opponi Diuinæ omnipotentiae. Quare qui admittunt possibilem Creaturam immultiplicabilem, non propterea tribuunt Deo potentiam ad faciendam Creaturam aliquam cum maiori, vel cum peculiari aliqua perfectione; omnes enim perfectiones, quas illi

illi dicunt fieri posse à Deo , nos etiam Deo faciendas tribuimus , cum non nisi tale prædicatum Creaturis denege-
mus , quod nullam aliam peculiarem perfectionem importet , quam directè opponi Diuinæ omnipotentiae .

2 Et quidem quancumque perfectionē aliundè possibilem assignaueris , semper stat possessio pro Diuina omnipotentia , quod si potest facere perfectionē illa maiorem , possit multo magis similem , ideòque spectabit ad aduersarios assignare contradictionem in talis perfectionis multiplicatione , aliter dicam esse possibilem talem Creaturam , quæ semel posita per suam essentiam , exigit non posse produci vllam aliam Creaturam . Quare huiusmodi prædicata , quæ solum habent directè opponi Diuinæ Omnipotentiae , dicenda sunt inuoluere in suo conceptu contradictionem . Fundamentum Thomisticum , quod ea , quæ non dicunt ordinem ad materiam , non possint differre solo numero , gratis assumitur , & bene explicantur auctoritates Aristotel. & S. Thomæ per hoc , quod illa differant solo numero , quæ differunt per id , quod se habet vt materia modo explicato , cum ceteroqui satis ex supradictis colligatur ,

posse aliqua solo numero differre etiā si nullum dicant ordinem ad materiam.

3 Dices potest Deus reuelare Petro se nolle concurrere, nisi ad vnicum actum Fidei; si ergo Petrus credat huic reuelationi, talis actus Fidei erit essentialiter verus, idēque de sua essentia immultiplicabilis. Respondeo multiplicabilitatem, seu possibilitatem plurium indiuiduorū eiusdem specie haberi per omnipotentiam Dei, à qua denominantur possibilia, licet ad hoc, ut omnipotentia aliquid actu ponat, requiratur libera Dei volitio. Quamuis ergo Deus liberè decreuerit nō producere aliqua, adhuc tamen, cum illa sint simpliciter de se possibilia Deo, simpliciter denominantur possibilia, quia denominatio possibilis est denominatio ab omnipotentia Dei, & solum dici possunt impossibilia secundum quid, ratione videlicet decreti Dei nolentis illa producere. Similiter ergo in casu nostro actus ille Fidei non reddit alios actus similes simpliciter impossibiles, quia nullum habet prædicatum oppositum possibilitati simpliciter aliorum actuum, hoc est oppositum omnipotentiae Diuinæ, illamque limitans, sed solum reddit alios actus impossibiles secundum

cundum quid, eo quod habeat solummodo prædicatum oppositum alteri actui Diuinæ voluntatis, quo Deus vellet ponere alios actus Fidei. Tale autem prædicatū non modo non opponitur vlli perfectioni Diuinæ, sed opponitur, seu excludit à Deo imperfectionē alterius actus, quo Deus mutaret prius Decretum. Idem dicendum in sententia complēte decreta Dei per extrinsecum de actione terminatiua decreti, quo Deus decerneret nolle creare quidquam aliud propter tale peculiare motiuum, actio enim explicatiua talis motiui, & excludens aliud quodcunque ens, non opponeretur, nisi volitioni Dei chymericæ, qua prius decretum retractaret, cæterum remaneret possibilitas simpliciter tum aliarum Creaturarum, tum etiam alterius actionis solo numero diuersæ ab actione illa, quæ de facto poneretur.

4 Non ergo dicenda est implicare Creatura, quæ ex suis intrinsecis principijs habeat, quod à Diuina voluntate non sit volibilis alia illi similis in specie imò neque implicare dicenda est creatura, quæ habeat, quod non sit à Deo quidquam aliud volibile, cuiusmodi esset actus Fidei, quo quis crederet Deo reue-

reuelanti se nolle quidquam amplius creare. Sed cum hoc bene fiat id quod prius diximus, quod nimirum implicet creatura, quæ directè se opponens Diuinæ omnipotentiae reddat aliam Creaturam sibi finilem simpliciter impossibilem.

CAPVT QVARTVM.

De Indiuiduo.

1 **S**peciei adnectimus explicationem Indiuidui, quia de indiuiduis species prædicatur. Describitur indiuiduum à Porphyrio, *id cuius proprietatum collectio nunquam in alio eadem erit.* Hæc est mera descriptio, quia eadem, seu similis collectio accidentium, quæ est in vno Indiuiduo, non repugnat, quod sit in alio, ideòque per ordinem ad collectionem proprietatum, non differt metaphysicè loquendo vnum indiuiduum ab alio.

2 Melius ergo ratio indiuidui explicabitur, quantum primi conceptus explicari possunt, si cum S. Thoma 1. par. quæst. 29. art. 4. dicamus esse id, quod est in se indistinctum, ab alijs verò distinctum;

ctum ; seu vt communiter dicitur, indiuisum in se , & diuisum à quolibet alio, quod scilicet non est diuisum, imò nec est diuisibile in plura eiusdem rationis, sed cum quolibet alio facit diuisionem , & pluralitatem , vt diximus supra de vnitae . Ex hac indiuidui explicatione , quæ traditur per negationes, constat bene à nobis fuisse dictum supra , quod illa differunt solo numero quæ differunt merè per id, quod se habet, vt materia, seu per hoc quod vnum non sit aliud .

3 Indiuiduum aliud est incompletum, aliud completum, aliud vagum. Incompletum est conceptus genericus cum hæceitate, vt *hoc animal*, genus enim est conceptus formaliter inadæquatus ex supradictis ; quia verò species est conceptus adæquatus essentiarum, idè indiuiduum completum est conceptus specificus cum hæceitate, vt *hic homo* . Indiuiduum vagum est, quâdo generi, vel speciei additur terminus syncategorematicus *aliquis*, *vnus*, &c. Ita tamen vt per hos terminos non designentur prædicata cōuertibilia cum ente, sed designetur indiuiduum de se quidem determinatum, sed indeterminatum quoad nostram cognitionem, idè-

ideòque indiuiduum vagum nunquam est vniuersale, sic si dicam *unus nostrum est optimus*, *aliquis nostrum primus morietur*, esse optimum; esse primò moriturum non conuenit, nisi vni, nec est de pluribus prædicabile, quod ad vniuersale requiritur.

4 Ab hoc tamen, ab illo, & illo indiuiduo abstrahi potest vniuersalis ratio indiuidui vt sic, quæ erit de pluribus prædicabilis, æque enim de Petro, ac de Paulo &c. prædicatur quod sit indiuiduum. Porro ratio indiuidui vt sic sub conceptu indistincti in se, est ratio non certificans formaliter de vlla pluralitate, neque de vlllo indiuiduo in particulari, ideò non est, cur non dicatur esse perfectè præcisà ab inferioribus, & vniuoca. Quod verò differentia sint formaliter indiuiduum, hoc non officit vniuocationi, sed solum efficit, quod ratio indiuidui non sit generica, cum plus requiratur ad esse genus, quam ad esse vniuocum, vt constabit ex dicendis de vniuocatione entis.

5 Dicitur rationem Indiuidui vt sic esse perfectè præcisam sub conceptu indistincti, seu indiuisi in se, sub conceptu enim distincti, seu diuisi à quocumque alio, non potest esse perfectè præcisà, cum

cum formaliter certificet nos de pluralitate aliorum, à quibus distinguitur.

CAPVT QVINTVM.

De Differentia, Proprio, & Accidente.

Differentia alia est communis, quæ unum differt ab alio quomocumque, & hæc est quodlibet accedens commune diuersum ab accidente alterius; alia est differentia propria, & hæc est quodlibet accedens proprium, per quod unum differt ab alio; alia denum est differentia propriissimè dicta, quæ est id, quo singula differunt inter se essentialiter, hæc habet diuidere genus, & constituere speciem, ideòque prout diuisiua generis, est id quo genus diuitur in suas species, prout constitutiva speciei est id; quo species abundat à genere.

2. Differentia prout prædicabilis, est id, quod prædicatur de pluribus in quale quid; nam addimus cum Porphyrio particulas illas *differentibus specie,* ut allata definitio sit vniuersalior & cōue-

ueniens tam differentia infima, quæ est prædicabilis de pluribus differentibus solo numero, quam differentia subalterna, quæ est etiam prædicabilis de pluribus differentibus specie. Ad auctoritatem verò Porphyrij, dicendum est, quod noluerit agere exactè de prædicabilibus sic enim ipsemet in principio proficitur. Essentia differentia consistit in hoc, quod sit conceptus essentialis, sed formaliter inadæquatus, & importatus ad modum adiacentis; hinc prædicatur in quale, quia importatur ad modum adiacentis alteri, quia verò est conceptus essentialis prædicatur in quid.

3 Quodcumque prædicatum, quod est extra Metaphysicam rei essentiam, vel est accidentale proprium, vel merè accidentale, seu accidentale commune. Porro Proprium aliud est, quod conuenit soli alicui speciei, vel generi, sed non omnibus contentis sub illis, & hoc modo, esse Philosophum est proprium speciei humanæ; aliud conuenit omni, sed non soli, sic eiusdem speciei humanæ est proprium esse bipedem; aliud est, quod conuenit omni, & soli, sed non semper, & hoc modo canescere est proprium hominis. Aliud demum est pro-

proprium quarto modo, quod *conuenit omni, soli, & semper*, dummodo sit extra conceptum quidditatum rei, hinc ex Aristotel. primo Topic. cap. 4. definitur *quod non indicat, quid est esse rei, soli autem inest, & conuersim predicatur de re.*

4 Proprium aliud est genericum, quale est, v.g. habere figuram, quod est proprium corporis; aliud specificum, quale est esse risibile, quod est proprium hominis. Vtrumque autem prout prædicabile, definitur id, quod prædicatur de pluribus in quale accidentale conuertibiliter cum essentia, conuertibiliter inquam cum essentia generica, & specifica, cum qua proprium æquè latè patet, non verò de contentis sub genere, vel specie, de quibus proprium prædicatur, vt vniuersale, neque enim risibile prædicatur conuertibiliter de Petro, v. g. vel de Paulo, sed de homine, cum quo æquè latè patet.

5 Accidens commune; seu prædicatum accidentale commune, prout prædicabile, definitur id, quod prædicatur de pluribus in quale merè accidentale. Quare primò intentionaliter acceptum, erit id quod potest adesse, & abesse præter subiecti corruptionem. Quod scilicet est tale, vt siue intelligatur

tur abesse à subiecto illo, quod denominatur habere tale prædicatum accidentale, non propterea intelligitur subiectum corruptum, sed æquè intelligitur totus conceptus quidditatiuus talis subiecti denominationis ; sic siue intelligatur homo habens albedinem, siue intelligatur carens albedine æquè intelligitur tota quidditas hominis .

6 Sed quia hoc totum convenit cuicumque accidenti, etiam proprio, ideò vt vnum ab alio distinguatur, dicendum est: accidens proprium, licet non pertineat ad conceptum quidditatiuum, & essentiam rei, esse tamen ab essentia exiguum, cum è contra accidens commune neque sit de essentia rei, neque ab essentia exigatur, ex quo fit, vt non possit intelligi essentia rei, quin intelligatur exigentia accidentis proprii, è contra verò intelligi possit essentia rei, etiam sine exigentia accidentis communis : Sic risibile est accidens proprium hominis, quia non potest intelligi homo sine rationalitate, quæ est exigentia metaphysica risibilitatis, & si intelligatur homo sine exigentia risibilitatis, intelligetur destructus, è contra esse album est prædicatum homini mere accidentale, quia tota essentia hominis

nis habetur, & intelligitur tam sine albedine, quam sine exigentia albedinis; quia verò esse non potest sine exigentia alicuius coloris, ideò esse coloratum erit accidens proprium, non tamen specificum, sed genericum:

7 Dices fauciatio cordis, mors &c. sunt accidentia, nec tamen adsunt sine subiecti corruptione. Respondeo fauciationem cordis, & mortem dispositiuam, seu accidentia disponentia ad mortem formalem, adesse subiecto sine formali illius corruptione, ideoque illis conuenire differentiam accidentis. Mors verò formalis, siue formalis rei destructio, & non esse, non est accidens, nec vllum habet esse, cum negationes non sint entia.

DISTINCTIO QVARTA.

In Antepredicamenta.

Agemus hic cum Aristotele, de Aequiuocis, Vniuocis, & Analogis, quæ prædicamentorum explicationi præmittuntur, & recepto scholarum more de vniuocatione entis; sed cum hoc in libro Metaphysicam Logicæ statuerimus inse-

inferere, occasionem libenter arripimus expediendi etiam hic quidquid de ente ut sic dicendum occurret.

CAPVT PRIMVM.

De Aequiuocis, Vniuocis, & Analogis.

A Equiuoca alia sunt æquiuocata, alia æquiuocantia. Aequiuoca æquiuocata benè definituntur, quorum nomen commune est, secundum nomen verò ratio substantiæ diuersa. Aequiuoca verò æquiuocantia sunt ipsa nomina communia pluribus, quorum substantiæ ratio secundum nomen importata est diuersa. Sic nomen *Canis* prout dicitur de Terrestri, Cælesti, & Marino est nomen æquiuocans, seù æquiuocum, ipsi verò Canes, Terrestris, Cælestis, & Marinus sunt æquiuoca æquiuocata: cum solum nomen *Canis* commune habeant, ratio verò substantiæ, seù essentia per nomen *Canis* importata, sit omninò diuersa. Porro bene posuimus Aequiuoca vna definitione definire, quia omnia æquiuoca vniuocè

uocè conueniunt in hoc quod omnia
sint æquiuoca.

2 Vniuoca similiter alia sunt vniuocata, alia vniuocantia. Vniuocata sunt, quorum nomen commune est, secundum nomen verò ratio substantiæ eadem; secundum nomen, inquam, ad hoc enim vt aliqua sint vniuoca debent habere eandem, hoc est similem essentiam, quæ specialiter importetur per nomen commune, & vniuocans. Rursus vniuoca alia sunt participata, hoc est, ipsæ naturæ communes æquè inexistentes in inferioribus, & ab illis participatæ, alia sunt participantia, hoc est inferiora æquè participantia naturam communem. Sic homo v. g. est vniuocum participatum; Petrus verò, & Paulus sunt vniuoca participantia. Demum alia sunt vniuoca essentialia, alia accidentalia, prout ratio per nomen commune significata est essentialis, vel accidentalis inferioribus.

3 Analoga sunt quorum nomen commune est secundum nomen verò ratio substantiæ partim eadem partim diuersa. Alia sunt analoga attributionis, alia proportionis; ratio autem huius diuisionis est, quia cum analogia idem latine sit ac proportio, plura quæ habent

bent nomen commune habere possunt ordinem proportionis, vel quod plura dicant ordinem ad vnum, vel quod vnum dicat ordinem ad aliud; si ergo plura dicant ordinem ad vnum erunt analogia attributionis, si verò vnum dicat ordinem ad aliud, erunt analogia proportionis. Desumpta est hæc diuisio ex Aristotele primò Ethicor. cap. 6. vbi analogia attributionis vocat *ab uno* seu *ad vnum* reliqua verò vocat *secundum proportionem*. Vtitur autem ibi Aristoteles nomine æquiucorum, quia analogia fuerunt ab ipso comprehensa sub æquiucis, cum sæpè dicat æquiucationum alias esse multum distantes alias habentes quandam similitudinem.

4 Analogia attributionis sunt, quæ dicunt ordinem ad vnum tertium, ita vt in tali ordine per commune nomen importato partim conueniant, partim differant, sic color, medicina, & animal analogicè conueniunt in nomine, *sani*, eò quod hæc omnia in ordine, seu habitudine quæ importatur per nomen *sanum* partim conueniant partim differant, conueniunt quidem quia terminus cuiuscunque ex his ordinibus est eadem sanitas; disconueniunt autem

tem, quia ordo medicinæ ad sanitatem est ordo efficientiæ, ordo coloris est ordo signi, ordo animalis est ordo intrinsecæ habitudinis . Ita verò in habitudine ad sanitatem partim cōueniunt; partim disconueniunt, vt præterea ordo coloris, & medicinæ, quæ in ratione, & nomine *sani* sunt minus principalia analogata, fit ad vnum, ad sanitatem scilicet animalis, quod propterea dicitur analogatum magis principale .

5 Analoga proportionis sunt quorum nomen commune est, & ratio secundum illud nomen importata proportionaliter, ac proinde imperfectè eadem . Alia sunt analoga proportionis propria, alia metaphorica; si enim aliqua habentia inter se proportionem ita appellantur eodem nomine, vt nomen commune propriè vtrique conueniat erunt analoga proportionis propria si verò vni cōueniat propriè, alteri solū per metaphorā erūt analoga proportionis metaphorica, sic quia ita se habet risus ad hominē, sicuti viriditas ad prauū, fit vt risus metaphoricè dicatur de viriditate pratorum : ideòque nomen *risus* prout dictum de actu vitali hominis, & viriditate pratorum est analogum proportionis metaphoricū . Pariter quia ita se habet substantia ad esse ens simpliciter

bent nomen commune habere possunt ordinem proportionis, vel quod plura dicant ordinem ad vnum, vel quod vnum dicat ordinem ad aliud; si ergo plura dicant ordinem ad vnum erunt analoga attributionis, si verò vnum dicat ordinem ad aliud, erunt analoga proportionis. Desumpta est hæc diuisio ex Aristotele primò Ethicor. cap. 6. vbi analoga attributionis vocat *ab uno* seu *ad vnum* reliqua verò vocat *secundum proportionem*. Vtitur autem ibi Aristoteles nomine æquiuocorum, quia analoga fuerunt ab ipso comprehensa sub æquiuocis, cum sæpè dicat æquiuationum alias esse multum distantes alias habentes quandam similitudinem.

4 Analoga attributionis sunt, quæ dicunt ordinem ad vnum tertium, ita vt in tali ordine per commune nomen importato partim conueniant, partim differant, sic color, medicina, & animal analogicè conueniunt in nomine, *sani*, eò quod hæc omnia in ordine, seu habitudine quæ importatur per nomen *sanum* partim conueniant partim differant, conueniunt quidem quia terminus cuiuscunque ex his ordinibus est eadem sanitas; disconueniunt autem

tem, quia ordo medicinæ ad sanitatem est ordo efficientiæ, ordo coloris est ordo signi, ordo animalis est ordo intrinsicæ habitudinis. Ita verò in habitudine ad sanitatem partim cõueniunt; partim disconueniunt, vt præterea ordo coloris, & medicinæ, quæ in ratione, & nomine *sani* sunt minus principalia analogata, fit ad vnum, ad sanitatem scilicet animalis, quod propterea dicitur analogatum magis principale.

5 Analoga proportionis sunt quorum nomen commune est, & ratio secundum illud nomen importata proportionaliter, ac proinde imperfectè eadem. Alia sunt analoga proportionis propria, alia metaphorica; si enim aliqua habentia inter se proportionem ita appellantur eodem nomine, vt nomen commune propriè vtrique conueniat erunt analoga proportionis propria; si verò vni cõueniat propriè, alteri solù per metaphorâ erunt analoga proportionis metaphorica, sic quia ita se habet risus ad hominẽ, sicuti viriditas ad prauũ, fit vt risus metaphoricè dicatur de viriditate pratorum: ideòque nomen *risus* prout dictum de actu vitali hominis, & viriditate pratorum est analogum proportionis metaphoricũ. Pariter quia ita se habet substantia ad esse ens simplici-

F ter

ter dictum, sicuti se habet accidens ad esse entis ens, fit ut non solum substantia, sed etiam accidens sine addito appelletur ens, ideoque ens est analogum proportionis sed proprium; quia non per metaphoram, sed propriè dicitur de accidente quod sit ens, licet cum addito. Cum hoc tamen stat, quod ens in alia acceptione possit esse uniuocum, ut inferius explicabimus.

6 Analoga non constituuntur in suo esse neque per inæqualitatem, neque per dependentiam, quia dari potest conceptus entis realis uniuocus respectu substantiæ, & accidentis, respectu Dei, & creaturarum, ut videbimus, & tamen ratio entis realis inæqualiter à substantia, & accidente, à Deo, & creaturis participatur, & pariter accidens dependet à substantia, creaturæ dependent à Deo: Et sanè si inæqualitas, & dependentia non importatur formaliter per conceptum, & nomen commune, cur tollet uniuocationem, & perfectam rationem unius? cum de nulla pluralitate ex vi talis conceptus certificemur. Similiter non constituuntur analoga in ratione analogorum per transcendentiam, ratione cuius superius præscindat ab inferioribus, inferiora verò non præscindant à superiori; huiusmodi enim
tran-

transcendentia non tollit vniuocationem, quia per hoc quod differentia imbibant conceptum superioris, bene stat quod cōceptus superioris sit perfectè vnus, cum de nulla pluralitate certificet. Adde non posse essentiā analogorum omniū consistere in transcendentia, quia transcendentia in analogis proportionis metaphoricis non requiritur.

7 Essentia ergo analogorum consistet in hoc quod ex vi nominis analogi intellectus formaliter certificetur de pluribus, partim inter se conuenientibus, partim disconuenientibus in ratione specialiter importata per nomen analogum. Probatur quia hoc conuenit omnibus analogis, & per hoc ab vniuocis, & æquiuocis distinguuntur. Et primò analogū proportionis metaphoricum habet formaliter representare plura: ex Aristotele enim tertio Rhetor. c: 10. Metaphoris maximè delectamur, quia *faciliter discere, ac intelligere natura omnibus est suauis*. Per metaphoram autem plura vnico nomine, ideòque facilius discimus, vt explicat idem Aristoteles, & cōstat experientia: Quis enim est qui audiens viriditatem prati appellari risum, statim cognitione non accurrat ad risum hominis, huius autem experientiæ ratio est, quia cum nomen,

quod est metaphoricū respectu vnius, sit proprium respectu alterius, semper habet nos ducere in cognitionem illius, ad quod significandum est tale nomen impositum.

8 Idem accidit in analogis attributionis, cum enim *sanum*, v. g. dicatur magis principaliter de animali, quando applicatur colori, vel medicinæ, fieri non potest, quin ducat nos in cognitionem illius, de quo magis principaliter prædicatur, non aliter ac nomen quod metaphoricè dicitur devno, statim ducit nos in cognitionem illius, de quo tale nomen propriè dicitur, idem denique asserendū est de analogis proportionis proprijs, si enim nomine entis significetur id, quod est simpliciter, & absolutè ens, quando de accidente quod est entis ens dicitur sine addito ens, non potest non etiam repræsentari intellectui id quod est simpliciter, & absolutè ens, quale est substantia, ergo omnibus analogis convenit, quod formaliter repræsentent plura.

9 Porro differunt analogia ab univocis, quod univoca de nulla pluralitate certificent, sed perfectè ab inferioribus præscindant, cum è contra analogia semper formaliter repræsentent aliquam inferiorum pluralitatem. Ab
æqui-

æqui-uocis verò differunt per hoc, quod æqui-uoca de pluribus certificent omnino diuersis in ratione specialiter importata per nomen; analoga verò certificent de pluribus, sed partim cōuenientibus, partim disconuenientibus in ratione per nomen importata. Quamuis autem per nomen analogum repræsentetur formaliter pluralitas, adhuc tamen propositiones sunt veræ, quia non importantur in recto plura; quando enim dicimus, v.g. Prata rident, sensus est, prata sunt habentia aliquid simile risui, qui est in homine.

10. Pōtēst idē nomen comparatū cum aliquibus esse analogum, comparatum cum alijs esse vniuocum, sic risus prout dicitur de viriditate pratorū, & de tali actū vitali hominis est analogum, prout dicitur de hoc, & illo actū ridendi humano est vniuocū; sic idē homo dicitur vniuocē, de hoc, & illo homine, de homine autē vero, & picto dicitur æqui-uocē ex Aristotele hīc. Quādo ergo quæritur de aliquo nomine vtrum sit vniuocum, vel analogum statuen-dum prius est respectu quorum petatur vtrum sit vniuocum; vel analogum. Quod si quæras vtrum alicui nomini solitariē prolato substat cōceptus vnus,

an conceptus plurium : Dico analogis metaphoricis solitariè prolatis subesse conceptum perfectè præcisè plurium , vt vnum, eorum scilicet , quæ propriè per tale nomen significantur . In analogis autem attributionis pendet hoc ex conceptu, quem sibi quisque format ex vi talium nominum, qui enim bene penetrat hoc nomen *sanum*, v.g. concipiet formaliter pluralitatè, quia hoc nomen videtur impositum ad significandam pluralitatem , qui verò illud non bene penetrat habebit cōceptum magis confusum, & nullam cōcipiet pluralitatem.

CAPVT SECVNDVM.

An ens sit uniuocum .

ENS ex Aristotele 4. met. text. 2. multipliciter dicitur , ideòque accipi potest vel in stricta , vel in lata significatione. Si enim in latissima significatione sumatur , comprehendet tam ens reale , quam ens rationis & quidquid, quomodocumque est intelligibile, sic vt ait S. Thomas de ente & essentia capite primo . *Dicitur ens omne illud de quo affirmatiua propositio formari potest, etiam si illud in re nihil ponat , per quem*
mo-

*modum negationes, & priuationes entia dicuntur, & ex Aristotele loco citato, quædam quoniam substantia entia dicuntur, quædam quoniam passionibus substantia, quædam quoniam via ad substantiam, aut corruptiones, aut priuationes, aut qualitates, &c. aut aliquorum ex his negationes, quare ipsum non ens esse dicimus: Quod si nomen entis strictius accipiatur, significabit solum ens reale. Si sumatur adhuc strictius non conuenit nisi substantiæ, quia sola substantia dicitur ens simpliciter, & sine addito, accidentia enim dicuntur entis entia; si demum sumatur strictissime, non conuenit nisi Deo, qui de se dicit: *Ego sum qui sum*, creaturæ autem sunt entia cum addito nimirum per participationem. Cum ergo tam diuersimodè accipiatur ratio entis pro diuersa acceptione diuersimodè de illo discurrendum erit.*

2 Ens in acceptione latissima, prout significat quidquid est intelligibile, est vniuocum, cum perfectè præscindat à differentijs, per conceptum enim entis ut sic, seu intelligibilis non certificamur de reali, vel non reali, quæ sunt differentia entis ut sic. De pluribus enim de quibus certificamur, quod sint quid intelligibile, quia illa intelligimus, di-

sputamus deinde vtrum sint ens reale , vel non reale ; ideòque conceptus de intelligibili non est formalis conceptus de reali, vel non reali. Verum quidem est, quod inferiora non præscindunt à superiori, sed hoc non officit vniuocationi , adhuc enim conceptus intelligibilis , & entis vt sic, est perfectè præcisus , & vnus, ideòque illi conuenit tota definitio vniuocorum , quod nimirum ratio importata per nomen commune sit vna , & eadem .

3 Ex eo autem quod differentiarum non præscindant formaliter ab ente latissimè accepto ; sequitur solum quod ens latissimè acceptum non fit genus , plus enim requiritur ad rationem generis ; quam ad esse vniuocum. Aristoteles enim tertio met. text. 10. ait : *Non esse autem possibile neque ipsum vnum entium esse genus , neque ipsum ens , necesse etenim est vnius cuiusque generis differentias , & esse, & vnamquamque vnum esse, quare si vnum , vel ens genus est , nulla differentia nec vnum , nec ens erit .* Ergo per Aristotelem ad rationem generis requiritur , quod differentiarum non sint formaliter superius . Præterea Porphyrius cap. de differentia ait differentiam esse quæ *species abundat à genere.* Sed differentiarum entis

tis latissimè accepti inuoluunt ipsū ens latissimè acceptū ergo non sunt quid ab illo abundans, ideòque propriè loquēdo non sunt differentiæ. Cum ergo ad rationē generis Arist. & Porphyrius aliquid requirant, quod ad rationem & definitionem vniuoci nō est necessarium, poterit ens latissimè acceptum esse vniuocū, non genus; ideòque quando ens latissimè acceptū prædicatur de inferioribus, non prædicatur vt rigorosè genus, sed vt genus reductiuè, & hac de causa non constituit diuersum prædicabile.

4 Dices ens, & non ens nullam possunt habere inter se conuenientiam, quod enim nullo modo est neque potest habere conuenientiam. Respondeo ens, & non ens conuenire in cōuenientia aliqua extrinseca, ideòque esse vniuoca per denominationem vniuocam, sed extrinsecam; prout enim per aliquod nomen habetur denominatio vniuoca intrinseca, vel extrinseca, plura appellata tali communi nomine, intrinsecè, vel extrinsecè erunt vniuoca. Sic hoc, quod est Chimæram esse intelligibilem est denominatio merè extrinseca ab intellectu potente intelligere Chimæram, quare prout tam chimæra, quam ens reale conueniunt in hoc quod in-

tellectus possit illa intelligere, possunt in nomine, & conceptu intelligibilis conuenire vniuocè ratione conceptus, & denominationis importantis conuenientiam aliquā illis extrinsecam, quod si enti reali tribuas etiam capacitatem intrinsecam ad intelligi, adhuc ens reale & ens rationis conueniunt vniuocè in hoc quod est posse intelligi præscindendo à posse intelligi vel per intrinsecam aptitudinem in eo, quod intelligitur, vel per meram potentiam extrinsecam intelligentis.

5 Si nomine entis veniat ens reale hoc nō solum formaliter perfectè præscindit à suis differentijs, sed etiam differentia perfectè præscindunt ab ente reali; sicut enim per conceptum entis realis nullam possumus reddere rationem de perfectitate, & inaleitate, ita per conceptum perfectitatis, & inaleitatis nullam possumus reddere rationem de ente reali, disputamus enim; Vtrum ens in alio sit ens reale nec nē, non aliter ac disputamus vtrum ens à se, & ens ad aliud sit reale, ideòque si esse à se: & esse relatiuum præscindit ab esse reali, & non reali, etiam esse per se, & esse in alio præscinder à reali, & non reali, cum ergo inter ens reale & illius
diffe-

differentias detur mutua præcisio, ens reale erit vniuocum, & genus, vt constat tum ex dictis, tum ex Aristotele, 1. 1. met. summa prima, cap. primo, vbi ait: *Omnis scientia vniuersalium, non vltimorum est, quare sic erit vtrique primorum generum hæc autem sanè fuerint ens & vnum.* Ergo per Aristotelem ens, & vnum possunt esse genus, cum ergo loco superius citato etiam dixerit ens, & vnum non posse esse genus, fatendum est Aristotelem sensisse, quod ens, & vnum in aliqua significatione possint esse genus, in aliqua verò nequaquam.

6 Dices primò per conceptum perfectitatis possumus illà distinguere à non ente, & vt recedentem à nihilo ergo perfectitas est formaliter ens. Respondeo posse nos illam distinguere à non ente intelligibili, & vt recedentem à nihilo intelligibili ita tamen vt ex vi cōceptus de perfectitate nesciamus, vtrum illi conueniat esse reale, ideòquæ erit formaliter ens latissimè acceptum, sed non ens reale; licet autem per conceptum perfectitatis non certificemur de eius realitate; de illa tamen per conceptum substantiæ certificamur, quia substantia est species constans ex genere entis realis, & ex differentia perfectitatis; Et idem di-

cendum est de alijs differentijs positis ad
latus in linea prædicamentali, quæ non
certificant ex vi talis conceptus de rea-
litate, sicuti certificant species interme-
diæ, quæ præter differentiam important
genus, quod inuoluit summum genus
entis realis.

7 Dices secundò, si perfectas præscinde-
ret ab ente reali magis latè patèret, quàm
ens reale, ideòq; perfectas non esset dif-
ferentia cōtractiua entis realis. Respon-
deo Ens reale ex vno capite minus, ex
alio autè capite magis latè patere, minus
latè patet, quia perfectas præscindit à rea-
li a quo non præscindit ens reale, sed ex
alio capite ens reale magis latè patet,
quia ens reale est predicabile, & est quid
superius perfectati, & inaleitati, perfectas
autem non est prædicabilis, nec est su-
perior respectu inaleitatis; Hoc autem
satis est ad rationem differentię, vt pa-
tet in *corpore* respectu differentię *inani-*
mati. Esse enim inanimatum conuenit
accidentibus, quæ non sunt corpus, &
nihilominus corpus est genus, quia ex
aliquo capite magis late patet, quam
ratio inanimati.

8 Dices tertio, Ens reale est prædi-
catum transcendens; ergo in omnibus
suis differentijs imbibitur. Respondeo
Ens

Ens reale esse transcendens, hoc est vniuersalissimū, non tamen transcendens, ita vt in suis differentijs imbibatur. Dantur tamen prædicata in hoc etiam secundo sensu transcendentia, cuiusmodi vidimus esse ens latissimè acceptum, & omnia prædicata cum illo conuertibilia.

9 Potest etiam nomine entis significari id, quod dicit ordinem aliquem ad substantiam, quæ primo, & principaliter dicitur ens. Ex Aristotele nu. 4. met. tex. 2. ens in hac significatione, assimilatur sano dum ait. *Ens multipliciter dicitur, verum ad unum, quemadmodum omne salubre ad sanitatem, quedam enim, quoniam passiones substantia, &c.* Sub hac igitur significatione erit analogum attributionis importans formaliter pluralitatem, quatenus scilicet certificari non possumus de ente habente ordinem ad id, quod principaliter dicitur ens, quin certificemur de pluralitate entium. Poterit etiam ens esse, analogum proportionis proprium, vt supra innuimus, cum enim ita se habeat substantia ad esse ens simpliciter, sicuti se habet accidens ad esse entis ens, fit vt de accidente prædicetur ratio entis simpliciter, & sine addito per analogiam proportionis ad substantiā, si

si enim nomine entis simpliciter dicti
veniat id quod strictissime est ens, sicuti
est solus Deus, quando de creaturis,
quæ sunt entia per participationem,
prædicatur ratio entis sine addito, hoc
non fit nisi per analogiam ad Deum,
qui sine ullo addito diminuente est ens.

CAPVT TERTIVM.

De ente possibili.

QUÆRITUR hic, per quid habetur
possibilitas entis realis, sed cum
certum sit possibilitatem ex-
trinsecam, à qua ens reale denominatur
possibile, esse omnipotentiam Dei dubi-
tatur, utrum aliquid præterea detur
positivum, vel negativum, per quod
denominetur intrinsecè possibile. Qua
in re præmittendum est possibilitatem
entis realis, siue extrinsecam, siue in-
trinsecam non esse quid contingens, sed
æternum, & necessarium, quod enim
Antichristus, v.g. sit possibilis, est pro-
positio necessaria, & æternæ veritatis,
ergo possibilitas Antichristi, per quam
hæc propositio semper fuit, & erit vera,
erit quid æternum, & necessarium.

Ex.

Ex hoc ergo cōstat possibilitatem creaturarum non posse esse quid positivum necessarium distinctum, & independens à Deo, neque enim quidquam positivum fuit, aut esse necessariò debuit ab æterno præter Deum.

2 Quod si recurras ad negationes, dicendo quod ens reale denominatur intrinsecè possibile à negatione repugnantia ad existendum. Contra est primò, quia negationes omnes obiectivas inferius reiiciemus. Contra secundò, quia repugnantia idem est ac impossibilitas, seu negatio possibilitatis, ergo si possibile habetur à negatione repugnantia, habebitur à negatione negationis repugnantia, quod dici non potest.

3 Si verò dicas possibilitatem rei intrinsecam haberi vel ab existentia rei, vel ab eius negatione defectibili. Contra eodem modo est primò, quia omne esse negationibus adimemus. Contra secundò, quia vel ex hoc capite negationes istæ reiiciendæ sunt, ne scilicet dicamus necessariò dari debere aliquid vel positivum, vel negativum distinctum à Deo, cum longè congruentius sit dicere Deum ita se posse esse contentum, ut totum, quod est, sit Deus.

4 Qua-

4 Quare possibile erit denominatio totaliter extrinseca à sola omnipotentia Dei, primò, quia nihil extra illum est possibile positivum, vel negativum, per quod habeatur. Secundò quia per hoc præcisè, quod aliqua causa intelligatur præcontinere in sua virtute aliud, hoc intelligitur possibile. Tertiò, quia de conceptu rei merè possibilis est, quod nihil illius sit actu, ergo non est cur quidquã actuale quæramus, per quod res intrinsecè habeat esse possibile. Quartò Chimæram esse impossibilem, neque est denominatio intrinseca ab aliquo positivo, neque ab aliquo negativo contingenti, vt per se patet, neque ab aliquo negativo necessario, quia ex peculiari capite negationes necessariae reiſciuntur, ergo neque ens reale denominabitur possibile ab aliquo sibi intrinseco. Neque verò necesse est, quod id, quod denominatur possibile, habeat aliquod esse, de quo verificetur denominatio possibilis, nam actualis existentia alterius mundi prout actualis, denominatur cognita, etiam si prout actualis nullum esse sibi intrinsecum habeat.

5 Dices primò. Si esse possibile esset denominatio à sola omnipotentia Dei, non posset assignari cur Antichristus,

non verò chimæra fit possibilis. Respon-
deo Antichristum non verò chimæram
esse possibilem, quia omnipotentia Dei
realis, non chimærica, est talis, vt possit
ponere Antichristum non chimæram.
Quod si quæras vnde nobis innotescat,
quod aliquid possit, vel non possit fieri
ab omnipotentia Dei. Dico hoc no-
bis innotescere ex eo, quod si conceda-
mus rem aliquam existere, non propte-
rea cogatur deinde intellectus ad con-
cedendas duas propositiones contradi-
ctorias.

6 Dices secundo Sanctus Thomas
1. p. q. 25. art. 3. docet aliquid dici pos-
sibile, vel impossibile ex habitudine ter-
minorum, alioquin eris *circulatio in manife-*
statione omnipotentia, cū querenti cur aliquid
sit possibile; respondemus, quia Deus potest
illud facere. & si rursus queratur cur Deus
possit illud facere, respondemus, quia est possi-
bile. Respondeo Sanctum Thomam per
hanc habitudinem non potuisse intelli-
gere aliquid habens esse independenter
ab Intellectu, quia impossibile nullam
habet habitudinem independenter ab
intellectu, & tamen etiam de impossi-
bili docuit, quod habeatur ex habitu-
dine terminorum. Solum ergo voluit
Sanctus Thomas, quod fundamentum
quod

quod nos habemus ad dicendum , quod Deus possit, vel non possit aliquid facere, sit comparare inter se terminos, verbi gratia, Chimæram, & ens, quod si inter hos terminos appareat habitu- do repugnantia, eo quod Chimæra excludat ens, non poterit Chimæra fieri à Deo potente facere quidquid non est simultas entis, & non entis. Quod verò à Deo non possit fieri simultas en- tis, & non entis, non arguit in Deo vllam impotentiam; illud enim dicitur impo- tens producere aliquid, quod non con- tinet perfectionem illius, cū ergo simul- tas entis, & non entis non sit vlla per- fectio, non nisi improprie dicetur Deus impotens illam producere, ideòque vt docet Sanctus Thomas loco citato. *Conuenientius dicitur quod impossibilia non possunt fieri quam quod Deus ea non possit facere.*

¶ Dices tertio verificatium huius propositionis *Antichristus est possibilis* non potest esse omnipotentia Dei, quia ve- rificatium debet esse obiectum talis propositionis: Respondeo, quod sicuti hæc propositio, *Antichristus est cognitus* verificatur per cognitionem à qua An- tichristus denominatur cognitus, im- portatam in obliquo per prædicatum

cognitus, ita quod Antichristus sit possibilis verificatur per omnipotentiam Dei quæ est obiectum importatum in obliquo per prædicatum *possibilis*.

CAPVT QVARTVM.

De ente existente.

I Sicuti essentia rei est id, per quod respondetur interroganti *quid res est* præscindendo ab hoc, quod talis entitas existat, vel non existat; ita nomine existentia venit id, per quod formaliter res actu existit; ex quo reijciuntur ij, qui nomine existentia intellexerunt actionem productiuam, & conseruatiuam rei; actio enim est id, quod effectiue res existit, existentia, verò est id, quod formaliter res existit, & quod effectiue per actionem ponitur. Dubitatur ergo an existentia rei hoc modo explicata, distinctione aliqua independenter ab intellectu, distinguatur ab eiusdem rei essentia. Sed respondendum est negatiue, nullum enim inter essentiam, & existentiam est realis distinctionis signum ex his, quæ attulimus vbi egimus de rerum distinctione; ideòque sicuti res,
ita

ita distinctiones rerū sine positivo fundamento multiplicari non debent. Neque dicas essentias rerum esse necessarias, & ab æterno, existentias verò, contingentes, & in tempore; nam ab æterno nihil aliud fuit, nisi essentia possibilis, seu possibilitas essentiæ, atque hæc non intrinseca, sed merè extrinseca ab omnipotentia Dei, ut vidimus capite superiori.

2 Dices hæc propositio: *Homo est animal rationale* est necessaria, & æternæ veritatis; ergo verificativum illius debet esse necessarium, quod esse non potest nisi essentia necessaria, quæ sit distincta ab existentia cōtingenti. Respondetur etiam hanc propositionem, *chimæra est impossibilis* esse æternæ veritatis, cum tamen formale verificativū illius esse non possit aliqua impossibilis essentia chimærae, quæ nullo intellectu cogitante habeat aliquod esse, si enim dicas verificari formaliter per essentiam impossibilem: esse impossibile nullum est esse nisi per terminum omnino distrahentem. Sicuti ergo nihil datur, per quod formaliter verificetur hæc propositio *chimæra est impossibilis*: ita non est necesse quod quidquā detur, per quod formaliter verificetur hæc propositio:

Homo

Homo est animal rationale ; vtraque enim quasi efficienter satis verificatur per omnipotentiam Dei non potentem facere hominem, qui non sit animal rationale, nec potentem producere chinæram . Ratio autem cur propositiones de essentijs rerum non requirant ad sui veritatem , quod detur aliquid extra intellectum , per quod formaliter verificentur, est quia cum possit res aliqua , licet nullum habens esse actuale in re , habere tamen esse actuale obiectiuè in intellectu eo modo, quo paulò post explicabimus agentes de ente rationis metaphysico , & possit per duos conceptus res eadem cognosci : si id , quod per vnum conceptum cognoscitur, positum à parte rei , esset idem cum eo, quod cognoscitur per alium conceptum, propositio affirmans , & componens obiectum vnius conceptus cum obiecto alterius est vera, & necessario vera: ergo id, quod habet tantum esse obiectiuè per vnum conceptum si poneretur à parte rei, esset idem cum eo, quod habet tantum esse obiectiuè per alium conceptum . Ex hoc autem conditionato nihil ponente in esse male arguitur, quod essentiæ rerum absolute loquendo habeant aliquod esse necessa-

cessarium distinctum ab earum existentia . Quare propositiones de rerum essentijs tam affirmatiuæ , quàm negatiuæ sunt æternæ veritatis , quia æquivalent conditionatis non requirentibus ad sui veritatem quidquam actuale , ideòque idem æquiualeuter est dicere : Homo essentialiter est animal rationale. Homo non est equus, ac dicere : si ponatur à parte rei Homo . necessario erit animal rationale , non equus . .

4 Reijcitur etiam distinctio essentia ab existentia , quia ipsa existentia superaddita , prout talis est, non est nihil, ergo est aliquid, ergo est ens, ergo habet suam essentiam, ergo aliqua essentia non distinguitur ab existentia, quod idem dicendum erit de qualibet alia essentia . Smiliter de ipsa existentia superaddita fieri possunt propositiones æternæ veritatis, v. g. quod sit possibilis, quod sit contingens &c. ideòque de essentia, & prædicatis necessarijs ipsius existentia redibunt omnia argumenta, quæ possunt fieri ad probandam distinctionem essentia ab existentia .

4 Dices actio distinguitur, à re producta , & tamen ipsa etiam actio est quid productum , ergo existentia distinguitur ab essentia, etiam si ipsa existen-

stentia, habeat suam essentiam à se indistinctam. Respondeo disparitatem esse quia cogimur admittere aliquid, quod producat *ut quod*, & aliquid quod producat *ut quo*, ad hoc ut explicemus eandem entitatem effectus nunc ab his, nunc ab illis causis dependere, at nullam habemus necessitatem nullum indicatiū admittendi duo distincta, quorum vnum existat *ut quod*, aliud existat *ut quo*.

5 Dices iterum quælibet creatura est composita per aliquam realem compositionem, simplicitas enim est propria solius Dei, sed prima, & generalis compositio realis est ex essentia, & existentia ergo &c. Respondeo ipsam existentiam esse creaturam, nec tamen esse compositam, ne detur processus in infinitum; Immo omnis creatura composita resolvitur in partes, quæ, cum sint etiam ipsæ creaturæ, erunt tandem simplices, ne detur processus resolutionum in infinitum. Adde creaturam fati recedere à simplicitate Dei, si ei tribuamus compositionem ex aliquo accidente modali actionis, vocationis, &c.

6 Dices demum, esse proprietatem Dei, quod ipse sibi sit suum esse, & quod de eius essentia sit existere. Sed respondeo

deo esse proprietatē Dei, quod sit suum esse necessarium semper actu existens, & independens, similiter existentia est de essentia solius Dei, quia solus Deus semper, & necessario existit, cum quo bene stat, quod creatura contingenter existat, ita tamen, vt quando existit eius essentia, non distinguatur ab existentia. Neque verò licebit ex his inferre, quod existentia nō possit esse donum Dei, si non distinguatur ab eo, vt donatur, nam cum quidquid est, sit donū Dei, ne procedamus in infinitum, debemus tandē deuenire ad aliquid, quod physicè loquendo non sit donum nisi intransitiuè. Primum ergo donum intransitiuè collatum creaturæ dico esse essentiam, & existentiam indistinctam, cui deinde alia dona transitiuè conferuntur.

7 Subsistentiam in homine realiter à natura distingui colligunt Theologi ex eo, quod Concilia definierint nō mansisse in natura humana Christi Domini subsistentiam creatam; à paritate verò hominis in alijs etiam substantijs hæc est admittenda tanquam modus substantialis distinctus, & vltimè terminans substantiam. Pro varietate subiectorum diuersimodè appellatur; sup-
posi-

positum enim dicitur in omnibus, personalitas verò & hypostasis solum in naturis rationalibus. Plura de hac re non dicimus, ne ad Theologica diuertamus.

CAPVT QVINTVM.

De proprietatibus entis.

I ENS non potest habere vllam propriam proprietatem à se physicè profluentem, quia nihil dari potest, quod ab ente realiter distinguatur. Siue enim accipiaturs ens in latissima significatione pro ente intelligibili, siue accipiaturs strictius pro solo ente reali, nulla potest esse proprietas entis intelligibilis, quæ non sit intelligibilis, ideòque ab ente intelligibili indistincta, vt nulla potest esse proprietas entis realis, quæ non sit realis, & indistincta ab ente reali.

2 Solæ ergo proprietates metaphysicæ possunt enti conuenire, tales videlicet, quæ intelliganturs ex nostro modo concipiendi consequi ad omne ens. Hæ recensenturs tres, Vnitas, Veritas, Bonitas. Quamuis enim sex numerenturs prædicata transcendentia comprehensa in illa voce summulistica *Renbau*, quia
G tamen

tamen nec Res differt ab Ente, nec aliquid ab Vno, tria solum prædicata, vnū scilicet, verum, ac bonum remanent, quæ omni enti conueniant.

3 De vnitatem, & vno satis egimus initio vniuersalem; ab illius tamen paritate proportionaliter explicanda est bonitas, & veritas transcendentalis, de quâ hic loquimur; Bonitas enim moralis, & veritas prædicamentalis propositionum ad hunc locum non spectant. Veritas ergo transcendentalis consistit in conformitate rei cum cognitione, & idea perfectissima, atque infallibili, quam Deus habet de tali re, ideò enim aurum est verum aurum, quia est conforme ideæ, & cognitioni diuinæ de auro, à quâ tanquam à mēsurā mensuratur. Hinc aurichalcum dicitur verū aurichalcum, sed falsum aurum, quia conformatur cognitioni, quā Deus habet de aurichalco, sed non conformatur cognitioni, quam Deus habet de auro: sicut enim id quod est simile vni est alteri diuerso dissimile, ita quodlibet ens, quod est verum tale ens, quia conformatur ideæ, quam Deus habet de tali ente, est falsum aliud ens, quia non conformatur ideæ, quam Deus habet de alio ente. Ex quo infer-

tur,

tur, quod sicuti vnum est id, quod non habet plura secum identificata, ita verum est id quod non habet secum identificatum, aliquid falsum, seu aliquid difforme illi cognitioni, & ideæ diuinæ, cui ipsum conformatur. Sic aurum est verum aurum, quia non habet secum identificatum aurichalcum, seu aliud quidquam difforme ideæ, quam Deus habet de auro; quale est quidquid non est aurum.

4 Similiter bonitas transcendentalis consistet in conformitate rei cum Diuina volitione volente talem rem; ideò enim aurum est bonum aurum, quia est conformæ volitioni diuinæ volenti aurum, à qua volitione tanquā à mensura mensuratur bonitas auri. Hinc aurichalcum dicitur bonū aurichalcū, sed malum aurum, quia conformatur volitioni, quā Deus vult, & ponit aurichalcū, sed non conformatur volitioni, quā Deus vult, vel potest velle aurum. Quare aurum erit bonum aurū, quia non habet secum identificatum, quidquam difforme volitioni Dei volentis aurum. Ex his autem patet cuique enti conuenire vnitatem, & bonitatem sic explicatā, quodlibet enim ens est conforme cognitioni, & volitioni

Diuinæ de tali re, nec habet secū identificatum aliquid illis difforme.

5 Sicut ergo vnitas est negatio diuisionis in se, ita veritas est negatio falsitatis in se, & bonitas est negatio malitiæ in se, seu secum identificatæ. *Falsitatis* inquam, & *malitiæ*, hoc est rei difformis cognitioni, vel volitioni Diuinæ, vt explicuimus. Præterea sicuti negatio, quā dicit vnitas est negatio fundamentalis indistincta ab ente, quod est vnum, & negans aliquid impossibile, ita similiter dicendum est de negatione, quam dicit veritas, & bonitas.

CAPVT SEXTVM.

De ente substantiali, & accidentalī.

SECTIO PRIMA.

An dentur accidentia realiter distincta à substantia.

1 **D** Ari accidentia realiter distincta à substantia constat primò ex Sanctissimo Eucharistiæ Sacramento, in quo remanent accidentia, destructa tota

tota substantia panis, & vini. Ex Florentino enim, Lateranensi, & nouissimè ex Tridentino sessione XIII. canone secundò habemus. *In Sacrosancto Eucharistia Sacramento fieri cōuersionem totius substantia panis in Corpus, & totius substantia vini in Sanguinem, manentibus dumtaxat speciebus panis, & vini.* Quamuis autem in his Concilijs accidētia vocentur species, tamen & omnes Theologi per species intelligunt accidentia, & ab alijs Concilijs expresse vocantur nomine accidentium.

2 Præterea constat dari in nobis intellectiones, volitiones, & sensationes, quæ non sunt nostra substantia, & constitutum nostri. Pariter idem lignum ex frigido fit calidum, Aër ex tenebroso fit lucidus; hæc autem, & alia innumera explicari non possunt sine accidentibus à rerum substantia distinctis.

3 Dices primò Calorem, v. g. in terra esse agitationem particularum terrestrium, quas radij solares diuersimodè agitant, & varijs modis huc illuc impellunt. Sed contra primò: vel vis motum esse causam caloris, vel esse calorem formaliter. Primum non est ad rem; secundum est falsum, nec vllò modo probari potest; imò dum accidentia

dentia negas, admittis motum, qui cum non sit substantia rei, quæ sine motui integrè permanet, erit accidens. Contra secundò, si calor haberetur formaliter per motum, quando ferrum maximè calefit, eius particulæ maximè agitantur, ideòque ferrum discontinuaretur. Præterea talis agitatio, & motus deberet cadere sub sensus. Licet enim motus vnius particulæ de se seorsim fugeret sensus, non tamen esset cur motus omnium simul videri non posset, si daretur.

4 Dices secundò, accidentia, quæ remanent in Sanctissima Eucharistia esse corpuscula, quæ prius continebantur in panis substantia, quæ periit. Sed contra primò, quia corpuscula ista non essent nisi nomine tenus accidentia; verè enim essent entia completa, & per se subsistentia, nec de illis verificaretur, quod miraculosè sine subiecto conseruentur à Deo supplente in genere causæ efficientis còcursum materiale subiecti; nullum enim esset miraculum còservatio corpusculorum, quæ sint entia per se completa. Contra secundò quia admittendum est aliquid per quod formaliter hæc corpuscula essent in poris, cum enim possent esse corpuscula, & pori,

pori, nec tamen corpuscula esse in poris, hoc quod est esse in poris, est ali-
quod accidens modale. Admittenda
præterea sunt accidentia realia, intel-
lectiones, volitiones, &c.

5 Dices tertio in Sanctissimo Eucha-
ristiæ Sacramêto remanere solum acci-
dentia intentionalia ordinata scilicet ad
operationes intentionales, existentia in
aëre, & ambientia Corpus Christi Do-
mini. Sed contra primò. quia hæ spe-
cies intentionales non manent sine
subiecto, sed recipiuntur in aëre tan-
quam in subiecto, cōtra id quod definit
Ecclesia. Contra secundò; quia Ecclesia
definit Christum Dominū esse sub sin-
gulis partibus specierum, non esset au-
tem sub illis, nisi quatenus à superficie
aëris ambientis cingeretur.

6 Dices quartò, si pluma circa na-
res leuiter ducatur; sentimus quādam
titillationem, quæ nihil est in pluma,
sed solum est talis sensatio, ergo idem
poterimus dicere de calore, dulcedi-
ne, &c. Sed contra primò, quia nun-
quam ex multiplici, varioque tactu
plumæ fieri potest sensatio caloris, dul-
cedinis &c. Cōtra secundò, quia in plu-
ma id quod causat talem sensationem
sunt talia accidentia, quæ, quia in alijs

corporibus non dantur, non possunt talem sensationem causare. Contra, tertio, quia cognitiones, & volitiones non possunt saluari per meras colloca-
tiones corpusculorum; tum quia co-
gnitiones, &c. possent dari etiam in re-
bus inanimatis, tum quia cognoscere,
& amare de suo conceptu est agere,
non merè pati; tum etiam quia motus
localis fit in tempore, cognitio instan-
tanè; tum demum quia per hos actus
iteratos acquirimus facilitatem, quæ
debet esse quid accidentale acquisitum,
ut videbimus.

7 Vetus axioma, quod ex nihilo ni-
hil fiat, explicandum est ab omnibus,
quod nihil fiat ex nihilo subiecti, cum
omnes fateri debeamus, quod saltem
motus localis fiat ex nihilo sui.

SECTIO SECVNDA.

*Per quid differat substantia ab
accidente.*

CUM duo entis genera sint ad-
mittenda substantiale, nimirum,
& accidentale, quaeritur per quid diffe-
rant

rant inter se, quamuis enim definiatur substantia, esse ens per se: Accidens verò ens in alio, difficultas tamen est in explicando quid sit *esse per se* conueniens solis substantijs, quid verò *esse in alio*. Cum enim tam forma equi, quam eius calor sit in materia, cur forma equi est substantia, non calor? Primò ergo non rectè dicitur differre accidens à substantia per hoc, quod accidens, nō substantia sit inhæsiuè in subiecto, esse enim inhæsiuè in subiecto, & ab illo sustentari, conuenit etiam formis substantialibus materialibus.

2 Malè etiam explicatur conceptus substantiæ per hoc, quod sit radix substantiæ: Tum quia substantia distincta non innotuit Aristoteli, cui tamen innotuit ratio substantiæ; tum quia explicatur substantia per substantiam ignotiorem; tum etiam quia cum ipsa substantia sit substantialis, de ipsa redibit quæstio quid habeat peculiare, ratione cuius sit substantialis. Adde quod afferendum esset, cur potius forma equi v.g. quam quantitas sit radix substantiæ, & substantiam fundet.

3 Quod si dicas substantiam esse, quæ constituit primum conceptum rei, seu primum conceptum illius, quod

communiter dicitur *res*. Contra est, quia etiam concretum accidentale dicitur communiter *res*. Sic dicitur quis rem pulchram emisit, quia emit statuam picturam &c. Pariter cur aqua dicitur *res* non verò nix? si enim utrique conuenit ratio entis, utrique conueniet ratio rei conuertibilis cum ente. Quod si dicas accidenti conuenire solum esse entis ens; verum dices: Sed quid habet peculiare substantia, ratione cuius dici debeat ens & *res*; Accidens verò nequaquam?

4. Demum si dicatur substantia esse prima radix cæterorum. Contra est primò, quia subsistentia est quid substantiale, nec tamen est prima radix; sed supponit aliam primam radicem, à quâ profuit; Quamuis autem subsistentia non innotescat nobis, nisi ex principiis fidei; posito tamen quod illam nouerimus, talem substantiæ conceptum debemus assignare, qui etiam illi conueniat. Contra secundò quia habitus supernaturales sunt prima radix actuum supernaturalium; nec tamen sunt substantia.

5. Dicendum ergo est substantiam esse id quod in quolibet supposito propter se primariò intenditur à natura, scilicet quod.

quod non intenditur propter aliud , à quò adæquatè distinguatur. Dixi *in quolibet supposito* , quia aliqua intenta à natura propter aliud , possunt esse substantialia, si in supposito illo , in quo sunt, propter se primariò sint intenta; sic terra v. g. licet intenta propter hominem, adhuc tamen est substantia, quia in hoc supposito terræ propter se primariò intenta est. Ad hoc autem vt aliquid sit propter se intentum , requiritur , quod non sit intentum propter aliud , à quò adæquatè distinguatur, sic albedo est accidens, quia est intenta propter totum, à quò adæquatè distinguitur : è contra unio inter materiã , & formam substantialem est substantialis, quia licet intenta sit propter totum, à toto tamen non distinguitur adæquatè, sed est pars constitutiva totius: ideoque est pars illius, quod est primariò propter se intentum; idem dicendum de materia, & forma, quæ intenduntur propter totum, à quò non distinguuntur adæquatè. Consecnat hæc explicatio Aristoteli, qui 7. met. cap. 1. ait substantiam esse, *quo primo est ens*; primitas autem intentionis certum est, quod cuicunque substantiæ conuenit. Dum verò capite de substantia dixit Aristoteles substantiam de nullo subiecto.

biecto prædicari, locutus est de substantia prima, seu singulari. ut inferius videbimus, quod non facit ad rem præsentem.

6 Sed adhuc superest ulterius explicandum quidnam in quolibet supposito existimandum sit fuisse propter se intentum à natura: dicendum ergo est, quidnam in alijs suppositis sit propter se intentum à natura esse scibile per analogiam ad id, quod tale scimus esse in nobis. Sic Aristoteles volens explicare materiam primam docuit illam esse scibilem per analogiam ad materiam rerum artificialium. Porro quilibet cognoscit seipsum, & ita de se dicit *Ego* ut se ipsum bene sciat distinguere à suis, seu ab alijs omnibus, de quibus dicit hæc sunt propter me. Illud ergo quod in quolibet supposito correspondet pronomini *Ego*, seu quod in quolibet supposito se habet proportionaliter ad id, quod in nobis scimus esse nos, erit primario, & propter se intentum, ideoque erit substantia; reliqua verò erunt accidentia.

7 Ratio verò cur primario intentum à natura sit id quod in quolibet supposito correspondet pronomini *Ego*, est quia illud dicendum est fuisse ab aucto-

auctore naturæ primariò intentum, quod est primariò intendibile; illud autem est tale, quod quælibet res debet rationabiliter primariò intendere; hoc autem illud profecto erit, de quo res quælibet posset dicere *Ego*, si posset hoc pronomen vsurpare, seu quod proportionaliter se habet ad id, quod in nobis scimus esse *Ego*. Quare sicuti in nobis materia, forma, vnio, & subsistentia, sunt id, de quo dicimus *Ego*, ita hæc omnia tam in nobis, quam in alijs entibus naturalibus erunt substantialia; reliqua verò accidentalia.

CAPVT SEPTIMVM.

De ente infinito.

SECTIO PPRIMA.

Quid, & quotuplex sit infinitum.

INfinitum in rebus habentibus partes definitur ab Aristotele 3. phys. tex. 53. *Id ex quo secundum quantitatem*
acci.

accipientibus semper aliquid accipere extra est. Ut autem hæc definitio sit propria infiniti intelligenda est, quod secundum quantitatem accipientibus per partes æquales vni certæ, in ea ratione in qua fit acceptio, seu diuisio, non communicantes, & eiusdem rationis cum toto, semper sit aliquid vltterius, & vltterius acceptibile.

2 Et quidem si quælibet vltterior semper, ac vltterior acceptio satis esset ad infinitum, quælibet quãtitas esset infinita; ex quantitate enim palmari v.g. sunt acceptibiles partes proportionales, minores scilicet, ac minores, non tot quin plures in infinitum. Partes ergo non tot quin plures in infinito acceptibiles debent esse æquales vni certæ, ac determinatæ, nec communicantes, sed tales vt vna sit adæquatè extra aliam, aliter quantitas bipalmaris esset infinitè extensa, cum in ea non tot quin plures palmi communicantes designari possint.

3 Præterea partes non tot quin plures acceptibiles ex infinito debent esse æquales vni certæ in ea ratione, in qua fit diuisio, aliter columna v.g. altitudinis decem palmorum, & diametri palmaris esset infinitè extensa, cum si diuidatur

datur per longum accipi possint non tot quin plures partes circulares, & habentes æqualem diametrum palmarum; Ideò ergo huiusmodi columna non est infinita, quia partes quæ accipiuntur sunt æquales in latitudine; diuisio verò fit secundum longitudinem.

4 Demum debent esse partes commensurabiles, & eiusdem rationis cum toto: Punctum enim est incommensurabile, & diuersæ rationis à linea, linea incommensurabilis cum superficie, superficies cum corpore, & angulus contingentiae (qui scilicet fit à linea recta tangente circumferentiam) est incommensurabilis cum angulo rectilineo; ideòque licet angulus contingentiae infinities replicatus adæquari non possit cum vilo quamuis minimo angulo rectilineo; & punctum infinities multiplicatum adæquari non possit lineæ, nec linea superficiæ, &c. non tamen linea, nec angulus contingentiae sunt infinita, quia scilicet sunt diuersæ rationis, & linea est incommensurabilis cum superficie, punctum cum linea, &c.

5 Infinitum aliud est infinitum negatiuè, quod scilicet vel nullam habens entitatem, nullum etiam habet finem, & tale est chimæra, & negatio; vel quia licet

licet habeat entitatem nullas tamen in illa habet partes, & tale est punctum; Aliud est infinitum positiuè, & hoc rursus aliud est infinitum secundum essentiam & perfectionem; & hoc iterum vel in omni, vel solum in aliqua perfectione. Aliud est infinitum in quantitate, & hoc aliud est infinitum in numero, aliud in extensione, aliud in intensione, aliud in duratione.

6. Denum infinitum celebri diuisione diuiditur in syncategorematicū, & categorematicum. Primum est id quod partim est actu, partim potentia, seu de quo non verificatur quod totum sit actu positum, sed semper remaneat aliquid illius possibile, ideoque dicitur finitum in infinitum, quia id quod ponitur non est nisi finitum, semper autem remanet plus, & plus ponendum. Infinitum categorematicum est, quod est totum actu, non quod ad illud requiratur coëxistentia omnium suarum partium, sed quod de illo verificetur aliquādo quod sit totum actu positum siue deinde eius partes coëxistant, siue non.

SECTIO SECVNDA.

*An sit possibile infinitum cathe-
gorematicum in rebus
diuisibilibus.*

D Ari infinitū syncathegorematicū est certum, tales enim sunt creaturæ possibiles, de quibus verificatur quod partim sint actu positæ, partim possibiles in infinitum. Quodlibet autem infinitum cathegorematicū quantitatum tam in numero, & extensione, quam in intensiōe, & duratiōe, dicimus implicare; Quod probatur primò de infinito in numero ex eo quod numerus infinitus esset maximus & non maximus, seu contineret, & non contineret omnem numerum.

2 Et primò quod non esset maximus probatur, tum quia illud non est maximum, quod ab alio exceditur, numerus autem infinitus hominum excederetur à numero capillorū: tum quia si daretur infinitum oculorum constans est oculis dextris, & sinistris, numerus oculorum tantum dextero-
rum

rum vel esset finitus, vel infinitus, non finitus, quia per vnica additionem, alterius numeri oculorum sinistrorum, qui pariter esset finitus, non posset fieri infinitus. Quod si dicas fore infinitum sequitur, quod numerus infinitus non sit maximus, quia hic numerus infinitus oculorum dextrorum excederetur ab infinito oculorum dextrorum simul, & sinistrorum.

3 Quod verò numerus infinitus esset maximus (quæ erat altera pars contradictionis probandæ) probatur quia ille est numerus maximus qui cōtinet omnes species, & omnia indiuidua numerorum; quinam enim erit numerus maximus, si hic non est? atqui numerus infinitus contineret omnes species, & omnia indiuidua numerorum, contineret enim denarium, centenarium, millenarium, &c. quod si aliquam numeri speciem non contineret, tuum est assignare quænam esset; pariter contineret omnia indiuidua numerorum, si enim vel vnum non contineret, non cōtineret omnes species, quodlibet enim indiuiduum additum facit nouam speciem numeri,

4 Constare ergo videtur quod de ratione infiniti sit esse maximum, continens

tinens scilicet omnia, quod quia implicat, implicabit infinitum. Quod ulterius suadetur ex infinito in perfectione, quod unicui datur, & est maximum, ita vt si illi vel minima fieri posset additio, non esset infinitum. Porro ex repugnantia infiniti in numero patet repugnantia cuiuscunque alterius infiniti quantitativi, in infinita enim extensione designabilis esset infinitus numerus palmarum maximus, & non maximus, in infinita graduum intensione numerus infinitus graduum, &c. Neque dicas in infinito non habere locum hoc quod est esse maximum, nam de Deo, quia est infinitus, dicimus quod sit maximus; & si hoc quod est esse maximum, seu continere omnia, non habet locum in infinito, in nullo habebit locum.

5 Repugnantia infiniti cathegorematici probari etiam potest ex eo, quod pars esset æqualis toti, infinitum enim oculorum dextrorum, quod esset pars, esset æquale infinito constanti ex oculis dextris, & sinistris, quod esset totum. Ideo autem essent æqualia, quia vtrumque infinitum contineret infinitas infinitates infinitatum oculorum in infinitum, & vtrumque corresponderet eidem tertio, eidem scilicet æternitati à parte post.

6 Di-

6 Dices æquale, & inæquale, maius, & minus non esse terminos aptabiles infinito, cum competant solum rebus habentibus fines, & terminos. Sed contra primò, quia si daretur infinitum hominum, animæ essent æquales corporibus eo quod animæ non excederent, neque excederentur à corporibus. Contra secundò, in Symbolo Sancti Athanasij dicitur quod personæ Diuinæ *coeternæ sibi sunt, & coequales*. Contra tertio; si infinitum in quantitate esset quantum, ergo esset tantum, ergo si infinitum oculorum dexterorū esset tantum, quantum esset infinitum ex oculis dextris, & sinistris, vnum esset æquale alteri. Demum verè dicimus finitum non esse tantum quantum est infinitum: ergo hi termini aliquo modo aptantur etiam infinito.

7 Dices iterū infinitū oculorū, dexterorū & sinistorum, quod est totū, respectu infiniti ex oculis dextris solis esse illo minus quo ad continentiam, eo quod vnum containeretur in alio, sed non esset maius, quoad correspondentiam, eo quod vtrunque correspondere posset eidem tertio. eidem, v. g. æternitati à parte post. Sed contra primò, quia si corresponderent & essent æqualia eidē
ter-

tertiò, essent etiam æqualia inter se. Secundo implicat duo æquè correspondere eidem, & tamen vnum esse partem alterius, seu ab altero contineri.

8 Atque hinc infertur alia contradictio in infinito, quod nimirum corresponderet, & non corresponderet eidem tertio. Sint enim infiniti homines habentes singuli vñs annulum inscriptum suo nomine, hi verò proijciant omnes simul suum annulum in vnum cumulum, quo facto quæro; vel simul tempore quilibet ex infinitis illis hominibus posset resumere duos annulos, vel non. Quod possit, implicat; idem enim annulus esset penes duos. Si non posset, ergo vnitates, quæ sunt in infinito annulorum correspondent infinito hominum; binarij verò qui sunt in eodem infinito annulorum non correspondent, sed exceduntur ab infinito hominum; Sed in infinito tam vnitates, quam binarij debent esse infinita, vt per se patet, ergo infinitum binariorum, quod est infinitum contentum nō correspondet eidem tertio, cui correspondet infinitum vnitatum, quod est infinitum continens, ergo non solum quo ad continentiam, sed etiam quo ad correspondentiam vnum infinitū est maius alio.

9 Præterea in infinito in numero non quælibet numeri species in illo cōtenta esset infinita, binarius enim, ternarius, &c. essent species finitæ contentæ in numero infinito. De speciebus ergo finitis contentis in numero infinito peto an sint finitæ, vel infinitæ, si dicas esse finitas: Contra est quia si species finitæ sunt infinitæ, iam inter illas continebitur aliqua species infinita, ideò que non assignas solas species finitas, quas solum ego peto: si verò dicas esse finitas. Contra est quia in illis daretur ultima, quod enim est finitum habet ultimum, atque hæc ultima species esset ultima, & non esset ultima; esset ultima ex suppositione, non esset ultima quia si huic speciei addatur vnica vnitas, fit noua species vltior, nec nisi finita, ergo prior species, quæ supponebatur vltima, non esset vltima.

10 Idem argumentum fit contra infinitum in extensione; in linea enim ex hoc pūcto infinitè extensa versus Orientem, v. g. non omnes palmi distarent ab hoc pūcto infinitè: De palmis ergo infinitè solum distantibus peto vtrum fin finiri, vel infiniti; non infiniti, quia aliquis distaret infinitè contra hypothesim. Non finiti, quia daretur in illis vlti-

ultimus; hic autem esset ultimus finitorum ex suppositione, & non esset ultimus, quia palmus immediate sequens non distaret nisi finitè.

§ 1. Probatur demum, ne plura cōgeramus, repugnantia infiniti in extensione, ex eo quod si duæ lineæ rectæ facientes angulū protēdantur, quò magis protēduntur eo magis inter se distant, ergo si protendantur in infinitum distabunt infinitè, ergo dabitur infinita distantia clausa duobus terminis. Hoc autem repugnat primò, ex ipsa notione infiniti, cuius est excludere fines, & terminos. Secundò ex Aristotele qui primò Cæli, tex. 39. docet *Lineam cuius finis est, impossibile est esse infinitam*; ex quo infert nullum corpus figuratum vtpotè terminatum posse esse infinitum. Tertiò demum quia si daretur superficies longitudinis infinitæ, ac terminatæ, sed nullibi habens latitudinem plusquam palmarem, hæc superficies nullibi erit latior quam per palmū iuxta hypothesim, & simul erit alicubi infinitè lata; Si enim intelligatur habens lineam transversalem ab angulo ad angulum, hæc quò magis ab vno angulo versus alium elongatur, eò maiorem distantiam designat in area, quam claudit, si ergo ab vno angulo ver-

versus alium elongatur infinite, designabit alicubi distantiam infinitam, cum distantia crescat non geometricè, sed arithmeticè, & æqualiter ad elongationem. Ex 4. 6. Euclid.

12. Præcipuum argumentum ad probandum infinitum cathegorematicum desumitur ab aduersarijs ex infinito obiectiuè in mente Dei. Si enim Deus cognouit omnes Angelos, v.g. & homines possibiles, hi non erunt finiti, sed infiniti: Contra infinitos ergo homines cognitos à Deo redire videntur argumenta superius à nobis facta, quod scilicet numerus infinitus hominum possibilium cognitorum à Deo sit maximus, quod capilli sint plures, & non plures quam homines, &c. Sed dicendum est omnes, v.g. homines possibiles cognosci à Deo distributiue non verò collectiue, scilicet sub vnica collectione, complectente omnes homines possibiles; quamuis enim distributiue, & per plures, & plures collectiones cognoscat & hunc, & hunc, & hunc hominem possibilem, & sic de singulis indiuiduis, & singulis collectionibus, percurrente distributiue omnes, non tamen cognoscit omnes sub vna collectione complectente omnes homines possibiles,

biles, ita vt ultra comprehensos sub tali collectione nullus alius homo sit possibilis ; talis enim collectio complectens omnes homines, ultra quos nullus alius homo sit possibilis est chimæra, ideòque non est cognoscibilis à Deo vt quid possibile, sed vt quid chimæricum. Ex parte ergo cognitionis Diuinæ est omnimoda actualitas , & simultas licet non ex parte obiecti cogniti , quod de sua essentia dicit potentialitatem maiorem semper, ac maiorem in infinitum, non aliter ac quando à Deo cognoscitur tempus essentialiter successiuum , successio tota est ex parte obiecti cogniti, ex parte verò cognitionis Diuinæ est omnimoda simultas, & actualitas actu & simul cognosceus obiectum, quod non est totum actum, & simul sed successiuè , & in potentia .

13 Et quidem hoc ab omnibus asserendum est etiam admissa possibilitate infiniti. Peto enim vtrum Deus cognoscat per modum vnius collectionis omnem, seu maximum numerum finitum. Si affirmes ; Contra est quia assignato quolibet numero finito posset illi à Deo addi vnica vnitas absque eo quod per illius additamentum fiat transitus à finito ad infinitum : Si verò ne-

H

ges

ges, dicere nobiscum debes nullum esse numerum finitum, qui distributiue nō cognoscatur à Deo, licet nullus cognoscatur collectiue, de quo dici possit, hic est omnis numerus finitus, vltra quem nullus alius numerus finitus dari potest, talis enim collectio est chimæra. Idem dicendum de diuisionibus, quas Deus videt fieri à se posse in quantitate, de creaturis possibilibus, de creaturis perfectioribus, & perfectioribus in infinitum, de illarum destructionibus, & reproductionibus &c. quæ non sunt cognoscibilia, ita vt dici possit sunt tot, & nulla superest possibilis.

14 Dices primo nulla cognitio futura Michaëlis non est cognita à Deo, ergo per æquipollentem: Omnis cognitio futura Michaëlis est cognita à Deo, ergo sunt omnes cognitæ collectiue. Respondetur primo negando vltimam consequentiam, sicut enim nulla est cognita collectiue, seu sub vna collectione, sed solum distributiue, ita omnis est cognita, sed solum distributiue. Respondetur secundo propositionem vniuersalem negatiuam habentem negationem postpositam æquipollere vniuersali affirmatiuæ non nisi quando subiectum propositionis æquipollentis est

est capax syncathegorematis *omnis*, cuius non sunt capaces cognitiones futurae per aeternitatem.

15 Dices secundò Deus certificari debet quod nulla sit cogitatio futura Michaelis, quæ ab ipso non cognoscatur; sed non potest de hoc certificari nisi illas omnes collectiue cognoscat, ergo &c. Minor probatur quia ut possit de hoc certificari non solum distributiue debet dicere hæc cognitio cognoscitur, hæc cognoscitur &c. percurrentes singulas; sed præterea certificari debet, quod nulla alia sit cognitio præter illas, quas distributiue cognoscit, dum autem dicit, nulla est alia cognitio præter istas distributiue cognitæ, iam omnes sub vna collectione complectitur, ideoque verè Deus cognoscit aliquod infinitum actu, & collectiue. Sed contra est primò quia hoc totum militat in numero maximo finito, in creaturis possibilibus, alijsque infinitis Syncathegorematicis, de quibus fateri omnes debemus, quod non cognoscantur collectiue. Contra secundò, & directè, quia potest Deus ex duplici capite determinari ad dicendum quod nulla cogitatio futura eum lateat. Primò ex obiecto, & tunc ut dicitur in obiectione,

deberet ab obiecto collectiue cognito
 posse determinari ad dicendum, nulla
 alia est cogitatio præter istas, quas di-
 stributiue cognoui: sed quia hoc est im-
 possibile, ideò dicendum est Deum pos-
 se determinari ad dicendum, quod nul-
 la cogitatio eum lateat ex eo, quod ipse
 sit certus de sua maxima perfectione in
 cognoscendo, quæ est talis vt nihil possit
 eum latere. E contra cum nos sciamus
 multa nos latere ad hoc vt possimus di-
 cere, quod nullus discipulus v. g. desit
 in schola debemus ad hoc determinari
 ab obiecto, ideòque postquã distributi-
 uè affirmauimus de hoc, de illo discipu-
 lo, quod non desit, debemus ab obie-
 cto determinari quod nullus sit alius
 discipulus præter illos de quibus per de-
 scensum distributum cognouimus;
 quod non desint. Quando ergo Deus
 cognoscit nullum hominem possibilem
 à se ignorari, non propterea omnes ho-
 mines possibles cognoscit collectiue, sed
 solum distributiue, quia non habet ta-
 lem cognitionem, qua dicat præter hos
 homines possibles à me cognitos nul-
 lus alius est quem nouerim, hi enim
 termini præter, & nullus designant col-
 lectionem.

16 Dices tertio si Deus cognoscit
 omnes

omnes homines distributiue, ergo & collectiue, sicuti quia singuli decem homines v.g. distributiue sunt creaturæ, bene inferitur quod omnes decem collectiue sint creaturæ. Hæc obiectio petit regulam vniuersalem quandonam valeat argumentari à distributiuo ad collectiuum: Ideoque dico tunc valere quando non plus inferitur in consequenti collectiue, quam fuerat assumptum in antecedenti distributiue. Quare si dicam materia est ens incompletum, forma est ens incompletum, vnio est ens incompletum, ergo materia, forma, & vnio simul sunt ens incompletum, illatio est, nulla quia ratio incompleti prædicatur in antecedenti de materia solum quatenus dicit negationem compartis, in consequenti verò prædicatur de materia simul cum comparte; ideoque plus, & diuersum quid affirmatur in consequenti, quod non fuerat affirmatum in antecedenti, hoc autem non accidit cum dico, hic homo est creatura, hic homo est creatura &c. ergo omnes decem homines sunt creaturæ; hæc enim illatio valet, quia de homine prædicatur ratio creaturæ, non quatenus dicit negationem alterius, sed merè ratione suæ entitatis, quæ cum eadem, &

eodem modo importetur per sensum, collectiuum in consequentia, hæc utique erit bona. In casu nostro verum est dicere: hic homo possibilis est cognitus, & hic, & hic distributiue est cognitus, non tamen valet inferre ergo omnes homines possibiles sunt cogniti collectiue, quia esse omnes homines possibiles cognitos collectiue habetur per hoc, quod de illis Deus dixerit hi omnes homines possibiles sunt à me cogniti, & nullus alius possibilis est à me cognitus præter istos. Hoc autem nunquam fuit affirmatum, nec potuit affirmari in cognitione singulorum distributiue; neque enim cognoscendo Petrum v.g. possibilem vnquam dicit, vel dicere potuit Petrus possibilis est à me cognitus, & nullus alius possibilis est à me cognitus.

17 Ex his inferitur, argumenta, quæ superius attulimus contra infinitum, cathegorematicum ita contra illud militare, vt nullo modo faciant contra Syncathegorematicum. Nam de hominibus cathegorematicè infinitis, & acceptibilibus sub vna collectione vltra quam non sit alius; sed totum ex tali collectione sit actu positum, bene potest, vtrum in tali collectione totaliter

ter actuali sint, vel non sint plures homines, quam capilli, vtrum talis collectio sit, vel non sit maxima: At in infinito Syncathegorematico non acceptibili sub vna collectione solum de singulis collectionibus finitis, & actualibus distributiue sumptis fieri possunt distæ interrogationes, ad quas tamen facile responderetur, quod secundum singulas collectiones actuales, & finitas semper sunt plures capilli, quam homines, quod nulla est maxima &c. At secundum id quod dicunt de potentiâ non sunt comparabiles in ratione excedentis, & excessi, cum non sint quid determinatum, neque sub vna collectione possibile, aut cognoscibile. Quare si petas; Vel homines possibles sunt tot quot capilli possibles vel non, vel sunt æquales vel non? Respondebò non esse tot, neque esse æquales; at non, quod sint, & sint non tot, vel sint inæquales, sed quia non sunt actu nec in se, nec in cognitione, vt quid possibile, ideòque non sunt comparabiles in ratione excedentis, & excessi.

18 Alia argumenta pro infinito cathegorematico facilius soluuntur. Primò enim si dicas potentiam Dei infinitam debere esse talem, vt possit produ-

cere infinitum ad hoc ut actus secundus correspondeat primo. Contra est, quia potentia Dei est infinita non ex eo quod possit producere impossibile, quale vidimus esse infinitum, sed ex eo quod non possit excogitari maior illa, cum sit potens producere creaturas non solum successiue, sed etiam simul non tot quin plures & perfectiores, ac perfectiores in infinitum, similiter actus primus infinitus non est nec esse potest ad actum secundum infinitum, & actui primo adæquatum in infinitate, quia talis actus secundus est chimæra ideoque potentia infinita est de actu secundo finito in infinitum perfectiori, & perfectiori semper in infinitum. Demum si petas quotnam homines Deus poneret si crearet quot quot homines potest creare? Respondeo vel vis quod Deus actu ponat quot quot homines potest ponere distributiue, hoc est quot quot potest ponere ita ut remaneant alij possibiles, & dico quod ponet centum v. g. vel mille: At si dicas quod actu ponat quot quot homines potest actu ponere collectiue ita ut nullus alius remaneat possibilis, petis quod Deus actu ponat quid chimæricum. hoc autem ab omnibus dici debet de omni numero finito de
 omni-

omnibus creaturis possibilibus, de diuisionibus in quantitate &c.

SECTIO TERTIA.

*An possit à Deo poni infinitum
cathegorematicum in per-
fectione.*

AD infinitum in aliqua perfectione simplici, & carente partibus non satis est, quod ratione talis perfectionis res æquiualeat non tot quin pluribus distinctis perfectionibus assignabilibus, & æqualibus vni certæ; si enim hoc satis esset homo esset infinite perfectus, quia cum inter hominem, & formicam v. g. sint possibiles non tot quin plures creaturæ perfectiores formica, & imperfectiores homine, homo habet æquivalere infinitis perfectionibus, quarum quælibet est maior perfectione certa, & determinata formicæ. Ratio autem huius rei est, quia per talem æquiualentiam fit augmentum perfectionis in homine non per partes arithmeticas, sed geometricas, idque ex eo

H , quod

quod gradus perfectionis assignabiles, & distinguibiles in homine v. g. æquivalente, sunt inter se communicantes.

2 Sumatur enim exemplum in cognitione attingente simul centum obiecta, hæc quamvis æquiualeat centum distinctis cognitionibus, quarum quolibet non attingat nisi vnum obiectum, non tamen si cætera sint paria est centies perfectior, quam cognitio de vno tantum obiecto; quia in cognitione de centum obiectis hoc quod est attingere obiectum, A, importat tantam perfectionem, non modo quatenus hæc cognitio exprimit tale obiectum A, sed etiam quatenus est tale ens reale, spirituale, virale &c. Sed hæc eadem prædicata, & perfectiones importantur ab hac eadem cognitione quatenus exprimit obiectum. B. ergo hæc prædicata, & perfectiones sunt communicantes ita vt semper eadem accipiantur in hac cognitione, tam prout exprimente obiectum, A, quam prout exprimente obiectum, B, obiectum, C, &c. Quoties autem fit augmentum perfectionis per partes communicantes non fit augmentum perfectionis, nisi per partes minores, & minores, quod ad infinitum non est satis.

3 Hoc

3 Hoc idem constat in moralibus, neque enim volitio de occidendis centum v.g. habet malitiam centies maiorem malitia volitionis de occidendo vno, si cætera sint paria; ipsa enim multiplicitas actuum auget malitiam, nec vnquam potest vnus actus simplex cæteris paribus propter meram tendentiã in plura obiecta esse ita bonus, vel malus, ac sunt multi actus distincti, quorum quilibet non tendat nisi in vnum obiectum, quia, vt diximus, perfectiones formaliter distinguibiles in actu simplici, æquiuallente pluribus distinctis sunt communicantes.

4 Cum ergo huiusmodi æquiuallentia non sit satis ad infinitum in perfectione, non apparet ex quo alio capite desumi possit ratio infinitatis in perfectione simplici, nisi ex eo quod illud sit in omni, vel in aliqua perfectione infinitum, quo maius in omni, vel in aliqua perfectione dari non potest. Verum quidem est hoc non importari formaliter in definitione infiniti, sed per bonas consequentias hoc ex illa deducitur vt constat tum ex modo dictis tum ex repugnantia infiniti quantitatiui superius allata; vidimus enim quod ad numerum infinitum habentem omnes con-

ditiones requisitas in definitione infiniti, necesse foret, quod esset maximus, quod tamen esse non potest, quia dato quocunque numero excederetur ab alio.

5 Posito quod ad infinitum in omni, vel in aliqua perfectione hoc requiratur, bene infertur repugnare omni infinitum in perfectione. Quælibet enim perfectio creata est essentialiter dependens à Deo, & infinite distans à simili perfectione existente in Deo, ergo similis perfectio existens in Deo est maior qualibet perfectione creata assignabili.

6 Hinc infertur pariter repugnantia creaturæ omnium perfectissimæ in omni, vel in aliquo genere perfectionis, quia talis creatura perfectissima neque posset esse infinita, cum hæc implicet ut vidimus, neque finita quia aliqua perfectio finita esset terminus Diuinæ omnipotentiae, quod repugnat, de huius enim ratione est quod infinitis modis perfectioribus & perfectioribus sit participabilis, & sicuti producto quolibet numero finito, alius, & alius semper est à Deo producibilis, ita producta qualibet perfectione finita alia semper maior, & maior remanet producibilis. Implet ergo quod aliqua perfectio creata sit

fit adæquata mensura Diuinæ omnipotentia, mensura enim creata colligens actu omnem perfectionem possibilem est chimæra. Ita dicendum de creatura omnium imperfectissima, hæc enim similiter repugnat, adeoque sicut data qualibet modica extensione in quantitate dari potest minor & minor in infinitum, ita data creatura quantumlibet imperfecta dari semper poterit imperfectior.

CAPVT OCTAVVM.

De ente rationis metaphysico.

ENS rationis metaphysicum definitur, id quod habet tantum esse obiectiue in intellectu. Pro cuius intelligentia, in qualibet nostra cognitione quamuis indiuisibili duo formaliter distinguenda sunt vnum, quod se habet obiectiue, aliud quod dici potest se habere subiectiue. Illud dicitur se habere obiectiue in intellectu, seu in cognitione, quod per talem cognitionem exprimitur; ipsa verò entitas cognitionis dicitur se habere subiectiue in intellectu, quamuis enim tam id, quod se habet obiectiue prout tale est, quam

quam id quod se habet subiectiuè in Intellectu verè in illo subiectetur, cum realiter loquendo sit eadem simplex cognitio, quæ intellectu subiectatur; in eadem tamen simplici cognitione de pariete, v.g. ex nostro modo concipiendi consideramus duo, ipsam scilicet entitatem cognitionis secundum prædicata, quæ habet communia cum alijs cognitionibus, & prout taliter considerata dicitur habere esse subiectiuè in Intellectu; & præterea cōsideramus ipsum parietem prout expressum, & existentem in cognitione, & hic dicitur esse obiectiuè in Intellectu.

2 Porro aliqua ita sunt obiectiuè in Intellectu, vt præterea habeant suum esse, vel actuale, vel possibile; alia verò non habent nisi merum esse obiectiuè in Intellectu, & merum representari, & exprimi à cognitione. Quare ens rationis metaphysicum erit id quod nec habet nec potest habere aliud esse, quàm cognosci, & esse obiectiuè in Intellectu. Porro dubitari hic potest, an quando cognitio aliqua reflexè cognoscit seipsā, talis cognitio dici debeat habere tantum esse obiectiuè in Intellectu; Sed respondetur quod cum talis cognitio sit cognoscens, & cognita non habebit tantum

tum esse obiectiuè, sed esse obiectiuè, & subiectiuè, ideòque illi non conueniet definitio entis rationis.

3 Sic explicata definitione entis rationis quæritur, an verè cognosci possit ab Intellectu aliquid impossibile, quod proinde habeat tantum esse obiectiuè in Intellectu. Respondemus autem, affirmatiuè, quod probatur primò tum experiètia, tum quia dum disputamus de impossibili, debemus concipere id, de quo disputamus: tum etiam quia ex dictis vbi de præcisione obiectiua, tunc cognoscimus aliquid formaliter, quando habemus determinatiuum formale ad operandum formaliter, seu ad faciendas affirmationes, vel negationes de obiecto cognito; sed de impossibili possum dicere, quod nō sit ens reale, quod implicet, &c. ergo verè cognoscitur.

4 Dices in cognitione de impossibili contineri virtuale iudicium, ita vt dum concipimus identitatem, v.g. inter hominem, & equum, non concipiamus nisi realia, hominem scilicet & equum; sed per implicitum iudicium falsò de homine dicamus, quod sit equus. Sed contra est primò, quia gratis, & contra omnem experientiam finguntur tot ambages ad explicandas cognitiones.

gnitiones de obiecto impossibili. Secundo ex prior eodem modo à me concipi identitatem inter hominē, & equum, ac identitatem inter hominē, & animal: eodem modo à me concipi Verbum Diuinum æternum, ac Verbum Diuinum non æternum. Cur ergo cognitioni de Verbo diuino æterno, de identitate inter hominem & animal respondet obiectum simplex, non verò alijs? Tertiò multa sunt, de quibus dubitamus. Vtrum sint possibilia, v.g. vtrum sit possibilis creatura immultiplicabilis, si igitur diuersus esset modus cognoscendi possibilia à modo cognoscendi impossibilia, per experientiam, solius cognitionis nobis innotesceret, vtrum aliquid sit possibile, nec ne.

Ad probandum quod concipi possit aliquid impossibile desumi etiam sollet argumentum ex propositionibus impossibilibus verificari, qualis est ista hæretica: *Verbum Diuinum est creatura*. Sic enim argumentantur: cum in hac propositione sit prædicatum, subiectū, & copula *est*, sicuti prædicato, & subiecto correspondent duo obiecta, ita etiam copulæ *est* debet correspondere aliud tertium obiectum, quod tertium ob-

obiectum si in propositionibus possibili-
bus verificari est identitas realis, in pro-
positionibus possibilibus verificari est i-
dentitas ficta, & impossibilis.

6 Sed hoc argumentum, ne aliquid
falsi assumat, indiget limitatione. Pri-
mò enim per *est* & *non est* quando stant
exercitè, non importatur nisi talis mo-
dus tendendi compositiuus, vel diui-
siuus, sicuti solus modus tendendi im-
portatur per particulas *vel, si, & c.* Di-
xi quando *est* & *nò est* stant exercitè, &
vitaliter, quia hæ particulæ possunt ali-
quando stare signatè, & veluti mortuo
modo ac tanquam obiectum, si enim
dicam: hominem esse animal, est verum
per *ly esse* importatur & repræsentatur
identitas obiectiua, *ly verò est* stat dein-
de exercitè non tanquam obiectum,
sed significans solum modum tendendi
compositiuum, si enim importaret iden-
tatem obiectiuam necesse esset quod
ab intellectu adhiberetur alia particula
per quam designaret modum tendendi,
quo ipsa identitas ab intellectu compo-
neretur, vel diuideretur, cum ipsa etiã
identitas obiectiua possit vel per assensum
componi cum alio, vel per dissensum
ab alio diuidi.

7 Præterea non videtur vniuersali-
ter

ter necessarium, quod in omni propositione repræsentetur idéitas inter prædicatum, & subiectum. Si qua enim esset necessitas, maximè, vel ut assignemus quid correspondeat copulæ *est* vel ut assignemus obiectum affirmatum, vel negatum. Primum nihil facit, cum dixerimus copulæ *est* respondere talem modum tendendi. Sed neque secundum obstat, quia bene possumus dicere quod in his propositionibus: Petrus est homo: Petrus non est Equus affirmatur homo de Petro, & negatur Equus de Petro, cum enim affirmatio, & negatio sit vnius de alio, dum petitur quid affirmatur, vel negatur, non possumus respondere assignando vnum tantum, sed necessariò assignandum est id, quod, & id de quo affirmatur, vel negatur. Pariter cum affirmatio sit compositio, & negatio sit diuisio cum petitur quid componatur in hac propositione. Petrus est homo, bene respondemus componi hominem, sed ut designemus cum quo componatur, assignandus est alius terminus, nempe Petrus, dicendo componi hominem cum Petro *ly* verò *de* & *cum* non significant aliquid obiectiuum, sed solum modum tendendi, sicuti particulæ *si* vel &c. Idem autem dicendū est de diuisione.

8 Adhuc tamen in aliquibus propositionibus necessario concipi debet identitas inter prædicatum, & subiectum, vel subiectum saltem, aut prædicatum sub conceptu identitatis; huiusmodi autem sunt propositiones immediatæ, quibus assentimur ex vi terminorum, in his enim motuum assentiendi debet necessario esse saltem vnū extremum cognitum sub conceptu identitatis cum alio extremo. Ex hoc ergo probatur posse concipi aliquid impossibile tali pacto: Arrius præbuit assensum huic propositioni hereticæ; Verbum est creatura, ergo concepit aliquod motuum ad eliciendum talem assensum, quando enim nullum omnino motuum intellectui repræsentatur, ex mero voluntatis imperio, non potest intellectus assentiri; quis enim sine vilo motuo assentiatur ex imperio voluntatis, quod est a sunt paria? Porro motuum ad affirmandam propositionem illam hæreticam non fuit auctoritas aliorum, quia supponamus fuisse primum, qui propositionem illam affirmauerit, ergo motuum fuit, vel alia propositio impossibilis verificari, & de hac redibit idem argumentum, vel motuum fuit talis apprehensio terminorum, per quam
ali-

aliquem saltem ex terminis illius propositionis apprehenderit sub conceptu identitatis cum alio termino, ergo in hac, vel alia propositione impossibili verificari, cui præbuit assensum ex vi terminorum, concepit identitatem impossibilem, quæ fuit illi motuum ad assensum. Atque hoc argumento ulterius rejciuntur ij, qui ut negent concipi impossibile recurrunt ad iudicium implicitum, & virtuale, nam etiam in tali iudicio deueniendum tandem est ad aliquam simplicem apprehensionem de obiecto impossibili, quæ fuerit motuum huiusmodi iudicij impliciti, & virtualis impossibilis, verificari.

9 Dices primò, si posset cognosci impossibile, posset etiam cognosci incognoscibile, quod videtur absurdum, esset enim, & non esset incognoscibile. Respondeo Incognoscibile signatè, & tanquam obiectum posse cognosci exercitè, sic negatio omnis cognitionis actualis signatè & tanquam obiectum, cognoscitur à me exercitè per hanc cognitionem actuale; circa incognoscibile enim obiectiuè, & signatè, & circa negatione omnis cognitionis actu existentis exercetur à me actualis cognitio. Quod si vrgeas dum dico incognoscibi-

scibile signatè, & exercitè non posse circa tale incognoscibile exerceri cognitionem, quia esset, & non esset incognoscibile exercitè. Respondeo adhuc à me exercitè cognosci ipsum incognoscibile exercitè, quia dum dico incognoscibile exercitè, ly exercitè nō stat exercitè nisi materialiter cum verè ly exercitè stet signatè & tanquā obiectū, quia est obiectū cognitū per cognitionē exercitè formaliter, sed cédentē in incognoscibile exercitè solū materialiter, & denominatiuè.

10 Dices secundo, sequeretur quod dum dico *Ens ignotum Deo* verè cognosceretur à me aliquod ens ignotum Deo, ergo daretur aliquod ens ignotum Deo. Respondeo distingo consequens Daretur aliquod ens ignotum Deo obiectiuè tantum in Intellectu concedo consequentiam, Ens ignotum Deo, quod verè in se esset, vel posset esse, ignotum Deo, nego consequentiam, Sic dum cognosco existentiam actuale alterius mundi, hæc habet esse actuale tantum in intellectu obiectiuè, sed ex hoc non bene infertur, quod etiam in se habeat esse actuale; similiter ergo ex eo quod ens ignotum Deo habeat tantum esse obiectiuè in Intellectu, non bene infertur, quod etiam detur, vel dari

dari possit tale ens, imò bene stat, quod à Deo in tali mea cognitione formaliter cognoscatur id, quod solum obiectuè, & repræsentatiuè est ignotum Deo.

11 Simili modo respondendum erit si dicas Chimæra esse in Intellectu quid reale; ideòque non esse impossibile. Respondendum enim est Chimæram esse in Intellectu quid reale realiter, non verò esse quid reale, & possibile repræsentatiuè; sic in casu simili, si detur imago repræsentans Bucephalum viuū, Bucephalus habet esse viuū in imagine repræsentatiuè, non verò esse viuū realiter, cum enim Bucephalus in imagine, nullum aliud habeat esse reale, nisi esse imaginis, & cum imago sit quid mortuum, in imagine habet realiter esse mortuū, sed cum hoc stat, quod in Imagine habeat esse viuū repræsentatiuè, quia repræsentatur, & exprimitur viuus. Ita pariter Chimæra realiter loquendo in cognitione habet esse reale ipsius cognitionis, sed cum hoc stat, quod habeat in cognitione repræsentari, & exprimi vt chimæra, & vt impossibilis.

12 Dices tertio, ad hoc vt concipiat quid impossibile, vel satis est, quod simul simultate cognitionis, seu vnica

cognitione concipiantur duo termini contradictorij, ens videlicet, ac non ens, vel debet ex parte obiecti concipi aliquid simplex. Respondeo debere concipi ex parte obiecti aliquid simplex, tale vt si daretur verificaret hanc simplicem propositionem *est & non est ens*. Ideoque dum dicitur, quod ex impossibili sequerentur duo contradictoria, sensus est quod si daretur impossibile, ex illo haberet Intellectus fundamentum docendi, quod ratione illius verificatur hæc simplex propositio *est & non est ens*, quæ simplex propositio æquiualeat duabus distinctis propositionibus contradictorijs, per quarum vnâ Intellectus diceret *est ens*, per aliam verò diceret *non est ens*. Porro si poneretur impossibile, ita simplex illa propositio verificaretur, vt simul non falsificaretur, vt aliqui contendunt, illa enim simplex propositio *est & non est ens* falsificaretur solum per ablationem impossibilis, hoc est per negationem, seu per nō existentiam simultatis entis, & non entis.

13 Dices quartò, obiectum, & specificatum Intellectus, qui est potentia realis, non potest esse aliquid impossibile non reale. Respondeo Impossibile posse esse obiectum Intellectus secundum

darium, quatenus scilicet primaria naturæ intentione institutus est propter obiectum reale, sed cum non potuerit intellectus institui in ordine ad ens reale cum tanta latitudine; nisi etiam haberet vim ad cognoscendum impossibile, hinc data illi est etiam vis ad cognoscendum impossibile. Similiter impossibile non est specificatum intellectus, itaut emittrat species ad intellectum, sed est specificatum, quatenus intellectus est potentia constituta in tali specie potentiae, etiam ex eo, quod possit cognoscere impossibile. Quamvis autem impossibile non possit emittere species ad sensus, & illis mediantibus cognosci ab intellectu, tamen intellectus habet vim efformandi sibi species impossibilis ad similitudinem entis possibili, Ideoque si impossibile non praefuit in sensibus secundum se, praefuit tamen secundum aliquid sibi simile, nimirum secundum ens possibile, quod licet non sit simile impossibili in essendo, est tamen illi simile in cognoscendo, quatenus vnum contrarium inducit in cognitionem alterius; cum contrariorum eadem sit disciplina.

14 Ex dictis inferitur primò non fieri ens rationis per solum modum tendendi

di indebitum in duo realia ; quando enim intellectus per solum modum tendendi indebitum dicit : homo est lapis ; nullam concipiens identitatem impossibilem, non potest assignari de quò verificetur, quod habeat tantum esse obiectiuè in intellectu ; nam homo , & lapis habent etiam esse in se : modus verò tendendi, seu cognitio affirmatiua indebita, habet esse subiectiuè in intellectu , ideoque requiritur ad ens rationis, quod aliquod impossibile repræsentetur , & obiciatur intellectui , de quò proinde verificabitur definitio entis rationis. Neque dicas : semper necesse esse quod id, quod cognoscitur habeat aliquod esse extra intellectum , nam in quacunque sententia est vera hæc propositio . Existencia actualis alterius mundi nihil est. Ergo esse nihil non potest verificari de existencia possibili, sed de existencia actuali, quæ prout actualis non habet nisi esse obiectiuè in intellectu .

15 Inferitur secundò: ad faciendum ens rationis non esse necesse , quod intellectus decipiatur, si enim dicam: alius Deus est impossibilis , facio verissimam propositionem, etiam si ex parte subiecti concipiendo aliquod impossibile , faciam ens rationis. Ex quo vltèrius infer-

fertur, quod quantum est ex hoc capite non repugnat ens rationis fieri ab intellectu incapaci deceptionis.

16 Infertur demum fieri posse ens rationis per omnes tres operationes intellectus, non aliter ac superius diximus de vniuersali; & tam per cognitionem directam, quam per reflexam, tam per absolutam, quam per comparatiuam. Tá enim quando cognosco directè aliú Deum, quam quando reflexe è cognosco me cognouisse alium Deum, æquè facio ens rationis; & tam quando absolutè illum cognosco, quam quando comparo alium Deum fictum cum hoc Deo vero, semper facio ens rationis, cum semper concipiam aliquid impossibile.

CAPVT NONVM.

De Ente rationis Logico.

DEnominationes extrinsecæ à cognitione, quales sunt denominatio cogniti, subiecti &c. dicuntur entia rationis Logica, quia & habentur ab actibus rationis, & pertinent ad Logicam. Neque est cur de nomine entis

tis rationis mukum contendamus; bene enim possunt hæ denominationes dici entia rationis, dum per illum terminum *Logica* satis explicatur illarum discrimen ab entibus rationis metaphysicis. Dicuntur etiam secundæ intentiones, quia per primam intentionem, seu intentionem obiectiuā, significatur obiectum, in quod intellectus tendit, per secundam verò intentionem, seu intentionem formalem significatur ipsa cognitio. Hinc terminus significans rem, prout substat alicui cognitioni intellectus, & prout affectam extrinsecam denominatione proueniente ab aliqua intellectus operatione, appellatur terminus secundæ intentionis, sicuti terminus significans rem, prout est in se independentem ab intellectu, dicitur terminus primæ intentionis.

2. Hæc entia rationis *Logica* fiunt per cognitionem directam, cognoscuntur autem vt talia per cognitionem, reflexam, sed neque dum directè fiunt, neque dum directè cognoscuntur requiritur, quod in obiecto, quod denominatur cognitum, prædicatum &c. concipiatur aliqua relatio rationis, vel aliquid aliud fictum, neque quod ex illo resultet aliquod ens diminutum,

ideoque hæ denominationes sunt reales, & merè extrinsecæ ab actibus realibus intellectus. Ratio autem est, quia antecederet ad quodlibet diminutum, ad quamlibet relationem rationis, & ad quodlibet fictum, per hoc præcisè, quod directè cognouerim v. g. parietem, paries est directè cognitus; & similiter per hoc præcisè, quod reflexè cognoscam cognitionem, quæ directè versata est circa parietem, cognosco cognitum reflexè, ergo hæc entia rationis Logica, constituuntur in suo esse præcisè per obiectum, & per cognitionem realem, vel directam, vel reflexam.

3 Præterea cur per hoc præcisè quod cognouerim v. g. parietem, debet in illo resultare aliquod ens diminutum, quod neque est explicabile quid sit, & in multis certum est quod resultare nõ possit vt pote illo incapacibus, cuiusmodi est Deus, Chimæra &c. Neque verò omnia concreta importare debent formam intrinsecam, vel conceptam vt intrinsecam subiecto, quod taliter denominatur, sicut enim esse associatum, esse vestitum &c. sunt concreta, & denominationes à forma extrinseca subiecto, quod denominatur associatum, & vestitum, ita esse cognitum, esse prædicatum

catum &c. erunt concreta, & denominationes à forma extrinseca cognitionis.

4 Quod si quæras in hac propositione v.g. *Petrus est homo*, quid sit Petrum esse subiectum, Hominem esse prædicatum? Respondeo, Hoc nihil esse aliud, nisi quod intellectus tali modo tendendi compositiuo tendat in Petrum, & hominem, vt hominem componat cum Petro, seu affirmet de Petro; per talem autem modum, quo in Petrum tendit diuersum à modo tendendi in hominē, Petrus exercitè fit subiectum, seu taliter cognitus, homo verò fit prædicatum. Deinde verò per aliam cognitionem reflexam cognoscuntur vt talia.

5 Sed vt hic etiam explicemus, vtrum esse cognoscibile habeatur ab aliqua relatione reali, vel ficta. Dicimus tam esse sensibile, quam esse intrinsecè cognoscibile per emissionē specierum, non esse denominationem merè extrinsecam à potentia sensitua, & cognoscitiua, sed esse prædicatum, ac denominationem partialiter intrinsecam ipsi obiecto sensibili, ac taliter cognoscibili; fundatam in intrinseca potentia ipsius obiecti ad posse sentiri, & posse emittere species: hoc autem prædicatum est realiter relatiuum ad potentiam sen-

fiuam, & cognoscitiuam, vt constabit ex dicendis de relatione.

6 E contra esse cognoscibile abstractiue potest aliquando esse denominatio merè extrinseca à potentia cognoscitiua, impossibilia enim sunt abstractiue cognoscibilia, non per hoc, quod aliquid habeant, ratione cuius possint taliter cognosci, sed merè per hoc, quod intellectus possit illa cognoscere.

CAPVT DECIMVM.

De Ente negatiuo.

Negationes, & priuationes tam necessariae, quam contingentes non plus habent de vilo esse, quamuis improprio, & abusiuo, quam entia impossibilia, ideòque sunt mera entia rationis habentia tantum esse obiectiue in intellectu: hinc merito communi diuisione fundata in pluribus locis S. Thomæ diuiditur ens rationis in chimæricum, negatiuum, priuatiuum, & relatiuum; & quamuis ens rationis negatiuum dicatur cum fundamento in re, hoc tamen non probat, quod aliquid plus entitatis habere debeat negatio, quàm chimæ-

chimæra ; nam etiam relatio rationis dicitur ens rationis cum fundamento in re, nec propterea relatio rationis aliquid plus entitatis habet quam Chimæra . Hæc ergo dicuntur entia rationis cum fundamento in re, quia à subiecto aliquo, cui concipiuntur negationes, & relationes rationis inesse determinantur ad illas concipiendas . Præterea non potuit ens rationis diuidi in Chimæricum , negatiuum , & relatiuum , eò quod negationes , & relationes rationis concipiantur à nobis ad modum entium realium , nam etiam spiritualia concipimus ad modum materialium , nec tamen ens rationis diuiditur in Chimæricum , & spirituale , ergo cum benè diuidatur in Chimæricum , & negatiuum , tam Chimæra , quam negationi verè conueniet habere tantum esse obiectiuè in intellectu .

2 Sed ratione probatur conclusio posita, primò de negationibus necessarijs, quia nulla est necessitas illas admittendi, vt constabit ex solutione argumentorum , quæ etiam si vim aliquam haberent pro negationibus contingentibus, nullam certè habent pro necessarijs, cum omnia explicari facile possint per entitatem rei , quæ prout talis est

fundamentum intellectui ad negandū aliud cum tali entitate impossibile; sic quælibet res est vna per negationem necessariam diuisionis in se. Quod sufficienter habetur per entitatem rei, prout dat fundamentum intellectui ad dicendum, quod non sit in se diuisa, si enim res esset vna per negationem necessariam superadditam, hæc etiam negatio esset vna, ergo vel per aliam negationem, & procederetur in infinitum, vel si esset vna per se ipsam, quatenus dat fundamentum intellectui ad dicendum; quod non sit multiplex, non est cur non idem dicamus de quolibet positiuè vno. Sicut ergo negatio necessaria, quam dicit vnitas, non est quid distinctum ab entibus positiuis, ita nulla negatio necessaria erit quid distinctum ab omni ente positiuo.

3 De negationibus contingentibus probatur pariter primò, quia nulla est necessitas illas admittendi, vt constabit. Secundò, quia si daretur negatio contingens, non omnis negatio contingens opponeretur contradictoriè rei negatæ, quod est absurdum etiam apud Aduersarios: sequela probatur quia contradictoria sunt talia, vt non possit vtrumque deesse, sed vnum tunc tantum desit, quan-

quando ponitur aliud illi contradictorie oppositum, sed negatio contingens durationis hesternæ Antichristi v.g. defuit absque positione ipsius durationis hesternæ, quæ est forma per talem negationem negata, ergo aliqua negatio contingens deest absque positione formæ negatæ. Minor probatur, quia nunc neque est duratio hesternæ Antichristi, neque est eius negatio contingens, sed est solum eius negatio necessaria, cum sit impossibile, quod duratio hesternæ sit hodie, ergo hodie verum est dicere, quod defuerit negatio contingens durationis hesternæ absque positione durationis negatæ.

4 Dices negationem contingentem durationis hesternæ non perijsse, sed dari, non tamen dari hodie, sed dari heri. Sed contra est quia dari heri, & non dari hodie, idem est ac heri fuisse, & hodie non esse, idem autem est heri fuisse, & hodie non esse, ac heri quidem fuisse, sed deinde perijsse; aliter dicam Bucephalum non perijsse, quia licet non detur hodie, datur tamen pro illo tempore, quo vivebat Alexander. Neque dicas negationem contingentem transisse in necessariam, tum quia esse contingens, & esse necessarium, est prædicatum

carum intrinsecum, ideòque non potest còtingens transire in necessariũ absque deperditione sui esse, tum quia iam cogeris admittere negationes necessarias, quæ passim reiiciuntur; nec parum profectò esset ita impugnasse negationes contingentes, vt non possint hæc admitti, nisi admittantur etiam necessariae. Si demum dicas negationem contingentem durationis non dari, quia hæc ex peculiari capite repugnat, nullum tibi supererit argumentum pro alijs negationibus contingentibus, quod in hac æquè tibi soluendum non sit.

§ Sequeretur præterea dari negationes actu, & cathegorematicè infinitas, imò quando nihil erat, fuissent tot negationes, vt illis non potuerit fieri additamentum. Neque dicas negationem omnium rerum possibilium esse infinitas solum syncathegorematicè, sicuti nō nisi syncathegorematicè infinite sunt res negatae, nam cum quælibet res possibilis distributiue accepta sit potēs existere, cuilibet distributiue acceptæ respondet negatio actu existens, cum ergo nulla ex his negationibus sit tantum possibilis, sed quælibet sit actu existens, & nulla supersit possibilis, faciunt profectò infinitum totum actu, & cathem

theogorematicum , quod nunquam faciunt res possibiles , si nunquam actu omnes ponantur .

6 Dices primò, non dari nisi vnicam negationem exclusiuam . omniũ rerum non existentium, ita vt hæc vnica negatio varietur , quoties aliquid ens de nouo ponitur, vel tollitur in rerum natura . Sed contra est primò , quia quis hoc credat , quod non nisi gratis fingitur ? Contra secundò, quia huiusmodi negationi tribuerentur prædicata plusquam negatiua . Contra terriò, quia huiusmodi negatio non opponeretur contradiçtoriæ formæ negatæ, quia posset deesse tam negatio , quam forma negata , negatio enim Antichristi, v. g. quæ nunc datur, pollet deesse, etiam non posito Antichristo, per hoc solum, quod producat, vel pereat aliquid de nouo, cum ratione cuiuslibet mutationis rerum varietur iuxta hanc responfionem negatio Antichristi, quæ nunc est.

7 Dices secundò , non dari infinitas negationes , quia idem est dari infinitum negatiuum, ac non dari infinitum. Sed contra , quia verum est negationes non esse infinitum entium positiuorum, sed si admittis illas habere, nullo intellectu cogitante, aliquid esse, dabitur in-

finitum actu, & cathegorematicum in
 numero talium entium, quodcunque
 tandem esse actuale sit, illud quod ha-
 bent; nam non dari vnā rem positi-
 uam est per te dari vnum ens nega-
 tium: & vnum verificatiuum propo-
 sitionis negatiuæ, ergo non dari infinitas
 res positivas erit dari infinita entia
 negatiua. Quod si hanc consequen-
 tiam neges, bene est. Quando enim
 argumento vnus sententiæ premeris,
 statim omne esse negationibus adimis.
 Quando verò argumentis alterius sen-
 tentiæ nescis satisfacere, tunc negatio-
 nibus mirum quot prædicata tribuas,
 dicis enim illas habere nullo intellectu
 cogitante veritatem obiectiuam, con-
 tradistinctam ab omni ente positivo,
 esse morium, & verificatiuum propo-
 sitionum negatiuarum, cadere sub no-
 stram experientiam, esse inter se distin-
 ctas, vnā perire, alia non pereunte,
 incipere, & desinere esse, esse comple-
 mentum diuinorum decretorum, voli-
 biles, & amabiles à Deo, aliaque pluri-
 ma illis tribuis, ac tribues, quoties sese
 dabit occasio, quæ si non sunt prædi-
 cata propria entium positiuorum, quæ-
 nam erunt?

8 Demum dum dicis negationes
 habe-

habere aliquam veritatem nullo intellectu cogitante contradistinctam ab omni ente positivo, quid intelligis per hanc veritatem? Cum enim veritas conuertatur cum entitate, si habent aliquam veritatem, habebunt aliquam entitatem, ergo sicuti dicis, quod habent entitatem impropriad, & abusiuam, ita debes dicere quod habeant veritatem impropriad & abusiuam. Quod si hoc concedas, iterum peto vel veritas negationum est totaliter abusiuam, itaut illis non conueniat, nisi merum nomen entis, & veritatis, & quidquid entitatis, ac veritatis habent, non habeant nisi dependenter ab intellectu: & iam mecum sentis, vel earum entitas, & veritas non est totaliter abusiuam, & explica quid sit; quod si dicas non posse explicari, quia est primus conceptus, sicuti conceptus entis est primus conceptus. Contra est quia tu qui asseris aliquid dari, debes illud positivo argumento probare, non ergo debes assumere quod sit negatio, & quod sit primus conceptus inexplicabilis; donec enim tu mihi dixeris quid sit veritas, & entitas negatiua, semper negabo quod sit, ideoque primum conceptum intellectus bene dispositi dicam esse, quod negatio seu *non esse rei non sit*

fit *esse non*, seu esse aliquid negatiuum; sed quod de non esse nullum habente esse, male petatur quid sit? cum discretè asseram quod non sit quidquam, & hoc dico esse primum conceptum. In quo patet disparitas cum ente; Ens enim scimus dari, ideòque bene de i.^o dici potest, quod sit primus conceptus; adeòque non detur quidquam illo elarius.

9 Dices veritatem, quam habent negationes explicari posse per hoc, quod sint determinatiuum obiectiui iudicii negatiui. Sed contra quia chimæra est etiam determinatiuum obiectiui iudicii negatiui, quò dico chimæra non est ens. Non ergo necesse erit tribuere maiorem veritatem obiectiuam negationi, quam chimæra. Quod si dicas chimæram non esse determinatiuum obiectiui illius iudicii negatiui, dicam, quod neque negatio sit determinatiuum obiectiui iudicii negatiui, quid autem verè sit in hoc sentiendum patebit ex dicendis in responsione ad obiectiones.

10. Adde quod si admittantur veritates negatiuæ, & de illis dicatur, quod sint inexplicabiles, quia sunt primi conceptus.

ceptus, admittendæ etiam erunt ex parte obiecti veritates positivæ necessariae, rerum non existentium, quæ nullo intellectu cogitante habeant aliquod esse obiectivum contradistinctum à Deo, sed à nobis inexplicabile, quia sunt primi conceptus, sic dicam dari ab æterno essentiam necessariam alterius Mundi. Quod si peres quid sit? dicam esse veritatem obiectivam ulterius inexplicabilem, cum non minus sit primus conceptus essentia rei, quam rei existentia, vel negatio, hæc autem obiectiva veritas possibilitatis communiter rejicitur ab ijs, contra quos agimus.

LI. Præcipuum fundamentum admittendi negationes est, quia alioqui non posset assignari, per quid verificentur propositiones negativæ contingenter veræ. Per quid enim, inquiunt, verificatur hæc propositio, noctu non est lux? Sed primò non omnis simplex apprehensio habere debet obiectum, cui conformetur, tale, ut habeat in se aliquod esse distinctum à cognitione, Quando enim cognosco chimæram, vel existentiam actua-lem alterius mundi, hæ non habent esse vltimum in se, sed solum cognosci, si ergo non ad omnem simplicem

cognit.

cognitionem requiritur obiectum habens in se aliquod esse, cui cognitio sit positivè conformis in ratione imaginis, cur ideò instas ut in omnibus propositionibus assignem tibi verificativum, habens in se aliquod esse, cui iudicium conformetur in modo tendendi? quasi verò hoc ipsum dici ab Intellectu non possit, quod nihil detur neque positivum, neque negativum, cui eius cognitio positivè conformetur. ...

12. Quando ergo veritas definitur conformitas cognitionis cum obiecto, distinguenda est duplex conformitas, alia positivè alia negativè; propositiones enim affirmativæ debent esse obiecto, & verificativæ positivè conformes, nam cum propositio affirmativa sit veluti ponitiva obiecti, ad hoc ut sit vera dari debet obiectum eo modo positum à parte rei, quo enunciatur, & intentionaliter ponitur; at cum propositio negativa non adhæreat obiecto, nec illud intentionaliter ponat, sed ab illo veluti fugiat, ad hoc ut sit vera, non debet dari à parte rei id, quod concipit, & à quo refugit. Quare propositio negativa ad hoc ut sit vera, debet esse conformis veluti negativè, hoc est quod ipsa existat, sed non sit difformis obiecto, non quod
de-

detur aliquid, cum quo positiuè conformetur, sed quod nihil detur, cui difformetur, cum quo cæteroqui deberet conformari, si existeret; sic dum dico *non est lux*, erit vera propositio, non quod detur negatio lucis, cui hæc cognitio sit positiuè conformis, sed quia non datur lux, cui hæc cognitio sit difformis, & cui cæteroqui deberet conformari, si existeret. Sicut ergo ad veritatem propositionum affirmatiuarum requiritur, quod detur earum verificatiuum, ita ad veritatem negatiuarum, satis est, quod non detur earum falsificatiuum.

13 Dices primò idem est non dari falsificatiuum, ac dari negationem falsificatiui, & idem est, quod hæc propositio, *non est lux* sit vera, quia non datur quidquam cui difformetur, ac quia datur negatio cuiuscunque, cui difformetur. Respondeo hoc esse falsum, cum enim non valeat argumentari à sensu negante ad infinitatem, non licebit inferre: Non datur falsificatiuum, ergo datur negatio falsificatiui. Quod si petas quid sit non dari falsificatiuum, quid sit non dari alium mundum &c. dico malè à te peti, vt assignem quid sit, cum dicam non esse quidquam. Sicuti

cuti malè peteres vt assignem quid sit chimæra independenter ab intellectu, cum independenter ab illo non sit quidquam.

14 Dices secundò, si hæc propositio: non est alter mundus, non esset vera per aliquid distinctū à cognitione, esset vera per suam solam essentiam, ideoque esset essentialiter vera. Respondeo distingo sequelam esset vera essentialiter, & per essentiam cognitionis, hoc est nihil daretur distinctum à cognitione, per quod illa constitueretur in ratione veri, concedo sequelam, esset vera essentialiter, hoc est indefectibiliter; itaut quoties daretur hæc cognitio, dari deberet veritas, nego sequelam, si enim fuisset positus alter mundus, hæc propositio fuisset falsa; Itaque sicuti propositiones affirmatiuæ contingenter veræ, ablata re, quam affirmant, sunt falsæ, ita negatiuæ non per negationis ablationem, sed per positionem rei negatæ sunt falsæ; Sicuti enim aliquæ denominationes pereunt per ablationem alicuius entis; ita denominatio veri in propositionibus negatiuis perit per positionem obiecti negati: Hinc etiam propositionibus negatiuis veritas est partim, intrinsecæ, partim extrinsecæ, non tamé

pc-

positiue, sed negatiue; non ex eo quod
detur aliquid extrinsecum negatiuum,
sed ex eo quod non detur quidquam
extrinsecum, per quod propositio nega-
tiua falsificetur; Non aliter ac ista pro-
positio Chimæra non est ens, est vera,
non per negationem necessariam entis
chimerici, quam neque aduersarij ad-
mittunt, sed per hoc, quod totum, quod
de chimæra datur, sit hæc cognitio, ita
vt non detur quidquam, per quod hæc
cognitio falsificetur.

15 Dices tertio, si non admittan-
tur negationes obiectiue, non potest
assignari, à quo determinetur intelle-
ctus ad immediate assentiendum pro-
positionibus negatiuis contingenter ve-
ris, similiter non potest assignari, à quo
nam determinantur Bruta ad quæren-
dos catulos non repertos in loco &c. Sed
contra est quia neque in sententia ad-
uersariorum negatio rei potest esse suf-
ficiens determinatiuum ad hoc, nam
hic dantur negationes rerum omnium,
quæ hic non sunt, quid ergo me deter-
minat ad negandam existentiam huius
potius, quam illius rei in hoc loco?
certè non possum determinari ad ne-
gandam existentiam alicuius rei; cuius
nullas nec intuitiuas, nec abstractiuas
spe-

species vniquam habuerim, & tamen huius etiam rei negatio hic datur; aliquid ergo aliud requiritur, de quo absque eo quod dicamus negationes cadere sub experientiam, poterimus asserere, quod de se solo nos possit determinare. Dico ergo determinari nos ad immediate assentiendum propositionibus negativis per hoc, quod existere in nobis apprehensione hic & nunc abstractiua de aliqua re, si de præsenti alia omnes nostræ cognitiones intuitivæ sunt de alijs obiectis, ab hoc determinamur ad dicendum, quod hic, & nunc non habeamus cognitionem intuitivam de re illa, quam abstractivè cognoscimus, dum cætera cognoscimus intuitivè: ex quo deinde inferimus, quod talis res hic non existat. Proportionaliter autem modo discurrendum est de Brutis. Hinc avari non cruciantur à carèntia pecuniæ, quæ si de se cruciaret, esset profecto plusquam mera negatio, sed cruciantur, quia cum omnes cognitiones intuitivæ, quas habet avarus, sint de alijs obiectis, hinc determinatur ad dicendum, quod non habet pecunias, ex quo deinde sequitur dolor.

16 Dices quartò, Innocentia, hoc est carentia peccati est bona, & amatur à Deo, ergo est ens. Respondeo, quod
sicuti

sicuti anima cum actu peccaminoso faceret complexum malum, ita anima est quid bonum, quando totum, quod est in anima, est ipsa entitas animæ. Ex eo autem, quod totum quod est in anima sit entitas animæ, non bene inferitur, ut vidimus, quod totum, quod est in anima, sit entitas animæ, & negatio alicuius alterius. Pariter quando damnati amant annihilationem sui, ad hoc ut talis amor sit sine errore, debet esse talis, ut totum, quod velint existere, vel totum, de cuius existentia non curent, sint alia quælibet præter existentiam sui, in quam positivo odio ferantur, aliter eorum amor non nisi per errorem tendere potest in negationem; cum hæc de se non sit amabilis.

17 Dices quintò, quando aer ex lucido fit tenebrosus mutatur intrinsecè, ergo per intrinsecam receptionem mutationis lucis. Respondeo mutari intrinsecè non per ullius rei intrinsecam receptionem, sed per deperditionem lucis, quæ illi erat intrinseca, id.ò quæ duplex erit intrinseca mutatio, alia per acquisitionem alicuius intrinseci, alia per amissionem alicuius, quo erat intrinsecum; ad hoc autem non est necesse quod loco primi intrinseci succedat intrinseca negatio.

18 Di es denique Christum Dominum dixisse de Iuda: *Melius illi erat si natus non fuisset*; ergo negatio habet aliquam bonitatem, & entitatem. Respondet Christum Dominum locutum fuisse iuxta vulgarem loquendi modum, quo ex Arist. 4. metaph. tex. 2. *ipsum non ens esse non ens dicimus*: ex quo patet in quo sensu intelligendus sit Arist. quoties negationibus aliquid esse videtur tribuere. Quare dum capite de oppositis ait: *Sicut affirmatio ad negationem opponitur, sic & res, quæ sub utroque est*, non potuit nomine rei, quæ est sub propositione negatiua, intelligere id, quod est rigorosè res, ac proinde dicendum est, quod *non ens*, & *non rem* iuxta vulgarem modum appellauerit *rem*, ubi ex professo de non ente non disputabat: quod etiam nos præstabimus in sequentibus, vtentes breuitatis, ac facilitatis gratia, recepto loquendi modo, quo non entia entia negatiua, & negationes appellantur.

19 Ex dictis infertur negationes nō posse esse aliquid positium impossibile cum re negata, vt aliqui senserunt, nam vel hoc est aliquid creatum, vel aliquid increatum; non creatum, quia quando Deus nihil creauerat, dabatur
nega-

negatio contingens rerum omnium, nec tamen dabatur quidquam positium extra Deum. Si vero hoc positium impossibile est quid increatum, Decretum scilicet Dei nolitium, hoc quidem est veluti negatio causalis, quia, decretum Dei est quasi causa, quod res non existat; atque hoc non negamus, sed non facit ad rem presentem, in qua disputamus de negatione formali.

DISTINCTIO QVINTA.

De Prædicamentis.

CAPVT PRIMVM.

Prædicamentorum diuisio.

OMNE ens reale diuisum fuit in decem classes, ac summa genera, quæ vocantur prædicamenta: hæc autem sunt Substantia, Quantitas, Qualitas, Relatio, Actio, Passio, Vbi, Duratio, Situs, Habitus. Præter primum omnia alia prædicamenta sunt accidentia; ideoque in illis non ponitur ratio

ratio accidentis vtpote superior ad omnia nouem prædicamenta; Sicuti neque in illis ponitur ratio entis realis, vtpote ad omnia prædicamenta superior, & quæ in hæc decem prædicamenta diuiditur. Cum enim prædicamenta sint membra omnia, quæ diuidunt Ens reale, non debuit in collectione membrorum diuidentium Ens reale, poni ipsum Ens reale; sicuti neque in collectione membrorum diuidentium Accidēs collocari debuit ipsum Accidens.

2 De hac prædicamentorū diuisione sentiendū est, sicuti diximus de diuisione prædicabilium; nimirum quod metaphysicè loquendo fieri potuerit exactior, simpliciter tamen sit bona, cum sit idonea ad finem, propter quem est instituta; ad instruendum scilicet Logicum aliquali rerum omnium cognitione. Ad aliqualem autem rerum omnium cognitionem diuisio rerum omnium in duo tantum membra, in Substantiam scilicet, & Accidens fuisset nimis pressa: diuisio verò in plura capita, quam decem fuisset prolixior. Cæterum metaphysicè loquendo nulla apparet necessitas cur Actio, & Passio, quæ realiter nō distinguuntur, debuerint constituere duo diuersa prædicamenta.

3 In

3. In vnoquoque ex his decem prædicamentis assignari potest series prædicatorum, quæ à supremo genere usque ad vltima indiuidua per genera, & species intermedias deducatur. Exemplificatur tamen communiter in prædicamento Substantiæ: tanquam in faciliiori; à Substantia enim descenditur ad Corpus; ad Viuens, ad Animal, ad Hominem, usque ad vltimum Indiuiduū, & talis series prædicatorum substantiæ appellatur linea prædicamentalis, in qua directè ponuntur Genera, Species, & Indiuiduum, ex quibus quodlibet superius prædicatur de inferiori *in quid*. Indirectè, & ad latus ponuntur Differentiæ, quæ prædicantur *in quale*. Reductiuè demum poni in ea possunt partes physiciæ; v. g. materia, & forma; partes integrales, manus, pes &c.

4. Insistendo communi auctoritati excludimus à prædicamento Deum, & si quæ alia entia infinita essent possibilia. Propter maximam enim distantiam finiti ab infinito, non sunt infinita in iisdem rerum classibus reponenda cum finitis.

CAPVT SECVNDVM.

De Prædicamento Substantiæ.

Metaphysicum substantiæ conceptum assignauimus distinctione superiori cap. 6. ideòque Logica hic supersunt expedienda. Primò ergo summum genus in prædicamento substantiæ est substantia finita importata ad modum per se stantis. hic enim conceptus est vniuocus, vniuersalissimus, & prædicabilis in quid de omnibus, & solis ijs, quæ directè ponuntur in prædicamento substantiæ ex communi Aristotelis, aliorumque sententia. Et quamuis supra substantiam detur genus superius entis realis, vt probauimus distinctione superiori cap. 2. Ens tamen reale est genus ad omnia prædicamenta; ideòque summum genus intra prædicamentum substantiæ, quod ipsum sit substantia, est substantia finita &c. finita, inquam, quia ex prædicamento exclusimus infinita; *Importata ad modum per se stantis*, vt prædicari possit in quid de inferioribus.

2 Sub hoc summo genere substantiæ comprehendimus Angelos, & Cœlos ex Aristot. enim 5. met. cap. 8. etiam Dæmonia, & simplicia corpora dicuntur substantia; ideoque etiam si Cœli admittantur esse corpora simplicia, adhuc poterunt sub genere substantiæ comprehendendi. Neque obstat simplicitati Angelorum, compositio ex genere, & differentia, hæc enim, nullam arguens compositionem physicam, nullam importat imperfectionem.

3 Diuiditur ab Aristotele hic Substantia in primam, & secundam, ex cuius verbis constat nomine primæ substantiæ intellexisse substantiam singularem, nomine verò secundæ substantiam vniuersalem. Merito autem substantiā singularem vocauit substantiam primā; quia cum de ratione substantiæ sit stare per se, substantia singularis, quæ non prædicatur de vilo inferiori, sicuti prædicatur substantia vniuersalis, intelligitur ex nostro modo concipiendi magis stare per se. Quamuis enim realiter loquendo substantia non suscipiat magis, & minus, illa tamen substantia, quæ cum de nullo inferiori prædicetur, nulli inferiori intelligitur aduenire, magis etiam intelligitur ex nostro modo con-

cipiendi participare rationem substantiæ . Hinc primâ Substantia est ex Arist. quæ *neque de subiecto, hoc est de inferiori aliquo dicitur, neque in subiecto aliqua est, ut quidam homo*. Secunda verò substantia erit, quæ de subiecto, seu inferiori dicitur, sed in subiecto non est. Quare *non esse in subiecto* est commune verique substantiæ; differunt verò inter se, quod prima non dicitur, secunda verò dicitur de subiecto inferiori.

4 Hæc diuisio substantiæ in primam, & secundam, est diuisio subiecti, vel concreti accidentalis in accidentia intentionalia. Si enim diuisum sit substantia, membra verò diuidetia sint substantia singularis, hoc est clarè cognita, & substantia vniuersalis, hoc est obscurè cognita, erit diuisio subiecti in accidentia intentionalia: si verò diuisum sit substantia cognita clarè, & substantia cognita obscurè, erit diuisio concreti accidentalis in accidentia intentionalia.

5 Ex quo infertur hanc diuisionem esse vniuoci in vniuocata; membris enim diuidentibus nomen est idem, & ratio substantiæ eadem; ratio enim, & nomen substantiæ cognitæ conuenit tã substantiæ cognitæ clarè, qualis est substan-

substantia singularis; quàm substantiæ cognitæ obscure, qualis est substantia vniuersalis; vtraque enim habet & nomen, & rationem substantiæ cognitæ.

6. Dices primò, in hac diuisione diuisum est idem cum vno ex membris diuidentibus; diuisum enim est substantia cognita vt sic, ideòque substantia vniuersalis. Respondeo, Diuisum esse substantiam cognitam vt sic, & vniuersalem solum exercitè, Vnum vero ex membris diuidentibus esse substantiam vniuersalem non solum exercitè sed etiam signatè, hoc est cognitam vt vniuersalem.

7. Dices secundò, In hac diuisione vnum ex membris diuidentibus prædicari potest de alio; nam dici potest Petrus est homo: sed Petrus est substantia singularis, homo substantia vniuersalis; ergo substantia vniuersalis prædicari potest de singulari. Respondeo substantiam vniuersalem materialiter prædicari posse de singulari, non verò substantiam vniuersalem formaliter. Licet enim dici possit Petrus est homo, non tamen dici potest substantia singularis est substantia vniuersalis, vel è contra; cum ergo membra diuidentia sint substantia singularis, & vniuersalis formaliter,

constat quod vnum membrum diuidens non possit prædicari de alio .

CAPVT TERTIVM.

De prædicamento Quantitatis .

SECTIO PRIMA.

Quid, & quotuplex sit Quantitas .

Quantitas, si ruditer explicetur, erit id, quo res dicitur quantita, longa scilicet, brevis, lata &c. Alia est *discreta*, quæ habet partes actu diuisas, & huiusmodi est Numerus, qui non est peculiare accidens distinctum realiter ab unitatibus constituentibus numerum numerabilem; Alia est quantitas *continua*, quæ scilicet habet partes unitas, seu continuatas. Præterea hæc alia est *successiva* habens partes vnâ post aliam, & talis est tempus, & motus, Alia est *permanens* habens videlicet omnes suas partes simul. Atque

Atque hæc rursus alia est *intensua* habens suas partes existentes in eadem parte subiecti; alia est *extensua*, cuius scilicet partes ordinantur, & continuantur vna extra aliam, vt vna sit in loco diuerso à loco alterius, nec possint naturaliter duæ ex his partibus esse in eodem loco.

2 Quantitas permanens extensua definita fuit ab Arist. 5. metaph. cap. 13. in concreto, tum quia non modo alia materialia habent à quantitate esse quanta, sed ipsa etiam quantitas de se est quanta. Definitur autem sic. *Quantum dicitur, quod est in ea, quæ insunt, diuisibile, quorum vtrumque, aut singulum vnum quid, & quod quid aptum est esse.*

3 Et primò definiitur Quantum per diuisibilitatem, non tamen quamcumque, sed physicam ortam ex resistentia, & impenetrabilitate, quam nulla res habet nisi à quantitate permanenti extensua, vt constabit ex ratione formali huius quantitatis paulò post assignanda. Hinc materia non est quantitas, quia eius partes nō sunt diuisibiles diuisibilitate sensibili orta ex resistentia, & impenetrabilitate, cum hanc non habeant nisi à quantitate extensua. Idem dicendum de quantitate successua, &

constat quod vnum membrum diuidens non possit prædicari de alio .

CAPVT TERTIVM.

De prædicamento Quantitatis .

SECTIO PRIMA.

Quid, & quotuplex sit Quantitas .

Quantitas, si ruditer explicetur, erit id, quo res dicitur quantita, longa scilicet, brevis, lata &c. Alia est *discreta*, quæ habet partes actu diuisas, & huiusmodi est Numerus, qui non est peculiare accidens distinctum realiter ab unitatibus constituentibus numerum numerabilem; Alia est *quantitas continua*, quæ scilicet habet partes unitas, seu continuatas. Præterea hæc alia est *successiva* habens partes vnâ post aliam, & talis est tempus, & motus, Alia est *permanens* habens videlicet omnes suas partes simul.

Atque

Atque hæc rursus alia est *intensua* habens suas partes existentes in eadem parte subiecti; alia est *extensua*, cuius scilicet partes ordinantur, & continuantur vna extra aliam, vt vna sit in loco diuerso à loco alterius, nec possint naturaliter duæ ex his partibus esse in eodem loco.

2 Quantitas permanens extensua definita fuit ab Arist. 5. metaph. cap. 13. in concreto, tum quia non modo alia materialia habent à quantitate esse, quanta, sed ipsa etiam quantitas de se est quanta. Definitur autem sic. *Quantum dicitur, quod est in ea, quæ insunt, diuisibile, quorum utrumque, aut singulum vnum quid, & quod quid aptum est esse.*

3 Et primò definiitur Quantum per diuisibilitatem, non tamen quamcumque, sed physicam ortam ex resistentia, & impenetrabilitate, quam nulla res habet nisi à quantitate permanenti extensua, vt constabit ex ratione formali huius quantitatis paulò post assignanda. Hinc materia non est quantitas, quia eius partes nõ sunt diuisibiles diuisibilitate sensibili orta ex resistentia, & impenetrabilitate, cum hanc non habeant nisi à quantitate extensua. Idem dicendum de quantitate successiua, &

de duabus vicationibus, quantum una non potest esse in loco alterius, non ex eo, quod ratione impenetrabilitatis una impediatur aliam, sed ex eo, quod essentialiter habeat non posse existere in loco alterius.

4 Dicitur præterea Quantum esse diuisibile *in ea, quæ insunt*, hoc est in partes, quæ ante diuisionem erant in ipso toto quanto. In partes, inquam, quantum utraque sit aliquid demonstrabile, & completum in ratione quanti, sicuti ante diuisionem ipsum totum erat quid demonstrabile, & completum in eadem ratione quanti. Oppositum accidit in composito ex partibus essentialibus, in composito scilicet ex materia & forma. Hoc enim non est diuisibile in partes, quarum quælibet sit *unum quid*, aut *quod quid*, cum non sit unum quoddam totum eiusdem rationis, & essentialis cum illo, cuius erat pars; neque enim eadem prædicata essentialia conueniunt post diuisionem parti quantitatis, quæ conueniebant toti.

5 Dices *unum quid*, seu *quod quid* non dicitur nisi de substantia completa, ergo malè dicitur, quod quantitas sit diuisibilis in partes, quarum quælibet sit demonstrabilis tanquam *unum quid*. Respon-

spondeo licet hi termini in rigore non tribuantur nisi substantiæ completæ, in acceptione tamen minus rigorosa tribui possunt cuicunque rei habenti suam quidditatem, & essentiam, ideòque quando res quælibet retinet sua prædicata essentialia dici potest permanere, vnum quid, seu quod quid sicuti prius.

SECTIO SECVNDA.

In quo consistat ratio formalis quantitatis continuæ.

Primò consistere non potest in ratione *mensuræ aptitudinalis actiue vel passiuæ*. Hoc enim non est prædicatum primarium quantitatis, sed quod ad alia prædicata intelligitur subsequi; posse enim mēsurare, vel mēsurari subsequitur ad æqualitatem; sed æqualitas non est essentia, sed proprietas quantitatis ex Arist. 7. physicor. tex. 32. ergo multò minus ratio mensuræ aptitudinalis erit essentia, & primarium prædicatum quantitatis, sed erit tantum proprietas, supponens aliud prædicatum, nimirum hoc, quod est habere

partes impenetrabiles, ad quod ratio mensuræ aptitudinalis, & multò magis ratio mensuræ actualis intelligitur subsequi.

2 Non potest pariter formalis ratio quantitatis consistere in hoc, *quod est habere partes*. Hoc enim prædicatum conuenit etiam materiæ, & formæ materiali tam substantiali, quam accidentali, si enim formæ materiales non haberent de se partes non possent illas à quantitate recipere; sicuti anima rationalis, quia de se caret partibus, illas non acquirit per hoc, quod vniatur quantitati; sed adhuc remanet carens partibus tota in toto, & tota in qualibet parte corporis, quod formis materialibus nõ conuenit. Præterea sicuti Deus conseruat in Sanctissima Eucharistia quantitatem sine materia, ita si conseruaret materiam sine quantitate, nunquid propterea materia redacta esset ad indiuisibilia? Si ergo adhuc haberet partes, has non haberet à quantitate, sed à se.

3 Neque ratio formalis quantitatis consistit in *extreitate partium vel in ordine ad se, vel in ordine ad locum*; Non in extreitate partium in ordine ad locum, quia hæc habetur formaliter per vbi-
tionem.

tionem; & corpus Christi Domini in Eucharistia retinet suam quantitatem, vt docent communiter Theologi, nec tamen habet partes extra partes localiter. Non in extremitate partium in ordine ad se, quia hæc conuenit alteri à quantitate; Extremitas enim partium in ordine ad se est exigentia partium ad taliter intrinsecè vniri, vt ratione intrinsecæ vnionis vna pars non omnibus alijs partibus immediatè vnatur, sed immediatè vni, mediatè verò alteri; Sic caput immediatè vnitur collo, nec nisi mediatè pectori; hæc autem extremitas cōuenit etiam formis materialibus substantialibus; neque enim pars formæ plantæ, quæ est in trunco, exigit vniri immediatè parti eiusdem formæ, quæ est in ramis, sed solum mediatè; similiter duratio hodierna non exigit vniri, seu continuari cum duratione anni sequentis nisi mediatè. Idem dicendum de exigentia extremitatis partium in ordine ad locum, forma enim materialis exigit habere suas partes cum extremitate locali, ad hoc vt possit operari.

4 Reliquum igitur est vt essentia, & formalis ratio quantitatis permanentis extensivæ dicatur consistere in impenetrabilitate, hoc est in exigentia naturali

impenetrationis cum alia quantitate, vel cum alia quacunque re, quæ affecta sit quantitate. Hoc enim soli quantitati conuenit, & est prædicatum primum, ex quo cætera intelliguntur profluere. Et primò hoc non conuenit formis accidentalibus, quæ de se tam cum substantia, quam cum alijs accidentibus etiam eiusdem rationis penetrantur, nec nisi à quantitate redduntur formaliter impenetrabiles. Idem dicendum de materia, & de formis substantialibus, quæ exigunt quidem quantitatem, à qua redduntur formaliter impenetrabiles, & hac de causa sunt quid materiale, sed ipsæ de se non sunt formaliter impenetrabiles: cum enim destructa tota substantia materiæ, & formæ substantialis, remaneat in Sanctissimo Eucharistiæ Sacramento impenetrabilitas, materia, & forma substantialis redduntur formaliter impenetrabiles à quantitate, vt melius constabit capite sequenti. Hinc si materia, & forma substantialis materialis spoliarentur quantitate, earum partes possent penetrari, & redigi in locum minorem semper, ac minorem in infinitum.

§ Prædicatum *impenetrabilitatis* est etiam primum quantitatis; ex impenetra-

netrabilitate enim oritur, quod quantitas diuidi possit diuisione materiali, & sensibili orta ex resistantia, & facta per scissionem v.g. vel fractionem. Ex illa, oritur, quod per vires agentis naturalis tolli non possit à partibus earum extremitas in ordine ad locum, ex qua deinde sequatur ratio firma mensuræ aptitudinalis, tam actiuæ, quàm passiuæ. Verum quidem est, quod habere partes, & earum extremitas in ordine ad se, non oriuntur ex impenetrabilitate, sed adhuc neutrum ex his potest esse prædicatum primarium, & ratio formalis quantitatis, tum quia hæc conueniunt alijs, vt vidimus: tum quia alia prædicata quantitatis non oriuntur ex his: Quare habere partes erit prædicatum genericum, impenetrabilitas verò prædicatum specificum quantitatis; Ideoque quando Aristoteles definiuit quantitatem per diuisibilitatem, vel explicari debet, quod quantitas sit id, quod est diuisibile in partes impenetrabiles, vel quod Aristoteles tradere noluerit exactam quantitatis definitionem cum, modò illam per diuisibilitatem, modò per mensurabilitatem explicuerit. Dixi rationem formalem quantitatis consistere in impenetrabilitate, seu in exigentia

tia naturali impenetrationis, quia licet
essentiale sit quantitati hanc exigentiam
habere, non tamen illi essentiale, sed
solum connaturale est, quod tali exigen-
tiæ satisfiat, quia remanente exigentia
impenetrationis potest illi à Deo super-
naturaliter operante actualis impene-
tratio denegari.

SECTIO TERTIA.

*An quantitas permanens ex-
tensiva sit accidens distin-
ctum realiter à rebus
quantis.*

1 CVM rationem formalem quan-
titatis dixerimus esse impene-
trabilitatem, idem erit quærere, an
quantitas sit realiter distincta, ac vtrum
impenetrabilitas sit accidens realiter di-
stinctum à rebus, quæ per quantitatem
redduntur impenetrabiles: ad quod re-
spondendum est affirmatiuè, & proba-
tur ex Augustissimo Eucharistiæ Sacra-
mento, in quo destructa tota substan-
tia panis, & vini remanet impenetrabi-
litas,

litas, sed hæc non est vnum ex alijs accidentibus, quæ remanent, ergo erit peculiare accidens realiter distinctum tam à substantia, quàm ab alijs accidentibus. Maior constat experientia, neque enim Hostia penetratur cum manu Sacerdotis. Minor probatur, quia alia accidentia penetrantur cum substantia, & cum alijs accidentibus, tam eiusdem, quam diuersæ rationis; vnus enim gradus caloris penetratur cum substantia, & cum alijs gradibus caloris, quos suo loco admitteremus homogeneos, & cum albedine, alijsque accidentibus.

2. Præterea impenetrabilitas specierum Eucharisticarum haberi non potest ab vbicatione substantiæ panis; pereunte enim substantia, perire etiam debuit vbicatio illi essentialiter alligata; neque ab vbicatione aliorum accidentium, tum quia si alia accidentia sunt de se penetrabilia, penetrabiles etiam erunt eorum vbicationes; tum etiam quia modis vtpotè entitatibus imperfectissimis non est tribuendum aliud prædicatum, & perfectio nisi merè, hoc quod est tollere talem indifferentiam, & determinare ad illam denominationem, ad quam determinandam sunt instituti
à na-

à natura, aliter non imminuimus entitates, sed perfectionem, quam ab alijs accidentibus adimimus, damus modis, quibus non debetur.

3 Dices primò, Hostiam Consecratam fore de se penetrabilem, nisi Deus ad occultandum mysterium suppleret impenetrabilitatem substantiæ, quæ perijt. Sed contrà quia habemus præcipuè ex Tridentino, quod remaneant species panis, & vini, ergo remanent accidentia, quæ sensibus percipi possunt; de his enim ad minus loquuntur Concilia, dum illa appellant species, quia ingerunt speciem sui, & sunt immediatum principium obiectuum nostrarum sensationum. Cum ergo Tridentinum indefinitè loquatur, & non sit maior ratio de vna specie, quam de alia, dicendum est, quod remaneant omnes, cum omnes equè faciant, quod Sacramentum sit signum verè sensibile, & quod nullis præstigijs illudamur.

4 Sicut ergo, quia experimur visionem de albedine, dicimus dari in hostia veram albedinem, à quâ tamquam à principio obiectiuo oriatur talis visio; Similiter quia experimur talem gustationem de dulcedine per applicationem
hostiæ

hostiæ ad organum gustus, dicimus dari in hostia veram dulcedinem, neque possumus dicere, quod talia principia, obiectiua nostrarum sensationum suppleantur à Deo miraculosè: ita quia experimur ab hostia impediri manum, ne ulterius tendat, & succedat in locum, in quo est hostia, dicendum est verè dari id, à quo manus impeditur, & quod est principium obiectiuum, à quo oritur talis sensatio de impedimento, & impenetrabilitate.

5 Dices secundò, Quando species Eucharisticæ calefactæ reducunt se ad suum connaturale temperamentum, supplet Deus defectum substantiæ efficiendo id, quod fieri deberet à substantia, ergo idem poterimus dicere de impenetrabilitate. Sed contra quia Tridentinum definiuit tantum, quod remaneant species, hoc est immediatum principium obiectiuum nostrarum sensationum, quia hoc est id, quod pertinet ad sensibilitatem Sacramenti. De eo autem, quod est principium, & causa huius immediati principij obiectiui, nō dixit quod remaneat, ideòque benè recurrimus ad Deum miraculosè reproducentem frigus, & quidem verum, ac reale frigus, quod sit principium obiectiuum

etium nostrarum sensationum. Cum ergo impenetrabilitas sit immediatum principium obiectuum nostrarum sensationum, hoc debuit verè, & realiter adesse, licet Deus suppleat in genere causæ efficientis causalitatem materialem substantiæ, sine qua impenetrabilitas deberet perire.

6 Idem dicendum in casu, in quo quis nutriretur, & viueret solis speciebus Eucharisticis, benè enim possemus in hoc casu dicere, quod Deus miraculosè suppleret defectum substantiæ absque eo, quod quidquam diceremus cōtra Concilia, nam ea, quæ inmediate experimur per comestionem sunt talia accidentia, & hæc verè dantur. At quod deinde per species illas nutriamur, & viuamus, mediatè, & per discursum, inferremus, dum in tali casu ita ratio cinaremur; Nihil aliud comedimus nisi species Eucharisticas, & tamen vivimus, & nutriti sumus, ergo per illas vivimus, & nutriti sumus. De principio autem huius effectus remoti nihil Concilium definire voluisse est apud omnes in confesso, neque pro hoc eius verba quidquam faciunt; ideòque bene possumus, & debemus ad Deum recurrere.

7 Adnotandum denique est impenetra-

netrabilitatem ex multiplici capite haberi posse, potest enim haberi vel extrinsecè ex decreto Dei nolentis, quod duo Angeli v.g. se penetrent, vel ex eo quod aliqua duo sint essentialiter affixa diuersis locis, & talia sunt duo vbi, quæ si sint affixa diuersis locis imaginarijs, eidem correspondere non possunt, sed impenetrabilitas propria quantitatis est, quæ una quantitas naturaliter excludit aliã à loco, quem ipsa præoccupauit, non ex eo, quod illa alia quãtitas in tali loco non possit existere; sed ex eo, quod una quãtitas habeat de se resistere, & expellere aliam à loco, quem præoccupauit.

SECTIO QVARTA.

An quantitas, & aliud quodlibet continuum componatur ex solis indiuisibilibus finitis, vel infinitis.

Dicendum primò est non componi ex indiuisibilibus infinitis indiuisibiliter locatis, hoc est correspondentibus spatio indiuisibili loci, quia dare-

daretur infinitum actu non modo in numero, vt per se patet, sed etiam in extensione. Vel enim punctum additum puncto faceret, vel non faceret extensionem aliquam; si nullam faceret extensionem, ergo neque infinita puncta vllam facerent extensionem; si verò dicas: quod duo puncta facerent aliquam extensionem, dicas etiam necesse est, quod infinita binaria punctorum facerent extensionem constantem partibus infinitis æqualibus illi certæ, ac determinatæ extensioni, quam faceret binarium punctorum.

2 Sed siue fingantur puncta finita, siue infinita, ex solis punctis indivisibiliter locatis, componi non posse continuum, probatur ex eo, quod punctum additum puncto non facit extensionem, cum enim vnum punctum non possit tangere aliud punctum secundum partem, quia caret partibus, poterit tantum illud tangere secundum se totum; sed quod tangit aliud secundum se totum penetratur cum illo, ergo cum illo non facit extensionem. Minor probatur, quia si Deus velit, quod duo puncta se penetrent, quid aliud fiet, nisi quod duo puncta se tangant (secundum) se tota? & si velit, quod duæ manus se pene-

penetrent, nihil aliud fiet, nisi quod se tangant secundum se totas : ergo idem est aliqua duo penetrari, ac se tangere secundum se tota. Præterea si vellet Deus duo puncta prius penetrari, deinde verò quod desinerent esse penetrata, non posset velle, quod remaneret eorum contactus; est enim imperceptibile, quod remaneat eorum contactus, & non sint penetrata.

3 Quod si dicas hoc non ita facile percipi; ratio erit, quia difficillimè punctum imaginamur; cæterum duo puncta indiuisibiliter locata, & se se immediatè tangentia, licet aliquid plus sint, quam vnum punctum, si spectemus numerum, non tamen aliquid plus sunt, quoad extensionem: Non ita accidit in rebus diuisibilibus se se immediatè tangentibus, in his enim nulla interuenit penetratio, quia nihil est assignabile, quod tangat aliud secundum se totum, quamcunque enim partem assignaueris, semper in illa assignare poteris aliquid, quod immediatè tangit, aliquid quod non immediatè tangit. Ad hanc probationem reducitur aliud argumentum Peripateticorum, quod nimirum ex non quantis, qualia sunt puncta, non potest fieri quantum, ex punctis

Etis enim non quantis, quæ si immediate se tangant non faciunt extensionem, sed penetrantur, non potest fieri aliquid quantum, & extensum.

4 Præterea si continuum constaret solis indiuisibilibus indiuisibiliter locatis; Achilles velocissimè currens non moueretur velocius, quam testudo, si enim continuum permanens constaret indiuisibilibus, etiam tempus, & spatiū constaret indiuisibilibus, ergo dum vnum punctum Achillis in vno puncto temporis percurreret vnum punctum spatij etiā vnum punctum testudinis in vno puncto téporis percurreret vnū punctū spatij; ergo non moueretur velocius Achilles, quam testudo; neque enim, vnum punctum Achillis in vno puncto temporis potest esse in duplici, vel pluribus punctis spatij, quia esset naturaliter replicatum, neq; potest vnū punctū testudinis in vno puncto temporis esse in spatio minori; quam sit vnam punctum, cum non detur spatium minus puncto: Quod autem dictum est de vno puncto Achillis, & testudinis, intelligendum etiā est de alijs punctis, ex quibus Achilles, & testudo in sententia, quam impugnamus, componuntur.

5 Quod si dicas punctum testudinis,

nis, postquam in vno puncto temporis occupauit vnum punctum spatij, ibi quiescere per aliquot instantia. Contra est tum experientia, quæ docet motum esse quid continuum absque morulis interceptis: tum quia sequeretur, quod rota circumacta tota discontinuaretur; concipiantur enim puncta, quæ à centro rotæ versus circumferentiam faciunt vnā lineam rectā, si quando aliquod punctum ex his valde distans à centro rotæ mouetur, aliquod aliud propè centrum per aliquam morulam quiesceret, non possent facere vnā lineam rectā, vt per se patet, sed punctū, quod mouetur discontinuaretur à puncto, quod quiesceret, sed idem accideret in alijs punctis rotæ, ergo tota rota discontinuaretur.

6. Demum argumenta mathematica, quæ communiter hac in re afferuntur, euincunt non posse continuum ex foliis indiuisibilibus locatis indiuisibiliter componi. Primò enim non omnis linea diuidi posset bifariam, quæ enim constaret punctis imparibus non esset in duas partes æquales diuisibilis. Secundò tot puncta essent in circulo minori, quot in maiori cōcentrico, lineæ enim ductæ à cētro ad quodlibet punctū circūferentiæ circuli maioris necessario designare deberet

beret totidem puncta in circulo minori, nulla enim linea transiens per puncta circuli minoris transire potest per spatium minus puncto, neque duæ rectæ transire possent per idem punctum, absque eo quod haberent idem segmentum commune, quod implicat. Tertiò Diameter quadrati esset æqualis costæ, si enim à quolibet puncto vnius lateris ducatur totidem rectæ ad quodlibet punctum lateris oppositi, occupabunt totam aream quadrati, & per consequens omnia puncta diametri, ideoque non plura puncta continebit diameter, quam costæ, seu latus quadrati, quod est absurdum. Hæc autem, aliaque similia argumenta non minoris roboris existimanda sunt ex eo, quod mathematica in suis demonstrationibus procedat ex postulatis, quæ non probat, sed assumit, nam mathematicæ summa semper ab omnibus tributa est certitudo, & si sua postulata non probat, ideo non probat, quia propter euidenciam maximam, quam habent, vltcrius probari non possunt.

7 Dicendum pariter est continuum non componi ex punctis inflatis, seu ex indiuisibilibus locatis diuisibiliter, itaut punctum de se indiuisibile occupans spatium

spatium aliquod diuisibile fit totum in
toto illo spatio, & totum in qualibet
parte illius. Hæc enim sententia noua,
& contra Aristotelem, tribuit punctis
continui materialis prædicatum pro-
prium rei spiritualis; esse enim totum
in toto, & totum in qualibet parte, est
proprium rei spiritualis, quod rebus
materialibus tribui sine miraculo non
debet.

8 Superest ergo vt continuum cō-
poni dicamus ex partibus diuisibilibus
in infinitum, quod tum auctoritate Pe-
ripatheticorū, Mathematicorū, & SS. Pa-
trum, tum ex impugnatione aliarum
sententiarum satis suadetur. Verum qui-
dem est ex hac sententia sequi, quod
possit à Deo vna ala muscæ v. g. ita di-
uidi per crassitiem in plures, & plures
superficies tenuiores in infinitum, vt sa-
tis sint ad cooperiendum totum Cœ-
lum; sed in hoc nullum est absurdum,
& suaderi potest à paritate motus. Dato
enim quolibet motu quantumvis velo-
ci, vel tardo, dari potest alius semper
velocior, & velocior, vel tardior, ac tar-
dior in infinitum spectata natura ipsius
motus. Detur enim vectis v. g. bipal-
maris, cuius suprema pars, seu cuspis
moueatur velocitate vt quatuor, partes

L
verò

verò extremæ tarditate vt vnum, tum protendatur vectis & fiat quadripalmaris, ideòque duplo longior, ita tamen vt noua illius cuspis non moueatur maiori velocitate, quàm moueretur prius altera cuspis; hoc posito partes extremæ vectis mouebuntur tarditate vt dimidium, quod si rursus protendatur vectis magis, & magis in infinitum, ita vt semper suprema illius pars quantumuis magis, & magis protensa non moueatur nisi velocitate vt quatuor, partes extremæ talis vectis mouebuntur tarditate maiori semper, ac maiori in infinitum. Idem autem dicendum est de velocitate si partes extremæ semper eodem modo moueantur, & vectis in infinitum protendatur, cuspis enim illius eò semper velocius mouebitur, quò magis protendetur; Si igitur motus esse potest maior semper, ac maior, vel minor & minor in infinitum, quid ni hoc idem de alia qualibet quantitate dicamus?

9 Hoc idem dicere debent tam qui componunt continuum ex indiuisibilibus infinitis, in quibus nunquam deuenitur ad vltimum indiuisibile, quam illi, qui componunt continuum ex indiuisibilibus locatis diuisibiliter; debent enim

enim admittere, quod vbicatio cuiuslibet puncti possit esse minor semper, & minor in infinitum, idcirco quod crassities, quam habet vbicatio vnius alæ muscæ sit æquiualens non tot quin pluribus vbicationibus tenuissimis, ex quibus simul sumptis tegi posset totum Cœlum. Porro quamuis tam quantitas maior, quam minor sit in infinitum diuisibilis, illa tamen ideo est maior, quia procedendo per æquales diuisiones, semper diuisiones quantitatis maioris sunt maiores, quam diuisiones quantitatis minoris. Quælibet autem quantitas est talis, vt, si procedamus per partes æquales, possimus deuenire ad vltimam, si verò procedamus per partes proportionales minores, & minores, nunquam possimus deuenire ad aliquam, quæ non sit diuisibilis in duas, quorum vna sit prior, alia posterior.

SECTIO QVINTA.

*Per quid continuentur partes
continui permanentis.*

POsito quod continuum constet partibus in infinitum, vt statuamus

mus utrum omnes, vel solum aliquæ sint actu distinctæ; examinandum prius est, per quid continuentur; cum enim possint existere, & non existere continuatæ, debet aliquid dari, per quod continuentur. Primò ergo partes continui homogenei substantialis non possunt sufficienter continuari per approximationem, & dispositiones accidentales, sicuti pariter dicemus in physica, non posse materiam, & formam substantialem sufficienter uniri per dispositiones accidentales; est enim in utrisque par ratio; sicut enim compositum ex partibus essentialibus, prout compositum, est quid substantiale, & per se intentum à natura; ita continuum substantiale, prout continuum, est quid substantiale, & per se intentum à natura. Inò peculiari ratione continuū substantiale, prout continuum, est quid substantiale, quia cum substantia illa, quæ est continua, non sit acceptibilis, neque intelligibilis ut materialis, nisi prout importans aliquas partes continuas; non est intelligibilis in ratione rationalis substantiæ, nisi prout importans continuationem: ergo si in composito essentiali, cuius partes, præscindendo ab unione essentiali, sunt acceptabiles ut sub-

substantiales, vnio est quid substantiale, multò magis in continuo substantiali vnio continuatiua debebit esse quid substantiale. Certè sicuti homo, prout homo, est quid per se intentum à natura, ità continuum substantiale, prout continuum, est quid per se intentum à natura, quæ cum non potuerit per se intendere partes diuisas, neque illas intendere nisi propter totum continuum, dicendum est, quod per se intenderit ipsum continuum, vt continuum; ideoque vnio continuatiua, per quam formaliter constituitur continuum, erit per se intenta à natura.

2 Dices primò. Continuum continuari per approximationem, & dispositiones accidentales, non in recto, sed solum in obliquo importatas. Sed contra quia etiam ego dicam in composito essentiali materiam, & formam vniri per dispositiones accidentales importatas in obliquo; Imò dicam, quod neque forma equi v. g. fit substantialis, eo quod sola materia importetur in recto cum de materia dicatur, quod sit habens formam equi. Sed re vera in neutro casu modus importandi in recto, vel in obliquo quidquam facit, cum sit merè ex nostro modo concipiendi.

Similiter licet unio continuatiua fit id, quo partes continuantur, attamen habet etiam rationem *ut quod*, quia est partiale constitutum continui, quod est perse intentum à natura.

3 Dices secundò. Ideò partes eⁿentiales vniri per vnionem substantialem, quia post vnionem remanent actuales partes, cum è contra partes continui post continuationem non sint nisi partes potentiales. Sed contra: quia quid ex hoc inferis contra probationem à nobis allatam? Imò si post continuationem partes desinunt esse partes actuales, & constituuntur in ratione partium potentialium id; quo constituuntur in ratione partium potentialium, debet esse quid substantiale, quia cum idem sit esse partes potentiales, ac esse continuum, sicuti continuum ut continuū, est quid substantiale, ità hoc quod est partes potentia'es esse potentiales haberi debet per aliquid substantiale.

4 Adde partes corporis Christi Domini in Eucharistia esse entitatiuè continuatas, cum eius collum v. g. non sit discontinuatum à capite, & tamen hæc entitatiua continuïtas non habetur per approximationem localem partiū, cum in eodem loco, in quo est vna
pars

fit etiam alia. Quod si dicas Corpus Christi Domini esse entitatiuè continuatum, quia alibi, vbi modo connaturali existit, habet suas partes localiter continuatas. Contra est tum quia si Corpus Christi Domini nullam aliam vbi-cationem haberet, nisi sacramentalem, adhuc eius partes essent continuatæ, tū etiam quia cum non solum in Cœlo, sed etiam in Eucharistia sit continuatū vtrobique debet habere id, per quod eius partes formaliter conti-nuentur.

5 Non potest pariter continuitas continui substantialis haberi per indiuisibilia copulatiua, tum quia omnia indiuisibilia inferius reiiciemus: tum quia quando continuum diuiditur in duas partes, vel perit indiuisibile copulatiuū, vel non: si non perit, non erit de se essentialiter copulatiuum, ideòque non poterit copulari, nisi per aliquid aliud; quod si per diuisionem perit, eò quod non possit existere absque eo quod a se copulet, habebit rationem modi, ideòque iam admittuntur modi substantiales continuatiui, & solum supererit quæstio vtrum admittendi sint diuisibiles, an indiuisibiles; atqui congruentius ponuntur diuisibiles, sed indiuisibiliter afficientes partes, quas conti-

L 4

nuant,

nuant, quia non est intelligibile quomodo aliquid indiuisibile vnire possit partes diuisibiles; si illas omnes non afficiat, certè longè melius intelligimus continuari aliquid diuisibile per vnionem efficientem quamlibet partem, si quælibet ex illis indiget continuatione. Adde quod non effet maior ratio cur indiuisibile copulatum recipi deberet in hac potius parte, quam in alia ex illis, quas copulat, idèque congruentius est dicere, quod afficiat, & recipiatur in qualibet.

6 Continuantur ergo partes continui substantialis per aliquid substantiale, & quidem modale, ac diuisibile, seu extensum, sed indiuisibiliter afficiens subiectum, quod continuat, tale scilicet, vt non possit vlla illius pars existere absque eo quod actu has omnes partes subiecti continuet; aliter si aliqua pars talis vnionis continuatiuæ posset tam existere, quam non existere sine actuali continuatione sui cum alijs compartibus, vel absque eo, quod omnes partes sui subiecti actu continuaret, deberet aliquid aliud addi, per quod tolleretur talis indifferentia. Porro non est nouum admittere tale genus entis diuisibilis, seu extensi, quod
tamen

tamen indiuisibiliter afficiat subiectum; non defunt enim, qui admittant formas materiales, & modos relatiuos diuisibiles, sed indiuisibiliter afficientes subiectum.

7 Supereſt vt ſtatnamus vtrum quodlibet continuum quantumuis magnum vno, vel pluribus ex his modis continuatiuis continuetur; Sed congruentius videtur admittere plures; aliter ſi tota aqua oceani v. g. vnico modo continuatiuo continuaretur, ablata vna gutta totus oceanus deberet ſubſtancialiter mutari, quod non eſt dicendum contra communem hominum perſuaſionem, ſi poſſumus rem aliter explicare; Poſſumus autem, ſi dicamus: taxatam ab auctore naturæ fuiſſe, minimam aliquam continui extensionem, quæ vnico modo continuatiuo naturaliter continuetur, hæc autem minima extenſio erit maxima inter illas, quæ non poſſunt ab agente naturali, ſeu à cauſa ſecunda naturaliter operante diuidi, eò quod cum vires agentium naturalium, ſeu cauſarum ſecundarum ſint limitatæ, deuenire tandem debeamus ad minimam aliquam extenſionem, quæ diuidi ab agente naturali vltcrius non poſſit. Hæc ergo continui

particula vnica vnione continuatiua, continuabitur, & vocari poterit vel maximum naturale comparatiuè ad partes minores, & minores in infinitum, quas continet, vel vſitatiore vocabulo minimum naturale comparatiuè ad reliquam totius continui molem. Quare non poterit à causis ſecundis naturaliter operantibus hoc minimum diuidi, licet diuidi poſſit, ſpectata præciſè eius natura; quod ſi fiat, dabuntur modi continuatui minores, & minores in infinitum, prout in partes minores, & minores in infinitum diuidetur.

8 Dices primò, Ariſtotele innotuiſſe diuiſibilitatem continui in infinitum abſque eo, quod illi innotuerint miracula, ergo continuum in ſententia Ariſtotelis erit etiam naturaliter diuiſibile in infinitum. Reſpondeo non potuiſſe Ariſtotelem latere, quod in diuiſione continui eò tandem deueniatur, vt à limitatione cauſarum ſecundarum diuidi vltèrius non poſſit, ſolum ergo docuit Ariſtoteles, quod quantum eſt ex natura continui poſſit in infinitum diuidi, quidquid deinde ſit vtrum ex defectu virium agentis diuidi, vel non diuidi poſſit.

9 Dices ſecundò, Si poſſunt dari modi.

modi minores minimo, poterunt etiā dari maiores; cur ergo non dicimus de facto modos continuatiuos esse maiores minima illa extensione, quæ non potest ab agente naturali diuidi? Respondeo, Rationem esse, quia modi grādiore essent expositi maiori destructioni, quia essent expositi pluribus diuisionibus, ideòque ea minima mensura debuit assumi respectu modorum cuiusque minimi, quæ minus esset exposita destructioni.

10. Vnum ergo minimum naturale vna vnione continuatiua continuatur; Sed ad hoc vt cum alio minimo continuetur requiritur alius modus continuatiuus extensior, qui habeat afficere, & continuare vtrumque minimum, non quod priores modi pereant per aduentum istius, sed quod illa duo minima, quorum quodlibet de se faciebat vnum totum coalescant in aliud totum per alium tertium modum; & ratio est, quia non possunt duo illa minima continuari vel per coexistentiam, vel per aliud quippiam accidentale, vt probatū est, ergo continuari debent per modum substantialem. Quod verò perire non debeant priores modi duorum minimorum per aduentū huius tertij, probatur.

batur. Primò, quia deberet admitti vnus
 modus cōtinuatiuus pro toto oceano. Secundò à paritate vnionis hypostaticæ, quæ superueniens humanitati non destruit vnionem essentialem animæ cum corpore, sed supplet id, quod ab vnione essentiali præstari non poterat, ergo nouus modus continuatiuus superueniens non debet esse destructiuus priorum modorum, sed addere id, quod illi præstare non possunt. Cum enim destructio non sit ratione sui bonum, non debuit à natura per se intendi, nisi quando haberi non potest aliud bonum à causis naturalibus exigibile. Si ergo haberi potest continuitas duorum minimorum inter se per nouum modum continuatiuum, qui non destruat priores, sed præstet solum id, quod illis deest, cur debebunt priores destrui? Sic in finih quando lac acescit, non dicimus destrui cum dulcedine etiam albedinem, & succedere acedinem, quæ gerat munus acedinis, & albedinis, sed remanente albedine dicimus perire solam dulcedinem.

II Porro si binario duorum minimo um taliter continuato continuandum sit tertium minimum non debet dari alius modus, qui afficiat hæc tria
 mi-

minima: si enim ita diceremus ablato vno minimo mutaretur substantialiter totum continuum, sufficit ergo quod detur alius modus afficiens hoc tertium minimum superueniens, & solum illud aliud minimum, quod immediate tangit, sic enim per continuationem cum tertio minimo intermedio minima extrema erunt inter se continuata. Similiter si vnum binarium minimorum continuandum sit cum alio binario vtrumque habere debet suos modos continuatiuos, & per tertium modum continuari minima illa, quæ se se immediate tangunt, per quorum continuitatem sufficienter etiam erunt continuata minima extrema: sic si minimum A continuandum sit cum minimo B continuabuntur per modum continuatiuum C minima verò D, & E continuabuntur per modum F, vtrumque verò binarium minimorum continuabitur per



modum G. Ita tamen vt modus G sit alligatus solis minimis B, & D, non vero etiam modis continuatiuis C, & F, ne quando per diuisionem minimi A à minimo B perit modus C, perire etiam debeat modus G. Idem

C. Idem autem dicendum erit de continuatione aliorum omnium minimorum componentium continuum.

12 Dices partes vnius minimi prout distinctæ ab vnione continuatiui, vel videntur à Deo vt vnum; & non indigebunt modo continuatiui, per quem fiant vnum: vel videntur vt plures, & hoc dici non potest, cum non sit assignabile, vtrum videantur vt finitæ, aut vt infinitæ. Respondeo hoc argumentum soluendum esse etiam ab ijs, qui dicunt partes continuari per approximationem, & dispositiones accidentales, vel enim partes prout ab his accidentibus distinctæ videntur vt vnum, & non indigebunt his accidentibus, vel vt plures, & assigna vtrum vt finitæ, an vt infinitæ. Idem argumentum fieri potest de qualibet entitate respectu vbicationis, & durationis, quæ sunt accidentia cuique entitati debita. Peto enim vtrum creatura præscindendo ab vbicatione, & duratione videatur existens, vel non existens in loco, & tempore; si affirmes, ergo illis non indiget: si neges ergo à Deo videtur creatura existens nullibi, & in nullo tempore. Ad hæc igitur omnia dicendum est: partes vnius minimi, prout distinctas ab vnione continua-

tinuatiua, vbicatione &c. neque videri
vt vnum, neque vt plures, neque in
loco, neque nullibi, sed præcisiuè vide-
ri solam entitatem partium, omni mo-
do quo sunt cognoscibiles. Atque hoc
si loquamur de Deo apprehenso, ac si
cognosceret ad instar nostri intellectus
præscindentis; cæterum realiter loquē-
do sicuti implicat quod existant partes
sine aliqua vnione continuatiua, sine
aliqua vbicatione &c. ita implicat, quod
non videantur à Deo vt vnum, & vt
vbicatae, per aliquam vnionem, & vbi-
cationem.

13. Potest hic quæri vtrum vnio cō-
tinuatiua materiæ sit idem cum vnione
essentiali, per quam vnitur cum for-
ma. Sed respondendum est negatiuè,
quia antequam materia vniatur formæ
supponi debet in priori naturæ conti-
nuata, aliter non exiget formam, si e-
nim non exigit formam substantialem,
nisi vt disposita, quæ dispositio magis
necessariò requiritur in materia ad re-
cipiendum formam, quam continui-
tas? Porro per vnionem essentialem
non debet perire vnio continuatiua
materiæ, ita vt vnio essentialis gerat mu-
nus vtriusque vnionis, nam sicuti per
vnionem hypostaticam non tollitur v-
nio

nio inter animam, & Corpus Christi Domini, & per vnionem vnus minimi cum alio non tollitur vnio, quae parte vnus minimi inter se continuatur, ita vnio essentialis non debet tollere vnionem materiae, sed illam vnire cum forma supplendo id, quod de se non praestat vnio continuatiua.

14 Vnio tamen continuatiua partium formae substantialis materialis, non est cur non possit etiam gerere munus vnionis essentialis ipsius formae cum materia; cum enim neque in priori temporis, neque in priori naturae debeat naturaliter existere forma materialis nisi unita materiae, nulla est ratio cur vnio continuatiua non possit etiam gerere munus vnionis essentialis; praesertim quia in vnione essentiali debent dari sua minima ne dicamus, quod, pereunte aliqua minima particula formae materialis, pereat tota vnio essentialis, qua talis forma vnitur materiae. Vnio vero essentialis formae spiritualis non habebit nisi praedicata vnionis essentialis, cum in forma spirituali non dentur partes continuandae. Verum quidem est, quod cum ex dicendis in physica congruentius ponatur vnio animae rationalis cum cor-

corpore esse diuisibilis, hæc vnio constabit suis minimis continuatis eo modo, quo diximus de minimis materiæ.

15 Dices cur non asserimus quod formæ substantiales continuantur ad continuationem materiæ absque eo quod vnioni essentiali tribuamus etiam munus vnionis continuatiuæ? Respon-
deo hoc dici non posse quia non apparet quomodo possent partes formæ substantialis facere vnum substantiale, per vnionem substantialem alterius, hoc enim modo etiam formæ accidentales dici possent continuari substantia-
liter per hoc, quod continuarentur ad continuationem substantialem materiæ. Formæ ergo substantiales aliquid plus requirunt, quod formis accidentibus non est necessarium, ideòque solum formæ accidentales sufficienter continuantur ad continuationem sub-
iecti. Partes vero continui successiui continuantur per hoc, quod post vnū minimum durationis im-
mediatè sequatur aliud,
vt constabit ex di-
cendis.



SECTIO SEXTA.

*Infertur quanam partes in
continuo permanenti sint
actu distinctæ quæ
verò solum po-
tentia.*

1 **P** Ræmittendum est quid intelli-
gamus per distinctionem actua-
lẽ, quid per distinctionẽ poten-
tialẽ. Hoc autem ex ipsa notione di-
stinctionis deducendum est. Cum enim
illud sit distinctum ab alio, quod non
est aliud, seu quod dat fundamentum
intellectui ad dicendum, hoc non est
aliud; illud erit actu, seu completè
distinctum ab alio, quod dat intellectui
completum fundamentũ dicendi *Hoc*,
illud verò erit distinctum solum poten-
tia, & incompletè, quod de se non dat
tale completum fundamentum, sed
est potens illud dare, si aliquid illi ad-
datur.

2 Hinc res heterogeneæ quamvis
vinitæ, sunt actu, & completè distinctæ,
quia cum habeant prædicata diuersa
ratio-

ratione illorum dant completum fundamentum dicendi, *Hæc*, & *hæc res*: at res homogeneæ si continentur & in aliqua illarum parte non fit peculiare, aliquod prædicatum diuersum à prædicato alterius, non dant completum fundamentum dicendi *Hæc pars*? Peto enim cur in palmo aquæ v. g. dicitur potius hanc medietatem, quam hanc medietatem medietatis hanc medietatem medietatis medietatis? quod fundamentum peculiare habes dicendi *Hæc* & *hæc pars*? Certè nullum habes à re ipsa completum fundamentum, præscindendo à tuo libito, ideòque illa, quæ habent partes huiusmodi appellantur habere partes distinctas solum potentia. eo quod si alicui ex illis partibus accederet aliquod prædicatum intrinsecum terminationis, v. g. vel alicuius alterius intrinseci accidentis de parte potentiali transiret ad eff. partem actuale, cum de non habente completum fundamentum dicendi *Hæc* fieret habens tale fundamentum.

3 Confirmatur hæc explicatio ex Porphyrio docente indiuiduum esse illud, cuius proprietatum collectio nunquam in alio eadem erit, si ergo in continuo totaliter homogeneo nulla est assigna-

signabilis pars, quæ habeat aliquam collectionem proprietatum, quæ non sit in alia, nulla erit completum, & actuale individuum, ideòque nulla actu, & completè distincta ab alia. Neque dicas vnâ partem habere talem vbi-cationem, quam non habet alia pars, nam cum vbi-catio totius continui faciat vnum homogeneum, de hac ipsa vbi-catione dico, quod nullum habet peculiare fundamentum, cur dicatur hæc medietas vbi-cationis potius, quam hæc medietas medietatis &c.

4 Hoc posito dicendum est continuum substantiale constare minimis phisicis, quæ actu, & completè sunt inter se distincta, ita tamen vt partes cuiusque minimi, quandiu vnica vnione continuatiua continuantur, non sint actu, sed solum potentia distinctæ. Hoc autem probatur ex dictis; Quolibet enim minimum habet suam peculiarem vnionem continuatiuam, quæ habet peculiare aliquod prædicatum, quod non habet vlla ex partibus in illa designabilibus; torus enim modus continuatiuus vnius minimi nullam habet connexionem essentialem quoad existentiam cum alio quolibet modo continuatiuo, cum sine alio quolibet possit
exi-

existere: At quælibet pars vnius modi continuatiui, vt potè indiuisibiliter afficientis subiectum, essentialiter cum alijs omnibus eiusdem modi connectitur, ergo quilibet modus continuatiuus, & quodlibet minimum subiecti ratione sui modi continuatiui dat peculiare, & completum fundamentum intellectui ad dicendum. *Hoc minimum* quod non dant partes in infinitum designabiles in ipso minimo, ideò que minima erunt inter se actu distincta, non verò partes vnius minimi quandiu vnica vnione continuantur, quod si per diuisionem reciperent duos modos continuatiuos, sicuti fierent duo complete *Hæc*, ita acquirerent actualem distinctionem.

5 Porro vt aliquid sit actu, & complete. Hoc, non est satis, quod habeat aliquid peculiare quidem, sed merè extrinsecum, ideòque extrinseca v. g. designatio per actum intellectus non satis est ad completam distinctionem, per hanc enim sicuti subiectum non acquirit aliquid intrinsecum, per quod det fundamentum dicendi *Hoc*, ita non est intrinsecè *Hoc*, sed merè extrinsecè. Quare solum ratione vel intrinsecæ diuisionis, vel alicuius accidentis peculiaris

ris intrinsecè recepti in vna parte , non in alia poterit vna pars esse intrinsecè *Hæc*, & actu distincta ab alio .

6 Dices primò per hoc, quod vna pars intrinsecè recipiat aliquod accidens peculiare fit actu *hæc*, ergo ante actua-lem receptionem , per hoc , quod po-tuerit recipere tale peculiare accidens erat actu *hæc* , cum haberet prædicatū aliquod potentiale diuersum à prædica-to alterius . Sed contra est , quia prædicata diuersa merè potentialia non faciunt nisi distinctionem potentialem , cum non dent de se completum funda-mentum dicendi *Hoc* . Cuius rei ratio est, quia, vt melius constabit ex dicen-dis in prædicamento relationis; prædi-catum potentia in qualibet causa secūda est solum inadæquatè; ideòque quælibet pars continui est potens recipere tale peculiare accidens non præcisè ra-tione sui, sed solum simul cum alia cau-sa saltem increata potente ponere in tali parte diuisionem, vel aliquod aliud accidens, ratione cuius sit completè *Hæc* Quare sicuti quodlibet prædicatum po-tentia in rebus creatis est solum inadæquatè, ita tale prædicatum non est in illis cognoscibile ex præcisa cognitione talis entitatis , ac proinde tale prædica-tum

tum non dat de se completum fundamentum dicendi *Hoc*.

7 Dices secundo, Prædicatum potentiaë est in rebus creatis saltem inadæquatè, ergo tale prædicatum inadæquatum diuersum à prædicato inadæquato alterius dabit fundamentum sufficiens dicendi *Hoc*. Sed contra est quia prædicatum inadæquatum potentiaë nõ est cognoscibile absque eo quod terminus talis potentiaë cognoscatur adæquatè, cum ergo ex præcisa cognitione, etiam comprehensiuæ potentiaë inadæquatæ nõ possit cognosci terminus adæquatè, quia plus cognosceretur, quam in tali potentia contineatur, manifestè inferitur, quod prædicatum quodcunque potentiale creatum vtpotè inadæquatum non det intellectui completum fundamentum dicendi *Hoc*, eo quod tale prædicatum non sit vllò modo ex vi præcisa talis entitatis cognoscibile, quia ad illud cognoscendum, deberet terminus talis potentiaë adæquatè cognosci, hic autem cum adæquatè in tali potentia non contineatur, non est in illa vllò modo cognoscibilis neque inadæquatè, quia secundum nullum sui prædicatum in potentia creata adæquatè continetur.

8 Dices tertio, Separabilitas est signum distinctionis realis, ergo si partes vnius minimi sunt inter se separabiles erunt realiter distinctæ. Respondeo separabilitatem esse signum realis distinctionis, sed vel actualis si ea quæ sunt separabilia ante separationem habeant aliquod peculiare prædicatū diuersum; vel solum potentialis; si non habeant. Porro quæ sunt distincta potentialiter, differunt ab ijs, quæ exciudunt omnē distinctionem etiam potentialem ex eo, quod illa sunt identificata indiuisibiliter, quæ verò habent distinctionem potentialem sunt identificata diuisibiliter; per hoc quod possint habere, sed actu non habeant aliquod peculiare prædicatū.

9 Dices quarto si vnum minimum diuidatur, & deinde iterum continueatur, per talem continuationem partes illæ nihil deperdunt de sua entitate, ergo nihil deperdunt de sua indiuiduatione, ergo si quando erant diuisæ erant duo indiuidua actu distincta, etiam post continuationem erunt talia. Respondeo licet per continuationem nihil ab illis partibus deperdatur de entitate, deperdi tamen priores vniones continuatiuas, & loco duarū acquiri tantum vnā.

vnam; Hinc quamuis nihil deperdant de indiuiduatione incompleta, quam habent ab entitate, deperdunt tamen complementum duplicis indiuiduationis, quod habebatur à duplici vnione, licet enim in rebus heterogeneis indiuiduatio completa habeatur à sola entitate rei, quia sola entitas rei habet peculiare prædicatum ratione cuius dici possit, *Hæc*; In homogeneis tamen continuatis, cum vna pars ratione solius entitatis non habeat vllum peculiare prædicatum, ratione solius entitatis non habet completam indiuiduationem, ideòque hanc habere solum potest ab aliquo alio.

10 Hæc minima cum sint extensa habebunt aliquam figuram, non tamen in omnibus compositis necessariò eandem; pro ratione enim diuersæ formæ substantialis vnā potius figuram exigentis, quam aliam, poterit earum figura esse diuersa; quamuis sicuti ad impediendum vacuum multa accidunt contra peculiarem exigentiam rerum naturalium, ita ad rectam continui structuram sine interceptione vacui poterunt aliqua minima habere hic & nunc figuram diuersam ab illa, quam categorici forma substantialis exigeret.

M

S E.

SECTIO SEPTIMA.

*An etiam continuum successi-
uum componatur ex mi-
nimis physicis.*

1 **S**uccessiva cuiusque rei duratio supponatur ex inferius dicendis indistincta ab actione productiva, vel conservativa ipsius rei. Quo posito dicendum est etiam continuum successivum, intrinsecum scilicet, ac reale cuiusque rei tempus, ac durationem constare minimis physicis, talibus scilicet particulis, quæ inter se sint actu distinctæ, sed quælibet ex illis contineat partes distinctas solum in potentia. Veritas huius assertionis ex dictis capite superioris patebit, si in particulis, seu minimis alicuius continuatæ durationis inuenerimus peculiare aliquod prædicatum diuersum à prædicato alterius, ita tamen, ut in nulla ex particulis componentibus tale minimum sit reperibile aliquod prædicatum diuersum.

2 Ad huius ergo rei probationem, triplex genus rerum creatarum distin-
guen-

guendum est, aliquæ enim pendent tam in fieri, quam in conseruari à solo Deo, aliquæ pendent in conseruari à solo Deo, sed in fieri à Deo simul, & causa secunda; aliæ demum tam in fieri, quàm in conseruari pendent à Deo simul, & causa secunda. Primò igitur in duratione rei, quæ in conseruari pendet à solo Deo, in fieri verò à Deo simul, & causa secunda facile distinguimus minima; actio enim illa, quæ est influxus Dei simul, & causæ secundæ habet peculiare prædicatum diuersum à prædicatis illius actionis, quæ deinde est influxus solius Dei, ergo vna actio erit actu distincta ab alia; ideòque prior illa pars durationis, quæ est actio Dei, & causæ secundæ erit primum minimum, in actione verò quæ ad hoc primum minimum sequitur alia deinde distinguuntur minima iuxta ea, quæ mox dicemus. Porro primum illud minimum determinabitur ad habendam extensionem maiorem, vel minorem à maiori, vel minori virtute causæ secundæ in operando, causa enim secunda, quæ est validior in agendo sicuti citius agit, ita agit per influxum, qui sit minimum breuius.

3 Quod si res vel tam in fieri, quam
M 2 in

in conseruari pendeat à solo Deo : vel tam in fieri , quam in conseruari pendeat à Deo simul , & causa secunda , spectabit ad auctorem naturæ eligere durationem tantæ extensionis , quæ vnico eius decreto ponatur , & tanquam primum beneficium creaturæ conferatur , sicut enim taxatur ab auctore naturæ tanta particula subiecti materialis , quæ vnica vnione continuatiua continuetur , ita taxabitur à Deo tanta mensura durationis , quæ vnico decreto conferatur , cum enim quoad hoc non possimus in ipsa rei natura inuenire sufficiens determinatum , cogimur recurrere ad meram auctoris naturæ determinationem.

4 Neque vero dicendum est vnico decreto fuisse à Deo volitam totam durationem Angeli ; v. g. futuram per totam æternitatem , ideòque non posse minima durationum distingui penes diuersa Dei decreta ; nam cum de decretis Dei discurremus pro ratione rerum volitarum , sicuti existimamus durationem hodiernam , & durationem hesternam esse diuersas res , ita dicendum est , quod duratio hodierna diuerso decreto volita fuerit à duratione hesternam ; & sicuti insitum nobis est à natura , vt
gra-

gratias agamus Deo pro conseruatione hodierna tanquam pro diuerso beneficio à conseruatione hesternæ; ita duratio hodierna volita erit decreto diuerso. Porro cum ex dictis vbi de ente infinito, implicet, quod hæc diuersa sint infinita, dicendum erit taxatam ab auctore naturæ fuisse tantam durationis extensionem, quæ sit vnum beneficium diuersum à beneficijs aliarum durationum.

5 Porro si post collationem primi minimi durationis secundum minimū detur connaturaliter, dabitur intuitu durationis præiabitæ, ex eo scilicet, quod res præextiterit in tali duratione antecedente, & nihil aduenerit exigens destructionem illius; hoc ergo secundū minimum positum intuitu prioris habet peculiare prædicatum alligationis ad minimum præcedens, vt probabimus in prædicamēto. Actionis, vbi agemus de alligatione actionis ad fines. Similiter tertium minimum positum intuitu secundi habet peculiare prædicatum alligationis ad secundum, & sic de cæteris, ideòque in quolibet minimo erit reperibile peculiare prædicatū alligationis ad minimum durationis immediatè præcedens. Quod si secundum,

dum, vel aliquod aliud minimum durationis non ponitur per decretum conaturale, sed per tale decretum, quo Deus velit conseruare rem, etiam si non præstitisset, vel etiam si aliquid daretur exigens illius destructionem, adhuc tale minimum durationis debet esse explicatiuum talis decreti Dei, ideòque debet habere prædicatum peculiare. Idem dicendum de tota duratione, quæ pendens in fieri à Deo simul, & causa secunda, conseruatur deinde à solo Deo, in illa enim distinguenda sunt minima prout per diuersa Dei decreta intelliguntur posita.

6 Quodlibet ex his minimis diximus constare partibus solum potentia distinctis, quia in nulla ipsius parte est reperibile prædicatum aliquod diuersum, ratione cuius dici possit, *Hæc*. Si enim dicas vnâ partem minimi perire, quando nondum perit alia, ideòque in vna parte dari peculiare prædicatum. Contra est quia perire est prædicatum commune æquè conueniens cuilibet parti designabili in minimo, dum verò dicis *Hæc* pars perit quando non perit hæc alia; peto quod peculiare fundamentum habes dicendi potius de hac parte, quam de illius medietate, quod pereat,

pereat, quando non perit alia? Certè sicuti merè ex tuo libito designas hanc partem potius quam illam, ita hæc pars de se precisè nullum habens peculiare prædicatum, ratione cuius dicatur *Hæc*, non est de se completè, & actu *Hæc*, sed solum incompletè, & in potentia. Idem respondebo si dicas primam medietatem minimi esse priorem secunda; Hoc enim quod est esse priorem, & posteriorem est prædicatum commune cum in qualibet minimi particula in infinitum designabili possimus assignare aliquid prius, aliquid posterius, at non nisi prius, & posterius incompletè, cum sine ullo peculiari fundamento, sed merè ex nostro libito designemus hanc potius medietatem priorem, quàm medietatem medietatis &c. ideòque ex hoc quod est esse prius, & posterius, non possumus inferre contradictoria nisi incompletè, adeoque solum sufficientia ad distinctionem in potentia, seu inconpletam, iuxta acceptionem distinctionis in potentia initio positam.

7 Iuxta hanc sententiam facile explicatur quomodo Achilles cursor velocissimus assequatur formicam. Supponamus enim ex infra dicendis, motum, hoc est vlicationem fluentem

constare etiam minimis; quo posito. Ideo Achilles assequitur formicam, quia dum punctum seu minimum Achillis ponit vnum minimum vbicationis fluentis tantæ extensionis per durationem breuiorem; punctum, seu minimum formicæ ponit minimum vbicationis fluentis paræ extensionis per durationem multò longiorem, & quia minimum vbicationis poni potest per durationem breuiorem; & breuiorem in infinitum, vt probatum est sect. 4. num. 8. potest Achilles citius, & citius in infinitum assequi formicam. Idem autem dicendum in alijs similibus.

8 Neque verò vnum minimum indiget aliquo, per quod cum alio minimo continetur, per hoc enim, quod post vnum minimum immediatè sequatur aliud, vnum continuatur cum alio, cum sit impossibile vtrumque existere continuata; & quamuis partes etiam minimi inter se continuentur, per hoc quod vna immediatè sequatur ad aliã; minima tamen inter se sunt actu distincta, partes vero minimi nequaquam, quia inter partes minimi continuatas nullum est reperibile peculiare prædicatum, quod conueniat vni, & non conueniat alteri; & cum inter minima con-

continuata sit assignabile aliquod peculiare prædicatum conueniens vni minimo, quod non conuenit alteri, vnum minimum erit actu distinctum ab alio, vtpote dans peculiare fundamentum dicendi *Hoc*.

SECTIO OCTAVA.

An in continuo extenso, & permanente præter minima physica admittenda sint aliqua indiuisibilia mathematica.

I QVamuis supra probauerimus non componi continuum ex solis indiuisibilibus, dubitatur tamen vtrum præter partes, & minima admitti debeant aliqua mathematicè indiuisibilia, quæ vel ad copulandas, vel ad terminandas partes inferuiant. Sed omnia indiuisibilia reiicienda sunt, quia neque ad continuandas, neque ad terminandas partes, neque ad aliud quidquam inferuiunt. Non ad continuandas partes, quia partes diuisibiles melius

continuantur per aliquid diuisibile ; vt supra probauimus . Non ad illas terminandas , quia, si intelligatur à linea ablatum punctum , adhuc intelli itur terminata; per hoc enim præcisè, quod non fit vltèrius extenfa erit terminata, neque terminata solum negatiuè seu radicaliter, sed etià positiuè, & formaliter, terminationem enim quam tu dicis esse radicalem, ego dico esse formalem.

2. Præterea vel indiuisibile penetratur cū partibus, vel non. Si nō penetratur, ergo punctum additum puncto, vel partifacit extensionem, quod supra sectione 4. num. 2. impugnauius, si verò penetratur indiuisibile occupabit spatium diuisibile; illud scilicet spatium, quod occupatur à parte, cum qua penetratur . Quod si dicas penetrari cum aliqua parte diuisibili, sed indeterminatè ; Contra est quia iam corruunt omnia argumenta , propter quæ admitti solent puncta , eodem enim modo sine pūctis, vt mox videbimus, dicere poterimus: quod sphaera tangat planū in parte determinata , sed indeterminatè &c.

3. Peto pariter admissis punctis. Vel post punctū sequitur immediate linea, vel aliud punctū. Si aliud punctū. Vel linea tota constabit ex punctis, vel deuen-

ueniendum est ad aliquod punctum, post quod sequatur immediatè non punctum, sed linea, si ergo post aliquod punctum sequitur linea, dabitur aliquod continuum sine punctis. Quod si aliquod, cur non omne? Si verò dicas non posse assignari, quid post punctum immediatè sequatur; corruunt omnia argumenta, quæ afferuntur pro punctis; eodem enim modo dicam non posse assignari quid sphaera immediatè tanquam planum.

4. Demum naturaliter daretur annihilatio, & creatio punctorum materiae primæ, quando enim partes materiae diuiderentur, daretur tum creatio nouorum punctorum terminatiuorum, tum annihilatio priorum copulatiuorum, cum enim neque vna pars, neque vnum punctum materiae educatur ex alia parte materiae, si puncta materiae producuntur de nouo creabuntur. Hoc non militat contra nostras vniones continuatiuas, quæ cum sint entitates modales educuntur de potentia illius subiecti, ad cuius partes continuandas educuntur.

5. Præcipua difficultas hic est in explicando corporum contactu, præcipuè verò sphaerae, vel cylindri cum plano.

Cum enim perfectè curuum adæquari nullo modo possit cum perfectè plano sphæra dicitur à mathematicis tangere planum in puncto, cylinder verò tangere planum in linea; ideòque admittenda videntur puncta, & lineæ: Respondent nonnulli negando quod dari possit perfecta sphæra, & perfectum planū. Sed contra est tum quia malè hoc saltem cuicumque potentia negatur, tum quia ad argumentum satis est, quod dari possint per imaginationem; tum etiam quia totum argumentum æquè soluendum est in contactu cuiuslibet minimæ lineæ curvæ cum plano.

6 Vt ergo propositæ difficultati melius satisfiat, præmittendum est quid requiratur ad rigorosum contactum. Ad hunc ergo dicimus satis esse quod duo corpora accepta secundum se tota ita sint sibi approximata, ut servata utriusque figura, non possint secundum se tota magis approximari sine penetratione, quidquid sit utrum secundum aliquā sui partē, siue secundū quamlibet distributiue acceptam possint magis approximari. Quod autem hoc sit constat, tum ex ipsa notione contactus, qui importat maximam approximationem, tum quia gratis aliquid plus requiritur.

7 Porro

7 Porro aliqua se tangunt commensurabiliter, & adæquatè alia incommensurabiliter, & inadæquatè. Illa se tangunt commensurabiliter, quæ ità sunt maximè approximata, vt per talem contactum vnum corpus metiatur aliud, eo quod ex cognita dimensione vnius possimus venire in cognitionem alterius, illa verò se tangunt incommensurabiliter, per quorum maximam approximationem non sequitur, quod ex cognita dimensione vnius possimus venire in cognitionem de dimensione alterius. Rursus aliqua se tangunt incommensurabiliter secundum quācunq; dimensionē; alia verò se tangunt commensurabiliter secundū vnā dimensionē, sed incommensurabiliter secundum aliam.

8 Hoc posito duo plana palmaria, v.g. tangunt se commensurabiliter, secundum longitudinem, & latitudinem, quia ex cognita longitudine, & latitudine vnius possumus per talem contactum venire in cognitionem de longitudine, & latitudine alterius, ac secundū profunditatem tangunt se incommensurabiliter, quia ex cognita profunditate vnius non possumus per talem contactum venire in cognitionem de profunditate alterius; ad talem enim contactum

actum nulla determinata profunditas est requisita, sed quælibet minor, & minor in infinitum est satis. Duo ergo plana dicuntur se tangere in superficie, non quod per talem contactum designentur duæ superficies, sed quod nulla sit determinata profunditas requisita ad talem contactum.

9 Simili modo dicendum est de cylindro tangente planum; tangit enim illum commensurabiliter secundum longitudinem, incommensurabiliter secundum latitudinem, & profunditatē, atque hoc est tangere in linea, ita scilicet tangere, ut ad talem contactum nulla latitudo nullaque profunditas sit determinatè requisita, sed quælibet minor, & minor sufficiat, ex quo fit ut ex cognita latitudine, & profunditate cylindri nihil propterea sciamus de latitudine, & profunditate plani. Demum sphaera tangit planum in puncto, hoc est incommensurabiliter secundum quamcunque dimensionem, eo quod ex cognita dimensione sphaeræ non possumus venire in cognitionem de vlla dimensione plani, & similiter ex cognita dimensione plani non possumus cognoscere vllam dimensionem sphaeræ, eo quod nulla pars assignabilis in sphaera
vel

vel plano sit determinatè requisita ad talem contactum, sed quælibet minor, & minor in infinitum sit satis.

10 Dices primò negatis omnibus indiuisibilibus non potest explicari vtrum sphaera tan- at, vel non tangat immediate planum, (& eadem est ratio de cylindro,) vel enim inter totam sphaeram, & planum mediat aër, & non se tangent immediate, vel non mediat, & cū non possint esse sibi inuicem immediata secundum aliquam partem diuisibilem, quia omnis pars diuisibilis sphaeræ recedit à plano, erunt sibi immediata secundum aliquid indiuisibile: sed hæc difficultas æquè soluenda est admissis indiuisibilibus. Quæro enim vel inter omnes partes sphaeræ, & plani mediat aër, & non se tangent immediate, vel non mediat, & ideo non mediabit, quia aër circumfusus interrumpetur; & perforabitur à puncto sphaeræ tangente immediate planum, sed hoc dici non potest: primò quia punctum sphaeræ tangens planum immediate debet, vt supra sect. 4. num. 2. probauimus, cum illo penetrari, cum tangat illud secundum se totum, ergo si punctum plani non interrumpit continuationem aëris, neque punctum sphaeræ illam interrumpet.

Se-

Secundò punctum sphæræ non emicat à partibus, ergo si partes non interrompunt aërem circumfusum, neque hic interrompetur à puncto. Tertiò si Deus destruat hoc punctum, in quo dicis fieri contactum num propterea sphaera magis approximabitur plano? num fiet aliqua in aëre circumfuso variatio? si hæc dicas, erit profectò hoc tuum punctum satis crassum.

11 Directè ergo respondeo aërem medium inter sphæram, & planum per talem contactum ita conformari, vt versus contactũ semper magis, & magis attenuetur, adeo vt nullam possis assignare crassitiem tam parvam, quam minor non detur in aliqua parte talis aëris, sicut enim in sphæra tangente planum nunquam assignare potes partem ita proximè tangentem, vt non sit diuisibilis in duas particulas minores de quarum vna dicere possis quod proximè tangat, de alia non. Ità in aëre illo per talem contactum conformato in scutella nunquam poteris assignare particulam vllam tam modicæ crassitiei, vt non sit assignabilis alia particula crassitiei minoris.

12 Atque hoc est de re, quæstio iam potiùs de nomine superest, vtrum
inter

inter totam sphaeram dicendus sit mediare; vel non mediare, aër : sed dicendum est mediare aërem, at indeterminatæ crassitie, non quod detur aliquid indeterminatum, sed quod in tali determinata aëris crassitie, si procedamus per plures, & plures designationes crassitie minoris, & minoris, nunquam fit designabilis vlla determinata crassities tam modica, qua non detur semper alia, & alia minor, & minor in infinitum; sic pyramis definit in acumen determinatum: sed indeterminatæ crassitie, eo quod licet sit designabile determinatum alicquod, & vltimum minimum, in illo tamé si versus fastigiū procedamus per designationes minores, & minores nunquam designare possumus particulam crassitie tam modicæ, qua non detur alia, & alia minoris semper, & minoris crassitie in infinitum.

13 Dies secundò si inter totā sphaeram, & planum mediat aër sphaera, & planum non se tangunt immediate. R. cum distinctione, non se tangunt immediate per omnimodam exclusionem aëris concedo. non se tangunt immediate per omnimodam approximationem, quæ ad rigorosum contactum satis est, vt initio vidimus, nego. Illa enim

enim inter quæ mediat aër determinatæ crassitie; non se tangunt immediate, quia aër determinatæ crassitie impedit maximā approximationem, at illa inter, quæ mediat aër, sed indeterminatæ crassitie eo modo, quo explicuimus, dici possunt se se tangere immediate si ad immediatū contactū nihil aliud requiramus nisi maximā approximationē. Hinc si Deus destineret totum aërem interceptum non propterea sphaera posset magis accedere ad planū, cum supponatur ita approximata ut salua figura magis approximari non possit.

14 Dices tertio si duæ pyramides aquæ intelligantur se se tangere in cuspide, aër hinc inde conformabitur etiam ipse in duas pyramides se se tangentes in cuspide. ergo cum nullum adsit impedimentum, duæ illæ pyramides aquæ inter se continuabuntur, & inter se pariter continuabuntur duæ illæ pyramides aëreæ, Hoc autem dici non potest quia, & inter duas pyramides aquæ continuatas secundum cuspidē mediet aër, & inter duas pyramides aëreas eodem modo continuatas mediet aqua. Sed hoc etiam soluendum est admissis indiuisibilibus, ut ex supradictis constat. Directè tamen respondē-

dendum est: quod quamuis duæ piramides homogeneæ se se hoc modo tangentes sint maximè approximatæ, quatenus stante tali figura magis approximiari non possunt, non tamen continuantur, quia cum maxima approximatione non habent etiam adæquationem quæ ad continuationem requiritur, non enim intelligi possunt continuata, nisi quæ ita inter se cohærēt, ut adequetur.

15 Dices quartò lumen recipitur in superficie, ergo superficies indiuisibilis est admittenda. R. lumen non recipi in mera superficie, quæ non datur, sed in aliqua crassitie maiori, vel minori pro diuersitate corporis, quod illuminatur. Hoc autem constat ex eo, quod nullum sit corpus ita densum, quod in subtilissimas laminas attenuatum non sit pellucidum. Non tamen propterea onino corpus dicendum erit diaphanum, diaphanum enim dicitur illud, quod quauis habeat aliquam notabilem crassitiē adhuc tamen lucem trāsmittit.

16 Etiam si mathematici in suis demonstrationibus procedant ex suppositione indiuisibilium, quod idem sæpè præstat Aristoteles, non tamen dicendum est dari indiuisibilia nisi virtualia, & solam à partibus formaliter, seu ex nostro

nostro modo concipiendi distincta, hoc enim ad mathematicorum demonstrationes abundè est. Quare corpus, prout solum concipitur habens longitudinem, est linea, prout vero concipitur ita ut in ordine ad talem contactum, perinde se habeat, ac si nullam haberet extensionem, est virtualiter punctum. Adde Aristotelem locutum de indivisibilibus iuxta famosam sui temporis opinionem, libro enim de motu animalium cap. 2. negat in Cælo polos, qui sint puncta immobilia, super quæ Cælū moueatur.

SECTIO NONA.

An in continuo successiuo dentur aliqua instantia Mathematicè indivisibilia

N Vlla in cōtinuo successiuo admittenda sunt instantia realiter indivisibilia, primo quia benè explicari possunt per instantia virtualia, ut diximus de continuo permanenti, ex cuius paritate, & ex argumentis pro eo adductis impugnari etiam possunt instantia
in

in tempore . Secundò neque instantia, neque aliud quippiam necessarium est ad copulandas partes temporis, per hoc enim præcisè, quod vnum minimum durationis immediatè succedat alteri, sufficienter intelligitur continuatio durationum . Adde quòd si essent continuandæ partes temporis , per indiuisibilia, deberent dari indiuisibilia infinita , cum enim non sit maior ratio, cur detur indiuisibile copulatiuum inter hanc potius partem, quam inter illam , dari deberet inter omnes, adeoque inter infinitas ; Sed neque necessaria sunt indiuisibilia ad partes temporis terminandas, per hoc enim præcisè, quod post vnā durationem non sequatur alia, illa intelligitur terminata . Tertiò non est explicabile vtrū instantia in tempore facerent , vel non facerent extensionem; si enim dicas , quod facerent ; Cōtra est tum quia punctum additum puncto, vel parti non facit extensionē, vt sectione 4. num. 2. probauimus, tum quia ex hoc faciliè pateret aditus ad cōponendum totum tempus ex solis instantibus . Si verò dicas , quod non facerent extensionem, con ra est quia si vnus Angelus duret in actu charitatis, v. g. per horam, & per instans, aliis ve-

rò

rò per solam horam, ille primus videtur plus durasse in actu charitatis, & plus meruisse, quam hic alius. Pariter si primus Angelus conseruetur solum per horam, & per instans, secundus verò post horam statim annihiletur, poterit ille primus videre aliquid, quod Deus in ultimo illo instanti creasset, quod videri à secundo nō posset, ergo plus durasset, qui fuisset conseruatus solum per horam.

2 Dices primo negatis instantibus assignari non potest, quæ nam sit prima rei productio distincta à conseruatione. R. primum minimum durationis quo res durat dici posse primam productionem, & quidem actu distinctam à conseruatione, dici, inquam, potest, quia primum minimum non est ita prima pars durationis, vt non sit prior, altera posterior, & rursus in illa quæ est prior, adhuc alæ duæ sunt designabiles, vna prior, altera posterior, & sic in infinitum; quod supposita natura continui diuisibilis in infinitum, non habet difficultatem.

3 Dices secundò negatis instantibus negandæ sunt etiam actiones instantaneæ, quod non est dicendum. R. negatis instantibus nullam aliam dari actionem

ctionem instantaneam nisi illam, per quam terminus producitur totus simul; Sic creatio Angeli. v. g. est actio instantanea, non quod actio creatiua Angeli sit vnicum instans, sed quod totus Angelus simul creetur per actionem, & durationem tantæ determinatæ extensionis, sed indeterminatè requisitam, eo quod nulla sit assignabilis actio, & duratio tam modicæ extensionis, vt minor, & minor in infinitum non fuisset satis ad creandum Angelum; Ideoque licet de facto ad creandum Angelum, assumi semper debeat actio tantæ extensionis determinatæ, nulla tamen est determinatè requisita, & necessaria. Sic licet Angelus poni possit in loco per v. b. cationem minorem, & minorem, quoties tamen existit in loco, existere in illo debet per v. b. cationem alicuius determinatæ extensionis.

4 Hinc actio successiua ad distinctionem instantaneæ iuxta modum explicatum dicitur illa, quæ non modo entitatiuè est successiua, sed per eam producitur terminus per partes, taliter vt nulla sit assignabilis particula ita primò producta, vt in illa non sint semper designabiles duæ particule minores, quarum vna sit producta prius, alia posterius

rius, sic quando intensiue, vel extensiue producitur nouus calor, producitur tã quo ad extensionem, quam quo ad intensiõnem per minima, vt suo loco dicemus, sed ita vt nulla sit designabilis pars minimi, quæ producta fuerit tota simul, sed in qualibet particula, quantumuis minima, designari possunt due particulae minores, quantum vna fuerit producta prius, alia posterius, ex hoc tamen non arguitur actualis distinctio inter partes vnius minimi, quia hoc est prædicatum commune cuilibet parti in infinitum designabili, vt diximus sect. 6. num. 4. ideòque insufficiens ad actua-lem distinctionem.

5 Dices tertio, negatis instantibus voluntas non posset elicere actum liberum mathematicè instantaneum, ergo necessitaretur ad persistendum in illo per aliquod tempus. Respondeo, hoc non officere libertati, ad hanc enim satis est, quod voluntas durare possit in actu libero minus, prout ei libuerit, intra minimam illam temporis extensionem, in qua cæteroqui potest operari, supposita limitatione talis potentiae ad posse operari in tanta temporis extensione, non vero in minori.

6 Dices quarto negatis instantibus
non.

non potest assignari quid sit tempus præsens, & nunc . Respondeo nunc , & tempus præsens esse totum hoc minimum determinatum , sed indeterminate requisitum ad rationem temporis præsentis, & nunc; quæcunque enim particula satis fuisset ad constituendum tempus præsens, & nunc.

SECTIO DECIMA.

De rerum inceptione, & desitione.

TAM inceptio, quā desitio alia est intrinseca, alia extrinseca. Illa dicitur incipere intrinsecè, quæ incipiunt per primū sui esse, illa extrinsecè, quæ incipiunt per vltimum sui non esse: eodem modo, illa desinunt intrinsecè, quæ desinunt per vltimum sui esse, illa desinunt extrinsecè, quæ desinunt per vltimum sui non esse. Sic inceptio, & desitio intrinseca in mense Ianuarij v.g. sunt prima, & vltima illius dies, quia ita terminant talem mensē, vt sint intra illius extensionem, & aliqua illius pars;

N incep.

inceptio verò, & desitio extrinseca sunt
ultima dies Decembris, & prima dies
Februarij, hi enim duo dies sunt ter-
mini, ita hinc inde Ianuarium termi-
nantes, ut sint quid illi extrinsecum.

2 Hinc quaecumque incipiunt, & desinunt
habent determinatam inceptionem, & desi-
tionem tam intrinsecam quam extrinsecam,
actu tamen, non potentia, in cuiusque
enim rei duratione datur primum, &
ultimum minimum talis durationis,
quæ sunt illius inceptio, & desitio in-
trinseca, & assignare præterea possumus
minimum temporis saltem imaginarij
immediate præcedens primum mini-
mum intrinsecum illius durationis,
quod respectu illius erit inceptio ex-
trinseca, & pariter assignare possumus
primum minimum temporis extrinse-
ci saltem imaginarij immediate subse-
quens ad ultimum minimum intrinse-
cum illius durationis, quod erit respec-
tu illius desitio extrinseca.

3 Quælibet tamen huiusmodi in-
ceptio, & desitio est determinata actu,
non potentia, quia licet de facto pri-
mum minimum talis durationis ha-
beat tantam determinatam extensionem,
minor tamen, & minor extensio semper
per Divinam potentiam fuisset satis,
ideò

ideòq; nulla determinata inceptio, vel deficitio tā extrinseca, quàm intrinseca est determinatè requisita. Sic diximus à sphaera tãgi planū in minimo determinato, sed indeterminatè requisito, medietas enim inferior designabilis in vltimo minimo sphaeræ, quod est vicinius plano fuisset satis ad talem contactum, imo medietas medietatis, & medietas medietatis medietatis in infinitum, satis & abundè fuisset. Simili ergo pacto res accipit primum suum esse in hoc determinato minimo, licet medietas, & medietas medietatis & c. fuisset satis. Idem autem dicendum de minimis destitionis, tam intrinsecæ, quàm extrinsecæ.

4 Quamuis autem omnia dici possint incipere, & desinere tam intrinsecè, quàm extrinsecè: proprius tamen loquendo, res dicitur desinere extrinsecè per primum sui non esse, potius quàm intrinsecè per vltimum sui esse. E contra vero res dicitur potius incipere intrinsecè per primum sui esse, quàm extrinsecè per vltimum sui non esse; & ratio est quia sicut inceptio denotat quid positivum, & esse rei, ita destitio denotat potius quid negativum, & non esse rei. Sed hoc est de nomine.

5 De re est, quod præter determinatam inceptionem, & desitionem intrinsecam, vel extrinsecam iuxta modum explicatum, nulla detur inceptio, vel desitio in tempore indeterminato; Quidquid enim actus existit determinatum est, ergo quæcunque inceptio, vel desitio detur non potest esse nisi determinata.

6 Dices primò, Quia solum aliqua navis est determinatè requisita ad nauigandum, nulla verò est necessaria determinatè, datur necessitas vaga, & indeterminata alicuius navis ad nauigandum, ergo verè datur aliquid indeterminatum. Respondeo non aliter esse, admittendum, quod detur aliqua necessitas vaga, nisi quatenus resolvitur in aliquid existens determinatum; Quare dari necessitatem vagam alicuius navis ad nauigandum, nihil erit aliud, quam dari voluntatem liberam habentem suum determinatum esse, quæ ex suppositione, quod velit nauigationem, tenetur, & habet necessitatem eligendi, vel hanc, vel illam navim, quam maluerit, ideòque habet libertatem, sed permixtam cum aliqua necessitate, ex suppositione, tamen quod velit nauigationem.

7 Dices secundò, Creabilitas mundi, eiusdem conseruatio, & destruibilitas non inceperunt nisi in tempore indeterminato. Respondeo, mundum, denominari creabilem merè ab Omnipotentia Dei potente creare mundum, vt vidimus distinct. quarta. Cum ergo forma talis denominationis semper extiterit semper fuit mundus creabilis, sed non creabilis nisi in tempore, semper tamen priori, & priori in infinitum, quare nunquam incepit potentia Diuina potens creare mundum, sed à potentia, quæ ab æterno fuit non potuit mundus creari nisi in tempore, priori tamen, & priori in infinitum. Cōseruatio mundi actu distincta à prima productione incepit post primum minimum, potuisset tamen incipere post primum minimum breuius, & breuius in infinitum, si Deus pro prima mundi productione elegisset minimum breuius; in illo autem primo minimo, sicuti nunquam est assignabilis vlla pars, ita prior, vt non sint in ea designabiles due particulæ, vna prior, altera posterior, ita semper est designabilis aliqua particula prior, & prior in infinitum, quæ dici possit prima inceptio: Simili modo dicendum est de destruibilitate, hæc

enim incepit post primum minimum actu non potentia, eò quod potuerit prius, & prius in infinitum incipere, si pro primo minimo durationis elegisset Deus minimum breuius, & breuius.

8 Dices tertio, si imponatur alicui præceptum eliciendi contritionem ante finem horæ, & illam non eliciat, quando incepit peccatum? Respondeo cum vires cuiuscunque agentis creati sint limitatæ, adeòque non possint operari in quacunque temporis mensura quantumvis breuiori, & breuiori in infinitum, quando is, cui impositum est præceptum peruenit ad talem minimam temporis mensuram, ut in minori non possit operari, si tunc non eliciat contritionem, tunc incipiet esse peccator, idemque proportionaliter dicendum in alijs similibus casibus.

CAPVT QVARTVM.

De Prædicamento Qualitatis.

Qualitatis nomen accipitur primo latissimè pro omni eo, quod aduenit

uenit alteri per modum formæ, siue sit substantiale, sic Arist. in prædicamento substantiæ, ait secundas substantias dici in quale de primis, eo quod concipiantur esse qualitates illarum; Similiter differentia quantumuis substantialis dicitur prædicari in quale quid. Strictius nomine qualitatis venit quodlibet accidens. Hoc enim dicitur simpliciter prædicari in quale. Sed cum omne accidens aliud sit modale, aliud reale, hoc subdiuiditur in quantitatem, & qualitatem; Hinc qualitas propriissimè dicta significat accidens reale, à quantitate distinctum.

2 Qualitas definitur, seu describitur ab Aristotele in hoc prædicamento esse illa *secundum quam quales quidam esse dicuntur*. Hæc autem explicatio non est tanquam merus circulus reiicienda, ut aliqui dixerunt, abstracta enim aliquatenus explicatur per cōcreta, quæ sunt nobis notiora quam abstracta. Sic humanitatem non malè diceremus esse illam, secundum quam quidam, homines dicuntur. Clarius tamen dici potest; Qualitatem esse accidens reale, non quantum, sicut enim in definitione Bruti apponimus loco differentiæ aliquid negatiuum, & dicimus, Brutū

esse animal irrationale ; ita definiendo qualitatem, bene possumus loco differentiae apponere aliquid negativum, cum aliud positivum prædicatum nobis non innotescat.

3 Quatuor ab Aristotele assignantur species qualitatis, habitus scilicet, ac dispositio. Potentia, & impotentia. Passio, & passibilis qualitas. Forma, & figura. Tam habitus, qui est qualitas difficile mobilis quam dispositio, quæ est qualitas facile mobilis, & veluti habitus in pueritia, communi nomine vocatur habitus, & constituit primam speciem qualitatis. Sic etiam tam potentia, quæ est qualitas valida ad agendum, vel patiendum, vel resistendum, quam impotentia, cuius nomine non venit negatio potentiae, sed qualitas, & facultas debilis, communi nomine appellantur potentia, & constituunt secundam speciem qualitatis. Similiter tam passio, quam qualitas passibilis communi vocabulo dici solet qualitas passibilis, seu sensibilis, utraque autem sic appellatur per ordinem ad sensum, ex eo nimirum quod utraque causet passionem in sensu. Illa tamen qualitas, quæ firmitus inhaeret subiecto dicitur magis propriè qualitas passibilis, quæ
verò

verò solum transeunter afficit sensum ex subita aliqua animi affectione, dicitur magis propriè passio; ex qua subiectum nō denominatur simpliciter quale, quia in communi modo loquendi non dicitur simpliciter rubicundus, qui ex verecundia ad modicum tempus rubescit; & in hoc sensu explicandus est Aristoteles, dum docuit passiones non dici qualitates, nec per eas subiectum denominari quale; verè enim per passiones iuxta communem loquendi modum non denominatur subiectum simpliciter quale. Demum forma, & figura pertinere etiam possunt ad prædicamentum qualitatis in acceptione Aristotelica; quamvis enim figura constituatur per accidens modale, attamen ad interrogationem factam per quale, tam respondemus sphaeram esse rotundam, quam esse albam, pulchram &c. Verum quia nos qualitatem strictius accepimus; ideo illam superius definimus accidens reale non quantum, sed hoc est nullius ferè momenti.

4 Præcipua qualitatum proprietas est intensio, & remissio. Intensio definitur motus, per quem aliquid ex tali fit magis tale secundum eandem partem subiecti. Remissio verò motus, per

quem aliquid ex tali fit minus tale secundum eandem partem subiecti: sicut enim per extensionem, qualitas tendit, ita per intensiorem, quasi tendit intra, non in diuersam, sed in eandem partem subiecti. Non quod tam intensio, quam remissio reperiri non possit in subiecto carente partibus, nam etiam in subiecto spirituali, & indiuisibili datur aliquarum qualitatum intensio, sed quod si subiectum habet partes tam intensio, quam remissio habeatur solum secundum eandem partem, non aliter ac linea curua (quod est exemplum Aristotelis) fit magis, vel minus curua, non quod aliqua pars de non curua, sed quod eadem pars de minus curua fiat magis curua, vel e contra.

Non tamen omni qualitati conuenit intensio, & remissio, si praesertim formam, & figuram inter species qualitatis cum Aristotele numeremus, ut enim ipse ait in hoc praedicamento. *Triangulus, & Quadrangulus non videntur magis, & minus suscipere, neque aliqua aliarum figurarum, quae enim definitionem trianguli recipiunt, & circuli, omnia similiter trianguli, vel circuli sunt.* Datur etiam in ordine supernaturali gratia, quae est capax intensiōis, cum possit quis de-
grato.

ato fieri magis gratus, nec tamen est
capax remissionis, sicuti aliæ qualita-
tes, nunquam enim quis fit de magis
rato minus gratus, sed vel nihil gratiæ
collitur, si non adsit peccatum morta-
le, vel tota per illud deperditur. Datur
etiam lumen gloriæ, quod potuit qui-
dem initio conferri perfectius, & per-
fectius, sed postquam Beatus habuit
hoc lumen gloriæ tantæ perfectionis,
non potest illud augere, ut potè, quod
non habetur nisi in patria, ubi non est
locus merito. Verum de qualitatibus in-
tensione, & singulis eius speciebus op-
portunius alibi.

CAPVT QVINTVM.

De Prædicamento relationis.

Ut hic de relatione prædicamentali,
simul ac transcendentali inter se valde
connexis agamus fit.

SECTIO PRIMA.

De relatione transcendentali.

Relatio nihil est aliud, quam or-
do, tendentia, & habitudo v-
nius.

nius ad aliud, ut propterea Aristotelis caput de relatione inscripserit. *De his quæ ad aliud.* Vbi definiens relationem in concreto duplicem relatiuorum definitionem affert. Prima est *Ad aliquid rationalia dicuntur, quæcunque hæc ipsa, quæ sunt aliorum esse dicuntur, vel quomodolibet aliter ad alterum.* Sed hæc est definitio, vel tradita à Platone, vel certè ab alijs ex veteribus, & cum tradatur per dici cõplectitur relationes non solum reales, sed etiam merè secundum dici. Hinc meritò reicitur ab Aristotele, dum aliam definitionem tradit per esse, & se habere ad aliud, quæ propterea non comprehendit nisi relationes reales, & est hæc. *Ad aliud sunt quibus hoc ipsum est esse ad aliud quodammodo se habere.*

2 Diuidi primò potest relatio in realem, & rationis, seu merè secundum dici. Sic (quod est exemplum S. Thomæ cap. 1. q. 13. art. 7.) Idè dicitur eidem idè non ex eo quod detur aliqua vera relatio eiusdem ad se ipsum, sed secundum quod intellectus apprehendit bis aliquid vnum, statuens illud ut duo, & sic apprehendit quandam habitudinem ipsius ad se ipsum. Sed relictis relationibus merè secundum dici, afferendum est dari veras, & reales.

les relations, multa enim dantur, quæ concipi à nobis nullo modo possunt nisi ordinata ad aliud, ergo dicendum est quod de illorum essentia sit esse ordinata ad aliud. Antecedens patet, quis enim concipiat potentiam visivam, vel intellectivam, & non concipiat illas ut ordinatas ad visionem, & intellectionem? Consequentia probatur, quia quotiescunque aliquid non est intelligibile nisi sub conceptu talis esse, toties dicimus, & cogimur dicere, quod illud re vera habeat tale esse. Sic quia non possumus formare conceptum adequatum hominis, absque eo quod illum concipiamus ut animal rationale, & quia si concipiamus hominem cum negatione rationalitatis, non concipimus hominem, sed aliquod aliud ens, ideo iure dicimus hominem esse animal rationale, ita quia de aliquibus entibus non possumus formare adequatum conceptum, absque eo quod illa concipiamus, ut ordinata ad aliud, debemus dicere, quod verè in se habeant talem ordinem. Confirmatur quia sumus à natura determinati ad non affirmandum, quod dari possint duo contradictoria, dicimus duo contradictoria dari non posse, ergo quia sumus à na-

à natura determinati ad hoc, vt non concipiamus aliqua nisi vt ordinata ad aliud, dicendum erit, quod verè sint ordinata ad aliud; aliter fatendum erit ita nos fuisse à natura institutos, vt in maxima parte nostrarum cognitionum deluderemur.

3 Quare illa quæ habebunt prædicatum aliquod, quod concipi, ideòq; esse non potest nisi ordinatum ad aliud, habebunt prædicatum relatiuum, sed quia huiusmodi prædicatum potest esse vel essentialiale, vel accidentale illi, quod denominatur habere tale prædicatum relatiuum: hinc duo summa genera relationum realium distinguuntur. Illud enim quod habet prædicatum relatiuum sibi essentialiale, & sibi adæquatè intrinsecum, habebit relationem transcendentalem; quod verò habet prædicatum relatiuum sibi accidentale, & sibi non adæquatè intrinsecum habebit relationem prædicamentalem. Quare relatio transcendentalis definiiri potest: prædicatum, quod nec concipi, nec esse potest nisi ordinatum ad aliud, sed essentialiale, & adæquatè intrinsecum suo fundamento, seu illi, quod denominatur habere tale prædicatum.

4 Hæc relatio meritò dicitur transcend-

scendentalis, quia ita transcendit per omnia prædicamenta, ut nullum sit ens creatum existens, quod non habeat aliquam relationem transcendentalem ad aliud quodlibet ens possibile. Quælibet enim entitas creata existens habet hoc, quod est posse esse eandem, vel diuersam in natura cum alia qualibet re possibili: habet posse esse vel maiorem, vel minorem, vel æqualem in perfectione respectu illius: habet posse alteri coexistere, posse esse illi vel propinquam, vel distantem localiter, posse facere talem pulchritudinē, & ornatum vniuersi cū alia possibili si ponatur in esse &c. Hæc autem prædicata sunt relatiua cum concipi, ideòque esse nō possint nisi ordinata ad aliud; sunt pariter essentialia, & adæquate intrinseca suo fundamento. Quod enim est potēs, quātū est de se, esse alteri simile in natura, habet hoc merè per suam entitatem; nam quamuis hæc prædicata explicari à nobis non possint nisi per terminum in obliquo, non tamen terminus est constitutiuum talis prædicati, sed est merum connotatum extrinsecum; in ipsa enim entitate transcendentally relatiua habetur adæquate totus ordo, quia habetur totum id, quod non potest concipi sine alio; oppositum

positum accidit in relationibus prædicamentalis, in quibus, ut dicemus, id, quod dat fundamentum adæquatū accipiendi ordinem, non est vnum tantum, sed plura.

5 Dices primò hoc, quod est Petrus v. g. posse esse similem Antichristo, est Petro partialiter extrinsecum à possibilitate ipsius Antichristi, ergo non est prædicatum essentiale, & adæquatè intrinsecum Petro. Respondeo possibilitatem intrinsecam Antichristi nihil esse, sed Antichristum denominari possibilem ab Omnipotentia extrinseca Deipotente creare Antichristum, ut probatū est ubi de ente possibili. Quamvis autem Petrus non possit adæquatè, & cōpletè esse similis Antichristo, nisi detur omnipotentia Dei, à qua completè habet posse esse similem, tamen hoc quod est Petrum, quantum est de se posse esse similem, est prædicatum relatiuum, & ipsi Petro adæquatè intrinsecum. Sic neque oculus potest videre nisi detur Deus potens cum oculo concurrere ad visionem, & tamen hoc quod est oculum, quantum est de se, posse elicere visionem, est prædicatum relatiuum ad visionem.

6 Dices secundò, Si terminus possibilis

ibilis in se intrinsecè nihil est relatio
 transcendentalis ad terminum merè pos-
 sibilem erit ad nihil, ideòque relatio
 transcendentalis non habebit terminum.
 Respondeo, & primò in sententia tum
 aliorum, tum Patris Suarez disp. 47. met.
 sect. 4. potest aliqua relatio transcen-
 dentalis esse ad impossibile, nam si om-
 nis cognitio dicit relationem transcen-
 dentalem ad obiectum cognitum, &
 obiectum per aliquam cognitionem
 cognitum potest esse aliquid impossibile,
 poterit aliqua relatio transcendentalis
 esse ad impossibile. Si ergo impossibile
 nullum in se habens esse potest esse,
 terminus relationis transcendentalis,
 cur non etiam poterit possibile, quam-
 uis nullum in se intrinsecè importans
 esse? Sed quia aliqui negant posse con-
 cipi impossibile addo: si formem hanc
 propositionem, *Existencia actualis alterius
 mundi prout actualis nihil est*, facio veram
 propositionem, quæ non verificatur de
 existencia alterius mundi prout possibi-
 li, quia hæc saltem extrinsecè est ali-
 quid, ergo verificatur de existencia pro-
 ut actuali, quæ propterea debet co-
 gnosci, ideòque cognitio de existencia
 actuali, alterius mundi erit relatiua ad
 aliquid, quod nullum in se habet esse,
 pro-

propositum ergo argumentum ab omnibus soluendum est.

7 Quare ut directè respondeamus, dico: terminum relationis transcendentalis non necessariò debere esse aliquid, quod sit aliud aliqua ratione in se, sed satis esse, quod sit aliud, eò quod, si concipiatur, debeat concipi ut aliud, & si poneretur in actu, esset aliud ab eo, quod habet relationem transcendentalem ad illud, sic cognitio refertur transcendentaliter ad actualitatē alterius mundi eo quod concipiēdo actualitatē alterius mundi, concipimus illam ut quid diuersum à cognitione, & si hæc poneretur, esset quid à cognitione distinctum; similiter concipimus chimæra, ut quid distinctum à cognitione de chimæra, & si per impossibile chimæra poneretur in esse esset quid à cognitione distinctum.

8 Dices tertio, relatio est nexus duorum, ergo si non dentur duo, quæ nequantur non dabitur relatio. Respondeo, Antecedens non posse, saltem vniuersaliter, ita intelligi, quod dentur duo, & deinde detur tertium quid, quod illa duo inter se nequant, in communi enim sententia relatio saltem transcendentalis non est huiusmodi. Quare ad hoc ut relatio sit nexus duorum, satis est,

est, ut id, quod est relatiuum ad aliud, concipi, ideòque esse non possit, nisi cum ordine ad aliud, quod sit aliud eo saltem modo, quo explicuimus.

9 Ex his autem inferri potest quomodo sit intelligendum quod relatio transcendentalis sit essentialiter connexa cum suo termino, ratio difficultatis est, quia si cognoscam omnia futura ut futura, mea cognitio erit transcendentaliter relatiua ad omnia futura ut futura, ergo erit cum illis essentialiter connexa, ergo erit essentialiter trahens omnia futura, hoc autem est absurdum, implicat enim dari aliquid essentialiter, ideòque necessario trahens omnia futura, etiam libera. Sed respondendum est cognitionem esse essentialiter alligatam, & connexam cum omnibus futuris, ut futuris etiam liberis, non secundum existentiam realem ipsorum futurorum, sed secundum existentiam futurorum ut futurorum intentionalem, & obiectiuam, eò quod implicet existere cognitionem de futuris, ut futuris absque eo, quod futura, ut futura existant intentionaliter, & obiectiue in ipsa cognitione, cum ipsis autem futuris, ut futuris secundum existentiam realem nullam habet hæc cognitio essentialem connectionem

xionem. Idem dicendum de essentiali connexione cuiuscunque potentiae cū actu, qui potest à tali potentia poni, neque enim potentia connectitur essentialiter cum actu possibili, nisi prout hic habet possibilitatē actus autē possibilis nō habet possibilitatē nisi quatenus præcontinetur in potentia. Sicut ergo cognitionem connecti essentialiter cum impossibili, quod attingit, est connecti cum impossibili, prout existente obiectuē in cognitione, ita potentiam connecti essentialiter cum suo actu possibili, est connecti cum illo prout possibiliter existente, & præcontento in ipsa potentia, quod tandem nihil est aliud quam esse talē entitatē, quæ concipi nō potest sine alio, idēq; sine ordine ad aliud, quidquid sit utrum illud aliud habeat, vel non habeat in se aliquod esse.

10 Explicari solet essentialis connectio relationis transcendentalis cum suo termino per hoc, quod ideo A referatur transcendentaliter ad B. quia implicante B implicaret etiam A, sed fortasse ex hoc modo philosophandi parum, vel nihil concluditur, tum apud eos, qui negant ens rationis, tum etiam apud eos, qui nullam aliam possibilitatem agnoscunt nisi extrinsecam ab omnipotentia Dei; sed

sed admissio etiam hoc modo argumen-
tandi, adhuc iuxta principia superius po-
sita, sequitur quod libet esse transcendē-
taliter relatiuum ad quodlibet, cum e-
nim possibilitas cuiuscunque rei sit ea-
dem omnipotentia Dei, impossibilitate
quolibet impossibilitatur aliud quodli-
bet.

II Dices sequeretur dari in re qua-
libet existente infinita prædicata, & in-
finitas relationes ad infinitas creaturas
possibiles. Sed contrà quia hæc prædi-
cata non sunt quid realiter distinctum,
sed sunt prædicata solum distinguibilia
ex nostro modo concipiendi, ex quo
nihil aliud sequitur, nisi quod eadem
res concipi possit per conceptus aliquo
modo diuersos non tot quin plures; ex
hoc autem neque sequitur infinitas in
numero, vt per se patet, neque in per-
fectione, quia licet posse ab igne A pro-
duci ignem B sit aliqua perfectio; posse
produci ignem C sit alia perfectio, non
tamen in huiusmodi perfectionibus fit
incrementum per partes æquales, quod
ad infinitum requiritur, sed per pro-
portionales minores, & minores, vt vidi-
mus vbi de ente infinito.

12 Dices iterum sequeretur, quod
saltem quolibet entitas creata esset in-
com-

comprehensibilis, quia ad illam comprehendendam necesse esset distinctè cognoscere omnia possibilea, ad quæ quælibet entitas creata existens dicit relationem, ad hoc enim ut aliqua relatio comprehédatur debét distinctè cognosci omnes termini talis relationis. Sed hoc argumentum soluendum est ab omnibus, qui aliquas saltem relationes transcendentales admittunt, ideoque eodem argumento probari posset Solem esse incomprehensibilem, quia distinctè cognosci non possunt omnes radij lucis, qui possent produci à Sole per totam æternitatem, etsi quodlibet potest à Deo assumi tanquam instrumentum ad producendum aliud quodlibet, non poterit illud ens creatum comprehendendi absque eo quod comprehendantur omnia possibilea, quæ à quolibet ente possent hoc modo produci.

13 Ad hanc difficultatem respondent aliqui satis esse ad cognitionem, comprehensiuam rei, quod formaliter, & distinctè cognoscantur solum illi termini, quorum distincta cognitio auget æstimationem intensiuam perfectionis fundamenti, hinc licet admittat tam Solem v. g. referri transcendentaliter ad omnes radios lucis possibilea, quàm Deum

Deum ad omnes creaturas posibles perfectiores, & perfectiores in infinitū aiunt tamen Deum, non solum esse incomprehensibilem, quia si Angelo comprehendenti solum proponatur. v. g. radius A, statim poterit Angelus affirmare solum dicere relationem, & posse producere radium A, sed non propterea crescit in Angelo æstimatio intensiva ipsius Solis, sicut in illo crescit æstimatio intensiva Dei, quoties novæ, & novæ creaturæ posibles perfectiores, & perfectiores producibiles à Deo, distinctè Angelo proponuntur. Sed contra est quia idèd proposito distinctè radio A non crescit æstimatio intensiva Solis, quia cum fuerit cognitus Sol tanquam potens successivè producere non tot quin plures radios lucis, radius A continetur sub illa ratione formali estimabilitatis, ab Angelo præcognita, nimirū sub ratione radiorum plurium, & plurium in infinitum, respectu cuius radius A. habet rationem meri individui, ergo posito quod ab Angelo fuerit cognitus Deus tanquam potens producere creaturas perfectiores, & perfectiores in infinitum, nova aliqua creaturæ perfectio Angelo distinctè proposita non augebit æstimationem intensivam Dei,

Dei, quia continetur sub illa ratione formalis æstimabilitatis ab Angelo præcognita, nimirum sub ratione creaturarum non tot quin plurium perfectionum, & perfectiorum in infinitum, creabilium à Deo, respectu cuius hæc determinata perfectio habet rationem meri indiuidui non excedentis perfectionem maiorem, & maiorem in infinitum, sed sub illa inclusi, ergo vel in utròque, vel in neutro casu dicendum est quod distincta propositio alicuius noui indiuidui augeat æstimabilitatem.

14 Pro meliori ergo responsione duplex genus relationum transcendentalium distinguendum est aliquæ enim sunt per modum solius potentiae, aliæ per modum potentiae simul & exigentiae, sic lapis A. v. g. est potens, & exigens descendere, at è contra est potens, sed non exigens esse similis lapidi B, quia non exigit productionem lapidis B. per cuius existentiam fieret illi actu similis. Est autem hoc discrimen inter has duas relationes, quod in nulla entitate creata datur relatio potentiae adæquatae, sicuti in illis datur relatio adæquatae exigentiae, cum enim nulla entitas creata quidquam possit operari, nisi simul cū illa operetur Deus, nulla entitas creata
est

est adæquatè quidquam potens, è contra entitas creata est de se adæquatè exigens. Sic sola grauitas lapidis est de se adæquatè exigens descensum, sed sola grauitas lapidis de se sola non est adæquatè potens descendere. Hinc ad comprehendendam relationem exigentiæ debet quidem distinctè cognosci terminus talis exigentiæ, sed cum nulla entitas creata exigat infinita determinatè, ad comprehensionem cuiuscunque exigentiæ non est necesse cognoscere infinita determinatè, & distinctè, sed solum indeterminatè, & in confuso, sic quia grauitas lapidis exigit aliquam ubicationem deorsum, ad comprehendendam exigentiam grauitatis satis est cognoscere aliquā ubicationem deorsū.

15. E contra cum nulla entitas creata habeat relationem potentiæ adæquatæ ad vllum terminum, neque ad vllum prædicatum termini, nullus terminus secundum nullum sui prædicatum adæquatè præcontinetur in potentia, & causa creata, cum ad quodlibet termini prædicatum ponendum concurrere debeat alia compotentia, nimirum diuina, ergo ex præcisa cognitione etiā comprehensua potentiæ, & causæ creatæ, quæcunque tan-

O

dem

dem illa fit, nullus terminus, & nullus effectus possibilis cognosci potest, cum enim ad hoc, ut aliquis terminus cognoscatur, debeat aliquod saltem illius prædicatum adæquatè cognosci; si ex vi præcisa potentiae, non nisi adæquatè continentis quodcunque prædicatum termini, aliquod termini prædicatum adæquatè cognosceretur, plus cognosceretur in causa, seu potentia, quam in illa contineatur. Neque dicas hoc, quod est posse inadæquatè producere infinitos effectus contineri adæquatè in causa; nam hoc quod est posse inadæquatè producere aliquid, non est distinctè cognoscibile absque eo quod adæquatè cognoscatur illud aliquid, quod causa potest producere; ideòque absque eo quod illud aliquid adæquatè cognoscatur ex vi præcise causæ, quæ tamen nõ præcontinet illud nisi inadæquatè, quod esse non potest. Hinc vel ex hoc capite solus Deus est incomprehensibilis, quia ad comprehendendum Deum cognosci distinctè deberent omnia, quæ adæquatè in illo continentur, & quæ à solo Deo sine ullius auxilio fieri possunt. Cū ergo hæc sint omnia possibilia; si distinctè omnia possibilia cognosci nõ possunt neque Deus poterit comprehendi. Quæ-
uis

uis autem creatura ad Deum incomprehensibilem dicat relationem dependentiæ, non tamen hinc sequitur, quod ipsa etiam creatura sit incomprehensibilis, quia ad comprehendendam dependentiam creaturæ à Deo, non est necesse distinctè cognoscere omnia prædicata Dei, sed satis est Deum cognoscere sub illa ratione formali, sub qua est terminus talis relationis, ideòque ad comprehendendam dependentiam lapidis v. g. à Deo, satis est si cognoscatur, Deus, ut creator lapidis, & præcontinens omnem perfectionem lapidis.

16 Dices ex Arist. hic: nulla substantia eorum est quæ sunt ad aliquid, ergo falsum est omnia existentia esse transcendentaliter relativa ad quodlibet ens possibile. Respondeo Aristotelem intellexisse de relatione prædicamentali, de qua tunc agebat. Cæterum quis neget quamlibet substantiam creatam per suam essentiam dependere à Deo. Hinc mirum esse non debet, quod nullum ens sit ita absolutum, ut non habeat aliquam relationem, nam præterquamquod omne ens creatum debet esse dependens, ideòque relativum ad Deum, ipsa etiam entia creata longè melius intelliguntur constituta, si om-

nia sint inter se connexa; quam si sint veluti scopæ dissolutæ. Non tamen propterea negamus, quod simul cum prædicatis relatiuis, non habeant etiam sua prædicata absoluta, eadem enim res sicuti vtrique conceptui tam absoluto, quam relatiuo subesse potest, ita habet tam prædicata relatiua, quam absoluta.

17 Dices iterum ex eo, quod res potest subesse conceptui relatiuo, non bene probari, quod verè sit relatiua, imò neque bene probari ex eo, quod non possit adæquatè concipi, nisi vt ordinata ad aliud, nam neque possumus concipere spiritualia, nisi ad modum rerum materialium, nec tamen dicimus spiritualia esse materialia. Sed disparitas est, quia licet ex imperfectione nostra non possimus concipere spiritualia, nisi ad ad modum rerum materialium, sumus tamen aliunde determinati ad dicendum quod spiritualia non sint materialia, at dum concipimus entia creata, vt ordinata ad aliud, sumus determinati ad non posse illa adæquatè concipere nisi, vt ordinata ad aliud, & ad non negandum talem ordinem. Adde ex alijs similibus relationibus, quas scimus dari, & quæ habent similem
con-

conceptibilitatem habere non validum fundamentum dicendi, quod verè datur talis ordo.

18 Afferimus præterea nullam relationem transcendentalem esse ad terminum indeterminatum; nulla enim datur relatio, quæ non sit in suo esse determinata; cum quidquid existit, sit in suo esse determinatum, ideòque determinata relatio, sicut importat determinatum fundamentum, ita importare debet determinatum terminum. Aliter cum omnis relatio specificetur à termino, si aliqua relatio esset ad terminum indeterminatum, aliqua relatio esset in se indeterminata. Cum hoc tamen stat, quod possint in aliqua entitate formaliter distingui duæ relationes transcendentales, quarum vna respiciat suos determinatos terminos determinatè, alia indeterminate, seu disiunctivè. Sic actus, quo velim vel cibum, vel potum, habet attingere cibum, & potum, & tendere in vtrumque, at non habet nisi exigere vel cibum, vel potum, & appetere alterutrum, ideòque relatio exigentiæ est ad cibum, vel potum indeterminate; si enim alterutrum detur, huic actui satisfat, at si hic actus non tenderet in cibum, & potum, sed tantum ad-

fingeret alterutrum ex his non esset hic actus, sed alius. Quare in hoc actu relatio exigentiæ est ad cibum, vel potum indeterminatè, relatio verò tendentiæ est ad cibum, & potum determinatè.

19 Hæc quæ diximus de actibus elicitis voluntatis applicanda sunt appetitui innato materiæ, & causarum secundarum, ut enim dicemus in physica, materia prout potens, respicit omnes formas posibles determinatas determinatè, potest enim recipere formam A, & formam B, & formam C. &c. ita ut hæc omnia prædicata dentur in materia, & si vel potentia ad unicam formam materiæ deesset, non esset hæc, sed alia, cum hæc materia de sua essentia sit potentia omnia. At pro ut, exigens respicit omnes formas posibles determinatas, sed indeterminatè, & disjunctivè, hoc est vel hanc, vel illam. Idè dicendum de qualibet causa secundâ, negata serie effectuum; ita enim in qualibet causa datur potentia determinatè ad singulos effectus talis speciei, ut illos non exigat hic, & nunc nisi indeterminatè, & disjunctivè. Sed de his alibi, nã non est hic locus examinandi, cuius naturæ sit quælibet relatio in particulari.

20 Afferimus tamen hic quodlibet ens creatum existens aliqua relatione transcendentali determinatè respicere, quodlibet ens possibile etiam secundum illorum rationem indiuidualem; quodlibet enim ens creatum existens est potens esse cum alio quolibet indiuiduo possibili, prout tali, simile, vel dissimile in natura, maius, vel minus in perfectione &c. Imò omnis potentia, & causa naturalis, quæ prout exigens respicit suos terminos indeterminatè, prout potens est debet illos respicere determinatè, etiam quoad illorum rationem indiuidualem, cum enim opus naturæ sit opus intelligentiæ rationaliter operantis, nulla causa naturalis exigere potest aliqua indeterminatè, si quodlibet ex illis saltem pro diuersis temporibus habere non potest, aliter eius exigentia esset irrationabilis, sicuti irrationabilis esset appetitus elicited in voluntate, quo ipsa voluntas appeteret esse materialis. Cum enim implicet voluntatem esse materiale, talis actus esset irrationabilis, cum neque indeterminatè, ac disiunctiue appeti rationabiliter possit, quod determinatè habere est impossibile.

21 Dices non potest eadem entitas
O 4 respi-

respicere eodē terminos determinatē,
 & indeterminatē ergo falsum est aliqua
 entia respicere suos terminos determi-
 natē, prout potentia sunt; indetermina-
 tē verò prout exigentia. Respondeo,
 quod eadem entitas, prout potens re-
 spiciat suos terminos determinatē, pro-
 ut exigens indeterminatē, & disiuncti-
 uē, nihil esse aliud quam quod aliqua
 entitas possit efficere, vel recipere de-
 terminatē aliqua, ita tamen ut à quoli-
 bet illorum sit æquē perfectibilis, in
 quo nullum est inconueniens, quare
 per analogiam ad actus vitales appeti-
 tiuos distinguimus formaliter prædica-
 tum potentiae, & prædicatum exigen-
 tiae. Sicut enim actus, quo dico volo
 vel cibum, vel potum, habet attingere
 determinatē cibum, & determinatē
 potum, & determinatē habet quod pos-
 sit illi satisfieri, vel per potum, vel per
 cibum, sed non habet illos appetere nisi
 indeterminatē, & disiunctiuē, quia
 æquē per alterutrum illi satisficit, ita si-
 militer potentia materiae habet deter-
 minatē posse, sed non nisi indetermina-
 tē exigere formas.

22 Dices iterum nulla potentia
 potest esse ad omnes terminos possibi-
 les determinatē, quia nulla potentia
 potest

potest determinatè & simul omnes terminos possibiles efficere, vel recipere. Respondeo ad hoc vt potentia sit ad omnes terminos possibiles determinatè non esse necesse quod habeat potentiam simultatis ad omnes illos simul efficiendos, cum satis sit quod habeat simultatem potentia ita vt in tali potentia simul detur posse efficere terminum A, & terminum B, sed posse illos efficere non simul, sed successiuè.

23 Porro quamuis aliquæ relationes transcendentales non possint existere nisi existente termino; cuiusmodi est v.g. in creatura relatio dependentiæ à Deo, nulla tamen relatio transcendentalis constituitur intrinsecè per existentiam termini, terminus enim respectu cuiuscunque relationis transcendentalis est connotatum extrinsecum, cum sit talis, vt si non intelligatur existens, dummodo intelligatur existens fundamentum, intelligitur tota essentia relationis transcendentalis. Hinc quamuis aliquæ relationes transcendentales sint mutua, qualis est relatio actionis ad terminum, & termini ad actionem, de nullius tamen relationis transcendentalis ratione est, quod sit mutua, sicut enim de nullius relationis transenden-

respicere eosdē terminos determinatē,
 & indeterminatē ergo falsum est aliqua
 entia respicere suos terminos determi-
 natē, prout potentia sunt; indetermina-
 tē verò prout exigentia. Respondeo,
 quod eadem entitas, prout potens re-
 spiciat suos terminos determinatē, pro-
 ut exigens indeterminatē, & disiuncti-
 uē, nihil esse aliud quam quod aliqua
 entitas possit efficere, vel recipere de-
 terminatē aliqua, ita tamen ut à quoli-
 bet illorum sit æquē perfectibilis, in
 quo nullum est inconueniens, quare
 per analogiam ad actus vitales appeti-
 tiuos distinguimus formaliter prædica-
 tum potentiae, & prædicatum exigen-
 tia. Sicut enim actus, quo dico volo
 vel cibum, vel potum, habet attingere
 determinatē cibum, & determinatē
 potum, & determinatē habet quod pos-
 sit illi satisfieri, vel per potum, vel per
 cibum, sed non habet illos appetere nisi
 indeterminatē, & disiunctiuē, quia
 æquē per alterutrum illi satisficit, ita si-
 militer potentia materiae habet deter-
 minatē posse, sed non nisi indetermina-
 tē exigere formas.

22 Dices iterum nulla potentia
 potest esse ad omnes terminos possibi-
 les determinatē, quia nulla potentia
 potest

potest determinatè & simul omnes terminos possibiles efficere, vel recipere. Respondeo ad hoc vt potentia sit ad omnes terminos possibiles determinatè non esse necesse quod habeat potentiam simultatis ad omnes illos simul efficiendos, cum satis sit quod habeat simultatem potentia ita vt in tali potentia simul detur posse efficere terminum A, & terminum B, sed posse illos efficere non simul, sed successiue.

23 Porro quamuis aliquæ relationes transcendentales non possint existere nisi existente termino; cuiusmodi est v.g. in creatura relatio dependentiæ à Deo, nulla tamen relatio transcendentalis constituitur intrinsecè per existentiam termini, terminus enim respectu cuiuscunque relationis transcendentalis est connotatum extrinsecum, cum sit talis, vt si non intelligatur existens, dummodo intelligatur existens fundamentum, intelligitur tota essentia relationis transcendentalis. Hinc quamuis aliquæ relationes transcendentales sint mutua, qualis est relatio actionis ad terminum, & termini ad actionem, de nullius tamen relationis transcendentalis ratione est, quod sit mutua, sicut enim de nullius relationis transcenden-

talis essentia est existentia termini, ita de nullius relationis transcendentalis essentia est, quod terminus existens aliqua reali relatione mutuò referatur transcendentaliter ad fundamentum.

24. Relatio transcendentalis non potest habere nunc plures nunc pauciores terminos, cum enim sit ad terminos præsciindendo ab eorum existentia, sicuti non possunt nunc plures, nunc pauciores termini esse possibiles, ita non potest relatio transcendentalis esse nunc ad plures, nunc ad pauciores terminos. Demum pro multiplicitate terminorum dici potest relatio transcendentalis esse formaliter multiplex, alia enim formaliter loquendo est relatio, qua ignis v. g. exigit calorem, alia, qua exigit siccitatem &c.

(. s .)



SECTIO SECVNDA.

An dentur, & per quid formaliter constituantur relationes prædicamentales.

Sicuti nomine relationum transcendentalium intelleximus prædicata, quæ nec esse, nec concipi possunt nisi ordinata ad aliud, essentialia suo fundamento, ita nomine relationum prædicamentaliū, seu relationum constituentium peculiare prædicatum relationis, intelligimus prædicata, quæ nec esse, nec concipi possunt nisi ordinata ad aliud, sed accidentalia suo fundamento, seu illi, quod denominatur habere tale prædicatum. Sic si Petrus generet Paulum, datur verum, & reale fundamentum, ratione cuius concipiatur in Petro hoc prædicatum, quod est esse genitorem Pauli, quod prædicatum non concipi, ideòque nec esse potest nisi ordinatum ad Paulum, & est accidentale Petro, qui denominatur genitor, ergo hoc prædicatum est relatiuum prædicamentaliter, ergo verè datur in Petro

relatio genitoris respectu Pauli, quæ relatio genitoris non datur in Petro respectu Antichristi v. g. Idem dicendum de prædicato coëxistentis, similis & aliorum huiusmodi, quæ cum sint contingencia illi, quod dicitur coëxistens, simile &c. erunt relatiua prædicamentaliter, seu accidentaliter.

2 Hinc quælibet entitas creata existens habet aliquam relationem prædicamentalem ad aliam quamlibet entitatem creatam existentem, si enim existente A ponatur etiam existens B, A actu erit, vel simile, vel dissimile B, vel maius, vel æquale in perfectione, erit coëxistens, propinquum, vel remotum &c. hæc autem sunt prædicata relatiua accidentalia illi, quod denominatur actu simile, coëxistens. Sicut enim cuicumque enti est essentialiter posse esse alteri simile, coëxistens &c. ita esse actu simile, vel coëxistens alteri, est accidentale, & contingens illi, quod denominatur actu simile, coëxistens &c.

3 Porro sicuti relationes transcendentales constituuntur formaliter per illud præcisè, quod dat completum fundamentum intellectui ad cōcipiendum aliquid ordinatum essentialiter ad aliud. ita relationes prædicamentales consti-
tuen-

fluentur formaliter in suo esse per illud; vel per illa præcisè, quæ dant intellectui completum fundamentum concipiendi aliquid ordinatum accidentaliter ad aliud, cum enim relatio nihil aliud sit nisi fundamentum talis conceptus comparatiui, per quod vnum comparari potest cum alio, & concipi vt ordinatum aliquo modo ad aliud, illa præcisè erunt formalia constitutiva relationis prædicamentalis, quæ sunt completum fundamentum exitium talis conceptus, adeoque non est, cur aliud quidquam pro formali constitutio relationis requiramus. Iam verò fundamentum completum accidentale conceptus comparatiui non potest esse sola entitas illius, quod comparari, & concipi potest, vt ordinatum ad aliud, cum nihil sit sibi ipsi accidentale, ergo necessario tale fundamentum compleri debet per aliquid aliud ergo vel per vnum, vel per plura pro diuersitate relationum prædicamentaliū. Quare Petrus v.g. erit gènitor Pauli, non per suam solam entitatem, sed per aliquid aliud ipsi Petro accidentale, & extrinsecum, quod profecto erit, tum entitas ipsius Pauli, tum generatio, qua Petrus generat Paulum; positis enim his tribus, & præscin-
dendo

dendo ab alio quocunque habet intellectus fundamentum concipiendi Petrū vt Patrem Pauli, illumque taliter comparandi cum Paulo . Similiter intellectus cognoscens existentiam actualem alterius mundi, per talem cognitionem habet hoc prædicatum relatiuum, & sibi accidentale, nimirum quod sit cognoscens existentiam actualem alterius mundi . Hoc autem prædicatum constituitur formaliter per entitatem ipsius intellectus, & per cognitionem de existentia alterius mundi, nec aliud quidquam requiritur . Hinc quamuis in aliquibus relationibus prædicamentali-
bus, qualis est relatio paternitatis, datur fundamentum, terminus, & generatio, quæ dicitur ratio fundandi, ita vt hæc omnia sint completum fundamentum prædicati & conceptus relatiui; in alijs tamen non dantur nisi duo, quæ cum de se præcisè præbeant fundamentum talis comparabilitatis, de se præcisè sunt completum, & formale constitutiuum talis relationis prædicamentalis, si enim hæc sola ponatur, & alia quæcunque non intelligantur, habetur prædicatum relatiuum fundamento contingens, ideoque habetur formalis relatio. Quod si dicas
habe-

haberi prædicatum relatiuum solum
fundamentaliter. Contra est, quia id
quod tu dicis esse relationem solum
fundamentaliter, ego dico esse relatio-
nem formalem, cum sit impossibile
dari duo alba, & non dari similitudi-
nem, sicuti est impossibile dari duo en-
tia, & non dari binarium entium. Qua-
re sicuti binarium habetur per comple-
xum duorum, ita album A esse simile
albo B habetur per complexum Albi A,
cum albo B, & quia existentia albi B, est
accidentalis albo A, ideo similitudo al-
bi A, quæ constituitur partialiter per
existentiam albi B, est accidentalis ipsi
albo A.

4 Dices existit sæpè vera relatio etiã
si non existant omnia, quæ sunt com-
pletum fundamentum prædicati relati-
ui, datur enim vera relatio paternitatis,
etiã si præterierit generatio, quæ com-
plet fundamentum prædicati relatiui.
Ergo paternitas constituitur formaliter
per modum relatiuum, qui remanserit
præterita generatione. Respondent ali-
qui nonnullas relationes requirere quod
detur de præsentis totum fundamen-
tum comparabilitatis, alias verò rela-
tiones nequaquam. Sed contra est
quia vel vis generationem esse conno-
raturum

tatum merè extrinsecum respectu relationis paternitatis: vel vis esse intrinsecum illius constitutum: si vis esse constitutum illius intrinsecum: Sicuti de præsenti non datur còpletum constitutum, ità de præsenti non dabitur constitutum, constitutum enim dari nò potest, nisi dentur omnia constitutiva. Quod si velis generationem præteritam esse connotatū merè extrinsecum, non aliter ac paries v.g. est connotatum merè extrinsecum respectu cognitionis de pariete, eò quod siue paries intelligatur existens, siue intelligatur non existens, dummodo intelligatur existens talis cognitio, intelligitur tota essentia talis cognitionis. Contra est, quia eodem modo sequeretur quod siue intelligatur, siue nò intelligatur generatio præterita, dummodo intelligatur existens Petrus & Paulus, intelligeretur Petrus pater Pauli, quod est falsum. Præterea cur ad relationem prædicamentalem requiris terminum existentem? cum enim tam generatio, quàm terminus sit fundamentum conceptus comparatiui, & æquè constituent prædicatum relatiuum, vel vtriusque, vel neutrius existentia erit de essentia relationis. Quod si dicas dari aliquas
deno-

denominaciones ab aliquo, quod totum est de præfenti, alias verò partim ab aliquo de præfenti, partim ab aliquo de præterito, cuiusmodi sunt denominationes domus antiquæ, aquæ benedictæ &c. Contra est, quia sicuti non solum concipimus complexum ex rebus totaliter præfentibus, sed etiam cōplexum, ex aliquo præfenti, & aliquo præterito, ita vtrunque nominamus, & vtrique suum nomen, & denominationem imponimus, at hic non quærimus de nomine, sed de realitate relationis ad quam, vel debes requirere quod actu existat quidquid intrinsecè constituit prædicatum relatiuum, vel dicam dari posse reale prædicatum relatiuum, etiam si nihil existat de constitutivis talis prædicati.

5 Melius ergo vniuersaliter asserendum est nunquam dari veram relationem nisi actu dentur omnia intrinsecè constitutiva talis prædicati relatiui. Ad obiectionem ergo respondendum est distinguendo duplicem relationem paternitatis, quarum tamen vtraque cōmuni nomine paternitatis appellatur; alia enim est paternitas, per quam actu Petrus v.g. generat Paulum, alia est paternitas

ternitas, per quam Petrus genuit Paulum, sicut enim sunt diuersa prædicata generare, & genuisse, ita relationes, quæ per hæc diuersa prædicata constituuntur, erunt diuersæ. Paternitas ergo, per quam Petrus v.g. actu generat Paulum constituitur per entitatem Petri, & Pauli, & per actualem generationem. Paternitas verò per quam Petrus genuit Paulum constituitur per entitatem Petri, & Pauli, & per conseruationem Pauli actu existentem, & positam intuitu, atque ad exigentiam generationis habitæ à Petro. Talis autem conseruatio iuxta ea, quæ dicemus in prædicamento actionis de alligatione actionis ad fines habet peculiare prædicatum, alligationis ad generationem præteritæ; sed etiam si hoc intrinsecum prædicatum non haberet, adhuc tamen hoc quod est nunc conseruari Paulum ad exigentiam generationis habitæ à Petro esset sufficiens ratio fundandi relationem pateritatis, & filiationis, siue hoc quod est poni ad exigentiam sit quid intrinsecum tali conseruationi, siue habeatur per extrinsecum Dei decretum. Semper enim æquè habetur de facto existens totum, quod intrinsecè constituit tale prædicamentum relatiuum.

6 Quod

6 Quod si Paulus filius moriatur, & deinde miraculosè reuocetur in vitam duplici modo potest miraculum accidere, vel ita vt reuocetur in vitam ex eo quod præextiterit, & antea fuerit modo connaturali genitus, & si hoc modo resurgat æquè erit filius Petri, quia eius actio conseruatiua est intuitu generationis habitæ à Petro. Quod si reuocetur in vitam non intuitu quod præextiterit sed ita, vt Deus æquè illi vellet dare vitam, quantumuis nunquam antea exstitisset: in hoc casu sicuti Paulus nullâ haberet obligationem suæ vitæ præsentis alteri quam soli Deo, ita prout taliter viuens non haberet veram relationem filiationis respectu vllius hominis, sed diceretur filius Petri non per relationem realem de præsentia, sed per relationem merè secundum dici, & de præterito. Ex his autem patet Christum Dominum, etiam post resurrectionem esse verè filium Beatissimæ Virginis, cum eius humanitas fuerit viuificata ex meritis passionis, ideoq; intuitu quod præextiterit, nec nisi per conseruationem habitam, intuitu generationis positæ à Beata Virgine.

7 Si hoc modo philosophemur longè melius possumus sustinere communem

nem sententiam, quæ ad realem relationem prædicamentalem requirit terminum existentem; cum enim per nos omnia illa debeant actu existere, quæ sunt intrinsecè constitutiva prædicati relatiui, & complent fundamentum conceptus comparatiui, cum terminus sit ex intrinsecè constitutiuus relationis prædicamentalis necessario requiretur actualis existentia illius, ad hoc ut actu relatio prædicamentalis existat. Quod verò terminus, sit vnum ex intrinsecè constitutiuus relationis prædicamentalis patet; quia nulla est assignabilis relatio prædicamentalis, in qua terminus non compleat fundamentum conceptus comparatiui, siue enim sit relatio fundata in vnitatem, & numero; siue in actione, & passione (quæ duo tantum genera relationum prædicamentaliû inferius assignabimus) semper terminus complet prædicamentum accidentaliter relatiuum.

8 Dices quod Petrus v.g. sit cognoscens chimæram, quod sit volens studium propter honorem, sunt prædicata relatiua accidentalia ipsi Petro, nec tamè in his relationibus prædicamentalis datur terminus existens. Chimæra enim & honor non existunt. Respondeo in his alijsque similibus distinguendum esse
ter-

terminum proximum, & terminum remotum, seu terminum termini, & terminum alicuius relationis. Petrus ergo habens cognitionem de Chimera est relatiuus prædicamentaliter ad talē cognitionē quā habet; & hæc cognitio existēs est terminus proximus talis relationis similiter est relatiuus prædicamentaliter ad volitionem studiij propter honorem, quæ volitio est terminus existens, Chimera verò, & honor sunt terminus termini, seu sunt terminus alterius relationis transcendentalis, cognitio enim dicit relationem transcendentale ad chimeram; volitio ad honorem; hæc autem relationes trāscendentales non requirūt terminum existentem. Hinc Paulus genitus habēs nunc conseruationem postquam intuitu generationis habitæ à Paulo habet de præsentia omnia constitutiuā talis prædicati relatiui; quia licet non existat nunc generatio, hæc tamen est ratio fundandi remota, cum ratio fundandi proxima sit talis conseruatio; generatio verò præterita est terminus remotus, ad quam talis conseruatio dicit relationem transcendentalem. Relationes ergo, per quas v.g. dies hodierna dicitur similis diei hesternæ, vel Petrus dicitur Pater Pauli mortui &c. Sunt denominationi.

nominaciones non importantes relationem nisi secundum dici, cum existat actu totum quod complet prædicatum relatiuum, & est proxima, & completa ratio fundandi conceptum comparatiuum.

SECTIO TERTIA.

Insertur relationem prædicamentalem non constitui per modum superadditum proximæ & completæ rationi fundandi.

QUAMVIS ratio fundandi relationem significet id, quod est ratio cur fundamentum referatur ad terminum, quæ aliquando est à fundamento, & termino realiter distincta, ut diximus de relatione paternitatis, nomine tamen proximæ, & completæ rationis fundandi venire potest totum id, quod proximè requiritur ad constituendum prædicatum relatiuum, & obiectiuam comparabilitatem, sic entitas Petri, & Pauli, & actualis generatio, vel conseruatio posita intuitu generationis præ-

præteritæ est proximum, & completum
fundamentum prædicati relatiui pa-
ternitatis. Ex dictis ergo capite superio-
ri inferitur ad constituendam relationem
prædicamentalem præter completam,
& proximam rationem fundandi non
requiri modum peculiarem relatiuum
superadditum, sed relationem formaliter
constitui per totum id, quod alij as-
signant pro completo, & proximo fun-
damento, quo posito resultet modus;
præscindendo enim ab hoc modo super-
additò, & existentibus duobus albis cū
talibus suis durationibus alligatis eidem
tempori imaginario vnum existit quando
existit aliud, & existit sicuti existit aliud,
est enim impossibile, quod vtrunq; al-
bum habeat suam durationem corre-
spondentem, seu alligatam eidem tem-
pori imaginario, & quod non coëxi-
stant, sicuti pariter est impossibile, quod
vtrumque habeat talem albedinem,
quin intellectus habeat fundamentum
dicendi quod vnum existit, sicuti exi-
stet alterum, ideòque existat simile al-
teri.

2 Quod si dicas hoc non esse satis,
dicam quod nunquam duo modi rela-
tiui ratione sui præcisè coëxistant, sed
quod requiratur semper alius tertius
inodus

modus superadditus, ex quo deinde sequetur processus in infinitum, nisi tandem deuenias ad duo, quæ habeant ratione sui præcisè coexistere, si ergo in tua sententia, quia est impossibile, quod existant aliqui duo modi, & non coexistant; ideo illis non superaddis alium tertium modum, ita quia est impossibile, quod tales duæ durationes existant quin coexistant, non erit alius modus coexistentiæ superaddendus. Præterea sepè non potest assignari subiectum modi relatiui, nam denarius hominum est æqualis denario equorum, ideòque ad illum relatiuus, in quo ergo homine recipitur modus relatiuus æqualitatis, certè cum non sit maior ratio de vno quam de alio vel in nullo, vel in omnibus recipietur. Si ergo dicas, æqualitatem haberi per decem modos, iam tu explicas etiam relationem per complexum plurium, adeoque in tua etiam sententia æqualitas non erit vnicus simplex modus, sed omnes illi decem modi simul constituent æqualitatem. Si verò dicas denarium hominum esse æqualem denario equorum merè per relationem secundum dici. Contrà est quia ego etiam dicam, lignum bipalmare esse æquale alteri ligno bipalmari per rela-

relationem merè secundum dici, imò si ita respondeas nullum deinde peculiare argumentum habebis ad probandam aliam relationem realem, si enim in denario equorum datur fundamentum, terminus, & ratio fundandi, nec tamen datur vera relatio, cur dabitur in alijs? Dices quia in denario sequeretur absurdum illud, quod non esset assignabile, in quo homine modus relatiuus reciperetur. Sed contra est, quia cum nihil desit de requisitis pro vera relatione, & non sequatur absurdum nisi admissio modo relatiuo, hic potius erit negandus & explicanda relatio, sicuti nos explicamus, & nullum profecto sequetur absurdum. Denique admissis his modis relatiuis multa sequentur valdè difficilia quod nimirum dealbato vno pariete v. g. Romæ, imò facta minima alicuius corporis mutatione consurgat in quolibet alio corpore per totum mundum modus relatiuus similitudinis, vel dissimilitudinis &c. quænam autem erit horum modorum causa, sanè quæcunque assignetur vel operabitur, seu determinabit in distans, vel aduocanda erit per machinam causa prima.

3 Dices primò negatis modis relatiuis

P

tiuis

tius non posset explicari quid sit simile in communi. Sed contrà est quia etiam admissis modis explicandum est quid sit simile in communi fundamentaliter; illud ergo, quod tu dixeris esse simile in communi fundamentaliter, dicam ego esse simile in communi formaliter, cum per illud ego dicam constitui relationem formaliter, per quod tu dicis constitui solù fûdametaliter. Sed directè, respondeo simile in cômuni esse duo qualia talis naturæ, vt quodcunque prædicatum essentiale affirmetur de vno affirmari possit de alio, vel esse duo qualia, quæ in nobis imperfectè cognoscen- tibus producere possint cognitiones, per quas difficilè discernantur, seù quæ possint à nobis in vnica cognitione con- fundi.

4 Dices secundò, negatis modis re- latius sequeretur, quod qui desiderat suos mores dissimiles moribus prauis alterius, desideraret ipsos mores prauos alterius, quod est falsum. Sed contrà est primò, quia admissis modis adhuc dici non posset, quod in casu posito desi- deraretur modus relatiuus dissimilitu- dinis, illud enim, quod desideratur est quid liberum, honestum, & formaliter placens Deo. Modus autem relatiuus
ne-

necessariò resultans non est huiusmodi. Sed directè respondeo desiderari mores dissimiles moribus prauis alterius non absolutè, sed ex suppositione, quod mores alterius vel existant; vel sint extituri prauis. Quomodo enim possem determinari ad volendos meos mores dissimiles moribus Antichristi, nisi scirè eius mores futuros esse prauos? Facta ergo suppositione talium morum, quos non desidero, sed detestor, desidero deinde meos mores bonos, qui positi habeant prædicatum dissimilitudinis partialiter à moribus prauis alterius.

5 Dices tertio, Possunt duæ durationes correspondentes eidem tempori imaginario comprehensivè cognosci absque eo quod intellectus certificetur de illarum coëxistentia, ergo illarum coëxistentia est prædicatum reale distinctum ab entitate vtriusque. Respondeo prædicatum coëxistentiæ, quia est partim in vna duratione, partim in alia, non esse cognoscibile per cognitionem etiam comprehensivam vnius tantum durationis, quia si per cognitionem vnius tantum durationis cognosceretur tota coëxistentia plus in tali duratione cognosceretur, quàm in illa contineretur. Sic si sit pondus mille librarum,

quod trahi nō possit nisi à duobus; potentia cōpleta tractiua huius pōderis nō est quid realiter distinctum à viribus vnus, & à viribus alterius, sed est partim in vno, partim in alio, ideòque potentia completa tractiua ponderis non est cognoscibilis per comprehensionem virium vnus tantum, sed per vnicam cognitionem indiuisibiliter cognoscentem vires vnus, & alterius. Quare distinguo antecedens obiectionis propositæ: possunt duæ illæ durationes cōprehensiuè cognosci per cognitionem comprehensiuam indiuisibiliter attingentem vtramque cognitionem, absque eo quod intellectus certificetur de illarum coëxistentia nego antecedens, per duplices cognitiones comprehensiuas, quarum quælibet seorsim attingat vnain tantum ex illis durationibus concedo antecedens, & nego consequentiam; coëxistentia enim non est prædicatum distinctum ab entitate vtriusque, licet ab entitate cuiusque ex illis seorsim sit distinctum inadæquatè, nam hoc tum alibi tum sectione prima huius capitis num. 14. reiecimus, vidimus enim quod non possit ex præcisa cognitione causæ creatæ cognosci adæquatè vllum prædicatum effectus, ex eo quod plus
in

in causa cognosceretur, quā in illa continetur. Quod in exemplo paulo ante allato manifestè patet; potentia enim completa tractiua ponderis vt mille, non est cognoscibilis per cognitionem virium vnus tantum, sed per cognitionem attingentem indiuisibiliter vires duorum. Adde hoc etiam dicendum esse ab aduersarijs, nam si in duabus durationibus resultat modus coëxistentiæ dabitur completum fundamentum, ad quod talis modus resultat. Quod completum fundamentum, cum sit vtraque duratio, non erit cognoscibile per duas cognitiones, quarum vna vnā, altera alteram durationem attingat, sed per vnicam cognitionem attingentem vtramque durationem indiuisibiliter.

¶ Dices quartò, Omnis vera perfectio debet esse adæquatè intrinseca rei habenti talem perfectionem, sed cognitionem esse veram, & conformem obiecto. Est vera perfectio ipsius cognitionis, ergo debet esse illi adæquatè intrinseca, quod habere non potest sine modo relatiuo conformitatis. Sed contra est, quia vel ex hoc capite negandi sunt modi relatiui superadditi, ne dicamus veritatem esse adæquatè intrinsecam.

cognitioni veræ, vt enim suo loco dicemus, si veritas esset adæquatè intrinseca cognitioni veræ, Angelus comprehendens suas cognitiones, dum formaret iudicium affirmatiuum, vel negatiuum de secretis cordium, videret in tali iudicio, vel in modo superaddito, illi intrinseco, veritatem, vel falsitatem talis iudicij, ideòque pertingeret ad cognoscenda secreta cordium, quod Angelo non est tribuendum. Omnes ergo debemus dicere perfectionem veritatis non haberi formaliter per modum relatiui superadditi, sed per entitatem cognitionis, & existentiam obiecti eo modo, quo per cognitionem enunciatur. Et quidem, si spectemus prædicata entitatiua iudicij veri, & iudicij falsi, vtrumque est actus vitalis, spiritualis &c. Ideòque secundum prædicata merè entitatiua vtriusque iudicij non plus ab vno, quam ab alio intellectu perficitur: in tantum ergo à iudicio vero magis perficitur intellectus, quam à falso, quia vt dicemus in lib. Perihermen. iudiciuni verum est effectus potentia, quæ antecederet potuit melius penetrare terminos, vel alia motiua, à quibus determinaretur deinde ad iudicium non falsum, sed verum. Præterea

terea à iudicio vero plus intellectus perficitur, quam à falso, quia, ex suppositione quod existat obiectum, sicuti per iudicium enunciatur, determinari potest intellectus ad operandum longè diuerso modo, ac determinaretur, si haberet iudicium falsum, si enim verè affirmet v. g. foueam esse in via, determinabitur ad illam fugiendam, quomodo non determinaretur, si falsò negasset foueam esse in via, sed hæc maior perfectio competit cognitioni veræ, ut patet, partialiter ab obiecto. Hinc aliquis si sit ipse solus potest non esse noxijs, eo quod non sit sufficiens de se solus inferre malum, sed ille idem cum alio potest esse malus, quatenus ab utroque malum aliquod fieri potest; Hinc pariter bene explicatur quid sit pulchritudo; talia enim colorata habentia tales vicationes, & tantam extensionē sunt pulchra, eo quod positis talibus cōditionibus sint apta causare talem sensationem iucundam. Et quidem hoc idem dici ab omnibus debet de veritate fundamentali, seu de fundamento modi, si hic daretur, quæ veritas fundamentalis procul dubio est perfectio; idem de fundamentali pulchritudine &c.

7 Dices quintò , si duo alba vt quatuor ambo fiant alba vt sex , crescit albedo & non crescit similitudo ; ergo similitudo non constituitur per solas tales entitates duorum alborum . Respondeo distinguo antecedens non crescit similitudo formaliter concedo antecedens , non crescit similitudo materialiter nego antecedens , & consequentiam . Crescit enim similitudo materialiter , quia crescit materia illa , quæ potest in vnica cognitione cõfundi , sed non crescit similitudo formaliter , quia æquè potest in vnica cognitione æquè confusa confundi . Quia , ergo per crescere similitudinem non intelligimus , quod crescant entia illa , quæ sunt similia , sed quod crescant in ordine ad effectum illum , qui præstari potest ab entibus illis , quæ sunt similia , cū idem effectus præstari possit à duobus albis vt duo , & à duobus albis vt sex , ideo non dicitur crescere similitudo formaliter , & in communi modo loquendi , licet bene dici possit crescere similitudo materialiter . Pariter si supponatur vnum album esse vt sex , aliud verò vt duo , quo plus de albedine tollitur ab albo vt sex , eò plus crescit similitudo formaliter , licet decreascat simi-

militudo materialiter, quia quò plus decrefcit aliquid ex ijs, quæ conftituunt fimilitudinem formalem; eò plus crefcit fimilitudo formaliter, quia fiunt magis potentia confundi in vnica cognitione; ficut enim aliqua prædicata potentialia crefcunt per additionem, ita aliqua crefcunt per detraktionem, in cafu autem noftro, quò plus tollitur de albedine vt fex, eò magis crefcit prædicatum potentiale, per quod vtrumque album potefit in vnica cognitione confundi, ideò que per decrementum albedinis crefcit fimilitudo formaliter.

8 Dices fecundò relatio vt relatio refertur ad terminum, ergo relatio vt relatio non potefit conftitui per terminum, fed conftitutiuum relationis debet efle quid adequatè diftinctum à termino, quod propterea efle poffit ad terminum. Sed contra, quia idem in alijs dicendum eft ab omnibus, nã licet plura vniantur per vnionem diftinctam, deuenire tamen debemus, ne detur processus in infinitum ad aliquid faltem modale, quod fe ipfo vniamur alteri: in hoc ergo fieri potefit fimile argumentum tali pacto. Vnitum vt vnitum eft alteri vnitum, ergo vnitum vt vnitum non potefit conftitui neque par-

ialiter per terminum cui vnitur. Quare ad vtrumque directè respondendum est, quod etiam si vnitum vt vnitum, & relatiuum, vt relatiuum fit alteri vnitum, & relatiuum, possit tamen terminus esse ratio saltem partialis cur aliud illi vnatur, & similiter terminus possit esse partialis ratio, cur fundamentum referatur ad ipsum terminum.

9 Ex eo quod negemus modum relatiuum superadditum, non tollimus veras relationes reales, sicuti tollebat Zeno, cum enim in obiecto agnoscamus nullo intellectu cogitante fundamentum conceptus elatiui, nullo intellectu cogitante dicimus dari relationes reales. Dum verò explicamus relationem prædicamentalem per complexum plurium non confundimus cōnotatiua cum relatiuis, quamuis enim omnia relatiua sint entia cōnotatiua, non tamen omnia cōnotatiua sunt realiter relatiua, si enim terminus non existat, vel desit aliquid aliud constituens prædicatum relatiuum, nō dabuntur relatiua, nisi merè secundum dici. Demum ad hoc, vt relatio prædicamentalis constituat vnum prædicamentum peculiare, non est necesse, quod sit quid verè

verè simplex, sed quod importeretur ut quid simplex, itaut id, quod importat in recto sit quid vnum; sic habitus constituit vnum prædicamentum, quia in recto non importat nisi vnum. Et quavis relatio prædicamentalis conueniat alijs prædicamentis, adhuc tamen constituit peculiare prædicamentum, quia ad diuersitatem prædicamentorum, sufficit distinctio formalis, ut patet in actione, & passione, quæ constituunt duo prædicamenta, quamuis non differant nisi formaliter.

10 Et ut hic etiam alias de relatione prædicamentali sententias breuiter reiiciamus; ex ipso conceptu relationis prædicamentalis constat non posse illam esse adæquatè identificatam cum sola entitate fundamenti, si enim relatio prædicamentalis non ex alio capite distingui potest à transcendentali, quam ex eo, quod sola prædicamentalis sit accidentalis fundamento, non potest hæc cum sola entitate fundamenti adæquatè identificari, sicuti relatio transcendentalis, quia est essentialis entitati fundamenti, cum illa adæquatè identificatur. Confirmatur primò, entitas Petri v. g. est contingenter Pater, ergo entitati Petri est contingens

esse Patrem, sed entitati Petri non est contingens habere talem entitatem, ergo quod entitas Petri habeat talem entitatem, & quod habeat paternitatem, non sunt idem realiter. Confirmatur secundò, pereunte Paulo v. g. filio, perit relatio paternitatis in Petro patre, etiam si nihil de entitate Petri pereat, ergo paternitas non erat adæquatè identificata cum sola entitate Petri.

¶ Dices pereunte termino perire relationem in fundamento quoddam denominationem, non verò quoad realitatem. Sed contra est quia si vis relationem perire solum quoddam denominationem, cò quod solum pereat hoc nomen paternitatis, reipsa mortuo Paulo adhuc Petrus habebit totam paternitatem, quam habebat prius, licet miserit solum nomen paternitatis, sed hoc est falsū, quia ideo nō potest amplius verè nominari pater, quia perijt fundamentum talis nominis, assigna ergo quid in Petro perierit, profecto cum nihil in illo perierit, sola entitas Petri non erat adæquatè id, cui debebatur denominatio patris. Dum verò dicis perire paternitatem quoad conceptibilitatem, vel loqueris de conceptibilitate formali, seu

seu de actu intellectus, & nihil dicis, quia non loquimur de meris conceptibus, sed de reali eorum fundamento, vel loqueris de conceptibilitate obiectiua, & cum pereunte Paulo nihil pereat de Petro nihil de conceptibilitate obiectiua peribit in ipso Petro, ideòque mortuo filio erit æquè pater, ac antea, quod est falsum.

SECTIO QUARTA.

Reliquæ quæstiones de relatione prædicamentali.

Relatio prædicamentalis ad multiplicationem numericam terminorum, quamvis multiplicetur inadæquatè quia multiplicatur terminus, qui est partiale constitutum relationis, simpliciter tamen loquendo non est dicendum, quod multiplicetur, quia in concretis saltem accidentalibus, cuiusmodi sunt esse Patrem, esse similem, & cætera prædicamentaliter relativa, quoties non multiplicatur rectum, pro quo concreta accidentalia supponunt, non dicitur multiplicari concretum, sic
qui

qui habet tres vestes non dicitur nisi vnus vestitus, & si in eodem subiecto ponerentur tres albedines, non esset nisi vnum album. Confirmatur ex communi locutione etiam sacrarum litterarum: Abraham enim non dicitur Patres, sed pater multarum gentium, neque dicitur Matres, sed Mater filiorum Zebedei.

2 Dices relatio prædicamentalis importat indiuisibiliter fundamentum, & terminum, sicuti binarium importat indiuisibiliter duo, sed Petrus v. g. cum Paulo, & idem Petrus cum Ioanne non est vnum binarium sed sunt duo binaria ergo pariter Petrus cum vno filio, & idem Petrus cum alio filio non vnâ sed duas constituet paternitates. Respõdeo disparitatem esse, quia binarium importat quidem indiuisibiliter duo, sed ambo in recto, paternitas verò importat vnũ in recto, & aliud in obliquo ex quo fit vt multiplicato obliquo non multiplicetur relatio; neq; obstat quod paternitas sit ad hos terminos determinatè, nam etiam vestitus respicit has vestes determinatè nec tamen pro multiplicatione vestium multiplicatur vestitus.

3 Porro pro diuersitate specifica
termi-

terminorum relatio diuersificatur, non aliter, ac pro diuersitate specifica formarum accidentium diuersificantur concreta accidentalia, sic paries dicitur albus, & frigidus, & Petrus dicitur Pater Pauli, & dissimilis ligno. Ratio autem, cur pro diuersitate solum specifica terminorum diuersificetur relatio est, quia de diuersitate merè numerica, & materiali, non designabili nisi negatiuè, vt diximus vbi de differentia specifica, non habetur ratio, ideoque diuersitas terminorum merè numerica neque multiplicat, neque diuersificat relationem.

4 Relatio prædicamentalis terminatur ad absolutum formaliter, formaliter inquam non realiter: realiter enim loquendo terminus cuiusque relationis prædicamentalis est aliqua relatione prædicamentali correlatiuus ad fundamentum, vt supra probauimus, sed cum hoc benè stat, quod relatio prædicamentalis dicenda sit terminari ad absolutum formaliter, ad illum enim formatiter terminatur, quod est ratio formalis terminandi relationem, seu quod de se præcisè acceptum est ratio cur fundamentum habeat tale prædicatum relatiuum sed terminus præcisè secundum sua prædicata absoluta est ratio

no cur fundamentum habeat tale prædicatum relatiuum; ergo &c. Minor probatur, quia per hoc præcisè quod concipiamus à Petro generari Paulū secundū prædicata absoluta ipsius Pauli, etiam si Paulus non esset mutuò relatiuus ad Petrum, adhuc haberemus totum constitutum paternitatis. Sic in sententia negante Deum inutū referri ad creaturas per hoc præcisè, quod intelligatur Deus secundum sua prædicata absoluta intelligitur terminus relationis quam creaturæ habent ad ipsum Deum.

5 Hoc ipsum intelligendum etiam est de relatione transcendentali, quia per hoc præcisè, quod concipiatur cognitio, e.g. de pariete habetur conceptus relationis transcendentalis, quam habet cognitio ad parietem, etiam si paries qui est terminus talis relationis non importetur sub formali conceptu relatiui. Neque contra hoc facit paritas ducta à relationibus in diuinis, quia in diuinis, illud solum est ratio formalis potens formare relationem, quod est in fundamento realiter distinctum, nihil autem realiter distinctum est in diuinis, nisi quod est relatiuum; Cum ergo in creatis etiā prædicata absoluta sint realiter distincta

distincta à fundamento, poterit terminus secundū prædicata absoluta esse formalis terminus relationis. Verum quidem est quod etiam in creatis, dicimus Patrem esse filij Patrem, sed hinc non sequitur, quod terminus paternitatis sit quid relatiuum formaliter, tunc enim solum dicimus Patrem esse filij Patrem, quando volumus assignare terminum sub conceptu formali correlatiui, cæterum vt assignetur id, quod est ratio formalis terminandi paternitatem seu id, quod præcisè sufficit ad habendum prædicatum paternitatis satis est, si assignemus terminum secundum prædicata absoluta.

6 Potest vna relatio fundare aliam, vna enim paternitas est similis alteri paternitati, ideoque vna relatio paternitatis est fundamentum alterius relationis similitudinis. Cum enim non minus fundamentum habeamus comparandi vnum album cum alio albo, quam vnā paternitatem cum alia, & cum æquè possint duæ paternitates confundi in conceptu communi paternitatis, quam duo alba in conceptu communi albi, tam duæ paternitates, quam duo alba erunt similia. Neque verò ex hoc sequetur processus in infinitum, cum enim

nim relatio prædicamentalis habeatur per complexum, & combinationem plurium existentium, sicut non possunt existere nisi finita, neque ex finitis possunt fieri combinationes nisi finitæ, ita ex finitis non possunt haberi infinitæ relationes.

7 Bene diuiditur relatio prædicamentalis in relationes fundatas in actione, & passione, & in relationes fundatas in vnitatē & numero, seu in conuenientia, & disconuenientia, quæ enim conueniunt dicuntur habere vnitatem, quia in vnica cognitione confundi possunt. Rursus relatio fundata in vnitatē, alia est relatio identitatis, & hæc est inter ea, quorum substantia est vna, seu quæ conueniunt in substantia, & entitate. Alia est relatio equalitatis, quæ est inter ea, quorum quantitas vna; alia similitudinis, & hæc datur inter ea, quorum qualitas vna; relationes autem his oppositæ fundatæ in numero, seu in disconuenientia sunt relationes diuersitatis, inæqualitatis, dissimilitudinis. Præterea relationes etiam coexistentiæ, & contiguitatis fundantur in vnitatē, & illa datur inter ea, quæ habent similes durationes, seu durationes correspondentes etiam tempori imaginario, hæc
ve-

verò inter ea quæ habent vbicationes similes, seu correspondentes eidem spatio imaginario. Relationes fundatæ in actione, & passione, vel sunt inter ea, inter quæ datur rigorosa actio, & passio, vel inter ea, in quibus datur quasi actio & passio, & talis est relatio Magistri ad discipulum, serui ad Dominum &c.

§ Relationes quæ fundantur in ratione mensuræ, & mensurati sunt ex genere suo transcendentales, quia sunt suo fundamento essentialia, sic essentialis est visio, vel cognitioni de pariete, v.g. mensurari à pariete, siue enim existat, siue non existat paries, si intelligatur existere hæc visio, & hæc cognitio, existet visio, & cognitio de pariete. Dixi has relationes esse ex genere suo transcendentales, quia si accipiuntur simul cum termino existente, constituunt simul cum illo aliquam relationem prædicamentalem, sic existente pariete cognitio de pariete erit ipsi parieti conformis in ratione imaginis, & hæc actualis conformitas est relatio prædicamentalis. Verum quidem est relationes fundatas in mensura & mensurato fuisse ab Aristotele recensitas simul cū relationibus prædicamentalibus. Sed hoc non obstat, quia Aristoteles omnia
ge-

genera relationū voluit enumerare nō curans distinguere inter transcendentales, & prædicamentales.

9 Summum genus respectu omnium relationum tam transcendentium, uam prædicamentaliū est ens seu relatio realis. Hic enim conceptus est perfectè præcisus à differentiis, à quibus, immediatè diuiditur, cum enim relatio realis alia sit essentialis, alia accidentalis, per has differentias non certificamur formaliter de relatiuo reali, quamuis enim per conceptum accidentalis, & essentialis certificemur de ratione relatiui quia omne accidentale est formaliter alicui accidentale, non tamen certificamur de ratione relatiui realis. Disputamus enim vtrum id, quod est accidentale alteri dicat realem relationem ad id, cui est accidentale an verò relationem merè secundum dici. Vide ea quæ diximus distinct. 4. ubi egimus de præcisione entis realis; est enim hic par ratio, sicut enim licet ratio entis latissimè accepti non perfectè præscindat à suis differentiis, ratio tamen entis realis perfectè præscindit à perfectitate, & inaleitate; Ita licet ratio relatiui, vt sic nō perfectè præscindat, ratio tamē relatiui realis perfectè præscindit ab essentiali,

tiali, & accidentali, eò quod tam de
perfectate, & inaleitate disputamus, v-
trum sit ens reale; quam disputemus
de essentiali, & accidentali, vtrum im-
portent realem relationem.

10 Summum genus respectu sola-
rum relationum prædicamentaliū est
ens reale ad aliud contingenter, seu re-
latio realis contingens, hoc autem ge-
nus diuidetur in suas immediatas dif-
ferentias, si dicamus relationem realem
contingentem aliam esse fundatam in
vnitate, & numero; aliam, in actione,
& passione. Et licet veritas, seu conue-
nientia de suo conceptu sit quid relati-
uum, præscindit tamen à conceptu ge-
neris assignati: tum quia de ratione
conueniētiæ non est importare formaliter
relationem realem, tum quia neque
de illius conceptu est importare forma-
liter relationem contingentem, quare
conceptus à nobis assignatus erit rigo-
rosè genericus; neque obstat quod con-
ceptus relatiui importet formaliter duo,
nam importat quidem duo, sed vnum
in recto aliud in obliquo, & sicuti ani-
mal, hoc est principium sensationis est
genus, quia licet importet duo, vnum
tamen importat solum in recto nec pos-
sumus ex vi talis cōceptus dicere vtrū
de-

esse Patrem, sed entitati Petri non est contingens habere talem entitatem, ergo quod entitas Petri habeat talem entitatem, & quod habeat paternitatem, non sunt idem realiter. Confirmatur secundò, pereunte Paulo v. g. filio, perit relatio paternitatis in Petro patre, etiam si nihil de entitate Petri pereat, ergo paternitas non erat adæquatè identitificata cum sola entitate Petri.

¶ Dices pereunte termino perire relationem in fundamento quoddam denominationem, non verò quoad realitatem. Sed contra est quia si vis relationem perire solum quoddam denominationem, cò quod solum pereat hoc nomen paternitatis, reipsa mortuo Paulo adhuc Petrus habebit totam paternitatem, quam habebat prius, licet miserit solum nomen paternitatis, sed hoc est falsū, quia ideo nō potest amplius verè nominari pater, quia periit fundamentum talis nominis, assigna ergo quid in Petro perierit, profecto cum nihil in illo perierit, sola entitas Petri non erat adæquatè id, cui debebatur denominatio patris. Dum verò dicis perire paternitatem quoad conceptibilitatem, vel loqueris de conceptibilitate formali, seu

seu de actu intellectus, & nihil dicis, quia non loquimur de meris conceptibus, sed de reali eorum fundamento, vel loqueris de conceptibilitate obiectiua, & cum pereunte Paulo nihil pereat de Petro nihil de conceptibilitate obiectiua peribit in ipso Petro, ideòque mortuo filio erit æquè pater, ac antea, quod est falsum.

SECTIO QVARTA.

Reliquæ quæstiones de relatione prædicamentali.

Relatio prædicamentalis ad multiplicationem numericam terminorum, quamvis multiplicetur inadæquatè quia multiplicatur terminus, qui est partiale constitutum relationis, simpliciter tamen loquendo non est dicendum, quod multiplicetur, quia in concretis saltem accidentalibus, cuiusmodi sunt esse Patrem, esse similem, & cætera prædicamentali ter relatiua, quoties non multiplicatur rectum, pro quo concreta accidentalia supponunt, non dicitur multiplicari concretum, sic
qui

qui habet tres vestes non dicitur nisi vnus vestitus, & si in eodem subiecto ponerentur tres albedines, non esset nisi vnum album. Confirmatur ex con-
muni locutione etiam sacrarum litte-
rarum: Abraham enim non dicitur
Patres, sed pater multarum gentium,
neque dicitur Matres, sed Mater filio-
rum Zebedei.

2 Dices relatio prædicamentalis im-
portat indiuisibiliter fundamentum, &
terminum, sicuti binarium importat in-
diuisibiliter duo, sed Petrus v. g. cum
Paulo, & idem Petrus cum Ioanne non
est vnum binarium sed sunt duo binaria
ergo pariter Petrus cum vno filio, &
idem Petrus cum alio filio non vnā
sed duas constituet paternitates. Re-
spōdeo disparitatem esse, quia binarium
importat quidem indiuisibiliter duo,
sed ambo in recto, paternitas verò im-
portat vnū in recto, & aliud in obliquo
ex quo fit vt multiplicato obliquo non
multiplicetur relatio; neq; obstat quod
paternitas sit ad hos terminos determi-
natè, nam etiam vestitus respicit has
vestes determinatè nec tamen pro
multiplicatione vestium multiplicatur
vestitus.

3 Porro pro diuersitate specifica
termi-

terminorum relatio diuersificatur, non aliter, ac pro diuersitate specifica formarum accidentium diuersificantur concreta accidentalia, sic paries dicitur albus, & frigidus, & Petrus dicitur Pater Pauli, & dissimilis ligno. Ratio autem, cur pro diuersitate solum specifica terminorum diuersificetur relatio est, quia de diuersitate merè numerica, & materiali, non designabili nisi negatiuè, vt diximus vbi de differentia specifica, non habetur ratio, ideoque diuersitas terminorum merè numerica neque multiplicat, neque diuersificat relationem.

4 Relatio prædicamentalis terminatur ad absolutum formaliter, formaliter inquam non realiter: realiter enim loquendo terminus cuiusque relationis prædicamentalis est aliqua relatione prædicamentali correlatiuus ad fundamentum, vt supra probauimus, sed cum hoc benè stat, quod relatio prædicamentalis dicenda sit terminari ad absolutum formaliter, ad illum enim formatiter terminatur, quod est ratio formalis terminandi relationem, seu quod de se præcisè acceptum est ratio cur fundamentum habeat tale prædicatum relatiuum sed terminus præcisè secundum sua prædicata absoluta est ratio

no cur fundamentum habeat tale prædicatum relatiuum; ergo &c. Minor probatur, quia per hoc præcisè quod concipiamus à Petro generari Paulū secundū prædicata absoluta ipsius Pauli, etiam si Paulus non esset mutuo relatiuus ad Petrum, adhuc haberemus totum constitutum paternitatis. Sic in sententia negante Deum mutuo referri ad creaturas per hoc præcisè, quod intelligatur Deus secundum sua prædicata absoluta intelligitur terminus relationis quam creaturæ habent ad ipsum Deum.

5 Hoc ipsum intelligendum etiam est de relatione transcendentali, quia per hoc præcisè, quod concipiatur cognitio, g. de pariete habetur conceptus relationis transcendentalis, quam habet cognitio ad parietem, etiam si paries qui est terminus talis relationis non importetur sub formali conceptu relatiui. Neque contra hoc facit paritas ducta à relationibus in diuinis, quia in diuinis, illud solum est ratio formalis potens formare relationem, quod est in fundamento realiter distinctum, nihil autem realiter distinctum est in diuinis, nisi quod est relatiuum; Cum ergo in creatis etiā prædicata absoluta sint realiter distincta

distincta à fundamento, poterit terminus secundū prædicata absoluta esse formalis terminus relationis. Verum quidem est quod etiam in creatis, dicimus Patrem esse filij Patrem, sed hinc non sequitur, quod terminus paternitatis sit quid relatiuum formaliter, tunc enim solum dicimus Patrem esse filij Patrem, quando volumus assignare terminum sub conceptu formali correlatiui, cæterum vt assignetur id, quod est ratio formalis terminandi paternitatem seu id, quod præcisè sufficit ad habendum prædicatum paternitatis satis est, si assignemus terminum secundum prædicata absoluta.

6 Potest vna relatio fundare aliam, vna enim paternitas est similis alteri paternitati, ideoque vna relatio paternitatis est fundamentum alterius relationis similitudinis. Cum enim non minus fundamentum habeamus comparandi vnum album cum alio albo, quam vnā paternitatem cum alia, & cum æquè possint duæ paternitates confundi in conceptu communi paternitatis, quam duo alba in conceptu communi albi, tam duæ paternitates, quam duo alba erunt similia. Neque verò ex hoc sequetur processus in infinitum, cum enim

nim relatio prædicamentalis habeatur per complexum, & combinationem plurium existentium, sicut non possunt existere nisi finita, neque ex finitis possunt fieri combinationes nisi finitæ, ita ex finitis non possunt haberi infinitæ relationes.

7 Bene diuiditur relatio prædicamentalis in relationes fundatas in actione, & passione, & in relationes fundatas in vnitatē & numero, seu in conuenientia, & disconuenientia, quæ enim conueniunt dicuntur habere vnitatem, quia in vnica cognitione confundi possunt. Rursus relatio fundata in vnitatē, alia est relatio identitatis, & hæc est inter ea, quorum substantia est vna, seu quæ conueniunt in substantia, & entitate. Alia est relatio equalitatis, quæ est inter ea, quorum quantitas vna; alia similitudinis, & hæc datur inter ea, quorum qualitas vna; relationes autem his oppositæ fundatæ in numero, seu in disconuenientia sunt relationes diuersitatis, inæqualitatis, dissimilitudinis. Præterea relationes etiam coëxistentiæ, & contiguitatis fundantur in vnitatē, & illa datur inter ea, quæ habent similes durationes, seu durationes correspondentes etiam tempori imaginario, hæc
ve-

verò inter ea quæ habent vicationes
similes, seu correspondentes eidem spa-
tio imaginario. Relationes fundatæ in
actione, & passione, vel sunt inter ea,
inter quæ datur rigorosa actio, & passio,
vel inter ea, in quibus datur quasi actio
& passio, & talis est relatio Magistri ad
discipulum, serui ad Dominum &c.

§ Relationes quæ fundantur in ra-
tione mensuræ, & mensurati sunt ex
genere suo transcendentales, quia sunt
suo fundamento essentialia, sic essentia-
le est visioni, vel cognitioni de pariete,
v.g. mensurari à pariete, siue enim exi-
stat, siue non existat paries, si intelliga-
tur existere hæc visio, & hæc cognitio,
existet visio, & cognitio de pariete.
Dixi has relationes esse ex genere suo
transcendentales, quia si accipiantur si-
mul cum termino existente, constituunt
simul cum illo aliquam relationem
prædicamentalem, sic existente pariete
cognitio de pariete erit ipsi parieti con-
formis in ratione imaginis, & hæc a-
ctualis conformitas est relatio prædica-
mentalis. Verum quidem est relatio-
nes fundatas in mensura & mensurato
fuisse ab Aristotele recensitas simul cū
relationibus prædicamentalibus. Sed
hoc non obstat, quia Aristoteles omnia
ge-

genera relationū voluit enumerare nō curans distinguere inter transcendentales, & prædicamentales.

9 Summum genus respectu omnium relationum tam transcendentium, uam prædicamentarium est ens seu relatio realis. Hic enim conceptus est perfectè præcisus à differentijs, à quibus, immediatè diuiditur, cum enim relatio realis alia sit essentialis, alia accidentalis, per has differentias non certificamur formaliter de relatiuo reali, quamuis enim per conceptum accidentalis, & essentialis certificemur de ratione relatiui quia omne accidentale est formaliter alicui accidentale, non tamen certificamur de ratione relatiui realis. Disputamus enim vtrum id, quod est accidentale alteri dicat realem relationem ad id, cui est accidentale an verò relationem merè secundum dici. Vide ea quæ diximus distinct. 4. vbi egimus de præcisione entis realis; est enim hic par ratio, sicut enim licet ratio entis latissimè accepti non perfectè præscindat à suis differentijs, ratio tamen entis realis perfectè præscindit à perseitate, & inaleitate; Ita licet ratio relatiui, vt sic nō perfectè præscindat, ratio tamè relatiui realis perfectè præscindit ab essentiali,

tiali, & accidentali, eò quod tam de
perfectate, & inaleitate disputamus, v-
trum sit ens reale; quam disputemus
de essentiali, & accidentali, vtrum im-
portent realem relationem.

10 Summum genus respectu sola-
rum relationum prædicamentaliū est
ens reale ad aliud contingenter, seu re-
latio realis contingens, hoc autem ge-
nus diuidetur in suas immediatas dif-
ferentias, si dicamus relationem realem
contingentem aliam esse fundatam in
vnitate, & numero; aliam, in actione,
& passione. Et licet veritas, seu conue-
nientia de suo conceptu sit quid relati-
uum, præscindit tamen à conceptu ge-
neris assignati: tum quia de ratione
conueniētiæ non est importare formaliter
relationem realem, tum quia neque
de illius conceptu est importare forma-
liter relationem contingentem, quare
conceptus à nobis assignatus erit rigo-
rosè genericus; neque obstat quod con-
ceptus relatiui importet formaliter duo,
nam importat quidem duo, sed vnum
in recto aliud in obliquo, & sicuti ani-
mal, hoc est principium sensationis est
genus, quia licet importet duo, vnum
tamen importat solum in recto nec pos-
sumus ex vi talis cōceptus dicere vtrū
de-

detur vnum, vel plura animalia, ita cō-
ceptus relatiui realis contingenter erit
genericus, quia importat vnū tantum
in recto, nec possumus ex vi huius con-
ceptus dicere Vtrum detur vnum, vel
plura huiusmodi relatiua.

CAPVT SEXTVM.

*De prædicamentis actionis, &
passionis.*

SECTIO PRIMA.

*Quid sint, & quomodo inter se
differant actio, & passio.*

ACTIO definitur ab Aristotele,
Actus in hoc, prout ab hoc; Passio
verò, actus ab hoc, prout in hoc. Dicitur
actio esse *actus*, hoc est forma actuans,
& ultimò determinans id, cuius est
actus ad denominationem agentis, si-
cuti passio est actus, seu forma ultimò
determinans ad denominationē passi.
Dicitur actio esse *actus in hoc*, nimirum
in

in passum, quia actio habet rationem tendentiæ in effectus. Adduntur illæ particulæ *prout ab hoc*, quia actio habet rationem tendentiæ in effectum, quatenus intelligitur exire, seu profluere, ab efficiente, cum è contra passio dicatur *actus ab hoc, prout in hoc*, quia est tendentia ab agente prout terminata ad effectum, vel in ipso effectu recepta, si sit creatiua, vel ad effectum terminata, sed recepta in subiecto ex quo educitur, si sit eductiua, vt infra dicemus.

2. Ex quo patet id quod Aristoteles tum alibi tum 3. phys. tex. 21. docet, actionem scilicet, & passionem esse idem, & differre solum ratione non aliter ac solum ratione differt *via à Thebis ad Athenas, & ab Athenis ad Thebas*. Nonnulli tamen omnem distinctionem etiam per rationem actioni, & passioni negant, sed dicendum est cum Aristotele loc. cit. actionem, & passionem differre ratione, & plus quam inter se differant tunica, & indumentum, quæ neque ratione, sed merè secundum nomen differunt. Pro qua re duplex est distinguenda distinctio formalis, & per rationem, alia, per quam possumus ex vi vnius conceptus reddere rationem de aliquo, de quo non possumus reddere

dere rationem ex vi alterius conceptus, atque hac distinctione formali distinguitur animal à rationali, quia per cōceptum rationalis reddi potest ratio de ordine ad discursum, de quo reddi non potest ratio per conceptum animalis, hac ergo distinctione formali actio, & passio non distinguuntur. Sed alia tamen datur distinctio formalis minus rigorosa, per quam licet non possimus ex vi vnius conceptus reddere rationē de aliquo, de quo non possimus ex vi alterius conceptus. Illud tamen quod in vno conceptu importatur principalius, in alio importatur minus principaliter; atque hac distinctione formali distinguitur actio à passione, idem enim actus prout intelligitur profluens ab efficiente est actio, prout intelligitur terminatus ad passum est passio. Quia ergo tam in tunica, quam in indumento idem, & eodem modo importatur, nulla datur distinctio neque per rationem, quæ tamen datur inter actionem, & passionem, atque hæc distinctio satis est ad hoc vt actio, & passio constituent duo prædicamenta.

3 Effectus sunt, qui sunt indifferentes vt fiant à Deo solum, vel à Deo simul, & causa secunda sunt per actionem,

nem, quæ est modus superadditus entitati ipsius effectus, tam quando hifit à solo Deo, quam quando fit à Deo simul, & causa secunda. Cum enim hic effectus possit pendere, & fieri, vel à solo Deo vel a Deo simul, & causa secunda; hoc quod est pendere hic, & nunc à solo Deo, vel à Deo simul, & causa secunda non potest esse sola entitas effectus, & causæ, quæ in utroque casu sunt eadem, sed debet esse aliquid aliud, quod est modus actionis. Confirmatur primò quodies datur realis, & diuersa denominatio dari debet realis, & diuersa forma, à qua habeatur talis denominatio, sed lucem v.g. pendere à Deo, & à sole est realis, & diuersa denominatio ab hoc, quod est lucem pendere à Deo tantum; ergo aliqua diuersa forma dari debet, quæ forma non potest esse sola entitas Dei, solis, & lucis, quia stantibus his omnibus adhuc potest lux pendere, vel non pendere à sole, ideoque debet esse formalis dependentia, & actio. Confirmatur, id, quod de se, & per suam solam essentiam non est tale, non potest per se solum fieri talis, sed vt fiat tale, fieri debet per aliquid aliud. Sed lux v.g. per suam essentia præcisè non est effectus solis, ergo vt

Q

fit

fit effectus solis poni debet aliquid aliud.

4 Dices primò, lucem dependere à Sole per hoc, quod sit Sol cum omnibus conditionibus requisitis, & per hoc, quod lux connotet in obliquo Solem. Sed contra, quia obliquum, & rectum non est nisi ex nostro modo concipiendi, illud autem, quod hic quærimus est, quid habeat peculiare lux, ratione cuius aliquando exigit concipi cum Sole in obliquo, eo quod ab illo dependeat, aliquando verò non. Præterea, cum positis omnibus conditionibus, & negatione omnium impedimentorum adhuc lux possit pendere tantum à Deo, vel à Deo simul, & Sole. Quid erit lucem pendere etiam à Sole?

5 Dices secundo ad hoc ut lux pendeat à Sole requiri negationem modi miraculosi, si enim existente Sole cum omnibus conditionibus velit Deus lucem non pendere à Sole, sed à se tantum, debet Deus producere lucem per modum miraculosum. Sed contra primò, quia iam tu admittis modos, & actionem miraculosam, in qua solvenda tibi erunt quæcunque contra actionem naturalem poteris obijcere. Secundò non est maior ratio cur productio lucis miraculosa habeatur per actionem

nein superadditam, productio verò naturalis per negationem, tam enim dependentia naturalis, quàm miraculosa est de suo conceptu quid positivum; & si semel admittamus denominationes positivas haberi per negationem modi miraculosi, dico quod videre v. g. parietem, amare Deum &c. nihil fit aliud, quam potentia, & obiectum cum omnibus conditionibus, & negatione modi miraculosi. Tertiò, sicuti quia esse tenebrosum habetur per aliquid negativum, implicat etiam supernaturaliter quod aliquid non fiat tenebrosum per negativum, ita si dependere in ordine naturali habetur per te à forma negativa, neque in ordine supernaturali haberi poterit per formam positivam.

6 Quod si recurras ad decretum Dei volentis lucem pendere à Sole, quod decretum Deus non habeat, quando vult lucem pendere non à Sole, sed ab ipso Deo tantum. Contra est quia in quacunque sententia de decretis divinis assignari debet obiectum diversum, ad quod terminetur Dei decretum, & quod Deus velit. Confirmatur non potest per solum Dei decretum fieri formaliter, quod aer sit lucidus, sed præter Dei decretum, quod est determinativum

tiuū extrinsecum efficiens , poni debet in aëre lux, per quam tanquam per determinatiuum intrinsecū, & formale aër fiat lucidus, ergo præter Dei decretum poni debet formalis depēdētia, & actio, per quam lux dependeat à Sole .

7 Ex his infertur primò , quod non modo quando effectus aliquis est indifferens vt fiat ab hac , vel illa causa principali , sed etiam quando effectus potest fieri per hanc, vel per illam causam instrumentalem, hoc quod est fieri per talem causam instrumentalem importet diuersitatem in actione . Cum enim causa instrumentalis, licet ordinata in bonum alterius , vt dicemus in physica, sit tamen causa per veram virtutem, & verè ab illa effectus dependeat, hoc quod est fieri dependenter à tali causa instrumentali debet esse aliquid peculiare, quod sit formale exercitium talis causæ .

8 Infertur secundò, resolutio alterius quæstionis. Vtrum scilicet ea, quæ petunt essentialiter à solo Deo creari, fiant per actionem superadditam . Respondendum enim est , quod si ita petunt essentialiter à solo Deo creari , vt tamen possit à Deo assumi aliquid creatum, quo tanquam causa instrumentali

tali ipse Deus vtatur ad illorum creationem, tam quando huiusmodi entia sunt à solo Deo, quam quando sunt à Deo simul, & causa instrumentali, fiant per actionem superadditam; licet enim essentialiter exigant dependere à Deo, quia tamen non essentialiter exigunt dependere tali modo, sed vel hoc, vel illo modo, ideo hoc quod est dependere à Deo tali modo, esse debet actio superaddita. Quod si sunt tales effectus, vt à nulla causa secunda, neque instrumentali produci possint, nulla erit necessitas, quantum est ex hoc capite, superaddendi actionem. Dixi quantum est ex hoc capite, quia si tale ens est creabile, vel dependenter ab his, vel dependenter ab alijs determinatiuis, quæ posita talium rerum combinatione potuerint non fuisse determinatiua, deberet haberi talis diuersitas ratione alicuius actionis, vt colligetur ex dicendis sectione sequenti.

9 Infertur tertio, in quo consistat essentia modi: qualis est actio; est enim modus entitas per se ipsam ultimo determinans ad aliquam denominationem, & suo subiecto intrinsece, & essentialiter alligata. Dixi modum esse entitatem, non rem, entitas enim aliquando

accipitur latius, quam res; hinc distinctio realis dicitur, quæ intercedit inter rem, & rem, modalis verò, quæ inter rem, & modum, seu inter entitatē modalem, & entitatem realem: Præterea modus est ultimò determinans ad aliquam denominationem, non enim, intenduntur modi à natura, nisi ad tollendam indifferentiam rerum, quæ per suam entitatem præcisè sunt indifferentes ut pendeant, vel non pendeant ab hac causa, ut sint, vel non sint in hoc loco &c. Addidi modos ultimò determinare ad aliquam denominationem, quia posito modo est impossibile, quod non resultet cōpleta denominatio obiectiva. Demum per illas ultimas particulas *suo subiecto intrinsecè & essentialiter alligata* explicatur peculiare prædicatum modorum, implicat enim, quod modus nō sit in subiecto, cuius est modus, vel inhæsiuè, vel adhesiuè; ex quo patet, quoad hoc, imperfectiores esse modos, quā quodlibet accidens reale, quia accidens reale potest diuinitus existere, etiā si nō recipiatur in vllō subiecto, quod modi habere non possunt. Neq; propterea denegatur quidquam Diuinæ Omnipotentia, cum enim sine modis essentialiter alligatis haberi non possit hoc, quod est

est effectum dependere ab hac causa, esse in hoc loco &c. posito quod Deus hæc velit, debet necessario velle ea, quæ sunt ad tales denominationes essentialiter requisita.

SECTIO SECVNDA.

De subiecto, prioritate, & attributione actionis ad fines, & conditiones.

I **A**ctio & Passio ex Arist. tum alibi tum præcipuè secundo de anima tex. 139. & 140. est in passo, quod verificatur tam de actionibus transeuntibus, quam de immanentibus, in quibus agens, & passum sunt realiter idem. & quidem cum agens sit ad faciendam perfectionem, passum vero ad recipiendam, non in agente, sed in passo recipi debet actio. Præterea actio est mutatio, & dependentia effectus à causa, ergo esse debet in causa. Denique cum in Deo verissimo agente habeatur tota ratio, & essentia agentis absque actione, in illo recepta, non est cur non idem de alijs agentibus dicamus.

2 Porro aliquando passum est terminus, qui per actionem fit, aliquando non. Tunc passum est terminus, qui per actionem fit, quando terminus non fit dependenter ab ullo subiecto; in quo casu actio ut pote non eductiua, sed creatiua recipitur, & est in tali termino, non inhæfluè, sed adhæfluè; ita scilicet ut termino uniatur, non tamen de eius potentia educatur, nec sit illo posterior. Quando verò terminus educitur de potentia materiæ, vel alicuius alterius subiecti, tunc passum est subiectum illud, ex quo educitur, in quo propterea tanquam insubiecto inhæfionis talis actio eductiua recipietur. Quavis autem modus ille, qui realiter est actio, & passio recipiatur solum in passio, non tamen tribuit passio denominationem agentis, quia aliquæ formæ licet in se simplices, dant tamen diuersas denominationes diuersis subiectis, seu terminis, prout illos diuersimodè afficiunt. Sic eadem cognitio tribuit obiecto, quod afficit extrinsecè, denominationem cogniti, at intellectui, quem afficit intrinsecè, tribuit denominationem cognoscentis. Similiter ergo idem modus actionis, & passionis tribuit denominationem agentis illi, à quo profuit, & quod

quod afficit extrinsecè, tribuit verò denominationē passi illi, quod afficit intrinsecè

3 Actio non est prior natura, sed in signo concomitanti cum effectu, quia prius natura, vt dicemus in physica, est determinatiuum alterius ad existendū, actio verò non est determinatiuum, sed est ipsa formalis determinatio, & dependentia effectus similiter actio non est id, ex cuius præuisione auctor naturæ mouetur ad ponendum effectum, cum ex præuisione causæ habentis omnia, requisita ad causandum, moueatur ad ponendum effectum taliter, seu cum tali modo actionis, ideòque actio, & terminus sunt in signo cōcomitanti decreta, & posita. Sicut ergo non prius est poni taliter, seu tali modo rem, quam poni ipsam rem, ita non prius est poni actionem, quam entitatem effectus, sed entitas, & eius modus ponentur simul. Et quidem cum in recepta sententia aliqui effectus, cuiusmodi sunt actus vitales, non fiant per actionem superadditam, in his non modo effectio non est prior, sed est idem realiter cum entitate effectus, ergo si de ratione actionis esset importare prioritatem naturæ respectu effectus, nunquam possent prædicata actionis identificari cum entitate

rei per talem actionem productæ, sicuti quia de ratione causæ est importare prioritatem naturæ respectu effectus, nunquam causa identificari potest cum effectu. Quando ergo dicitur actio esse via, & tendentia ad terminum, per has locutiones non est intelligendum, quod actio importet prioritatem respectu termini, nam sicuti non potest actio in omnibus convenire cum via, ut per se patet, ita satis est, quod cum illa conveniat in hoc solum, quod sicuti via est id, quo acquiritur terminus, ita actio sit id, quo ponitur effectus. Cæterum via est prior natura acquisitione termini, quia habet rationem determinatiui, ex eo quod acquisitio viæ determinet ad acquisitionem termini, cum ideò detur hæc ubicatio in termino, quia præcessit hæc ubicatio fluens; hoc autem non convenit actioni, quæ non est determinatiuum, sed est ipsa formalis determinatio, qua effectus ponitur à suis determinatiuis.

4 Porro sicuti entitas effectus est indifferens ut fiat ab hac, vel ab illa causa, ita est indifferens, ut ponatur ab agente intellectuali, vel propter hunc, vel propter illum finem, & vel intuitu harum conditionum, vel non. Merito ergo

ergo dubitatur, per quid habeat entitas effectus dependere ab hoc, vel illo fine, ab his, vel illis conditionibus. Pro responsione autem distinguendum est inter agens intellectuale increatum, & agens intellectuale creatum, cum enim agens intellectuale creatum sit capax actus liberi, per quem intrinsecè mutetur, hoc quod est poni v. g. ambulationem, nunc propter recreationem, nunc propter sanitatem, habetur solum ratione diuersi actus liberi. Eadem enim actio, quæ de facto ponitur dependenter à volitione intendente ambulationem propter sanitatem, poni potuit dependenter à volitione intendente ambulationem propter recreationem. Tota itaque difficultas est respectu agentis liberi increati. Licet enim in sententia ponente decreta Dei adæquatè ipsi Deo intrinseca, hoc quod est poni creaturam propter hunc finem, propter quem potuisset non poni, non necessaria sit aliquid extra Deum; in sententia tamen complente decreta Dei per extrinsecum, assignandum videtur aliquid in obiecto diuersum, quod sit complementum diuersi decreti Diuini, per quod intendat hanc entitatem propter hunc finem, cum potuerit illam eandem

intendere propter alium finem. Hac de causa nonnulli, qui complent decreta Dei per extrinsecum, dicunt, hoc quod est poni hanc entitatem propter hunc finem, esse peculiare prædicatum in actione productiua, vel conseruatiua talis entitatis; ideòque aiunt, quod sicuti quia hæc entitas est volita propter hunc finem, ponitur per hanc actionem, ita si fuisset volita propter alium finem, debuisset poni per actionem diuersam explicatiuam diuersi finis, & completiuam diuersi decreti Diuini. Similiter quia dum ignis est applicatus ligno posset Deus habere diuersa decreta, vel scilicet velle, quod ab igne comburatur lignum, quia est approximatus ligno, ita vt si non esset applicatus, non esset voliturus combustionem ligni; vel è contra velle, quod ab igne applicato comburatur lignum, ita vt etiam si non esset applicatus adhuc esset voliturus combustionem ligni ab igne. Ideo hoc quod est poni combustionem, vel intuitu approximationis, vel non intuitu approximationis, dicunt haberi per talem peculiarem actionem diuersam diuersi decreti diuini explicatiuam.

5. Verum si actio essentialiter alligetur

getur omnibus finibus, & conditionibus sequuntur aliqua valde difficilia in Theologia. ideo vt omnis difficultas euitetur, & pro rei veritate, quid dicendum sit proponamus. Duplex genus finium, ac determinatiuorum distinguimus, alia enim sunt determinatiua talis generis, vt posita hac rerum combinatione non potuerint non esse determinatiua, alia verò sunt talia vt posita hac rerum combinatione potuerint, vel esse, vel non esse determinatiua. Quare asserimus: ex suppositione, quod decreta Dei compleantur per extrinsecū, actionem congruentius alligari omnibus, & solis ijs determinatiuis, quæ posita earundem rerum combinatione, potuerint nō esse determinatiua; quod exemplis explicabitur simul, & probabitur. Si quis cret pro pluuia; & pluuia ponatur: positis precibus pro pluuia, & posita existentia ipsius pluuie adhuc preces potuerint esse, vel non esse determinatum ad pluuiam, quia stante combinatione precum, & pluuie, potuit Deus moueri, vel non moueri à precibus ad dandam pluuiam, si ergo det pluuiam propter preces, *ly propter* debet esse aliquid in obiecto præter solam pluuiam, & preces, hoc autem

autem diuersum congruenter dicitur
 esse peculiaris actio productiua pluuiæ,
 quæ ratione peculiaris prædicari, quod
 habeat, sit explicatiua, & completiua
 talis decreti Diuini, quo voluerit plu-
 uiam propter preces. E contra ex sup-
 positione quod v.g. à terra producan-
 tur hi fructus, necessario debuit terra
 fuisse à Deo volita propter hos fructus.
 Cum enim Deus non possit non inten-
 dere omne bonum, quod fit; posito
 quod à terra sequatur bonum horum
 fructuum per physicum influxum ter-
 ræ in hos fructus, debuit à Deo fuisse
 intenta terra propter hos fructus; quā-
 do ergo fuit conseruata terra ad hoc,
 vt ex illa nascerentur hi fructus, non
 fuit necesse, quod terra conseruaretur
 per actionem alligatam his fructibus
 secuturis, quia ex suppositione, quod à
 terra conseruata profluat actio produ-
 ctiua fructuum non remanet vlla in-
 differentia, sed necessario debuit fuisse
 intenta conseruatio terræ propter hos
 fructus tanquam propter finem.

6 Hinc si Deus det Petro v.g. co-
 gitationem aliquam, ad hoc vt depen-
 denter à tali cogitatione Petrus libere
 eliciat talem volitionem, actio produ-
 ctiua cogitationis non potest esse essen-
 tiali

trahitur alligata volitioni sequuturæ, hæc enim ex suppositione talis cogitationis non sequeretur liberè, sed ab illa necessariò traheretur. Sed neque dicendum est quod decretum Dei de danda cogitatione propter volitionem compleatur per muscam in Apulia, vt aliqui dixerunt, quia hoc est ridiculum, nec dicendum, si possumus alio modo explicare, quod ex vna parte actio sit alligata finibus quando ad tollendam indifferentiam hoc est necessarium, & quod ex alia parte nullum sequatur detrimentum libertatis possumus autè hæc concordare ex principijs posituris. Ideoque quando Deus dat hanc cogitationem, vt sequatur hæc libera volitio, nulla est necessitas, quod actio productiua talis cogitationis, vel ipsa cogitatio, si non sit per actionem distinctam sit alligata volitioni sequuturæ, quæ deinde ex tali cogitatione defacto sequitur; quia ex suppositione quod dependenter ab hac cogitatione sequatur hæc volitio non per moralem, sed per physicam dependenciam à tali cogitatione, non potuit non fuisse à Deo intenta talis cogitatio propter hanc volitionem, ideòque cum stante combinatione talis cogitationis, & volitionis quæ sequitur

tur dependenter à tali cogitatione, non potuerit volitio non esse finis, & determinatium, propter quod daretur hæc cogitatio, nihil est addendum explicatiuum talis finis, sicuti è cōtra quia stante combinatione pluuiæ, & precum, quæ non sunt nisi causa moralis pluuiæ, potuerunt preces esse, vel non esse determinatium ad pluuiam, ideo si de facto determinant, & mouent ad pluuiam, poni debet actiō productiua pluuiæ habens peculiare prædicatum, per quod explicetur hoc, quod est pluuiam fuisset positam propter preces iuxta hæc autē principia in alijs philosophandum erit.

CAPVT SEPTIMUM.

De prædicamento quando.

PRædicamentum *quando* est prædicamentum durationis; seu temporis, in quo res est. Duplex autem est tempus aliud Intrinsecum, aliud extrinsecum. Tempus extrinsecum, quod simpliciter dicitur tempus, est mensura aliqua extrinseca, à qua metimur quantitatem temporis, & durationis intrinsecæ cuiuscunque alterius rei. Hinc tempus extrinsecum debet esse mensura notissima,

tissima, communis omnibus inuariabilis, & minima, seu diuisibilis in minimas pariculas, vt sit ad mensurandum aptior, Hinc motus solaris est tempus extrinsecum, quia per illum, tanquam per mensuram habentem omnes allatas condiciones metimur, & distinguimus dies, & annos, & intrinsecam rei cuiusque durationem.

2 Vtrique tempori convenire potest definitio, seu descriptio temporis allata ab Arist. 4. physic. tex. 101. nimirum. Tempus est *numerus motus secundum prius & posterius* Dicitur *numerus* non numerans, qualis est actus intellectus colligentis plura in vnum, sed numerus numerabilis; dicitur *numerus motus secundum prius, & posterius hoc est* habentis prius, & posterius, seu habentis aliquas sui partes priores, aliquas posteriores; sed quumuis tempus extrinsecum idem realiter sit ac motus v. g. solis; motus tamen est tempus, quatenus habet numerum partium priorum, & posteriorum potentium mensurare quantitatem aliarum durationum. Porro dum explicatur tempus per prius, & posteriora, ne videatur explicari idem per idem, dicendum erit, quod ratio successionis, seu ratio prioris, & posterioris
sup.

supponatur per se satis nota, nec ulterius explicabilis.

3 Dixi allatam definitionem, seu descriptionem temporis conuenire etiã temporis intrinseco, intrinsecæ videlicet durationi, per quam res permanet in esse. Nam etiam illi, vt constabit ex dicendis, conuenit habere partes priores, & posteriores, per quas res durans co-existat, & correspondeat nunc his, nunc illis partibus motus solaris: sed sicuti, si nullus esset locus extrinsecus realis, adhuc per extrinsecam suam vicationem res non esset nullibi, sed esset in loco intrinseco per talem vicationem correspondentem tali loco imaginario, & extrinseco, ita si cessaret omne tempus extrinsecum reale, adhuc per intrinsecam suam durationem res creata esset in tempore intrinseco, per quod corresponderet tali temporis extrinseco imaginario.

4 Hinc in rebus temporis extrinseco non essentialiter alligatis duratio intrinseca est, modus superadditus, quod probatur eodem argumento. quo probauimus actionem modaliter distinctã; eodem enim pacto superaddi debet modis durationis, per quam eadem res indifferens ad existendum, vel non existendum.

stendū in tali tēpore extrinseco; determinetur ad existendū in tali tempore nulla tamen est ratio cur duratio non identificetur realiter cum actione productiua vel conseruatiua rei, adeo vt idem modus habeat prædicata tum actionis, tum durationis. Et quidem, cum neque duratio, neque actio sit natura posterior re durante & producta, melius est sine entium multiplicatione hos modos identificare. Adde sic melius explicari posse, quomodo non solum prima positio, sed etiam perseuerantia, & duratio in actu libero sit formaliter libera, si enim perseuerantia, & duratio in actu amoris ex. g. per horam non esset actuale, & continuū exercitium ipsius amoris, non esset in se meritoria, sed solum esset meritoria prima positio talis actus, ad quam sine nouo libertatis exercitio subsequeretur tanta duratio, cum ergo dicendum sit perseuerantiam, & durationem in amore Dei esse formaliter liberam, & meritoriam, dicendum etiam est, quod ipsum formale exercitiū, & formalis actio sit etiam duratio.

5 Dices quia subiectum est prius natura ad quamlibet sui vicationem, nulla vicatio identificatur cum actione productiua, vel conseruatiua subiecti, sed

sed etiam respectu suæ durationis subiectum est prius natura, ergo non potest duratio subiecti identificari cum actione productiva illius. Respondeo subiectum esse prius natura respectu suæ vocationis, quia constat quod respectu alicuius vocationis sit prius natura, cum enim vivens sit causa sui motus localis vitalis, erit causa, & prior natura respectu suæ vocationis fluentis; hinc ergo habemus fundamentum dicendi, quod, quælibet vocatio sit natura prior, è contra cum nulla sit ratio, cur duratio dicenda sit natura posterior re durante, congruentius identificatur cum actione.

6 Hinc non omnia, quæ sunt in composito durant per unicam durationem, sed quæcunque per diversam actionem sunt, diversa etiam duratione durant. Quare sicuti materia utpote prior natura quam forma diversa actione producitur, ita etiam diversa actione durat. E contra sicut in compositis merè materialibus forma, & unio eadem actione producuntur, ut dicemus in Physica, ita eadem duratione durabunt. In composito tam ex humano diversa erit duratio anime rationalis, & unionis, sicuti diversa est eorum

rum actio . Accidentia demum , quæ sunt in composito , cum sint posteriora non solum materia , sed etiam forma , ut potè illius proprietates , sicut actionibus , & durationibus diuersis ab actione , & duratione formæ . Quod si aliqua ex accidentibus debitis compositio exigunt simul natura produci , posito quod ex aliquo alio capite non repugnet eadem actione produci , neque repugnabit eadem duratione durare .

7 Duratio præscribens à superaddita, & non superaddita, alia est increata alia creata. Increata est ipsa Dei entitas, quæ essentialiter habet coexistere cuicūq; tēpori tam imaginario , quam reali, quod ponatur existens . Definitur autem *interminabilis vita tota simul, & perfecta possessio*. Dicitur *interminabilis*, tum quia nullum habet terminum extrinsecum , tum quia nihil dari potest maius illa ; Dicitur *possessio vite* quia duratio increata est propria solius Dei semper in actu secundo viuentis, Dicitur *tota simul* quia in æternitate Dei non dantur partes præteritæ, vel futuræ, sed tota simul est. semper præsens, quia quid quid habet semper habet, ideoque perfectè, & totum simul habet.

, Du-

8 Duratio creata subdividitur in æuum, & tempus: vtrumque definitur *permanentia rei in esse aliquando accepto*. Differt æuum à tempore, quod æuum est *permanentia internunata rei in esse*, quod aliquando accepit; tempus verò est *permanentia terminata*, ideoque æuum appellatur duratio rerum factarum in tempore, sed incorruptibilium, tempus verò duratio aliarum rerum corruptibilium. Reliqua de tempore expedita sunt in prædicamento quantitatis.

CAPVT SEPTIMVM.

De prædicamento Vbi

SECTIO PRIMA.

Quid, & quotuplex sit locus.

1 **D**ari locū certius est, quam possit vlla demonstratione probari, alius est extrinsecus alius intrinsecus. Extrinsecus est *superficies prima corporis cōtinētis immobilis*; est enim corpus illud, quod cōtinēt, seu ambit rem locatam, cōside-
ra-

ratum tamen secundam primam superficiem, quæ immediate coheret rei locatæ, illamque primò, & immediate ambit. Comparatur vasi; sed ab eo differt per particulam illam *immobilis*, vas enim, vt vas non est formaliter locus extrinsecus, nisi illi accedat immobilitas, seu nisi concipiatur vt immobile. Porro immobilitas, quæ ad locum extrinsecum requiritur non est immobilitas formalis, sed æquiualeus, ideòque licet stante immota turri v.g. superficies aëris, stante vento moueatur, quia tamen succedit alia aëris superficies habens eandem distantiam à punctis fixis, seu conceptis vt fixis, ideo Turris, dicitur retinere eandem superficiem quoad æquiualentiam; eundemque propterea locum extrinsecum; è contra si, dum moueor, simul necum transferretur hæc aëris superficies, quæ me ambit, diceret mutare locum etiam extrinsecum, mutarem enim aëris superficiem quoad æquiualentiam quia hæc non retineret eandem distantiam à punctis fixis.

2 Plura existunt, nec tamen sunt in loco extrinseco, nam præter spiritualia, quæ à corporibus non ambiuntur, sed cum illis penetrantur, supremum cælum

luni nulla superficie corporis continentis clauditur, imò si quis conseruaretur in vacuo, non esset in loco extrinseco, quia tamen non esset nullibi; hinc præter locum extrinsecum superaddendus est locus intrinsecus, qui dicitur *ubi*, & est modus rei locatæ superadditus; nam constitutus in vacuo moueri possem saltem à Deo, ergo possem mutare locum, & distantiam à punctis fixis, ergo diuersus locus, qui à me per motum acquireretur, esset quid distinctum à mea entitate, & à loco extrinseco, qui in tali casu nullus esset. Sed præsciindendo à casu miraculoso potest esse mea entitas, & hic locus extrinsecus, absque eo quod mea entitas sit in hoc loco extrinseco, ergo ad tollendam hanc indifferentiam debet poni modus.

3 Dices primò, hoc, quod est *me*, esse hic, haberi per talem respectum ad partes vniuersi, vel ad spatium imaginarium. Sed contra est primò, quia si totus orbis circa suum centrum volueretur, seruarem eundem situm, & ordinis respectum ad partes vniuersi, & tamen, quia mouerer, mutarem locum. Secundò, destructis alijs omnibus, si vnum tantum ens remaneret, hoc esset

in

in loco, nec tamen esset in loco per respectum ad partes vniuersi. Tertiò spatium imaginarium nihil est, ergo non potest terminare respectum prædicamentalem, qualis esse deberet in casu nostro. Sed etiam si spatium imaginarium esset aliquid, adhuc quia respectu illius possem vel hoc, vel illo modo me habere, deberet superaddi modus vbicationis, per quem tali modo me haberem respectu illius. Quartò præsentia ad tale spatium, vel est aliquid præter entitatem, quæ est præsens, & spatium: vel nihil; si aliquid, habetur intentum, si nihil, ergo quoties erit hæc entitas, & hoc spatium, hæc entitas erit præsens huic spatio, quod est falsum.

4 Dices secundò præsentiam rei ad spatium haberi per indistatiam, vel negationem corporis intercepti. Sed contra est, quia negatio distantie cuius rei est negatio? non alicuius negatiui, ergo alicuius positiui, non entitatis, & spatij, ergo vbicationis, quam in loco distantia hæc res haberet; similiter quando dicitur haberi per negationem corporis intercepti, hæc negatio non est negatio existentie corporis, ergo erit negatio interceptionis, quam corpus posset habere. Quid autem est interceptio nisi vbicationis,

tio, quam corpus haberet, si esset inter hanc rem, & spatium? Adde quod inter me, & aërem v.g. posset nullum corpus esse interceptum, & tamen possem simul cum aëre transferri aliò, ideoque mutare locum, quid autem hoc esset?

5 Dices tertio me esse hic per hoc præcisè, quod præcesserit motus antecedens, & non fuerit secutus ulterior motus, ideòque saltem ubi permanens posse negari. Sed contra est primo quia si admittis ubi fluens, poteris etiam admittere permanens. Secundo vel ex motu præcedente aliquid remansit, vel nihil, si aliquid, hoc erit ubi permanens, si nihil ita se res habebit post motum, ac ante motum; sed ante motum non erat hic, ergo neque post motum erit hic, quod est falsum. Tertio posito motu antecedente, & negatione ulterioris motus potest res vel conseruari hic, vel poni alibi absque ullo motu locali. Quid ergo erit sine omni motu nunc conseruari hic, nunc conseruari alibi, vel per replicationem conseruari hic, & alibi? Quod si dicas ad hoc ut res sit hic, requiri prætereà negationem miraculi. Contra est quia hæc negatio cuius rei est negatio? profectò nō nisi vocationis miraculosa, quam

quã Deus deberet dare mobili, si posito motu antecedenti nolet, quod esset hic sed alibi. Si ergo in casu miraculoso, id per quod formaliter res poneretur alibi esset vbicatio, id, per quod præscindendo à miraculo res formaliter ponitur hic, non erit motus antecedens, & negatio vltioris motus; sed ista erunt determinatiuum conditionale, ipsa verò vbicatio erit determinatiuum formale.

6 Dices quartò Aristotelis nullum alium locum agnuit nisi extrinsecum, & 8. *Physic. tex. 19.* docet à motu locali inter omnes motus minimè mutari subiectum. Respondeo Arist. ità admisisse locum extrinsecum, vt intrinsecum non negauerit; benè autem docuit à motu locali inter omnes motus minimè mutari subiectum, quia alij motus v. g. generationis, vel alterationis immutant subiectum Physicè, motus verò localis mutat subiectum dando illi nouam vbicationem, quæ est quid metaphysicum, ideòque est mutatio minor qualibet mutatione physica.

7 Vbicatio non potest identificari cum actione productiua, vel conseruatiua rei vbicatæ; vbicatio enim est na-

tura posterior re vbicata, cuiusmodi non est actio, si enim vbicatio non esset posterior re vbicata, dum ambulo, non essem causa meæ vbicatonis fluentis, sicuti non sum causa meæ actionis, vel productiuae, vel conseruatiuae: Neque dicas me esse causam solius impetus ad cuius exigentiam ponatur deinde talis peculiaris actio, alligata tali spatio, nã sine vlllo fundamento negas me esse causam meæ ambulationis contra omnem sensum, & auctoritatem; & gratis asseris naturam tanta modorum parfymonia laborare.

8 Dices quæ sunt inseparabilia sunt indistincta, sed rem creatam existere, & existere in aliquo loco sunt inseparabilia, ergo sunt indistincta, ergo per eandem actionem, per quam res creata existit dependenter à suis causis, existet etiam in aliquo loco. Sed contra est primò, quia si hoc argumentum aliquid probaret, tolleretur ipsum etiam modum actionis superadditum, nam cum rem creatam existere, & existere dependenter ab aliqua causa, sint inseparabilia, idem erit rem creatam habere suam entitatem, ac habere dependentiam. Sed verè hoc argumentum nihil probat, nam licet rem creatam
exi-

existere, & existere dependenter ab aliqua causa sint inseparabilia, tamē quia rem creatā existere, & existere dependenter ab hac determinata causa sūt separabilia; ideò hoc, quod est existere dependenter ab hac determinata causa haberi debet per actionē superadditā. Eodē igitur pacto, quia hoc quod est rē creatā existere & existere in hoc determinato loco sūt separabilia, ideò hoc quod est rē creatā existere in hoc determinato loco haberi debet per aliquod superadditum.

9 Vbicatio vt ex dictis infertur, alia est fluens, alia permanens, sicut enim res potest esse in loco vel permanēter, vel fluenter, ita habere potest vbicationem vel permanentem, vel fluentem. Vbicatio tamen permanens est adæquata rei vbicatæ, vbicatio verò fluens est maior, de ratione enim motus vbicationis fluentis est importare, partes priores, & posteriores; partes autē priores, & posteriores vbicationis simul acceptæ sunt maiores re vbicata.

10 Probabile est, quod neque Vbi-fluens, neque vbi permanens fiat per actionem suppradditam, primò enim cum Vbi fluens sit motus, sicuti motus non fit per alium motum, ità vbi fluēs non fit per alium motum, ideoque non

fiet per actionem distinctam, hæc enim habet rationem motus, eo quod per actionem formaliter res mutetur. Præterea idem sonat moueri localiter ab intrinseco, ac a ere; ergo quamuis calor fiat per actionem distinctam, quia de conceptu caloris non est agere, sed aliud est calor, aliud producere calorem; cū tamen idem sit moueri localiter ab intrinseco, ac agere; motus localis ab intrinseco non fiet per actionem superadditam; à paritate autem vibrationis fluentis ab intrinseco, idem suaderetur de alia qualibet vibratione tam fluente, quàm permanente.

II Dices si vibratio permanens non fieret per actionem distinctam, neque duraret per durationem distinctam; hoc autem dici non potest, nam vibratio permanens esset permanens, prout vibratio, & esset fluens, prout duratio. Respondeo nullum esse incōueniens, quod eadem vibratio habeat successiue nouas, & nouas partes, per quas nouis, & nouis partibus temporis alligetur, & simul hæc omnes partes sint permanentes, prout partes vibrationis sunt, quatenus scilicet omnes correspondent eidem spatio, quod non habet vibratio fluens, quæ cum sit fluens, non modo
ratio.

ratione temporis, sed etiam ratione spatij, habet successiue applicare rem vbicatam nouis semper, & nouis partibus tum temporis, tum spatij.

12 Hinc tam vbicatio permanens, quam fluens constat minimis, sicut minimis constat eius duratio, cum qua identificatur; Quare sicuti diximus agentes de compositione temporis, quod ad exigentiam primi minimi durationis datur secundum, ad exigentiam secundi datur tertium, & sic deinceps: ita ex suppositione, quod res præextiterit permanenter in hoc loco, & habuerit primum minimum vbicationis permanentis, si in tempore sequenti careat omni impetu ad exigentiam prioris vbicationis præhabitæ, & negationis omnis impetus subsequenter datur illi secundum minimum vbicationis permanentis, ad exigentiam secundi datur tertium, & sic deinceps, donec incipiat acquirere impetum; quando enim incipit acquirere impetum vel ab intrinseco, vel ab extrinseco, statim etiam incipit habere tale primum minimum vbicationis fluentis; quod ideo correspondet tali spatio, quia antecedenter habuit talem aliam vbicationem correspondente in tali alteri spatio. Quod si impetus per-

seueret ; post. primum minimum vibrationis fluentis acquirit secundum, post secundum acquirit tertium, & sic de inceptis, quandiu durat impetus, cum hic, ex dicendis in Physica, sit causa immediata motus, & vibrationis fluentis.

13 Porro sicuti agentes de quantitate successiua diximus taxatam fuisse tantam durationis extensionem, quæ sit vnum minimum, ita in præsentis dicendum est taxatam fuisse tantam vibrationis fluentis extensionem quoad spatium, quæ sit vnum minimum naturale vibrationis fluentis ideòque vnicum minimum mobilis, si habeat impetum, acquireret initio vnum minimum vibrationis fluentis tantæ extensionis quoad spatium, v. g. minimum extensionis tantæ, quanta est extensio vnius acuminis acus, deinde verò ad exigentiã istius primi minimi, & impetus perseuerantis acquireret secundum, deinde tertium &c. Verum quia mobile habere potest maiorem, & maiorem, vel minorem & minorem impetum in infinitum, quia potest habere velociorem, vel tardiorum motum in infinitum, vt probauimus in prædicamento quantitatis agentes de diuisibilitate in infinitum continui, ideo minima vibrationis fluentis æqualia quoad extensionem, & corre-

correspondentiam ad spatiū, possunt esse inæqualia quoad durationē, & correspondentiā ad tempus, ac præterea vñū minimum vicationis ratione durationis secum identificatæ potest esse breuius, & breuius longius, & longius in infinitū, non quod idem minimum, quod de facto est breuius, potuerit esse longius, sed quod si mobile habuisset minorem impetum, loco huius minimi breuioris fuisset positum aliud habens durationē longiorem, sed parem extensionem, & correspondentiam ad spatium.

14 De huiusmodi autem minimis eadem dicenda sunt, quæ in prædicamento quantitatis diximus de minimis quantitatis successiuæ, quod nimirum vñū minimum sit actu distinctum ab alio, partes verò vñius minimi licet successiuæ, non sint distinctæ nisi in potentia, nam hoc quod est secundum minimum vicationis fluentis poni ad exigentiam primi, debet esse peculiare prædicatum identificatum in ipso secundo minimo, quod peculiare prædicatum non est in primo minimo, nam cum potuerit poni primum, & secundum minimum vicationis fluentis, & tamen secundum minimum non poni ad exigentiam, & intuitu primi, si nimirum

Deus voluisset ponere secundum minimum, quantumvis non præextitisset primum, hoc quod est poni de facto secundum minimum ad exigentiam primi, tertium ad exigentiam secundi &c. debet esse peculiare aliquod prædicatum in quolibet minimo, ratione cuius prædicati, sicuti quodlibet minimum dat fundamentum peculiare dicendi *Hoc*, ita est actu distinctum ab alio quolibet minimo, ut constat ex dictis in prædicamento quantitatis. Quodlibet verò minimum non habet partes nisi in potentia, quia ratio successiui, & quodlibet aliud prædicatum in partibus minimi reperibile, est quid commune cuiusque parti minori, & minori in infinitum designabili, ideoque non præbens peculiare fundamentum dicendi *Hoc*, nec faciens nisi distinctionem in potentia.

15 Idem dicendum de minimis vibrationis permanentis, cum, enim ad exigentiam primi minimi detur secundum, ad exigentiam secundi detur tertium &c. vnum minimum vibrationis permanentis habebit hoc peculiare prædicatum, quod est fuisse positum ad connaturalem exigentiam talis alterius vibrationis permanentis immediate ante præ-

R s

habita,

Habitæ quod nulli alteri minimo conuenit ; partes verò vnius minimi nullum habentes peculiare prædicatum, non erunt distinctæ nisi in potentia .

SECTIO SECVNDA.

Aliæ de ubi quæstiones .

I N I H I L potest existere , & existere nullibi . Primò, quia non est perceptibile, quod aliquid producat, & non in aliqua parte spatij, vel realis, vel imaginarij. Secùdò, quidquid existit, vel est à se, vel est ab alio. Si à se, erit Deus, & erit vbique; si ab alio, erit vel præsens, vel remotum ab eo, à quo est. Similiter creetur homo nullibi, si potest, nonne anima erit præsens corpori, & os iuxta nasum? Sed hæc sine existentia in loco nec haberi, nec intelligi possunt. Tertiò nihil potest existere nisi in aliquo tempore, ergo nec nisi in aliquo loco. Antecedens probatur tū quia est imperceptibile, quod aliquid existat, & illi non competat, vel fuisse, vel esse, vel fore, tum quia Angelus v.g. in nullo tempore existens posset amare simul

simul, & odisse idem obiectum, eidemque assentiri, & dissentiri, hæc enim non repugnant nisi pro eodem tempore.

2 Dices res est causa saltem materialis suæ vbicationis, ergo poterit existere sine illa. Respondeo negandò consequentiam, nam licet vbicatio non sit constitutum rei vbicatæ, sicuti neque illius constitutum est actio, & duratio, tamen sicuti non potest existere sine aliqua actione, & duratione; ita neque sine aliqua vbicatione; ratio autem vniuersalis pro his omnibus est, quia si res existit, aliquo modo ex infinitis possibilitibus debet existere, ideòq; aliquo modo actionis, aliquo modo vbicationis &c. Porro etiam voluntas est causa sui actus liberi, & tamen positis omnibus requisitis non potest existere sine aliquo exercitio libero, ergo similiter licet res sit causa suæ vbicationis, tamen quia per hoc, quod existat, habet omnia requisita ad habendam aliquam vbicationem necessario aliquam vbicationem habere debet.

3 Hinc ipse etiam locus extrinsecus, cum sit aliquid, existere debet in loco intrinseco per aliquam vbicationem. Pariter non modo res materiales,

les, sed etiam res spirituales creatæ alicui loco non essentialiter alligatæ, sunt in loco per vocationem distinctam, neque possunt esse in loco merè per hoc, quod in tali loco operentur. Primò, quia si Angelus operans hic, simul cum toto mundo transferretur aliò, necessario mutaret locum, nec tamen necessario mutaret operationem. Quod si dicas debere etiam in hoc casu mutare operationem, eò quod hæc operatio sit alligata huic loco. Contra est quia dum tollis vocationem, cuicumque operationi tribuis prædicata vocationis dum cuicumque operationi tribuis essentialem alligationem ad locum. Secundò prius est rem esse in loco, & deinde in tali loco operari, ergo non potest quidquam constitui in loco per operationem. Tertiò, Angelus impediri posset à Deo, ne quidquam operaretur cum tamen ex suppositione, quod Angelus existat, habere necessario debeat aliquam vocationem. Quare in tantum dici potest, Angelum esse in loco per operationem, in quantum locus, in quo Angelus est, innotescit nobis per operationes, quas exercet.

- 4 Diuersa tamen est vcatio rerum spiri-

spiritualium ab vbicatione rerum materialium. Vbicatione enim rerum spiritualium est definitiua, per quam scilicet sunt totæ in toto spatio, & totæ in quolibet parte spatij. Materialia vero connaturaliter vbicantur vbicatione circumscriptiua, ita vt totum corpus toti spatio, & pars corporis parti spatij correspondeat. Dixi connaturaliter, quia miraculose possunt materialia habere vbicationem definitiuam, vt constat in corpore Christi Domini definitiue existente in Eucharistia.

¶ Vbicatione circumscriptiua constat totidem minimis, quot habet minima corpus per talem vbicationem vbicatum, imò per minima corporis vbicati designantur in ipsa vbicatione totidem minima, cum enim hæc particula vbicationis habeat essentialiter afficere hanc particulam, seu minimum corporis, alia aliam; hæc particula vbicationis habebit peculiare prædicatum, quod dat peculiare fundamentum dicendi *Hoc*, ideòque minima erunt actu distincta inter se; ipse verò partes in minimo vbicationis, cum nullum habeant peculiare prædicatum, ratione cuius dici possit hæc, & illa pars, nulla pars minima

nimi erit actu sed solum in potentia, distincta ab alia.

6 Quamuis vbicatio definitiua sit vbicatio spiritualis, cum ratione tamen spiritualitatis æquè benè stare potest, quod sit diuisibilis, ac quod sit indiuisibilis, accidenti enim spirituali non repugnat diuisibilitas; nam habitus spirituales sunt diuisibiles quoad intensiōnem, & duratio spiritualis est etiam diuisibilis quo ad extensionem. Quare quantum est ex ratione spiritualitatis, neque probari potest, quod vbicatio definitiua sit indiuisibilis, neque quod sit diuisibilis, ideòque aliunde hoc indagandum est. Primò ergo videtur congruentius dicendum quod anima rationalis sit in corpore per vbicationem definitiuam diuisibilem, cum enim sit forma corporis, congruentius videtur, quod eius vbicatio proportionetur vbicationi corporis, præsertim quia, aliter dicendum esset, quod si moueretur minimus digitus, diuersa sit vbicatio, qua anima rationalis est in toto corpore, ab vbicatione, quam eadem anima rationalis in toto corpore habuisset, si ille minimus digitus non fuisset motus. Diuisibilis etiam videtur esse vbicatio definitiua, qua corpus Christi Domini

mini existit definitiuè in Eucharistia, sed ità diuisibilis vt per quamlibet partem talis vbicationis totū corpus Christi Domini sit in tota Hostia, & totum in qualibet parte Hostiæ. Angelus denique cum nullam habeat alligationem ad res materiales dici potest, quod ad suum libitum habere, & eligere sibi possit vbicationem diuisibilem, vel indiuisibilem, quod si moueatur ab extrinseco, v. g. à Deo, ad Deum spectabit determinare, & dare illi vbicationem definitiuam, vel diuisibilem, vel indiuisibilem.

7. Non sufficit vnicum vbi ad vbicanda omnia, quæ sunt in cōposito, primo quia vbicatio est rei cuiuscunque, proprietas. Secundo, quia sicuti non est dicendum, quod aliquid moueatur per motum alterius, ita neque quod vbicetur fluenter, vel permanenter per vbi alterius. Tertiò, quia stante vnione inter partes essentielles compositi, adhuc replicari potest v. g. Petrus, vel ita vt Romæ sit eius corpus, & vnio, Neapoli verò solum corpus, vel ità vt Neapoli sit anima, corpus, & vnio; Romæ verò solum corpus; & præterea alijs pluribus, ac diuersis modis fieri potest replicatio, etiam manente vnione inter partes

partes essentialiter composiri. Hæc autem difficile explicari possunt, si omnia, quæ sunt in composito vnica vbicatione, vbicentur. Demum stante vnione continuatiua inter partes continui, adhuc non datur in toto continuo vnica vbicatio vnus tantum partis continui, per quam reliquæ omnes eiusdem continui partes vbicentur; sed quælibet pars continui sua parte vbicationis vbicatur, ergo idem dicendum est de partibus essentialibus compositi; æquè enim stante vnione continuatiua partium continui, vbi est vna pars integralis debet esse alia, ac stante vnione essentiali, vbi est vna pars essentialis debet esse alia.

8 Nullum Vbi vnitur suo subiecto per vnionem superadditam, cum enim vt vidimus sectione superiori non fiat per actionem distinctam neque, fiet per sustentationem distinctam; quia actio eductiua identificatur cum sustentatione, vt dicemus in Physica. Quo posito nulla est ratio cur vbi per solam sustentationem non sufficienter vnatur subiecto illi, à quo sustentatur: posito enim quod vbicatio à subiecto sustentetur, implicat quod non sit in loco, vbi est subiectum. Verum quidem est,

est, quod ex dicendis in Physica, accidentia permanentia, & realia, seu non modalia, vniuntur subiecto per vnionem distinctam à sustentatione, sed rationes, quæ probant distinctionem vnionis à sustentatione in alijs accidentibus, hoc non probant de vbicatione. Calor enim v. g. vnitur subiecto vnione distincta à sustentatione. Primò, quia aliqui cum sustentatio sit identificata cum duratione, sicuti duratio est successiua, ita etiam vnio caloris cum subiecto esset successiua, ex quo sequeretur, quod calidum, & alia composita accidentalia prout talia composita sunt, essent in continuo fluxu, quod non videtur dicendum; Neutra autem ex his rationibus militat pro vbicatione, nam aliunde probauimus vbicationem esse identificatam cum sua duratione, & actione, ideoque esse in continuo fluxu, & essentialiter alligatam suis causis.

9 Quodlibet vbi existens est relationum transcendentaliter ad aliud quodlibet vbi possibile; est enim potēs esse, vel vicinū, vel remotū, simile vel dissimile alteri vbi, si existat, hæc autem sunt prædicata relatiua, & essentialia illi vbi, quod est potens, vt constat ex dictis in prædicamento relationis, ex quibus etiam

tiam colligitur quodlibet vbi existens cum alio vbi existente constituere relationem aliquam prædicamentalem, & esse partialem rationem fundandi relationes omnes locales rerum per ipsum vbi locatarum. An autem, & quomodo vbi sit sensibile opportunius dicetur in materia de anima.

SECTIO TERTIA.

An, & quæ dari possit corporum replicatio.

1 **E**Xperientia, & rerum naturalium limitatio satis probat non posse naturaliter idem corpus esse simul tempore in duplici loco & sanè nullum corpus potest naturaliter acquirere nouum locum nisi per motum, de ratione autem motus est prioris vbiationis derelictio, ad hoc vt possit acquiri noua. Hinc etiã de malis Dæmonibus habemus, quod quando voluerunt aliò se transferre reliquerint ad tempus corpora obsessa, quod vtique non fecissent, si simul tempore potuissent esse in duplici loco.

2 Dices potest corpus rarefactu in
occu-

occupare maius spatium, & ex vno palmo v. g. extendi ad duos, ergo poterit etiam extendi ad duos palmos discontinuatos, relinquendo spatium aliquod in medio, in quo existat. Respondeo negando consequentiam. eadem enim experientia, quæ ostendit veritatem antecedentis ostendit falsitatem consequentiæ. Nam neque Angelus habet posse hoc modo localiter existere; aliter Angelus, qui potest naturaliter existere in sphaera v. g. vnius miliaris, posset naturaliter simul esse in Cælo, & in terra, & in omnibus vrbibus, & domibus, diuidendo sphaeram suæ vrbicationis in partes minores, & minores, sed inter se longè distitas, hoc autem est contra modum loquendi scripturarum, & Patrum ex quibus habemus Angelos descendisse de cælo; quæ locutio indicat ab ipsis fuisse Cælum relictum, quando descenderunt in terram; imo nequid datur Angelo, quod intra suam sphaeram naturaliter possit se constituere in extremis partibus, absque eo quod sit in medio; non aliter ac anima rationalis non potest naturaliter esse in capite, v. g. & pedibus absque eo quod sit in medijs partibus corporis. Hinc falsum est, quod à duobus ignibus distantibus possit

possit in diuersis subiectis produci eadem forma ignis; ex suppositione enim, quod producat^r vna forma in vno loco, positum est naturale impedimentū, ne eadem forma producat^r in alio loco, non aliter ac ex suppositione, quod vna forma fuerit semel producta, ponitur naturale impedimentum, ne eadem forma iterum reproducatur propter rationes afferendas, quando de hac re agemus in Physica.

3 Potest tamen supernaturaliter idem corpus esse simul tempore in pluribus locis, & tam in vno circumscriptiue, in alio definitiue, quam in utroque, vel etiam pluribus locis circumscriptiue; Primo quia in hoc nullā est assignabilis implicantia, vt constabit ex solutione argumentorū. Secundo quia si potest corpus Christi Domini esse in Cælo circumscriptiue, in Eucharistia definitiue, poterit etiam idem corpus esse in pluribus locis circumscriptiue, maius enim est miraculum illud, quam hoc, quia corpus habens vnā vicationem circumscriptiuam, aliam definitiuam, non modo existit in pluribus locis, quod rei creatæ est indebitū, sed præterea habet vicationem definitiuam, non corpori, sed spiritui debitam; quan-

quando verò existit in utroq; loco circumscriptiue, non interuenit aliud miraculum, nisi quod eidem corpori dentur plures vbicationes; cæterum in quolibet ex illis locis corpus existit eo modo; quo competit corpori existere in loco. Tertio si potest, vt aduersarij concedunt, adimi corpori omnis vbicatio circumscriptiua debita corpori, & relinqui cum sola vbicatione definitiua, cur non poterit corpori dari duplex vbicatio circumscriptiua, hoc enim videtur esse minus miraculum, sicuti minus miraculum videtur esse dare igni duplicem calorem vt octo, quam ab igne omnem calorem illi debitum auferre. Quarto si possunt duo corpora per penetrationem esse in eodem loco poterit idem corpus esse in duplici loco per replicationem. Adde demum multas historias fide dignissimas de corporum replicatione etiam circumscriptiua.

4. Neque verò esse in loco circumscriptiue est ita corpus circumscribi hoc loco, vt non sit alibi, si enim hoc uolueris intelligere per esse in loco circumscriptiue, certum est non posse, idem corpus esse in duplici loco circumscriptiue. Verum sicuti per esse in loco definitiue non intelligis, quod ita corpus defi-

definiatur ab hoc loco, vt non sit alibi, ità per esse in loco circumscriptiue, nō est cur intelligas, esse taliter in loco, vt non sit alibi. Sed per esse in loco circumscriptiue intelligimus, quod corpus ita sit in loco, vt totum corpus toti spatio, & pars corporis parti spatij correspondeat, sicut ē contra esse in loco definitiue est esse ità, vt corpus sit totum in toto, & totum in qualibet parte spatij.

5 Dices si corpus posset circumscriptiue poni in duplici loco posset esse à se ipso distans, posset sibi ipsi occurrere &c. posset esse in pluribus locis in infinitū, quævidentur absurda. Sed contrā primò, quia hæc æquē soluenda sunt in duplici vbicatione definitiua. Contra secūdò directè; corpus replicatum, siue circūscriptiue siue definitiue non posset propriè dici occurrere, vel distare à se ipso, distare enim propriè loquendo dicitur de duobus, ideoque dici solum posset, quod corpus replicatum haberet duplicem vbicationem vnā distantē ab alia, non aliter ac idem homo habens simul albedinem, & nigredinem non dicitur dissimilis sibi ipsi, sed habens albedinem dissimilem nigredini; similiter non occurreret sibi ipsi propriè loquen-

quando, quia occurrere dicitur de duobus; solum ergo haberet successiue plures vbicationes viciniore semper, ac viciniore alteri vbicationi. Demum nullum est absurdum, quod possint alicui corpori dari plures, & plures vbicationes in infinitum, semper enim haberet vbicationes solum finitas, nec unquam adæquantes Dei immensitatem, de cuius ratione est essentialiter esse ubique.

6 Dubitatur hic an sicuti res in duplici tempore plus naturaliter potest, quam in vno, ita etiam plus naturaliter possit in duplici loco quam in vno. Sed respondendum est: rem replicatam non plus naturaliter agere, vel pati posse in duplici loco, quam possit in vno, licet enim in ordine ad prædicata relatiua localia, possit per replicationem plures relationes locales fundare in duplici loco; quam in vno: in ordine tamen ad reliqua, non plus potest in pluribus locis, quam in vno, nam ex eo quod res sit in pluribus locis, bene intelligimus, quomodo possit habere plures relationes propinquitatis, distantiae &c. multiplicantur enim vbicationes, ratione quarum habentur huiusmodi relationes; at cum ratione præcisæ replicationis non mul-

multiplicetur, neque augeatur virtus, sed semper sit vna, & eadem cum eadem suæ virtutis limitatione, non apparet quomodo quoad prædicata absoluta plus naturaliter possit in duplici loco, quam in vno. Certè hoc virtutis augmentum ex mèra replicatione probandum superest asserenti.

7 Ad paritatem de duplici tempore dicimus dari aliquas causas, quæ non modo pro ea circūstantia temporis, pro qua aliquid efficiunt, impediuntur ne efficiant aliud, sed præterea ab effectu producto adeò debilitantur, vt alios pro tempore sequenti producere non possint. Sed quia aliæ causæ sunt, quæ licet pro eodem tempore plura simul non possint, pro tempore tamen sequenti remanent expeditæ ad plures, & plures effectus similes successiue producendos, ac si nihil antea produxissent, ideò reddenda est disparitas, cur pro diuerso tempore causa naturalis plura possit, quam pro eodem, in pluribus tamen locis, sed in eadem temporis circūstantia non plura possit, quam posset in vno tantum loco. Disparitas ergo erit, quia de duratione cuiuscunque effectus est impedire vel totaliter, vel partialiter suam causam limitatam a' effectione,

S

vel

vel receptione alterius rei pro ea circumstantia temporis, pro qua occupatur in alia re . Hinc pluribus intentus minor est ad singula sensus , & illimitatio Divinæ potentiae in eo præcipuè elucet, quod simul possit plura, & plura in infinitum efficere absque eo quod ab ullo effectu impediatur . Sicut autem bene intelligimus, quod effectus impediatur causam pro ea circumstantia temporis, pro qua profuit à tali causa , ita, si effectus quando à sua causa profuit illam nullatenus debilitavit, bene etiam intelligimus, quod talis causa remaneat expedita , ac si prius nihil produxisset, ideòque sicuti productio præterita non potest de præsentis impedire, & obesse suæ causæ , si quando fuit de præsentis nihil illi obfuit; ita effectus præsens pro eo tempore, pro quo profuit à sua causa limitata non potest non illam aliquatenus impedire à productione aliorum effectuum: Cum ergo præcisè ratione duplicis habitationis, causa non acquirat plus virium , non poterit naturaliter plus in duplici loco , quam in vno , hinc qui in vno loco non potest ferre nisi centum libras replicatus non posset naturaliter ferre nisi centum , licet posset in vno ferre v. g. solum quinquaginta.

quaginta , in alio alias quinquaginta .
 Quod si præter replicationem augeatur
 etiam miraculosè virtus actiua , vel
 passiuæ rei replicatæ, poterit pro ratio-
 ne incrementi virium agere , vel pati
 plura, & plura, quæ tamen non impor-
 tent vel formalem, vel virtuales con-
 traditionem .

8 Replicato corpore debent conna-
 turaliter replicari omnia , quæ sunt illi
 vnita, & absoluta à loco , hinc ex Tri-
 dentino sess. 13. cap. 3. habemus poni
 sub speciebus panis sanguinem , & sub
 speciebus vini corpus , & animam sub
 utrisque, propter naturalem connexio-
 nem , & concomitantiam, qua corpo-
 ris Christi partes non amplius moritu-
 ri inter se copulantur . Et quidem iux-
 ta rei naturam est , vt ea , quæ cum
 aliquo vniuntur vnione vel essentiali ,
 vel continuatiua, ratione vnionis illud
 quocunque ierit comitentur.

9 Dices sequeretur quod si hic Ro-
 mæ Petrus ab hoc igne calefieret , ab
 hoc eodem igne calefieret Neapoli ,
 ideòque hic ignis ageret in distans. Re-
 spondeo quod ab igne existente Romæ,
 non produceretur calor nisi Romæ, sed
 eo producto spectaret ad Deum , sup-
 posito primo miraculo replicationis Pe-
 tri,

tri, replicare etiam hunc calorem Neapoli, si vellet connaturaliter operari. Sicut enim possitis dispositionibus in corpore organizato spectat ad Deum, si connaturaliter operari velit, creare animam rationalem, ita ad illum spectabit replicare calorem Neapoli, posito quod Romæ fuerit vnitus Petro replicato Neapoli. Quod si Petro Romæ applicaretur ignis Neapoli verò nix, illud connaturaliter debet in Petro produci, quod ab agente validiori ad præsentiam talis contrarij produci naturaliter potest. Sed casus hac in re multipliciter variabiles resoluendi erunt iuxta principia posita.

10. Solum posset peculiaris esse difficultas circa motum. Vtrum scilicet corpus replicatum posset in utroque loco naturaliter moueri, ad quod dicimus posse casum duplici modo fingi. Primò, itaut Deus velit, quod corpus producat sibi vnā vbicationem circa quam exerat tota suas vires naturales, ideòque respectu alterius vbicationis Deus totaliter se gerat miraculosè, & in hoc casu poterit naturaliter se mouere in eo loco, in quo habet vbicationem à se naturaliter productam, & cōseruatam, quia sicuti talem vbicationem sibi

fibi naturaliter producit, ita poterit sibi per motum connaturaliter acquirere, aliam. At in alio loco, in quo habet vocationem miraculosè productam, sicuti corpus illam sibi connaturaliter non producit, ita non potest illa deperdita acquirere sibi aliam priori miraculosæ similem. Si verò supponatur casus, quod virtus corporis, in ordine ad producendam sibi vocationem, diuidatur, nec tota exeratur circa vnā vocationem, sed partim circa vnā partim circa aliam supplente Deo per concursum miraculosum id, quod corpori deest circa vtranque vocationem: in hoc casu nullibi poterit naturaliter moueri, quia cum vtraque vcatio sit miraculosa, non posset corpus sine nouo miraculo deperdere priorem vocationem miraculosam, & aliam miraculosam sibi acquirere. Hinc corpus Christi vbi est circumscriptiuè potest sine miraculo moueri, quia vcatio circumscriptiua ab illo connaturaliter, & totaliter pendet, cum circa vocationes Sacramentales non nisi miraculosè concurrat.

¶ Dices si corpus replicatum posset naturaliter moueri, posset etiam secum penetrari: Respondeo corpus re-

plicatum dum in vno saltem loco moueretur, posset acquirere vbicationes vicinioresemp; ac vicinioresemp alteri vbicationi permanenti, quam idem corpus in alio loco haberet, ac tandem per motum eò posset deuenire, vt vna vbicatio corresponderet eidem spatio imaginario, cui corresponderet altera, in quo casu potest Deus vel relinquere corpori vtramque vbicationem, vel relinquere illi solum vnã. Neque verò impenetrabilitas impedire posset, ne corpus replicatum pertingeret tandem per motum ad acquirendam vbicationem correspondentem eidem spatio imaginario, cui corresponderet alia, nam de ratione corporis impenetrabilis est solum excludere aliud corpus impenetrabile à loco, in quo ipsum est, non verò excludere se ipsum, vel excludere aliam vbicationem, vbicatio enim non est de se impenetrabilis, sed impenetrabilitas habetur solum à quantitate.

12 Sed quæres, an dum corpus in vno loco moueretur, in alio verò quiesceret, impetus, quem sibi in vno loco imprimeret deberet cõnaturaliter in alio loco replicari. Respondetur affirmatiue, ratione enim vnionis, qua impetus est in vno loco vnitus corpori debet cõnatu-

naturaliter comitari corpus, vbicunque hoc erit. Neque obstat quod impetus in eo loco, in quo corpus quiesceret, esset frustrà, ideòque deberet connaturaliter destrui, nam talis impetus non esset simpliciter frustrà, imo ex tali impetu sequeretur in vno loco totus motus, qui ex illo sequi posset, ideòque ageret quantum posset. Solùm ergo dubitari posset quod esset frustrà noua vbicatio talis impetus, sed hæc supposito miraculo replicationis esset connaturalis, sicuti est connaturalis replicatio aliorum omnium, quæ sunt corpori vnita, & sicuti ratione vnionis ponitur in Eucharistia potètia loco motiua, & quantitas Christi Domini, etiam si in Eucharistia hæc non sint habitura effectum motus, & impenetrationis, ità ratione vnionis poni debebit impetus, etiam si hic non sit habiturus effectum.

13 Atque hæc connaturaliter, in ordine enim ad Diuinam potentiam, nulla est necessitas, quod replicato corpore necessariò replicentur omnia, quæ sunt tali corpori vnita. Quamuis enim ratione vnionis detur connaturalis exigentia, vt replicentur omnia, nulla tamen est ratio, cur Deus non possit fa-

cere contra hanc exigensiam . Præterea vbi quantumvis corpori vnitum nec replicatur, nec potest replicari , vt mox videbimus, ergo ratio vnionis habet non essentialiter, sed solum connaturaliter exigere vt in quocunque loco, in quo est vnum , sit etiam aliud illi vnitum . Ad rationem enim vnionis falsis est, quod anima v. g. sit vbi est corpus tanquam in loco adæquato, non verò quod sit etiam in loco plusquam adæquato.

14 Dices si Petrus Romæ haberet animam, & corpus , Neapoli verò solum corpus, Petrus Romæ esset viuus, Neapoli mortuus, quod implicat. Respondeo esse mortuum non est carere anima in vno tantum loco, sed in nullo loco habere animam , si ergo corpus Petri existeret Neapoli non careret simpliciter anima , sed solum careret anima Neapoli, hoc est careret vocatione animæ Neapolitana , non esset corpus mortuum, sed viuum , quare licet repugnet, quod idem sit simpliciter loquendo viuum, & mortuum, habens, & non habens animam, nulla tamen est contradictio neque formalis, neque virtualis, quod idem corpus habeat animam cum vna vocatione, non verò habeat

habeat eandem animam cum alia vbi-
catione, ideòque in hoc, & in alijs ca-
sibus recurrendum est ad regulam vni-
uersalem superius assignatam, quod il-
la possunt fieri, vel connaturaliter, vel
saltem supernaturaliter posita replica-
tione, quæ non important formalem,
vel virtuale contradictionem; exami-
nare autem hoc in singulis esset nun-
quam inuenire finem.

15 Vbicatio, quæ de facto datur,
neque diuinitus replicari potest, nam
sicuti alligatio essentialis ad vnum tan-
tùm locum est imperfectio, ita transfe-
ribilitas, & negatio alligationis essentia-
lis ad vnum locum est perfectio, ergo
vbicationi, quæ de facto datur si-
ne positiuo argumento non est tribuen-
da perfectio transferibilitatis. Modis e-
nim vt potè entibus omnium, quæ de
facto dantur imperfectissimis, non est
tribuenda sine positiuo argumento vlla
perfectio, nisi quæ est necessaria ad finem,
propter quem à natura sunt instituti;
transferibilitas autem non est necessaria
vbicationi propter finem, ad quem in-
stituta est à natura, siue enim habeat
posse transferri, siue non, æquè deter-
minat formaliter rem ad essendum in
hoc loco, qui est vnus finis vbicatio-

nis; ergo non est dicendum sine positi-
uo argumento, quod vicationi, quæ
de facto datur, fuerit data perfectio
transferibilitatis.

16 Idem dicendum de duratione,
& actione; quod nimirum duratio ho-
dierna non possit per aliam durationē
existere cras, neque actio fieri per aliam
actionem, cum enim hi modi sint vlti-
mò determinatiui non est vlla ratio cur
accipere debuerint talem perfectionē,
vt possent vltcrius determinari. De v-
nitione constat nobis positiuè oppositum,
quia humanitas Christi Domini, ideò-
que illius vnio tam essentialis, quàm
continuatiua vnita fuit per vnionem
hypostaticā personæ Verbi Diuini. Ex quo
iūferimus taliter debuisse institui vnio-
nē vt per aliā vnionē vniri posset ad hoc
vt ex cōposito humano vnito cū perso-
diuina resultare possent operationes
Theandricæ; similiter vnio continuatiua
vnus minimi debuit ità institui, vt per
aliā vnionem continuatiuam conti-
nuari posset cum alio minimo, quia
ex tali continuatione plura bona se-
i poterant in natura, quæ non fuissent. se-
quuta si taliter vnio continuatiua non
fuisset instituta. At ex transferibilitate
vicationis quæ nam bona in natura
seque-

sequerentur ? non ergo talis perfectio
vbicationi tribuenda est, quæ neque à
posteriori, neque à priori nobis in-
notescit.

17 Non possunt naturaliter duo
corpora per penetrationem esse in eo-
dem loco, quod constat tum experien-
tia, tum ex fine naturæ fugientis rerum
naturalium destructionem, illarumque
infirmitati consulentis per quantitatem,
seu impenetrabilitatem, qua res cæte-
roqui corruptibiles obuallauit, ne ex
penetratione cum contrarijs facillime
corrumperentur; sic si ignis penetrari
posset cum ligno v. g. in ictu oculi li-
gnum quantumuis magnæ molis absu-
meretur ab igne, quod non fuit bonum
in natura. Quare sicuti data est natu-
ris substantialibus subsistentia, qua se-
tuerentur ab vnione cum alia natura;
propter detrimentum, quod vna natu-
ra posset alteri afferre, impediendo ope-
rationes peculiare illius, ita rebus cor-
ruptibilibus data est impenetrabilitas,
ratione cuius se se à contrarijs tuean-
tur. Posse tamen dari miraculosè cor-
porum penetrationem constat ex fide,
nec quidquam est in contrarium.

SECTIO QUARTA.

*An dari possit vacuum, & qua
virtute moueantur corpo-
ra ad illud impediens-
dum.*

LOco addendum est vacuum, cum vacuum adiectiuè sumptum definiatur locus priuatus corpore contento, & alio quolibet æquiuallente; quas ultimas particulas addimus propter accidentia Eucharistica, quæ licet non sint corpus, non tamen locus, in quo ipsa sunt, est vacuus, quia accidentia miraculosè taliter existentia æquiuallent corpori in ordine ad occupandum locum.

2. Nulla est repugnantia quod supernaturaliter detur. Neque enim vacuum substantiuè acceptum, hoc est ipsa vacuitas haberet trinam dimensionem, cum enim vacuum sic acceptum nihil sit, id quod nihil est non potest esse trinè dimensum, solum ergo vacuum adiectiuè acceptum, hoc est corpus, seu superficies carens alio corpore contento habet.

haberet suas dimensiones, & capacita-
tem ad aliud corpus excipiendum, in
quo nullum est inconueniens.

3 Naturaliter ne minimum quidē
vacuum dari potest, vt constat tum
multis experimentis satis notis, tum ex
fine à natura intento per fugam vacui.
Ità enim natura vnum mundum sensi-
bilem intendit, vt vnitas in eo maxima
haberetur, quæ ex his entibus haberi
poterat, cum verò non potuerit ex his
entibus haberi ea vnitas, per quam om-
nia entia sensibilia facerent vnum vel
per simplicitatem, vel per compositio-
nem ratione vniionis vel essentialis vel
continuativæ, intendit vt omnia entia
facerent vnum saltem per contiguita-
tem. Quare licet in conformatione
vnius orbis ità fuerint eius partes insti-
tutæ vt aliquæ exigent esse sursum,
aliquæ deorsum, aliquæ cum tanta
densitate, aliæ cum tanta raritate, hæ
tamen aliæque leges cedunt vnitati to-
tius, ne enim hæc tollatur prius natu-
ra dispensat in vnitatis ordinis, efficien-
do scilicet, vt graviora ascendant, descen-
dant leuia, vt corpora contra suam pe-
culiarem naturam rarefiant, vel den-
sentur &c. quam quod per aliquod va-
cuum tollatur vnitas localis partium.

vni-

tri, replicare etiam hunc calorem Neapoli, si vellet connaturaliter operari. Sicut enim positis dispositionibus in corpore organizato spectat ad Deum, si connaturaliter operari velit, creare animam rationalem, ita ad illum spectabit replicare calorem Neapoli, posito quod Romæ fuerit vnitus Petro replicato Neapoli. Quod si Petro Romæ applicaretur ignis Neapoli verò nix, illud connaturaliter debet in Petro produci, quod ab agente validiori ad præsentiam talis contrarij produci naturaliter potest. Sed casus hac in re multipliciter variabiles resoluendi erunt iuxta principia posita.

10 Solum posset peculiaris esse difficultas circa motum. Vtrum scilicet corpus replicatum posset in utroque loco naturaliter moueri, ad quod dicimus posse casum duplici modo fingi. Primò, itaut Deus velit, quod corpus producat sibi vnā vicationem circa quam exerat tota suas vires naturales, ideòque respectu alterius vicationis Deus totaliter se gerat miraculosè, & in hoc casu poterit naturaliter se mouere in eo loco, in quo habet vicationem à se naturaliter productam, & cōseruatam, quia sicuti talem vicationem sibi

fibi naturaliter producit, ita poterit fibi per motum connaturaliter acquirere, aliam. At in alio loco, in quo habet vocationem miraculosè productam, ficuti corpus illam fibi connaturaliter non producit, ità non potest illa deperdita acquirere fibi aliam priori miraculosæ similem. Si verò supponatur casus, quod virtus corporis, in ordine ad producendam fibi vocationem, diuidatur, nec tota exeratur circa vnā vocationem, sed partim circa vnā partim circa aliam supplente Deo per concursum miraculosum id, quod corpori deest circa vtranque vocationem: in hoc casu nullibi poterit naturaliter moueri, quia cum vtraque vcatio sit miraculosa, non posset corpus sine nouo miraculo deperdere priorem vocationem miraculosam, & aliam miraculosam fibi acquirere. Hinc corpus Christi vbi est circumscriptiuè potest sine miraculo moueri, quia vcatio circumscriptiua ab illo connaturaliter, & totaliter pendet, cum circa vocationes Sacramentales non nisi miraculosè concurrat.

¶ Dices si corpus replicatum posset naturaliter moueri, posset etiam secum penetrari; Respondeo corpus re-

plicatum dum in vno saltem loco mo-
 ueretur, posset acquirere vbicationes
 viciniores semper, ac viciniores alteri
 vbicationi permanenti, quam idem
 corpus in alio loco haberet, ac tandem
 per motum eò posset deuenire, vt vna
 vbicatio corresponderet eidem spatio
 imaginario, cui corresponderet altera,
 in quo casu potest Deus vel relinquere
 corpori vtramque vbicationem, vel re-
 linquere illi solum vnam. Neque ve-
 rò impenetrabilitas impedire posset, ne
 corpus replicatum pertingeret tandem
 per motum ad acquirendam vbicatio-
 nē correspōdentem eidem spatio inia-
 ginario, cui corresponderet alia, nam
 de ratione corporis impenetrabilis est
 solum excludere aliud corpus impene-
 trabile à loco, in quo ipsum est, non
 verò excludere se ipsum, vel excludere
 aliam vbicationem, vbicatio enim non
 est de se impenetrabilis, sed impenetra-
 bilitas habetur solum à quantitate.

12 Sed quæres, an dum corpus in
 vno loco moueretur, in alio verò quie-
 sceret, impetus, quem sibi in vno loco
 imprimeret deberet cōnaturaliter in alio
 loco replicari. Respondetur affirmati-
 uè, ratione enim vnionis, qua impetus
 est in vno loco vnitus corpori debet cō-

natu-

naturaliter comitari corpus, vbicun-
que hoc erit. Neque obstat quod im-
petus in eo loco, in quo corpus quie-
sceret, esset frustrà, ideòque deberet
connaturaliter destrui, nani talis impe-
tus non esset simpliciter frustrà, imo ex
tali impetu sequeretur in vno loco to-
tus motus, qui ex illo sequi posset, ideò-
que ageret quantum posset. Solùm
ergo dubitari posset quod esset frustrà
noua vbicatio talis impetus, sed hæc
supposito miraculo replicationis esset
connaturalis, sicuti est connaturalis re-
plicatio aliorum omnium, quæ sunt
corpori vnita, & sicuti ratione vnionis
ponitur in Eucharistia potètia loco mo-
tiua, & quantitas Christi Domini, etiam
si in Eucharistia hæc non sint habitura
effectum motus, & impenetrationis, ità
ratione vnionis poni debebit impetus,
etiam si hic non sit habiturus effe-
ctum.

13 Atque hæc connaturaliter, in
ordine enim ad Diuinam potentiam
nulla est necessitas, quod replicato cor-
pore necessariò replicentur omnia, quæ
sunt tali corpori vnita. Quamuis enim
ratione vnionis detur connaturalis exi-
gentia, vt replicentur omnia, nulla ta-
men est ratio, cur Deus non possit fa-
cere

cere contra hanc exigensiam . Præterea ubi quantumvis corpori unitum nec replicatur, nec potest replicari, ut mox videbimus, ergo ratio unionis habet non essentialiter, sed solum connaturaliter exigere ut in quocunque loco, in quo est unum, sit etiam aliud illi unitum . Ad rationem enim unionis factis est, quod anima v. g. sit ubi est corpus tanquam in loco adæquato, non verò quod sit etiam in loco plusquam adæquato.

14 Dices si Petrus Romæ haberet animam, & corpus, Neapoli verò solum corpus, Petrus Romæ esset vivus, Neapoli mortuus, quod implicat. Respondeo esse mortuum non est carere anima in vno tantum loco, sed in nullo loco habere animam, si ergo corpus Petri existens Neapoli non careret simpliciter anima, sed solum careret anima Neapoli, hoc est careret vocatione animæ Neapolitana, non esset corpus mortuum, sed vivum, quare licet repugnet, quod idem sit simpliciter loquendo vivum, & mortuum, habens, & non habens animam, nulla tamen est contradictio neque formalis, neque virtualis, quod idem corpus habeat animam cum vna vocatione, non verò habeat

habeat eandem animam cum alia vbicatione, ideòque in hoc, & in alijs casibus recurrendum est ad regulam vniuersalem superius assignatam, quod illa possunt fieri, vel connaturaliter, vel saltem supernaturaliter posita replicatione, quæ non important formalem, vel virtuales contradictionem; examinare autem hoc in singulis esset nunquam inuenire finem.

15 Vbication, quæ de facto datur, neque diuinitus replicari potest, nam sicuti alligatio essentialis ad vnum tantum locum est imperfectio, ita transferibilitas, & negatio alligationis essentialis ad vnum locum est perfectio, ergo vbicationi, quæ de facto datur sine positiuo argumento non est tribuenda perfectio transferibilitatis. Modis enim vt potè entibus omnium, quæ de facto dantur imperfectissimis, non est tribuenda sine positiuo argumento vlla perfectio, nisi quæ est necessaria ad finem, propter quem à natura sunt instituti; transferibilitas autem non est necessaria vbicationi propter finem, ad quem instituta est à natura, siue enim habeat posse transferri, siue non, æquè determinat formaliter rem ad essendum in hoc loco, qui est vnicus finis vbicationis

nis; ergo non est dicendum sine positi-
uo argumento, quod vbicationi, quæ
de facto datur, fuerit data perfectio
transferibilitatis.

16. Idem dicendum de duratione,
& actione; quod nimirum duratio ho-
dierna non possit per aliam durationē
existere cras, neque actio fieri per aliam
actionem, cum enim hi modi sint vlti-
mò determinatiui non est vlla ratio cur
accipere debuerint talem perfectionē,
vt possent vltcrius determinari. De v-
nitione constat nobis positiuè oppositum,
quia humanitas Christi Domini, ideò-
que illius vnio tam essentialis, quàm
continuatiua vnita fuit per vnionem
hypostaticā personæ Verbi Diuini. Ex quo
inferimus taliter debuisse institui vnio-
nē vt per aliā vnionē vniri posset ad hoc
vt ex cōposito humano vnito cū perso-
diuina resultare possent operationes
Theandricæ; similiter vnio continuatiua
vnus minimi debuit ità institui, vt per
aliā vnionem continuatiuam conti-
nuari posset cum alio minimo, quia
ex tali continuatione plura bona se-
quenter poterant in natura, quæ non fuissent. se-
quuta si taliter vnio continuatiua non
fuisset instituta. At ex transferibilitate
vbicationis quæ nam bona in natura
seque-

sequerentur? non ergo talis perfectio
vbicationi tribuenda est, quæ neque à
posteriori, neque à priori nobis in-
notescit.

17 Non possunt naturaliter duo
corpora per penetrationem esse in eo-
dem loco, quod constat tum experien-
tia, tum ex fine naturæ fugientis rerum
naturalium destructionem, illarumque
infirmiati consulenti per quantitatem,
seu impenetrabilitatem, qua res cæte-
roqui corruptibiles obuallauit, ne ex
penetratione cum contrarijs facillime
corrumperentur; sic si ignis penetrari
posset cum ligno v. g. in ictu oculi li-
gnum quantumuis magnæ molis absu-
meretur ab igne, quod non fuit bonum
in natura. Quare sicuti data est natu-
ris substantialibus subsistentia, qua se
tuerentur ab vnione cum alia natura;
propter detrimentum, quod vna natu-
ra posset alteri afferre, impediendo ope-
rationes peculiare illius, ita rebus cor-
ruptibilibus data est impenetrabilitas,
ratione cuius se se à contrarijs tuean-
tur. Posse tamen dari miraculosè cor-
porum penetrationem constat ex fide,
nec quidquam est in contrarium.

SECTIO QUARTA.

*An dari possit vacuum, & qua
virtute moueantur corpo-
ra ad illud impedi-
dum.*

LOco addendum est vacuum, cum vacuum adiectiuè sumptum definiatur locus priuatus corpore contento, & alio quolibet æquiuallente; quas ultimas particulas addimus propter accidentia Eucharistica, quæ licet non sint corpus, non tamen locus, in quo ipsa sunt, est vacuus, quia accidentia miraculosè taliter existentia æquiualent corpori in ordine ad occupandum locum.

2. Nulla est repugnantia quod supernaturaliter detur. Neque enim vacuum substantiuè acceptum, hoc est ipsa vacuitas haberet trinam dimensionem, cum enim vacuum sic acceptum nihil sit, id quod nihil est non potest esse trinè dimensum, solum ergo vacuum adiectiuè acceptum, hoc est corpus, seu superficies carens alio corpore contento habet.

haberet suas dimensiones , & capacita-
tem ad aliud corpus excipiendum, in
quo nullum est inconueniens.

3 Naturaliter ne minimum quidē
vacuum dari potest , vt constat tum
multis experimentis satis notis, tum ex
fine à natura intento per fugam vacui.
Ità enim natura vnum mundum sensi-
bilem intendit, vt vnitas in eo maxima
haberetur, quæ ex his entibus haberi
poterat, cum verò non potuerit ex his
entibus haberi ea vnitas, per quam om-
nia entia sensibilia facerent vnum vel
per simplicitatem, vel per compositio-
nem ratione vnionis vel essentialis vel
continuativæ, intendit vt omnia entia
facerent vnum saltem per contiguita-
tem . Quare licet in conformatione
vnus orbis ita fuerint eius partes insti-
tutæ vt aliquæ exigenter esse sursum,
aliquæ deorsum , aliquæ cum tanta
densitate, aliæ cum tanta raritate , hæ
tamen aliæque leges cedunt vnitati to-
tius, ne enim hæc tollatur prius natu-
ra dispensat in vnitatis ordinis , efficien-
do scilicet, vt graua ascendant, descen-
dant leuia, vt corpora contra suam pe-
culiarem naturam rarefiant , vel den-
sentur &c. quam quod per aliquod va-
cuum tollatur vnitas localis partium.

vni-

vniversi, idque meritò tum quia incò-
gruum esset, uod natura aliquid de-
perderet de spatio, ac veluti de regno,
quod semel occupauit, tum quia per
corporum contiguitatem ità habetur
aliqua eorum conseruatio, vt dum ali-
qua corpora agunt in alia, pulchritudo
vniversi, quæ per varietatem habetur
non tollatur. Demum posita conti-
guitate, & Cœlestes influxus melius
propagantur, & alia multa bona natu-
ræ obueniunt, propter quæ in ordine
naturali constantissimè retinetur vnitas
continguitatis inter omnes partes vni-
uersi. Dixi Cœlestes influxus melius
propagari negato quolibet vacuo, quia
licet dato vacuo propagari possent per
latera, tamen & lux non propagatur
nisi directè, & saltem per lineam obli-
quam vt potè longiorem, influxus Cœ-
lestes debilius propagarentur.

4 Neque dicas posse saltem quan-
tum est ex his capitibus dari aliquod
minimum vacuum, vel ad breue ali-
quod tempus, nam. Primo, cum
vacuum, quod est minus eò facilius
à natura vitari possit per aliorum cor-
porum condensationem, vel rarefa-
ctionem, non est cur dicamus à natu-
ra fieri posse difficilius, non verò facilius.

Secun-

Secundò modicum vacuum non est modicum naturæ malum, cum tollat perfectam mundi unitatem, & completam perfectionem, quam habet, ex eo quod semper retineat totum spatium, ac veluti regnum, quod semel occupauit. Tertio, si nec minimam corporum penetrationem natura patitur, nec minimum patietur vacuum, vtrumque enim, vt docet experientia, æquè natura fugit; sicut enim nullam minimam corporum penetrationem, ita neque vllum vacuum minimum, vel ad minimum tempus in natura inuenies.

5 Dices primò Animal non patitur magna vulnera, nec tamen respuit exiguos poros, ergo natura fugiens à magno vacuo, pati poterit modicum. Respondedo paruos poros non modum nihil mali, sed multum boni animalibus afferre, è contra quod vacuum, etiam modicum non modicum sit malum in natura, constat saltem à posteriori, ex eò scilicet quod in alijs potius natura dispenset, quam in vacuo, quantumuis minimo.

6 Dices secundò sine aliqua interceptione vacui non posse explicari. Primò quomodo fiat motus localis. Secundò quomodo scindatur totum simul

mul ingens aliquod, & durum marmor.
 Tertio quomodo lata aliqua corporis
 grauis superficies secundum omnes sui
 partes toti alteri superficiei simul ap-
 proximetur per exclusionem totius æ-
 ris intermedij. Quarto, quomodo vas
 plenum cinere, tantum aquæ excipiat,
 quantum si cinere careret &c. Respon-
 deo ad primum in motu locali nullum
 interuenire vacuum; mobile enim ita
 remouet corpus, quod ipsi occurrit, vt
 ab illo vicissim aliud pellatur, donec fa-
 cto circuitu loca mutantur non sine
 aliqua compressione æris, quem mo-
 bile habet à fronte, & aliqua dilatatione
 æris, quem habet à tergo. Ad secundū
 dico scissionem marmoris non posse
 fieri nisi successiuè, cum fiat per mo-
 tum localem, & non sine rarefactione
 æris contenti in poris, & attenuatio-
 ne aliquarum particularum marmoris.
 Debent etiam partes, quæ diuelluntur
 aliquantulum inflecti, ne duæ rectæ
 habeant idem segmentum commune;
 neque obstat durities marmoris, si e-
 nim impactus mallei potest scindere
 marmor, poterit etiam eius partes ali-
 quantulum inflectere, & si hoc non
 potest, nec poterit illud. Ad tertium
 dico, quod si superficies vnius corporis
 grauis

gravis cādat supra aliam superficiem, perpendiculariter non poterit excludi totus aër sed semper remanebit aliquid aëris intermediij licet compressi, & nobis imperceptibilis; neque verò ex hoc quidquam sequetur absurdi, si enim pila oleo v. g. imbuta, ideòque non tangens immediatè murum, illum tamen diruit; & si corpus graue sustineatur ab vtre, qui sit plenus aëre compresso, quidni sustineatur vnum graue ab alio, etiam si mediet modicum aëris compressi? neque enim solus aër est, qui sustinet, sed id, quod sustinet est etiam illud aliud corpus, quod est aëri compresso suppositum; potest quidem, totus aër excludi si approximatō vnius corporis ad aliud benè complanatum fieret successiue, & paulatim promouendo vnum corpus supra aliud. Vltimum, quod affertur nimis probat, si enim omninò tantum excipit aquæ vas plenum cinere, quantum excipit, quando nihil cineris in eo est, vas plenum cinere erit omnino vacuum, quod non admittis; non ergo hæc experientia, videtur totaliter vera; ratio ergo cur discrimen non tam facile discernatur, erit, quia dum aqua infunditur multæ particulæ ratione igneorum spirituum extra-

exhalantur, & præterea cinis valdè porosus totus aqua imbitur.

7 Affertur etiam ad probandum vacuū experientia de fistula vitrea oblonga plena mercurio, & ex vna tantum parte rectè occlusa, si enim suppositio digito alteri extremitati prius apertæ, immergatur hæc extremitas fistulæ perpendiculariter erectæ alteri argento vivo, quod in subiecto vase contineatur, deinde vero amoveatur digitus ab orificio tubi, argentum vivum in tubo contentum descendit vsque ad certam mensuram, post descensum verò aliquantulum assurgit tum descendit minus, & minus assurgit, donec post aliquot vibrationes semper minores, & minores tandem quiescat in parte tubi inferiori, ergo, inquit, pars superior tubi remanet omni corpore vacua, cum careat tum mercurio, tum aëre, alioque quolibet, quod nullo modo subingredi potuit, sed huic experientiæ à pluribus fusè, & abundè satisfactum est. Breuissimè dico hac experientia plenum potius suaderi; si enim natura non fugeret vacuum, totum argentum vivum illicò descenderet, cum sit in statu violento, neque toties plures, & plures illæ vibrationes recipro-

procarentur. Dicendum ergo est partem illam tubi, quæ videtur vacua verè, esse plenam humore tenuissimo extracto, à mercurio; hoc autem constat ex eo quod si in medio tubo sit clauiculi medians inter partem fistulæ plenam mercurio, & aliam partem fistulæ quam dicis esse vacuam, sique hæc clauicula, postquam mercurius descendit, & quieuit occludatur, deinde verò in superiori apice fistulæ fiat foramen, statim videbitur humor quidam intra fistulam concreescere, qui non concresceret, si fistula non fuisset tali modo antea mercurio plena, hic ergò humor, qui, quando aër per apertum foramen subintrat, statim concreescit, antequam foramen esset apertum, erat dilatus, & replens fistulam impendebat vacuum; quod confirmatur ex eo quia si, postquam Mercurius quieuit, applicetur fistulæ corpus aliquod calidum, Mercurius, qui iam quiescebat, incipit magis descendere, si verò applicetur corpus frigidum, ascendit: non nisi quia humor ille attenuatus, replens partem fistulæ, quæ videtur vacua, nunc calore magis rarefcit, ideoque permittit, ut Mercurius magis descendat, nunc frigore condensatur, ideoque ad impedi-

diendum vacuum, Mercurius cogitur
assurgere .

8 Atque ex hoc redditur ratio, cur,
antequam Mercurius quiescat, fiant illę
vibrationes , per quas Mercurius nunc
descendit , nunc ascendit ; Ratio enim
huius rei est quia fit pugna inter argen-
tum viuum inclinans suo pōdere deor-
sum, & humorem illum extractum ex
mercurio volentē redire ad suā natura-
lē densitatem, ideòque donec alterutrū
vincat, durat cōflictus, & motus fursū,
& deorsū. Malè ergo ex hoc experimen-
to infertur , quod lumen transiens per
partem illam fistulę, quę dicitur ab ad-
uersarijs vacua , existat sine subiecto ;
Inrò quia aliundē satis , superque con-
stat lumen vt potè accidens non posse
existere sine subiecto, vel ex hoc dedu-
ci poterat nihil vacui dari in fistula ,
etiam si nobis non innotesceret quò tā-
dem corpore plena esset . E contra be-
nè ex hac experientia possumus inferre
lumen non esse corpus, seu corpuscula
diffusa per medium à corpore lumino-
so, si enim lumen esset corpus aptum
ad replendum vacuum, statim ac fistu-
la collustratur deberet Mercurius totus
descēdere, & humor ille dilatatus debe-
ret concreescere, eo modo quo concre-
scit;

it; quando in fistulam factò foramine
abingredi potest aër.

S. Cum ad impediendum vacuum
corpora contra suam peculiarē naturā
moueantur, leuia deorsū, fursū graua:
quæritur, qua vi sequantur hi motus.
Ad quod respondendum; Primò, est nō
noueri à sola causā prima, si enim
Deus potuit ipsis corporibus dare vir-
tutem, per quam taliter mouerentur,
quis neget talem virtutem de facto
uisse illis datam, sicuti reliquis rebus
creatis indidit natura virtutē, qua vel
in sui, vel in vniuersitatis bonum pos-
sent operari. Secundò neque est dicen-
dum quod moueantur ab Angelis, licet
enim quando aliunde repugnat tribue-
re corporibus propriam virtutem ad
aliquos effectus, benè ad Deum, vel ad
intelligentias recurramus, Auëtor ta-
men naturæ non solet operari per An-
gelos motus illos qui haberi possunt
per propriam talium corporum virtu-
tem; aliter dicam graua, & leuia nun-
quam moueri nisi à sol Deo, vel ab in-
telligentia. Tertiò, neque mouentur
per virtutem aliquā magneticam,
quia magnes ferrum, quod semel ad se
traxit, tenaciter retinet, etiam quando
adeſt aliud corpus v. g. aër, quod pos-
set

set inter ferrum, & magnetem sub ingredi, & quando v. g. Manubrio clysteris aquarij aqua per fistulam clysteris attollitur, ita aqua manubrio adhæret, vt hæc à manubrio statim dimitteretur, si inter aquam, & manubrium posset subintrare aër, ergo non attrahitur à manubrio per virtutem magneticam.

10 Falsum pariter est, vt aliqui dicunt, corpora ad impediendum vacuū, moueri à corpore auferente illud aliud in cuius locum ipsa succedunt, ita vt dum attollo v. g. manubrium clysteris aquarij, aër à manubrio motus pellat è loco aërem, qui deinde impellat aquā vt ingrediatur in locum relictum ab aëre hoc enim est falsum. Primò, quia si hoc esset; quando per manubrium clysteris aquarij attrahimus aquam, nõ sentiremus resistentiam in tractione aquæ, sed resistētiam potius sentiremus in extrusione aëris sursum hoc autem est contra experientiam. Secundò quādo aër est frigidus aqua in thermosco- pijs ascendit, nullo autem modo ascen- dere potest per extrusionem vllam aë- ris ambientis, quia aër ambiens vtpotè frigidior potius condensatur, ideoque non petit locum maiorem, adeò vt ad hunc habendum extrudat sursum a-
quam

quam per fistulam vitream. Tertiò, si portio superior clysteris aquarij subeat per foramen factum in porta cubiculi totaliter clausi, itant manubrium congruat foramini, illudque bene claudat, reliqua verò pars fistulæ immerfa catino aquæ extet foris; quando postmodum manubrium educitur, & aqua attrahitur, non potest aer ex cubiculo, quod supponitur vndique clausum, extrahi, & exire ad impellendam aquam foris extantem, ad hoc vt per fistulam clysteris assurgat, ergo aqua non assurgit per extrusionem aëris ambientis. Adde quod magnus deberet esse impetus aëris ambientis ad impellendam aquam, eamque sursum attollendam; tantum autem impetum in aëre ambiente non dari, satis constat experientia.

II His ergo reiectis, antequam statuamus, qua vi corpora ad impediendum vacuum moueantur quærendum occurrit, an in huiusmodi motibus corpora, vel ex toto, vel ex parte moueantur propria inclinatione. Sed respondendum est negatiuè; nam quando corpora ad impediendum vacuum mouentur contra suam peculiarem naturam, resistunt quantum possunt; quod

quod probatur hac experientia: ponderetur calix vitreus plenus aqua usque ad tantam mensuram, & eius pondus exactè adnotetur. Tum hic idem calix educatur ex aqua inuerso situ plenus aqua usque ad eandem mensuram (aqua enim ad impediendum vacuum simul cum calice, & intra calicem assurgit) similiter ergo ponderetur calix dum est taliter è catino eductus: videbis tantum ponderare calicem quando inuerso situ attollit aquam assurgentem ad impediendum vacuum, quantum ponderabat, quando continebat tantundè aquæ erecto situ, ergo aqua tantum resistit quando ad impediendum vacuum assurgit, quantum resistebat, quando nullum erat impediendum vacuum; sed quando nullum erat impediendum vacuum, resistebat quantum poterat. & tota sua virtute tendebat deorsum, ergò etiam quando est impediendum vacuum resistit quantum potest, & tota sua virtute contra nititur, & tendit deorsum. Porro, ex dicendis in *Physica* suppono hic: Illam tantum aquam quæ existit intra calicem euerso situ grauitare posse ut potè quæ sola non iacet horizontaliter cum reliqua aqua. Si ergo hæc grauitat tantum, quantum
gra-

gravitat tantundem aquæ in calice erecto; aqua ad impediendum vacuum assurgens resistit quantum potest.

22 Hinc ergo inferitur corpora ad impediendum vacuum moveri virtute trahentis corpus illud, in cuius locum illa succedunt, ideòque quando per manubrium fistulæ aquariæ fursû trahitur aqua, hæc trahetur ab illo, qui trahit manubrium, si enim trahens, ut probatum est numero superiori, sentit totum pondus aquæ, quæ trahitur, à sola huius virtute trahetur aqua fursum. Verum quidem est, quod non posset aqua trahi si non haberet naturalem adhærescentiam ad manubrium, non aliter, ac si trahens funem, trahat etiam corpus graue illi alligatum, totum corpus alligatum trahitur à trahente funem, cum trahens funem sentiat totum pondus, & resistantiam corporis alligati, sed corpus graue trahi fursum non posset, nisi esset funi alligatum; similiter quando oblonga columna per apicem attollitur, non solum pars columnæ superior, sed etiam pars inferior tota trahitur à trahente columnæ fastigium, sed ex suppositione quod per unionem continuatiuam pars superior sit continuata cum inferiori, ita

T

ergo

ergo quando manubrio clysteris aquarum trahitur aqua , tota hæc trahitur ab extrinseco, nimirum à trahente manubrium , quia totum aquæ pondus sentitur : sed trahitur supposita naturali alligatione, & adhærescentia ipsius aquæ ad manubrium . Hanc enim naturalem adhærescentiam habent omnia corpora, eaque consistit in exigentia naturali, quam habet natura cuiusque corporis, ut post ubi , quod ipsum corpus habet, immediatè sequatur ubi alterius corporis propter fines intentos à natura in fuga vacui . Quare cum manubrium attractum exigat habere immediatè sibi contiguum aliud corpus, posito , quod nullum aliud corpus possit inter manubrium , & aquam subintrare , aqua naturaliter adhæret manubrio , non aliter ac posita vnione continuatiua pars inferior columnæ adhæret superiori ; ideoque sicuti trahitur pars inferior columnæ à trahente partem superiorem , ita trahitur aqua à trahente manubrium . Differt tamen vnio continuatiua ab hac naturali corporum adhærescentia , quam vocare, etiam possumus vnionem contiguatiuam, quod vnio continuatiua non tollitur merè per hoc, quod præsto sit ali-

quod

uod aliud corpus petens esse in loco
alterius ad quamcumque contraniten-
am illius; at vnio contiguatiua tolli-
ur merè per hoc, quod præsto fit ali-
uod aliud corpus, quod subintrare,
offit in locum alterius vtcumque cō-
anitentis. Cæterum sicuti vnio con-
nuatiua exigit, quod post vbi vnus
artis immediatè sequatur vbi alterius
artiscū illa alia continuatæ; ita quod-
bet corpus ratione vnionis contigua-
uæ à natura cuiusque corporis indi-
inctæ, exigit vt post vbi, quod habet,
immediatè sequatur vbi alterius cor-
oris habentis similem vnionem con-
guatiuam, seu habentis similem exi-
entiam naturalem adhærendi alicui
teri corpori.

13 Porro quamuis talis corporum
dhærescentia sit connaturalis, tamen
uando corpora contra suam peculia-
em naturam mouentur, mouentur
iolenter nam etiam parti inferiori co-
innæ est connaturalis continuatio cū
arte superiori, quod vero cogatur re-
inere talem continuationem cum par-
e superiori, ascendendo sursum, est illi
impliciter violentum, similiter ergo
quamuis adhærescentia aquæ ad ma-
ubrium sit aquæ connaturalis, quod

tamen aqua cogatur retinere talē adhærescētiā ascendendo, est illi simpliciter violentum, quia talis ascensus fit à principio extrinseco, cum totali contranitentia aquæ, quæ resistens quantum potest nullo modo ad ascensum inclinatur, ut probatum est num. 20. Non ità accidit quando mercator ad seruandam vitam proijcit merces in mare, talis enim proiectio non fit ab extrinseco, sed ab ipso mercatore, & cum positiua inclinatione mercatoris non contranitentis proiectioni, sed volentis illam, licet non nisi ex suppositione, quod non possit simul saluare vitam, & merces, at quando aqua assurgit ad impediendum vacuum, non inclinatur nisi ad retinendam adhærescentiam, cum alio corpore; cæterum trahitur totaliter ab extrinseco, & cum omni moda contranitentia.



SECTIO QVINTA:

*An, & qui motus fieri possent
in vacuo, si daretur.*

I S I daretur vacuum posset in illo
naturaliter fieri motus grauium,
& leuiū, & alius quicunque motus, ex
quo non sequeretur noua corporum
discontinuatio, in vacuo enim daretur
completum determinatiuum ad huius-
modi motus, grauitas scilicet, vel leui-
tas mobilis, & spatium percurrendum,
ergo cum nihil esset in contrarium,
cur sequi non posset motus, vt patebit
ex solutione argumētorum, dicendum
est, quod verè motus in vacuo seque-
retur. Confirmatur, si in vacuo im-
primeretur impulsus lapidi v. g., lapis
per aduersarios in vacuo moueretur
ea velocitate, quam exigeret talis im-
pulsus, sed grauitas, & leuitas æquiua-
lent impulsui impresso, ergo pro ra-
tione maioris, vel minoris grauitatis,
vel leuitatis, determinaretur in vacuo
tanta motus velocitas, vel tarditas; si-
cut enim impulsus determinatus ab

imprimente ad talem lineam, etiam in vacuo causeret motum versus talem lineam, ita gravitas determinata à natura ad lineam versus centrum, causeret motum etiam in vacuo versus circumferentiam.

2 Dices primo corpus constitutum in vacuo non perciperet sursum, neque deorsum, ergo ex illo nullus sequeretur motus. Sed contra quia quæro quomodo lapis in pleno percipit sursum, vel deorsum, si enim circa lapidem, v.g. sit aer omninò homogeneous, ex vi aeris homogenei ambientis non potest lapis percipere, quod hæc pars aeris sit superior, hæc alia inferior. Quare dicendum est, quod sicuti experimur nostram manum, v.g. sursum elatam sua gravitate determinari ad motum deorsum, absque eo quod vel ab aere ambiente detrudatur, vel ab ullo influxu calorum determinetur ad motum deorsum, ita reliqua omnia graua à propria gravitate determinantur ad motum deorsum, à leuitate ad motum sursum, eò quod gravitas habeat de se tendere ad centrum, leuitas ad circumferentiam, quoties à medio habente maiorem vim resistitiuam nõ impediuntur, non aliter, ac impulsus de-

determinatus à proijciente ad talem lineam, habet ferre proiectum ad talem lineam, siue sit in pleno, siue in vacuo, quoties à medio habente maiorem vim resistitiuam non impeditur.

3 Sed quæri hic potest, vtrum propensio, quam habent graua ad centrum (& idem in sequentibus dicendum est de leuibus) sit ad tale centrum reale, an verò sit ad tale centrum imaginarium; ad quod respondendum est non esse ad tale centrum reale, sed ad imaginarium, licet enim talis locus imaginarius, præscindendo ab alijs corporibus non sit vni corpori peculiariter bonus, tamen ad hoc, vt corpora obtinerent talem dispositionem localem, inter se, debuit illis dari propensio ad talem locum imaginarium, absque eo quod à loco, & centro reali, valde distanti vllò modo determinarentur ad motum. Nam primo quis dicat, quod lapis positus in medio aëre non descenderet, si in eo loco, vbi de facto datur centrum reale, daretur modicum vacuum; certè si hoc dices, tuum erit hoc probare. Secundò si graua determinarentur ad motum deorsum à tali centro reali, determinari deberent per aliquam virtutem transmissam per to-

T 4 tam

tam terræ crassitiem, & attractiuam corporis grauis, has autem virtutes attractiuas à corpore adeo remoto, & minimo, quale est centrum, per tãtam terræ crassitiem transmissas, quis credat? Tertiò nullam in nostris corporibus experimur imprimi vim, & impulsu ab extrinseco ad motum deorsu, sed ad illum determinamur totaliter ab intrinseco. Quartò corpora existentia in centro sunt eiusdem rationis cū his nostris, vel certè posset ab Angelo fieri permutatio, ità vt hæc nostra terra superior poneretur in centro, terra verò centri poneretur in superficie propè nos, in hoc igitur casu adhuc graua descenderent, ergo non per determinationem à centro reali, sed per grauitatem, quæ de se habet propensionem ad talem locum imaginarium, quodcunque tandem corpus reale ibi adsit.

4 Quare dicendum existimamus, quod si omnia alia corpora annihilarentur, & remaneret vnicus lapis, adhuc hic propria virtute moueretur versus centrum illud, ad quod de facto mouetur, licet enim in hoc casu non moueretur versus centrum propter aliquod peculiare bonum, quod haberet

beret in centro, tamen longè congruē-
tius est dicere, quod virtus motiua da-
ta corporibus directè ptopter motum
in casibus naturalibus, fuerit etiam illis
data indirectè propter motum in ca-
sibus miraculosis, quam fingere,
quod à centro, vel circumferentia rea-
li per influxus, & determinatiua super-
flua, imò & inexplicabilia, determinen-
tur grauias, & leuia ad motum. Pariter
si totus mundus alio transferretur, &
corpora retinerent grauitatem, & leui-
tatem eiusdem rationis cum ea, quam
de facto habent, tenderent naturaliter
ad eundem locum imaginarium, ver-
sus quem nunc tendunt, & nullo mo-
do tenderent ad locum illum, qui po-
sita tali translatione erat centrum vni-
uersi. Verum quidem est, quod posita
tali translatione deberet connaturaliter
corporibus dari grauitas, & leuitas di-
uersæ rationis, quæ scilicet esset deter-
minatiuum ad motum, per quem ten-
derent ad illum locum, qui facta tali
translatione esset circumferentia, vel
centrum vniuersi, talis enim propensio
esset corporibus bona ad hoc, vt in tali
situ respectu aliorum corporum se
collocarent.

T 5 Dices

EDices. Si imprimam lap. di impulsū
 versū fornicem domus, & interim do-
 mus simul cum lapide transferatur
 aliò, adhuc lapis perget in suo motu
 versū eundem fornicem realem, ergo
 si totus mundus aliò transferretur, ad-
 huc lapis tenderet sua gravitate ver-
 sū idem centrum reale vniuersi, non
 vero ad locum illum, qui de facto est
 centrum vniuersi. Respōdeo disparita-
 tem esse, quia impulsus impressus, vt
 probabimus in physica, est indifferens
 ad motum versū quamcumque lineā,
 producit autem motum versū hanc
 potius lineam, quam aliam, quia hic, &
 nunc ad hanc potius lineam determi-
 natur, quā ad aliam, sicut ergo si lapis à
 proijciēte determinetur ad lineā versū
 hunc fornicem realem tendet versū
 illum, itā si per translationem determi-
 netur ad aliam lineam imaginariam,
 sed quæ, ex suppositione, quod transfe-
 ratur domus, terminetur ad eundem
 fornicem realem, æquē idē impulsus ad
 eundem fornicem realem tendet; at
 gravitas, & leuitas sunt determinatæ
 ad tendendum versū hos determina-
 tos terminos, ideòque posita mundi
 realis translatione adhuc deberent ten-
 dere

dere ad locum, ad quem habent propensionem.

6 Dices iterum si leuitas esset determinatiuum motus ad talem circumferentiam imaginariam, non esset maior ratio, cur hic, & nunc tenderet ad hoc potius punctum circumferentiæ, quam ad illud. Respódeo hoc argumentum, si vim haberet, æquè militaret contra illos, qui dicunt leuitatem esse determinatiuum motus ad talem circumferentiam realem, sicut enim in imaginaria, ità etiam in reali circumferentiâ, plura dantur puncta, & assignari debet determinatiuum, cur leue versus hoc potius punctum circumferentiæ tendat, quam versus aliud, dico igitur determinatiuum esse, quia hoc punctum est vicinius, cum enim nullum leue moueatur à centro mathematico, nūquam datur nisi vnum punctum in circumferentiâ, ad quod ex loco, vnde mouetur tendere possit mobile ad circumferentiam per lineam omnium breuissimam. In casu autem metaphysico, in quo mobile moueretur à centro mathematico, determinari deberet ab auctore naturæ, vt ad hoc potius punctum circumferentiæ moueretur.

7 Qui negant motum in vacuo ex eo præcipuè ducuntur, quod gravitas, & leuitas non videatur data corporibus nisi dependenter à medio pleno, & essentialiter ordinata ad illud superandū, non aliter ac vis attollendi pondera essentialiter ordinata ad pondus, & fortitudo essentialiter ordinata ad superanda pericula exerceri non possunt sine pondere, & periculis. Sed contra est, quia fortitudo habet pro vnico obiecto pericula superanda, & similiter vis tractiua ponderis habet pro vnico obiecto corpus, cui imprimat impetum, ideòque cessante obiecto illo, quod vnicum est, non remanet circa quod exerceri possit actus, at gravitas non habet pro vnico obiecto medium retardans, quod per impulsum remoueat, sed præterea habet pro obiecto corpus mobile cui inest, & cui imprimat impetum versus centrum, quare cessante vno obiecto, non est cur non possit operari circa aliud, ideòque poterit mobili imprimere impetum corpori, cui inhæreat, etiam dum non adest medium impediens, cui pariter imprimit impetum, grauitas enim ideo imprimit impetum medio, quia hoc impedit motum corporis grauis, ergo si nullum sit medium
 inpe-

impediens, non est cur grauitas non occupetur tota in imprimendo imperu soli mobili . Qæterum gratis fingitur tanta cõnexio inter motum corporum, & resistantiam mediij, cur enim debuerunt ita institui corpora, vt non possent tẽdere ad acquirendum locum sibi debitum, nisi quando esset, à quo retardarentur, imò tunc magis ad illum debent tendere, quando nihil est quod obstet. Nequẽ dicas naturam non præuidisse miraculum vacui; nam corpora habent duplicem virtutem, virtutem scilicet producendi imperum ad intra, & in se, & virtutem produciendi imperum ad extra in medio retardante : cur ergo inter hanc vtramque virtutem, tanta connexio fingitur, vt non possit exerceri vna sine alia? Certẽ licet aqua habeat virtutem producendi frigus in se, & in extraneo subiecto, non tamen propterea dices, quod in vacuo aqua non posset producere frigus in se, ex eo quia nallum esset subiectum extrinsecum, in quo produceret frigus . Demum natura non præuidit actus supernaturales, & tamen vis naturalis memoratua est talis, vt posito, quod elicuerimus actus supernaturales, habeamus vim recordandi illorum, eò quod indi-


rectè

rectè vis memoratiua est data etiam pro casibus miraculosis, similiter ergo vis motiua erit talis, vt ex suppositione vacui se se possit extendere etiam ad motum in vacuo, ad quem data est corporibus saltem indirectè; cum præsertim minor virtus requiratur ad motum, quando nulla est resistentia superanda, quam quando hæc adest.

8. Aristoteles, vt multi cum S. Thoma docent, non nisi ad hominem contra veteres probauit, quod motus in vacuo fieret in instanti; cum enim illi dicerent: in quolibet motu locali interuenire vacuum. Aristoteles assumendo eorum principium, ex illo intulit, quod si in motu locali interueniret vacuum, motus localis fieret in instanti. Cæterum motus etiam in vacuo fieret in tempore, neque enim tanta motus velocitas determinatur solum à tanta medijs resistentia, sed etiam ex maiori, vel minori grauitate mobilis, & ex maiori, vel minori distantia termini ad quem à termino à quo, & sicuti in vacuo animal iuxta aduersarios posset localiter moueri à principio vitali, nec tamè eius motus esset in instanti, quia tanta motus celeritas determinaretur à tanto impetu, quem in se animal produceret

ret ità tanta motus celeritas in graui-
bus determinaretur in vacuo à tanta
grauitate mobilis .

9 Dixi posse naturaliter fieri in va-
cuo quemcunque motum, exquo non
sequeretur noua corporum disconti-
nuatio, cum enim ideò non possit na-
turaliter dari vacuum , quia corpora
habent naturalem exigentiam, vt vnum
adhæreat alteri, ità posito vacuo, adhuc
corpora quæ inter se adhærent, retine-
rent hanc exigentiam , ideòque non
posset contra hanc naturalem exigen-
tiam fieri naturaliter noua corporum
discontinuatio. Cæterum non solum
motus locales grauium, & leuium, sed
etiam motus alterationis fieri possent in
vacuo, cur enim aqua calefacta non
posset reducere se ad suum connatura-
le frigus? De lumine dicendum omni-
no est, quod per vacuum transmit-
ti non posset , cum enim sit
qualitas requirit subie-
ctum , in quo pro-
ducatur .



CAPVT NONVM.

De prædicamentis situs, & habitus.

1 **S**itus ex Arist. 5. metaph. cap. 19. est ordo partes habentis, ideò enim caput v. g. collum, & pectus habent talem situm, quia habent talem ordinem localem. Illud igitur, quod erit formaliter constitutum talis ordinis localis, erit formaliter constitutum situs; talis ergo ordo localis capitis, colli, & pectoris constituitur formaliter per tales eorum vocationes, nec aliud quidquam requiritur; implicat enim, quod simul existant hæ vocationes capitis, colli, & pectoris, quæ, ex supra dictis habent secum identificatam suam durationem, quin hæ partes habeant inter se talem ordinem localem, ideòque talem situm.

2 Porro quando hæ partes localiter mouentur, adhuc non mutant situm, quia licet mutantur priores vocationes, succedunt tamen aliæ vocationes, quæ habent eundem ordinem inter se, hoc

hoc est succedunt aliæ tres vbicationes. quæ æquè habent, vt post vbicationem capitis immediatè sequatur vbicatio colli; deinde verò vbicatio pectoris; quare licet entitatiuè, & metaphysicè per motum localem mutetur situs, non tamen mutatur situs physicè, & absolutè loquendo, quia loco priorum vbicationum succedunt aliæ, in ratione ordinis prioribus omnino æquiuales. Sic, ex suppositione, quod vbicatio identificetur cum sui duratione, quando quis stat immotus, mutat locum metaphysicè loquendo, physicè tamen, & absolutè loquendo, non mutat locum, quia succedit semper noua, & noua vbicatio, quæ in ordine ad applicandum subiectum in tali loco tam reali, quam imaginario, est omnino priori æquiualens. Porro quamuis situs non differat realiter à prædicamento vbi, sola tamen distinctio formalis satis est ad constituendum peculiare prædicamentum; differre autem formaliter situm ab vbicatione, patet, quia situs non est vbicatio quomodo- cunque considerata, sed est talis ordo, quem aliquæ plures vbicationes habent inter se.

3 Habitus, seu habere ex Aristotele

le hic *secundum plures modos dicitur*, aut enim *ut habitum*, & *dispositionem* aut *aliam aliquam qualitatem*, dicimur enim *disciplinam aliquam*, atque *virtutem habere*. Sed in hac acceptione non constituit prædicamentum diuersum à prædicamento qualitatis, & de habitu in hac significatione opportunius dicemus ubi de anima. Constituit ergo habitus peculiare prædicamentum, pro ut significat extrinsecam denominationem ex adiacentia vestis, armorum &c. illi, qui denominatur vestitus, ornatus, armatus &c. ideòque forma huius prædicamenti est extrinseca vestis habens talem vicationem circa corpus illius, cui attribuuntur tales denominationes. Cæterum nulla est necessitas superaddendi quidquam intrinsecum, quod in habente resultet, & per quod tale prædicamentum constituarur.



DISTINCTIO SEXTA

In libros Perihermenias.

CAPVT PRIMVM.

De vocibus.

DEfiniuntur ex Arist. hic c. 1. voces: *Nota, hoc est signa earum, quæ sunt in anima passionum.* Pro cuius intelligentia explicandum est, quid sit signum. Signum ergo definitur communiter ex Sæcto Augustino: *id, quod se ipsam sensui, & præter se aliquid animo representat.* Sed hæc definitio non completitur nisi signa sensibilia, quæ sola fuerunt à Sæcto Augustino definita, tradente definitionem signi in ordine solum ad scientias humanas, quæ originem habent à sensibus; Cum ergo dari etiam possint signa spiritualia, quæ sunt voces Angelicæ, ideò signum vniuersalius definiri poterit, *Id quod potentia cognoscitiua aliquid à se saltem formaliter distinctum representat, siue ipsum est.*

cognoscatur ut quod, sine solum, ut quò. Hec definitio complectitur tam signa sensibilia, quàm spiritualia, tam instrumentalia. v.g. fumus, quæ cognita, ut quò ducunt nos in cognitionem alterius; quàm formalia, qualia sunt cognitiones, quæ solum cognitæ ut quò ducunt nos in cognitionem rei per tales cognitiones repræsentatæ, quæ res per cognitionem repræsentata aliquando non est nisi formaliter distincta ab ipsâ cognitione, si nimirum res illa nullum aliud habeat esse, nisi esse obiectivè in cognitione.

2 Hinc signum aliud est formale, quod solum cognoscitur *ut quò*, aliud instrumentale, quod cognoscitur *ut quod*, aliud materiale, aliud spirituale, ut paulò ante dicebamus, aliud naturale, quod naturalem habet connexionem cum re significata, qualem v.g. habet fumus cum igne, aliud ad placitum, quale est v.g. hederæ, quæ ex hominum placito est instituta ad significandum vinum vendibile; Rursus signum ad placitum aliud est ex mera consuetudine, ut est habitus virilis ad significandum sexum virilem, aliud est ex pacto, cuiusmodi sunt omnes voces humanæ articulatæ saltem de præsentī. Dixi *saltem de præsentī*,

senti, quia quamuis tum ex auctoritate Sancti Augustini, tum ex illis verbis *Genesis, Descendamus, & confundamus linguam illorum* non sit improbable primum sermonem saltem, quoad nomina radicalia inditum hominibus fuisse ab auctore naturæ, adhuc tamen de præsentī omnes voces articulatae significant ad placitum, quia quod de præsentī illæ etiam voces radicales retineāt primam illam significationem, non est nisi ex placito hominum, cum enim, si voluissent, facile potuissent illarum significationem immutare, quod illam non immutauerint, fuit ex hominum placito.

3 Præterea, quod omnes voces humanæ articulatae saltem de præsentī significant ad placitum, probatur, quia nulla est assignabilis vox articulata, neque radicalis, quæ apud omnes nationes idem significet, nulla ergo naturaliter significat; quod enim naturaliter significat, apud omnes idem significat. Quando ergo dicitur *Genesis 2. appellauit Adam nominibus suis cuncta animantia*, non est sensus, quod Animantia haberent propria nomina naturaliter significantia, antequam illis nomen ab Adam imponeretur, sed quod Adam

con-

componendo, & formando nomina ex vocibus radicalibus inditis illi a Deo, unicuique imposuerit nomen exprimens illius naturam.

4 Quod si quæras, quid habuerit pro obiecto voluntas primorum institutorum alicuius idiomatis, dum voluerunt, quod voces hoc, vel illud significarent. Respondeo primos idiomatis institutores conuenisse in habendo voluntatem de non adhibenda tal determinata voce, nisi quando scirent existere talem determinatam ré posito tamen, quod loquēs aliundè nō ostendēret, se nolle dari alteri veros conceptus; postquam autem habuerunt talem voluntatem, illam sibi mutuò manifestarunt, & mutuo promissionem acceptarunt, ex quo proinde resultauit in primis auctoribus linguæ obligatio seruandi promissionem, ità vt quoties illam non obseruarent, essent infidēles, & mendaces; licet autem non fuerit necesse, quod tale pactum explicite intercederet, pactum tamen huiusmodi saltem implicitum fuit omninò necessarium, ad hoc vt haberetur finis, per locutionem articulata ad alium, unice intentus, qui est de dando alteri veros conceptus, ideòque sicuti qui vult

effica-

efficaciter finem, benè præsumitur vel-
le media vnicè necessaria ad affecutio-
nem talis finis, ità dum primæ linguæ
institutores alloquendo alios, ostende-
bant se efficaciter velle finem locutio-
nis, vel explicitè, vel implicitè ostende-
bant se velle etiam medium vnicè ne-
cessarium ad obtinendum finem locu-
tionis; sed finis locutionis articulatæ ad
aliud est manifestare, & dare alteri ve-
ros conceptus, medium autem vnicè
necessarium ad hoc obtinendum est cõ-
uenire in non adhibenda tali voce, nisi
quando habetur scientia de existentia
talis rei, ergo, qui, dum loquitur, osten-
dit se velle finem locutionis, ostendit e-
tiam se velle non adhibere talem vo-
cem, nisi quando ha' et scientiam de
existentia talis rei. Similiter qui audit
audiendo ostendit se velle finem locu-
tionis, quam audit, ideòquè saltem ta-
citè ostendit se acceptare promissionē,
quam loquens exhibet de vocibus non
nisi taliter adhibendis; ergo dummodo
loquens aliudè non ostendat, se nolle
per talem locutionem finem locutio-
nis, si per locutionem adhibet voces
diuersimodè, ac sunt adhibendæ ad dā-
dos alteri veros conceptus, eodem
actu promissionem violat, quò pro-
missio-

missionem facit .

5 Non modo de primis linguæ institutoribus , sed etiam de posteris quibuscunque loquentibus idem dicendū est, dum enim vtuntur aliquo idioma-
te, in ipso actu locutionis implicite, & sponte consentiunt in pactum initum à veteribus, cum enim ostendant alteri se velle dare illi veros conceptus per tale idioma, implicite etiam ostendunt se, efficaciter velle medium vnicè necessarium ad obtinendum hunc finem per tale idioma , cum verò medium vnicè necessarium ad hoc obtinendum, sit conuenire in pactum initum à veteribus, implicite ostendunt alteri se in tale pactum consentire, ideoque, si leges talis pacti non seruant, sunt mendaces .

6 Ex hoc patet adhiberi posse sine violatione fidelitatis suspiria , & alia signa, tum naturalia, tum ex mera consuetudine etiam non existente re significata, quia in his nullum intercedit pactum, neque explicitum, neque implicitum , nam quando vir v. g. induitur veste muliebri, non propterea init implicitè pactum cum aspicientibus dedando illis verum conceptum de existentia mulieris sub tali habitu , nam
finis

finis vestis non est dare alteri noticiam de existentia talis sexus ; sicuti finis, propter quem vnicè à natura instituta est locutio articulata ad alterum , est vt detur alteri verus conceptus , ideò-que licet per consuetudinem ex veste muliebri inferatur sexus muliebris , potest tamen sine infidelitate, & mendacio vti quis veste muliebri ad alios fines, propter quos vestis est instituta . Similiter licet suspiria habeant connexionem naturalem cum tali affectione animi, & illam naturaliter indicent , quia tamen non sunt saltem vnicè instituta à natura ad hoc, vt ex pacto per suspiria indicetur alijs talis affectio animi ; ideò sine mendacio adhiberi possunt suspiria propter alios fines , etiam si talis affectio hic, & nunc non existat ; Neque dicas hæc non habere locum nisi in vocibus enunciativè prolatis, nam quia vocibus simplicibus indita est ex hominum placito talis significatio in ordine præcipuè ad enunciationem, ideò præscindendo etiam ab enunciatione adhuc retinent illam significationem, quæ in ordine ad enunciationem acceperunt ; quamquam voces sine yllo mendacio adhiberi possunt ad libitum extra enunciationem, quia extra enun-

V cia -

ciationem nullum possunt dare alteri verum conceptum; cum veritas, ex dicendis cap. sequenti, non sit nisi in enunciatione.

7 Aliquæ voces significant solum modum tendendi intellectus, huiusmodi sunt. v. g. hæ voces *vel, si, est*, quando stat vitaliter; & exercitè, importans solum modum tendendi compositiuum, & *non est*, quando significat modum tendendi diuisiuum; Aliæ tamen sunt voces, quæ significant tam conceptus, quàm res, audita enim hac voce; *homo*, venio in cognitionem tum ipsius hominis, tum animalis rationalis, tum quod loquens conceperit hominem, ideòque hæc vox ducit in cognitionem, tam hominis habentis esse in se, quàm hominis habentis esse in cognitione, seu representati per cognitionem. Res tamen à vocibus significantur ad placitum, vt constat ex dictis, conceptus verò significantur naturaliter tanquam causa ex effectu. locutio enim, tanquam effectus oritur ex conceptu. Sed dum dicuntur conceptus significari à vocibus naturaliter, intelligendum hoc est de conceptu formali, seu de entitate cognitionis secundum prædicata communia cognitionis. Quia id, quod ex vi
 talis

talis vocis significatur existere obiectiue in cognitione loquentis, seu obiectum ipsum prout expressum, & representatum in tali cognitione loquentis non significatur nisi ad placitum, audita enim hac voce, *homo*, venio quidem naturaliter in cognitionem non modo, quod loquens conceperit hanc vocem materiale, sed quod præterea habuerit cognitionem de eo, quod per hanc vocem significatur, at quod loquens conceperit animal rationale, & habuerit talem cognitionem exprimentem animal rationale, non potest mihi innotescere, nisi ex institutione hominū. Præterea voces, non modo ad placitum significant rem, sed determinant etiam ex placito, & institutione hominum audientem ad hoc, vt rem illam tali modo cognoscat, hæc enim vox, *Homo*, determinat audientem ad concipiendum animal rationale in recto, vox verò *Hominis* determinat ad illum concipiendum in obliquo, concipere autem in recto; vel in obliquo est tali, vel tali modo concipere:

8 Quæri hic solet, quid prius, & immediate significetur à vocibus, res ne an conceptus; pro qua quæstione certum est non posse à voce significari co-

gnitionem prout talem, nisi simul significetur obiectum talis cognitionis, cognitio enim constituitur in ratione talis per tale obiectum, quod exprimit, Videtur ergo quod audita aliqua voce venire possimus in cognitionem rei nihil cogitantes de cognitione, quā habet loquens de tali re, at nullo modo possumus cognoscere, quod proferens talem vocem habeat talem cognitionem, nisi etiam cognoscamus rem expressam per talem cognitionem. Bene tamen possumus audita aliqua voce venire in cognitionem, quod loquens habeat conceptum de tali re absque eo quod cogitemus de esse, quod talis res habet in se, & extra cognitionem; Quare neque ad cognoscendam rem, prout existentem in se, est medium necessarium cognoscere cognitionem, quam loquens habet de tali re, neque ad cognoscendam cognitionem, quam loquens habet de tali re, est medium necessarium cognoscere rem secundū esse, quod in se habet extra cognitionē.

9 Dicendum igitur est, quod voces quantum est de se, non habent determinare audientem ad hoc, vt prius, & immediatē concipiat potius res secundum esse, quod habent in se, quam conceptus,

ceptus, seu cogitationes, quas loquens habet de talibus rebus, sed audiens aliunde determinari debet ad hoc, ut prius, & immediatè concipiat, nunc prius res, quam cognitiones de rebus, nunc vero è contra, prius cognitiones de rebus, quam res secundum esse, quod habent in se, si enim audiens est cupidus sciendi rem secundum esse, quod habet in se, audita locutione statim cogitatione accurrit ad cogitationem rei secundum esse, quod habet in se, nihil cogitans de cogitatione, quam loquens habet de tali re, si verò è contra audiens sit cupidus cognoscendi conceptum, & explorandi ingenium & cogitationes loquentis, statim cogitatione accurrit ad cognoscendam cognitionem, quam loquens habet de tali re.

10 Atque hoc verum est etiam de vocibus enunciatiuè prolati à loquente, in ordine ad eliciendum assensum audientis, saltem quando audiens habet pro motiùo assensus aliud, quam scientiam, & bonitatem loquentis. Quamvis enim, quando assentimur alicui propositioni enunciatae à loquente propter auctoritatem illius, debeamus præcognoscere conceptum loquentis, ut

ab illius scientia, & bonitate moueamur ad assensum, tamen si quis enunciatiue proferat. v.g. *Omne totū est maius sua parte*, vt eliciat à me audiēte assensū huic suæ propositioni, adhuc possum hanc propositionem intelligere. illique præbere assensum ex sola penetratione terminorum nihil cogitans. de conceptu loquentis.


II Dices ex Arist. hic cap. i. voces sunt signa conceptuū: primo, ergo semper prius & immediatè significant conceptus. Respondeo cum Aristoteles non expresserit, qua primitate voces sint signa conceptuum, benè posse explicari de primitate intentionis, quatenus cum loquentem magis intersit significare suos conceptus, quam res, primaria intentio institutorum linguæ credenda est fuisse de manifestatione conceptuum. Porro licet voces substituantur loco conceptuum, quia tamen substituantur etiam loco rerum, idè non est necesse quod, ad hoc vt ducant nos in cognitionem rerum, prius nos ducant in cognitionem conceptuum, sic si loco imaginis Cæsaris pictæ substituaturs statua Cæsaris lignea, quia hæc substituitur non modo loco imaginis, sed etiam ipsius Cæsaris, idè poterit
 a pi

aspicientem ducere immediatè in cognitionem ipsius Cæsaris absque eo quod sit necesse, vt prius ducat in cognitionem imaginis, cuius loco substituta est,

12. Voces in propositionibus non supponunt pro conceptibus formalibus, sed pro rebus per conceptus representatis, aliter propositiones essent falsæ; ideò ergo est verum. v. g. quod rationale est risibile, quia res illa, quæ est rationalis est risibilis, non verò quia cognitio, seu conceptus formalis de rationali est conceptus de risibili, hoc enim est falsum.

13 Scriptura proprie dicta, hoc est non quæ constat hyeroglyphicis, sed quæ componitur ex elementis alphabeticis correspondentibus diuersis nostris articulationibus significat immediatè voces, supponit tamen pro rebus, in quarum cognitionem non ducit nisi excitando prius in legente species vocum. Qui enim sciunt aliquod idioma, sed nesciunt legere, quia nesciunt ex talibus signis, & characteribus venire in cognitionem vocum per scripturam significatarum, non possunt duci in cognitionem rerum; si verò scirent quæ nam voces ex his characteribus formantur

statim venirent in cognitionem rerum, ergo prius scriptura ducere debet legentem in cognitionem vocum, & deinde mediantibus vocibus ducere illum in cognitionem rerum. Hoc non accidit in vocibus respectu conceptuum, possemus enim per voces venire in cognitionem rerum, nihil cogitantes de conceptibus, cognitio enim conceptuum non est medium necessarium in ordine ad cognoscendas res, sicuti est contra cognitio vocum est medium necessarium ad hoc ut à scriptura ducamur in cognitionem rerum, si enim nescimus, quæ nam voces ab his characteribus formantur, non possumus per characteres venire in cognitionem rei. Hoc non accidit in scriptura improprie dicta, quæ habet potius rationem imaginis, cuiusmodi est scriptura per Hieroglyphica, nam etiam si quis nesciat, & idioma, & vocem materiale, qualis res vocatur ab Aegyptijs v. g. adhuc per hoc hieroglyphicum duci potest in cognitionem rei, quæ per hieroglyphicum ab Aegyptijs significatur.



CAPVT SECVNDVM.

De Enunciatione .

Veritas formalis est conformitas cognitionis cum obiecto. Conformitas, inquam, non in essendo, quia sepe obiectum per veram cognitionem cognitum, est substantia, cum cognitio, ut pote semper accidens, sit tali obiecto difformis in essendo; sed neque satis est ad veritatem formalem, quod cognitio sit conformis obiecto in representando, seu in ratione imaginis, cum dari possit cognitio falsa, quæ sit conformis obiecto in ratione imaginis, nam cum non sit necesse, quod in qualibet propositione representetur identitas obiectiua inter prædicatum, & subiectum, sed sufficiat solus modus tendendi, ut probauimus ubi de ente rationis metaphysico numero 6. Hæc propositio, *Homo est equus* erit falsa, etiam si cognitio sit conformis obiecto in representando, seu in ratione imaginis, cognitio enim de homine est conformis homini, cognitio de equo est conformis equo. Conformi-

tas ergo, quæ ad veritatem requiritur, & est veritatis constitutiva, est conformitas in modo tendendi, ita vt illa cognitio sit vera, quæ tendit modo compositiuo per verbum *est* in ea, quæ à parte rei sunt identificata, vel quæ tendit modo diuisiuo per verbum *non est* in ea, quæ non sunt identificata.

2. Hinc in sensationibus non potest dari veritas, vel falsitas propriè dicta, cum per sensationes nulla fiat compositio, vel diuisio quod verò conformitas in representaado ad veritatem, propriè dictam non sufficiat, præter iam dicta, constat etiam ex Arist. 3. de anima tex. 22. vbi ait. *Falsum in compositione semper est*, ergo etiam verum non erit nisi in compositione; ex eodem enim Aristotele loc. cit. tex. 21. *In quibus falsum iam & verum est*. Potest quidè in sensibus dari fallacia, vel etiam falsitas dispositiuè, quatenus ex fallaci sensatione disponitur intellectus ad falsitatem formalem, at veritas, & falsitas propriè dicta in sensationibus non datur, imo propter eandem rationem, neque dari potest in prima operatione, cum in illa neque compositio, neque diuisio detur. Adde primam operationem non posse esse falsam, quia implicat,

plicat, quod prima operatio non representet, id quod representat, & quod nō cōformetur in ratione imaginis illi, quod representat. Sicut ergo in vocibus simplicibus, & incōplexis non datur veritas, vel falsitas, quia implicat quod vox incōplexa non significet id, quod significat, ita quia implicat quod prima operatio non representet id, quod representat; in prima operatione nunquam dabitur falsitas; ideòque nec in illa dabitur veritas propriè dicta. De cognitionibus Angelicis, ac Diuinis est dispar ratio, quia licet in illis non detur formalis compositio, & diuisio, datur tamen æquiuallenter tota perfectio, quæ est in nostra compositione, & diuisione; ideòque datur in illis veritas modo perfectiori, at cum simplex apprehensio neque formaliter, neque æquiuallenter habeat perfectionem compositionis, & diuisionis, nullo modo habere poterit veritatem.

3. Dices si quis volens concipere, v. g. aurum concipiat auricalcum, talis apprehensio erit falsa; Respondeo talem apprehensionem non futuram falsam; licet enim ille, qui hoc modo apprehendit non fuerit affectus finem suum, tamen apprehensio auricalchi est

conformis in ratione imaginis auricalco
 ideòque non est apprehensio falsa, cum
 conformietur suo obiecto in ratione
 imaginis, sed non propterea est vera,
 quia si ad veritatem propriè dictam sa-
 tis esset conformitas in representando,
 propositiones falsæ essent veræ, vt enim
 dicebamus: Hæc propositio. *Homo est*
equus est falsâ, & tamen est conformis
 obiecto in ratione imaginis, si in illa
 non representetur identitas obiectiua,
 inter prædicatum & subiectum, imo
 etiam si hæc representetur, adhuc ap-
 prehensio de identitate obiectiua, & im-
 possibili inter hominem, & equum est
 conformis in ratione imaginis suo obie-
 cto, cum sit conformis identitati im-
 possibili; si ergo nihilominus est propo-
 sitio falsa, ideo erit falsa, quia ad ve-
 ritatem formalem conformitas in re-
 presentando nihil facit, neque dicas cō-
 ceptum auricalchi esse verum concep-
 tum auricalchi, sed falsum conceptum
 auri, eo quod ita sit conformis aurical-
 co, vt sit difformis auro, nam si hoc ad
 falsitatem satis esset, omnes conceptus
 essent falsi, quilibet enim conceptus, qui
 est conformis vni obiecto est difformis
 alteri. Neque demum dicas posse à
 nobis per primam operationem apprehendi

hendi integram propositionem, nam si illi per secundam, aut tertiam operationem non præbeamus assensum, vel dissensum, nullam intellectus per talem propositionem eliciet veritatem, vel falsitatem.

4 Dantur aliqui actus ita veri, ut iidem non potuerint esse falsi, huiusmodi autem actus sunt duplicis generis, alij ex principio, alij ex obiecto: ex principio sunt actus fidei diuinæ, qui oriuntur tamquam ex principio ab habitu fidei diuinæ, cui repugnat inclinare ad falsum, ideòque ratione dependentiæ essentialis, quam habent à tali habitu repugnat, quod illis subsit falsitas, qui verò sunt necessariò veri ex obiecto subdividi possunt in duas species, vel enim sunt eiusmodi, eò quod obiectum ita de facto sit tale, ut non potuerit aliter se habere & huiusmodi sūt omnes actus veri de obiecto necessario, quod aliter se habere non potuit; vel veritatem necessariò habent ex obiecto, eo quod essentialiter suo obiecto, sint affixi ratione essentialis alligationis, & dependentiæ ab obiecto, quod intuentur.

5 Actus etiā elicitī ab habitu scientifico sunt ita veri, ut non potuerint esse falsi. De his tamen dubitari potest,
 vtrum

utrum habeat hoc ex principio, an ex obiecto. Sed videtur potius dicendum, quod hoc illis competat ex obiecto, si enim per impossibile obiectum aliter se haberet tales actus essent falsi: in tantum ergo. ratione principij sunt necessario veri, in quantum habitus scientificus habet inclinare ad actus. similes illis, à quibus est genitus, ideòque cum ipsi actus sint necessario veri, quia obiectum necessario est tale, quale ab actibus enuntiatur, ipse etiam habitus scientificus sequens naturam actuum habebit inclinare ad actus necessario veros ex obiecto.

6 Sed præter huiusmodi actus necessario veros, dantur alij solum contingenter veri, qui nimirum iidem numero potuerunt esse falsi, sic si sedente Petro v. g. dicam Petrus sedet; ita hic actus est verus, ut hic idem numero potuerit esse falsus, si Petrus non sedisset, non aliter ac existente albo A v. g. & albo B ita de facto album A est simile albo B ut idem album A de se inuariatum potuerit non esse illi simile, si videlicet album B non extitisset. Et sanè ex dictis de relatione prædicamentali, sicuti antecederet ad omnem modum relationum per solam positionem albi Balbum

Bum. A est illi formaliter simile, quia antecedenter ad omnem modum album A. existit, sicuti existit album B, ita per solam positionem sessionis Petri propositio affirmans talem sessionem est formaliter vera, quia enunciat obiectum eo modo, quo existit, sed hæc propositio, ut diximus, ita est de facto vera, ut eadem non fuisset vera, si sessio non extitisset.

7 In actibus ergo contingenter veris veritas est denominatio cognitioni partialiter extrinseca ab obiecto existente eo modo, quo ab ipsa cognitione enunciat, quod probatur primò, quia veritas est conformitas cognitionis cum obiecto, ideòque sicuti similitudo est denominatio partim intrinseca, partim extrinseca illi, quod denominatur simile; ita veritas erit denominatio partim intrinseca, partim extrinseca cognitioni veræ; Quamvis enim cognitio affirmans v. g. studium Petri habeat essentialiter illud representare, seu affirmare cum veritate, sed ad alterutrum determinatur ab obiecto, sicuti album A. ab alio obiecto determinatur ad hoc ut illi sit simile, vel dissimile. Secundò supponatur quod hæc propositio v. g. Magnus Turca in fine huius anni morietur sit vera,

vera, quo posito, si veritas huic actui esset essentialis, & adæquatè intrinseca nõ posset assignari à quo nã intellectus fuisset determinatus ad eliciendum huc actum entitatiuè verum potiusquam loco istius alium actum entitatiuè falsum, nam intellectus de se indifferens ad eliciendum actum cum prædicato intrinseco veritatis, vel cum prædicato falsitatis; ipsa mors futura magni Turcæ non potest nunc influere in intellectum, & illum determinare ad talem cognitionem essentialiter veram. Dicere verò quod determinetur à Deo est gratis diuinare; neque Deus in ordine naturali mouetur ab aliquo futuro ad ponendum, vel conseruandum aliquid de præsentì. Sed etiam si moueretur, adhuc posset procul dubio nõ moueri, cum adhuc Deus liberè moueatur, ideòque posset nolle concurrere ad cognitionem entitatiuè veram, sed ad aliam entitatiuè falsam. Si ergo concurrerèt ad cognitionem entitatiuè falsam, peto cognitioni enuncianti mortem magni Turcæ verè futuram, quid deesset quominus effet vera? præscindendo ergo ab omni prædicato veritatis intrinseco cognitioni, per hoc præcisè quod cognitio enunciauit obiectū

eo modo, quo hoc existit, erit vera, quia nomine veritatis hoc intelligimus, nec ad illam aliud quidquam requirimus. Demum si cognitioni veritas esset intrinseca, & essentialis Angelus comprehendens suos actus per hoc quod formet propositionem aliquam de secretis cordium tali sua propositione, cognosceret veritatem, vel falsitatem, ideòque cognosceret secreta cordium, quod Angelo non conceditur, neque dicas impediri à Deo nolente concurrere cum Angelo ad apprehensionem suorum actuum, nam quid nos cogit asserere, quod Angelus continuam violentiam in suis cognitionibus patiatur.

8 Dices veritas est perfectio cognitionis; ergo erit illi adæquatè intrinseca. Sed huic argumento satisfacimus ubi de relatione prædicamentali. Solum hic addimus posse perfectionem veritatis haberi partialiter ab aliquo extrinseco, non aliter ac consonantia vocis, quæ est illius perfectio, habetur partialiter à taleitate alterius vocis, & non aliter, ac in imagine perfectio similitudinis cum suo prototypo habetur partialiter à taleitate prototypi. Sed hæ perfectiones partialiter extrinsecæ fundantur
tur

tur in perfectione adæquatè intrinseca; perfectio enim vocis consonantis fundatur, & refunditur in perfectionem musici scientis elicere talem vocem; quæ de se sit talis, vt cum alia, quæ præsupponitur esse talis, parere possit talem sensationem iucundam; pariter perfectio similitudinis partialiter extrinseca fundatur in perfectione adæquatè intrinseca pictoris, qui ex suppositione talis prototypi, scit taliter hanc imaginem conformare; & demum perfectio cognitionis veræ fundatur, & resoluitur in perfectionem intellectus scientis elicere hanc cognitionem, quæ ex suppositione quod obiectum taliter existat, sit illi conformis.

9. Non requiritur ad veritatem omnium propositionum quod illarum obiectum existat de præsentissimo. vt propositiones de obiecto præterito, vel futuro, sint nunc veræ, non debet nunc existere earum obiectum, & quamuis existentia futura AntiChristi nunc nihil sit, adhuc tamen propositio affirmans existentiam futuram AntiChristi est nunc vera, quia sicuti per hanc denominationem. *Domus antiqua* intelligitur, quod detur nunc domus, & anni non sint de præsentibus, sed præterierint; ita per veritatem

ratē huius propositionis *Antichristus erit* intelligimus, quod detur talis cognitio, & quod non detur *AntiChristus* nunc, sed sit exiturus.

10. Ex his infertur non per omnem veritatem importari veram relationem prædicamentalem, ad hanc enim, ex dictis de relatione prædicamentali, requiritur existentia termini, qui tamen ad aliquam veritatem non debet existere. Veritas ergo est conformitas cognitionis cum obiecto præscindens à conformitate per veram, vel non veram, relationem prædicamentalem, cum enim nomine cognitionis intelligamus cognitionem, quæ enunciat obiectum iuxta illius merita, siue actu existat, siue non, hinc ad rigorosam veritatem non requiritur quod obiectum coexistat cognitioni; è contra cum ad hoc ut existat vera relatio existere debeat quid constituit completam rationem fundandi prædicatum relatiuum: quando terminus non existit, neque existit vera relatio, quia terminus complet constitutiva prædicati prædicamentaliter relatiui.

11. Sed superest ut decernamus, an etiam actibus necessario veris, de quibus diximus num. 4. veritas sit denominatio,


natio partim intrinseca, partim extrinseca. Dicendum ergo est affirmatiuè, & primò de actibus necessario veris ex obiecto videtur clarum, nam ideo hic actus, *non potest idem simul esse, & non esse*, est necessario verus, quia obiectum non potest aliter se habere, & si per impossibile obiectum potuisset aliter se habere, etiam hic actus potuisset esse falsus. In actibus necessario veris ex principio distinguendum est inter exigentiam essentialem, quam habent his actus, vt existat eorum verificatiuum, & ipsammet denominationem veritatis. Exigentia enim essentialis, quam habet actus fidei diuinę v. g. vt existat eorum verificatiuum est illis essentialis, & adequate intrinseca, cum sit illis essentialis dependentia ab habitu fidei, cui repugnat inclinare ad falsum, at ipsamet denominatio veritatis non est, cur non dicatur istis, etiam actibus, esse partim intrinseca, partim extrinseca; veritas enim definitur conformitas cognitionis cum obiecto, non verò exigentia, vt existat obiectum, cui cognitio conformetur, & sicuti nulla similitudino est essentialis vni tantum, licet vni tantum possit esse essentialis exigentia, vt existat aliud, cui assimiletur, ita nulli cognitionis dicenda

da est esse essentialis conformitas, & veritas, licet aliquibus cognitionibus sit essentialis exigentia, vt existat obiectum cui conformentur.

12 Dices dependentia creaturæ à Deo est essentialis, & adæquatè intrinseca ipsi creaturæ, igitur etiam actibus necessario veris ex principio erit essentialis, & adæquatè intrinseca veritas. Respondeo disparitatem desumi ex diuersa horum terminorum acceptione, sicut enim nomine dependentiæ intelligimus solum illam entitatem, quæ indiget alia, ita è contra nomine veritatis intelligimus conformitatem cognitionis cum obiecto; ideòque quod cognitio sit talis, & obiectum sit tale. Quod si nomen veritatis transferretur ad significandam exigentiam, quam essentialiter habent aliqui actus, vt existat eorum verificatiuum, nomen veritatis staret æquiucòcè, quod non est dicendum. Quare quamuis aliquæ cognitiones per suam essentiam exigant suum verificatiuum, illisque talis exigentia sit essentialis, nulli tamen cognitioni veritas dicenda est essentialis, sed partim intrinseca, partim extrinseca, saltem negatiuè, saltem, inquam, negatiuè propter propositiones
veras

veras negatiuas, ad quarum veritatē non requiritur, quod existat ex parte obiecti extrinseca negatio, quæ habeat in se aliquam entitatem, seu veritatem obiectiuā, sed quod totum, quod datur de obiecto negato, sit cognitio, & eius veritas, si est contingens, potuerit deesse per positionem alicuius extrinseci.

. 13 Porro quamuis omnis veritas formalis habeatur partialiter ab extrinseco, non tamen ipsum etiam obiectum extrinsecum dicitur verum formaliter, quia per denominationem veri formaliter non intelligimus quamcunque conformitatem, sed solum conformitatem illius, quod ab obiecto mensuratur, cuiusmodi est sola cognitio. Sic quamuis Petrus. v. g. Pater habeat esse patrem partialiter à Paulo filio, non tamen ipse etiam Paulus dicitur Pater. Vide dicta de relationibus disqui- parantiæ in prædicamento relationis.



CAPVT TERTIVM.

Reliqua quæstiones de veritate, & qualitate propositionum.

Non potest eadē propositio mutari de vera in falsam, neque de falsa in veram, quia omnis propositio consignificat tempus, cum enim omnis propositio importet aliquod verbum, omne autem verbum sit significativum cum tempore, omnis propositio est enunciativa obiecti non quomodocunque, sed pro tali tempore vel præsentī, vel præterito, vel futuro, vel determinato, vel indeterminato, ergo si semel obiectū supponatur fuisse tale, quale enunciatur pro eo tempore, quod à tali propositione importatur, etiam si deinde pro alia circumstantia temporis obiectum mutetur, adhuc propositio affirmans obiectum pro eo tempore, pro quo existit, sicuti enunciatur, semper est vera. Neque in contrarium est Arist. cap. de substantia ibi enim signanter dixit: *eadem Oratio vera, & fal-*

Et falsa videtur esse, cum enim ibi non esset locus hoc exactè examinandi, eo dato, sed non concesso aduersarijs, attulit deinde discrimen inter substantiam, & orationem, propter quod substantia, & non oratio sit susceptiua contrariorum; nimirum quod sola substantia sit susceptiua contrariorum per sui mutationem extrinsecam; quod Orationi nullo modo conuenit: etiam dato, quod eadè de vera mutetur in falsam.

2 Non potest dari propositio formalis, quæ neque sit vera, neque falsa, nam vel obiectum existit eo modo, quo enunciatur, vel non, si existit, propositio erit vera, si non existit, erit falsa. Pariter nō potest dari propositio formalis, quæ sit simul vera, & falsa, quia non potest prædicatum simul inesse, & non inesse subiecto. Dixi de propositione formali, nam propositiones, quæ dicuntur se ipsas falsificantes, non possunt esse propositiones formales, sed proferri solum possunt materialiter, & ratio est, quia ex communi Summulistarum, quælibet propositio de se ipsa implicite dicit *vera sum*, seu *verum dico*, ideòque idem implicite est dicere *Deus est unus*, ac dicere *verum est Deum esse unum*, cum ergo intellectus non

non possit formaliter de eodem obiecto simul dicere verum est, & falsum est, non possunt propositiones seipsas falsificantes esse formales, sed solum materiales. eidem enim obiecto intellectus assentiretur simul, & dissentiretur, quod implicat; nam si dicam. *Ego per hanc propositionem mentior*, idem est, ac si dicerem: certum est, seu verum dico, quod ego per hanc propositionem, per quam dico verum, mentior, seu falsum dico; ergo intellectus affirmaret, & se simul verum, & falsum dici de eodem obiecto, quod implicat, similiter si dicam: *ego iuro per hanc propositionem me non iurare*; hæc propositio non erit nisi materialiter prolata, cum implicet intellectum dicere, verum est, quod per hanc propositionem non iuro. Huiusmodi, ergo propositiones neque sunt veræ, neque sunt falsæ, neque sunt simul veræ, & falsæ, quia neque sunt propositiones formales, sed solum vocales, & materialiter prolatae absque villo interno assensu, vel dissensu.

3 Dices. Non implicat, quod quis per errorem affirmet dari plures Deos, sed affirmare quod dentur plures Dei est affirmare duo contradictoria, ergo licet in dictis propositionibus affirmen-

tur duo contradictoria poterunt tamē esse formales. Respondeo posse ab intellectu affirmari aliquid impossibile, nō cognitum, vt tale, à quo deinde cogatur affirmare duo contradictoria, si velit in priori affirmatione persistere, at nullo modo potest affirmare duo contradictoria formaliter, vt talia, quomodo deberet efficere, si posset has propositiones formaliter enunciare. Quāvis enim quælibet propositio non nisi implicitè, & virtualiter, quoad verba externa de se dicat *vera sum*, tamen adhæsiō correspondens istis verbis ex parte intellectus est formalis, ideòque cum non possit idem intellectus eidem obiecto adhærere, & ab eodem simul refugere non potest has propositiones formaliter elicere.

4 Dices iterum, promittat alicui Deus: dabo pluuiam, solum si tu verum dixeris, ille autem statim dicat: Deus nō dabit pluuiā. Hoc posito si hæc secunda propositio est vera, sequitur, quod Deus nō dabit pluuiā; ergo prima propositio hypotheticæ erit falsa, & Deus impleta conditione non dabit id, quod sub tali conditione se daturum promittit, quod est absurdum. Quod si Deus dat

dat pluuiam, ille, qui dixit: Deus non dabit pluuiam, falsum dixit, ergo cum non fuerit impleta conditio, Deus non debet, imo nec potest dare pluuiam, quam promisit se daturum solum sub tali conditione. Respondetur communiter hunc casum esse impossibilem, quia pactum non potest procedere de propositione, quæ sit destructiua pacti, sed solum in alia materia, alioquin Deus obligaretur ad impossibile.

5 Veritas consistit in indiuisibili, falsitas tamen suscipit magis, & minus; veritas enim est conformitas cognitionis cum obiecto, & quidem ex communi acceptione est omnimoda conformitas, & excludens omnem difformitatem, ideòque consistens in indiuisibili, cum è contra falsitas, quæ est difformitas possit esse maior, & minor, sicut enim ad veritatem, per quam intelligimus quid perfectum, & bonum, requiritur integra causa, & omnimoda conformitas, ità ad falsitatem, quæ est quid malum, sufficit, quilibet defectus, & prout defectus erunt plures, eò falsitas erit maior. Sic ad hoc vt duo ligna dicantur simpliciter æqualia, requiritur omnimoda conformitas inter illa, vt verò sint inæqualia sufficit quæcunque

difformitas, & prout hæc est maior, eò maior erit inæqualitas. Similiter ergo cum per veritatem intelligamus conformitatem simpliciter dictā, hinc ad illā omnimoda conformitas requiretur. Hinc formaliter loquendo tam est vera cognitio creata conformis obiecto, quā increata, licet increata dici possit verior radicaliter, quatenus est à principio, cui repugnat falsitas. Similiter cognitio vera affirmans decem homines currere, non est formaliter verior, quam cognitio vera affirmans vnum tantum hominem currere, licet illa dici possit verior extensiuè. Simili etiam modo intelligendus est Aristoteles, dum docuit quod hæc *propositio bonum est bonum* sit verior, quam hæc *bonum non est malum*, si enim loquamur de veritate formali, cum vtraque sit æquè conformis suo obiecto, vtraque est æquè vera, cæterum si loquamur de maiori veritate, quoad proprietatem, prima est verior, quàm secunda, quia per secundam explicatur bonum per negationem contrarij, ideòque non tam per id, quod est, quam per id, quod non est.

6 Dices potest vnus actus esse certior, & euidentior alio, ergo & verior. Itē potest vnus actus volūtatis esse melior

lior alio, ergo etiā vnus actus intellectus
 verior alio. Respondeo disparitatem ef-
 se quia nomine certitudinis, & euiden-
 tiæ, non venit certitudo, & euidentiæ
 omnimoda, similiter nomine actus bo-
 ni, non venit actus omnimodè bonus;
 quinam enim ex nostris actibus essent
 certi, & euidentes, qui nam essent bo-
 ni, si hoc veniat nomine certitudinis,
 euidentiæ & bonitatis? At nomine ve-
 ritatis simpliciter dictæ iuxta commu-
 nem acceptionē venit conformitas om-
 nimoda, neque enim dicitur dixisse ve-
 rum qui ait, Petrus, & equus discur-
 runt, sed simpliciter dicitur enunciasse
 falsum, non nisi quia actus ille non est
 totaliter conformis obiecto, è contra
 in communi locutione magis errare
 dicitur, qui affirmat v. g. Equum, &
 lapidem discurrere, quam qui dicit ho-
 minem, & Equum discurrere.

7 Ex duabus propositionibus singu-
 laribus de futuro cōtingēti vna est deter-
 minatè vera, altera determinatè falsa de-
 terminatione tamē consequenti, licet e-
 nim quādo aliquā ex huiusmodi propo-
 sitionibus enunciamus, non cognosca-
 tur à nobis independentè à reuelatio-
 ne determinata illius veritas, vel falsi-
 tas, in se tamen vna est determinatè

falsa, cum enim ut tales à Deo cognoscantur, & reuelentur, non potest non esse determinatè verum, vel determinatè falsum id, quod ut tale cognoscitur, & reuelatur à Deo; Hinc quia implicat eandem enunciationem de eodem indiuisibili obiecto in vno intellectu esse determinatè veram, & non in alio; si hæc propositio v. g. *Antichristus peccabit* in intellectu Diuino est determinatè vera, enunciata ab intellectu creato erit etiam determinatè vera cum hoc discrimine, quod in intellectu Diuino est determinatè vera & cognoscitur ut determinatè vera, quomocunque tandem eius veritas cognoscatur; in intellectu autem creato est, sed non cognoscitur, præscindendo à reuelatione, ut determinatè vera. Præterea si nunc ego dicam. *Antichristus peccabit*, quando suo tempore ponetur peccatum, dici poterit me nunc determinatè dixisse (verum) sed non poterit tunc dici me dixisse verum determinatè, si nunc determinatè non dicam verum, ergo nunc determinatè dico verum, ergo propositio affirmans peccatum futurum Antichristi est determinatè vera.

8 Nullum ex hoc sequitur detrimentum libertatis, propositio enim
affir.

affirmans, peccatum futurum Antichristi est determinatè vera non determinatione antecedenti, & in causa, sed determinatione consequenti, & in effectu, ideòque sicuti nullum est absurdum, quòd ex suppositione, quòd sedeam necessariò, & determinatè sedeam, ità ex suppositione, quòd peccatum Antichristi sit futurum, nullum est inconueniens, quòd determinatè, & necessariò sit futurum, adeòque nullum, pariter erit absurdum, quòd propositio affirmans peccatum Antichristi sit nūc determinatè vera, quia non est determinatè vera ratione alicuius antecedentis adimentis Antichristo libertatem, sed est solūm determinatè vera ex suppositione ipsius peccati futuri, ad quòd ipse Antichristus liberè se determinabit. Idem dicendum de reuelatione talis peccati, licet enim ex suppositione reuelationis de tali peccato, non possit illud non poni, ponetur tamen cum perfecta libertate; reuelatio enim non antecedens peccatum nisi tempore, supponit ipsum peccatum futurum, neque enī quia Deus scit, & reuelat peccatum, ideò peccatum est futurum, sed quia peccatum est futurum, ideo Deus illud scit, & reuelat, quare sicuti non est cō-

tra libertatem Antichristi, quod ex suppositione, quod Antichristus peccat, necessario peccet, ita neque erit contra illius libertatem, quod ex suppositione reuelationis de peccato, necessario peccet; quia cum reuelatio supponat peccatum, non necessario peccat, nisi ex suppositione ipsius peccati.

CAPVT QVARTVM.

De modis sciendi.

Modus sciendi est oratio ignoti manifestatiua, est autem triplex Definitio, Diuisio, & Argumentatio. Definitio, alia est nominis, quæ dicitur Etymologia, alia est definitio rei, atque hæc rursus alia fit per negationem, quomodo definitur materia, dum dicitur non est quid, neque quantum: alia per affirmationem, definitio autem per affirmationem, alia est descriptiua, alia essentialis. Definitio essentialis est oratio explicans essentiam rei, differt à descriptiua, quod definitio essentialis explicat rem per prædicata primaria, & essentialia, Descriptiua verò per prædicata
se-

secundaria, & vel physice, vel metaphysice accidentalia.

2 Porro prædicata primaria sunt, quæ intelliguntur esse prima radix aliorum, illa autem prædicata intelliguntur esse prima radix aliorum, quæ explicantur in ordine ad accidentia, quæ sunt radix, & causa. vel quasi causa illorum accidentium, in ordine ad quæ explicantur alia prædicata, sic rationale est prædicatum primum respectu admiratiui, & risibilis, quia rationale explicatur in ordine ad accidens discursus; admiratiuum, & risibile in ordine ad accidentia admirationis, & risus, ideòque cum admiratio, & risus subsequantur physice ad discursum, prædicatum admiratiui, & prædicatum risibilis metaphysice subsequuntur ad prædicatum rationalis. Oratio ergo explicans essentiam hominis per rationale, explicat illam per prædicatum essenziale, & primum, quæ verò illam explicat per admiratiuum, & risibile explicat per prædicata accidentalia, & secundaria.

3 Duplex autem prædicatum primum in rei cuiusque definitione apponendum est, vnum per quod cum alijs conueniat, & hoc est genus, aliud,

X 5

per

per quod differat, & hæc est differentia; cum enim definitio sit oratio explicans essentiam rei, licet res possit semper magis, & magis explicari, tunc tamen scientiæ, seu scientes existimant se nosse essentiam rei, quantum satis est ad hoc, vt de illa postmodum disputare possint, quando sciunt aliquid, per quod res illa cum alijs conuenit, & aliquid, per quod ab illis differt. Hinc vnius rei vna est definitio; Descriptio verò multiplex. Sed hoc est ita intelligendum, vt vnius rei vna sit definitio Metaphysica, vna physica, vnum enim est prædicatum genericum primum, & vnum prædicatum differentiale, primum Metaphysicum; pariter vnum est prædicatum genericum primum physicum, vnum differentiale &c. cum verò prædicata secundaria sint multa, descriptio tam metaphysica, quam physica potest esse multiplex. Porro definitio est modus sciendi, quia definitum non cognoscitur de se nisi ruditer, per definitionem verò clarè eius essentia explicatur per prædicata primaria.

4 Diuisio est oratio explicans semper partes, est modus sciendi diuersus à definitione, primò quia non omnis diui-

diuifio est definitio, diuifio enim totius potentialis in partes fubiectiuas non est definitio. Secundò, quia diuifio explicare potest omnia prædicata essentialia, & etiam genera remota, definitio verò non debet importare nifi genus proximum, & differentiam. Demùm definitio importat vnum prædicatum tanquàm genericum, hoc est tanquàm fuperius, & contrahibile, alterum verò prædicatum tanquàm differentiam, hoc est tanquàm inferius, & contrahens, de hoc autem diuifio non curat.

5 Sicuti multiplex est totum, ita multiplex est diuifio. Totum aliud est phyficum, aliud metaphyficum, Rurſus totum phyficum aliud est fubſtantiale, totum vero metaphyficum aliud est actuale, aliud potentiale. Diuifio ergo alia est phyfica fubſtantialis, vt ſi diuidentes hominem in partes fubſtantiales, ex quibus componitur dicamus: hominem eſſe id, quod conſtat anima rationali, & corpore: Alia eſt diuifio phyfica accidentalis, & hæc alia eſt fubiecti fubſtantialis in accidentia, ſeu concreta accidentalia, vt ſi diuidentes lignum dicamus aliud eſſe calidū, aliud frigidum; alia eſt accidentis, ſeu

concreti accidentalis in subiecta substantialia, vt si diuidatur album in parietem, & lac; alia demum est accidentis, seu concreti accidentalis in accidentia, seu in concreta accidentalia, vt si diuidatur album in dulce, & amarum.

6 Diuisio Metaphysica alia est totius metaphysici actualis in partes actuales, vt si diuidatur homo in habens animalitatem, & habens rationalitatem, hæ enim sunt partes, seu prædicata metaphysica, quæ debet habere homo, vt habeat essentiam metaphysicam hominis. Alia est diuisio totius metaphysici potentialis, seu potestatiui in partes potentiales potestatiuas, seu subiectiuas, vt si diuidendo animal dicas aliud est rationale, aliud irrationale; rationale enim, & irrationale sunt partes subiectiuæ, quia subiiciuntur animali, quod est superius. Dicuntur etiam partes potentiales, quia ad hoc, vt animal sit totum metaphysicum, & superius ac vniuersale, non est necesse, quod has partes actu habeat, sed satis est, quod possit habere, cum ad vniuersale sufficiat, quod sit aptum esse in multis. De argumentatione, quæ est tertius modus sciendi dicemus disfunctione sequenti.

DE

DISTINCTIO SEPTIMA.

In libros Priorum, & posteriorum.

IN libris priorum agit Aristoteles de syllogismo in communi, in libris verò posteriorum de syllogismo scienti-
tiali, seu de demonstratione. Definitur syllogismus: Oratio, in qua quibusdā
positis aliud quid à positis necesse est
contingere eò quod hæc sint. Alius est
virtualis, in quo scilicet non datur nisi
vna propositio entitatiuè vnica, sed
virtualiter multiplex. Alius est syllo-
gismus formalis, in quo per distinctos
actus assentimur præmissis, & conclu-
sioni, de hoc ea solum examinabimus,
quæ peculiari disputatione indigent.



CAPVT PRIMVM.

Vtrum ad eliciendam conclusionem prærequiratur non modò iudiciu m de maiori, & minori propositione, sed etiam iudiciu m de bonitate, consequentiæ.

Bonitas consequentiæ alia est formalis, alia obiectiua; formalis est connexio consequentiæ cum præmissis iuxta regulas logicæ. Obiectiua verò est connexio obiecti consequentiæ cum obiecto præmissarum. Ad omnem ergo actum conclusionis eliciendum neque præcognitionis de bonitate consequentiæ formalis, neque de bonitate consequentiæ obiectiue est determinatè necessaria, sed alterutra per se loquendo sufficit, imò alterutra est omninò necessaria. Et primò non esse determinatè necessariam præcognitionem de bonitate consequentiæ formalis probatur, quia primi inuentores logicæ condiderunt eius præ-

præcepta mediante aliquo discursu, & syllogismo, cuius conclusioni præbuerunt assensum absque reflexione ad regulas logicæ, quæ nondum conditæ erant, ideòque absque præcognitione de bonitate consequentiæ formalis. Similiter rustici assentiuntur conclusioni alicuius syllogismi facillioris, nihil scientes de præceptis logicis, & ratio utriusque est, quia potest intellectus determinari ad assensum conclusionis ex præcognitione connexionis obiectivæ, per hoc scilicet, quod cognoscat obiectum consequentiæ esse connexum cū obiecto præmissarum ergo non ad omnem conclusionem eliciendam necessaria determinatè est præcognitio de conformitate syllogismi cum præceptis logicæ.

2. Propter similem rationem neque est determinatè necessaria præcognitio de bonitate consequentiæ obiectivæ, quia per se loquendo, potest intellectus determinari ad assensum consequentiæ ex eo, quod præcognoscat syllogismum esse in forma iuxta regulas logicæ, ideòque in illo dari bonitatem consequentiæ formalis per conformitatem ad præcepta logicæ, de quibus aliundè scit non posse dirigere ad falsum.

falsum. Dixi, *per se loquendo*, quia si intellectus, dum certificatur de bonitate consequentiæ obiectivæ, adhuc præcognitio de bonitate consequentiæ obiectivæ non est *per se loquendo* determinatè necessaria, quia si posset haberi cognitio de bonitate consequentiæ formalis absque eo quod intellectus indirectè certificaretur etiam de bonitate consequentiæ obiectivæ, sola certificatio de bonitate consequentiæ formalis esset satis. Dixi pariter neutram ex his præcognitionibus esse determinatè necessariam ad omnem actum conclusionis, quia si datur aliqua conclusio adeò implicata, & difficilis, ut ad illam eliciendam necesse habeat intellectus lumine præceptorum logicæ, ad hanc præcognitio de bonitate consequentiæ formalis erit determinatè necessaria vel moraliter, vel solum ad bene esse iuxta varias sententias de necessitate logicæ, de qua re diximus distinctione 2. cap. 1.

3 Sed quamvis neutra ex his præcognitionibus sit determinatè necessaria, ad omnem actum conclusionis, alterutra tamen ad quemlibet actum conclusionis est omninò necessaria, cum enim actus conclusionis sit assensus


sensus præstitus ex vi præmissarum, necessario debet intellectui apparere, connexio aliqua inter id, cui assentitur, & id, propter quod assentitur, sicut enim quando intellectus assentitur alicui propositioni immediate ex vi terminorum, debet cognoscere connexionem aliquam inter terminos, ita quando assentitur conclusioni propter præmissas debet cognoscere connexionem aliquam inter conclusionem, & præmissas, ergo vel connexionem obiectiuam, vel connexionem formalem. Hinc redditur ratio cur eadem præmissæ determinant vnum intellectum ad assensum alium verò nequaquam, hoc enim accidit, quia vnus cognoscit connexionem cum conclusione inferenda, alius verò nequaquam. Similiter ex iisdem præmissis hic elicit hanc conclusionem, alius verò oppositam, pro ratione diuersæ connexionis, quam in præmissis cognoscunt, & quia aliquando de connexione tam formali, quam obiectiua dubitamus, ideò postquam præstitimus assensum præmissis, hæremus circa assensum conclusionis.

4 Neutra ex his connexionibus necesse est, vt ante conclusionem per distinctum iudicium affirmetur, sed satis est,

est, quod in præmissis apprehensa, & penetrata fuerit; non aliter, ac quando assentimur propositionibus immediatis identitas, seu connexio inter prædicatum, & subiectum, quæ apparet in utroque, vel in alterutro terminorum non debet affirmari per distinctum iudicium, sed satis est quod apprehendatur, & bene penetretur, alioqui si in quolibet iudicio deberet per aliud distinctum iudicium identitas affirmari, daretur processus in infinitum, debemus autem deuenire ad aliquod primum iudicium, quod eliciatur merè ex apprehensione, & penetratione terminorum, & identitatis obiectiuæ, quam habent inter se, absque eo quod talis connexio seu identitas per distinctum iudicium affirmetur. Similiter ergo satis erit, quod bonitas cōsequentiæ vel formalis, vel obiectiuæ benè apprehendatur, & penetretur, absque eo quod per formale, & distinctum iudicium affirmetur, aliter ad quemcunque syllogismum non tres, sed quatuor propositiones essent necessariae, quod est contra communem sensum.

5 Dices intellectus est Potentia necessaria, ergo si illi clarè representetur connexio præmissarum cum conclusione

sione debeat tali connexioni assentiri. Respondeo non esse necesse quod intellectus per formale iudiciū tali cōnexioni assentiatur, sed posse sistere in clara ipsius apprehensione, non aliter ac dū intellectus euidenter cognoscit existentia sui non est necesse quod per formale iudiciū illam affirmet, sed sistere potest in euidenti illius apprehensione, similiter in propositionibus immediatis euidenter cognoscit connexionem prædicati cum subiecto, nec tamen illam per formale iudiciū affirmat, ne procedat in infinitum, sed ex euidenti illius apprehensione progreditur ad componendum per formale iudiciū prædicatum cum subiecto. De obiecto præmissarum est dispar ratio; Debet enim per duo formalia, & distincta iudicia affirmari, vt detur syllogismus formalis, ad quem ex eius definitione requiritur, vt quibusdam positis aliud à positis sequatur.



CAPVT SECVNDVM.

An, & quomodo ab assensu præmissarum necessitetur intellectus ad assensum conclusionis.

PRæstito assensu præmissis, & præcognita euidenter bonitate consequentiæ vel formalis, vel obiectiuæ necessitatur intellectus ad assensum conclusionis quoad specificationem, seu ad non operandum oppositum, adeoque necessitatur ad non eliciendum actum oppositum illi, quem ex vi talium præmissarum debet elicere, sicut enim cognita euidenter identitate, seu connexion inter duos terminos non potest illos per dissensum diuidere, ita cognita euidenter connexion conclusionis cum præmissis, cuius veritatem supponitur cognouisse, & affirmasse non potest per dissensum negare consequentiam, ratio enim vtriusque est, quia non potest intellectus dissentiri, & negare verum cognitum, vt verum.

2 Imo

2 Imo præstito assensu præmissis, & præcognita euidenter bonitate consequentiæ vel formalis, vel obiectiuæ necessitatur intellectus ad assensum conclusionis etiam quoad exercitium, non aliter ac cognita euidenter identitate, inter duos terminos necessitatur intellectus etiam quoad exercitium ad illos per assensum componendos, si enim quis à me petat: vtrum vnum, & duo faciant tria, & ego euidenter cognoscā identitatem inter hos terminos experior intellectum rapi ad assensum, ita vt neque directè neque indirectè possit à voluntate impediri, quia intellectus vt potè potentia necessaria illud statim efficit, ad quod est maximè propensus, & in quo nullam inuenit difficultatem. Similiter ergo dicendum est de assensu consequentiæ, posita enim euidenti cognitione de connexionem conclusionis cū præmissis, quarum veritatem præcognitam affirmavit, nulla ibi superest difficultas ad assensum.

3 Dices primò posse accidere quod postquam intellectus præstitit assensum præmissis, & cognouit connexionem conclusionis cum præmissis, vel ex imperio voluntatis, vel ab aliquo alio obiecto rapiatur, & distrahatur ad consideran-

derandum tale obiectum, adeoque non remaneat expeditus in ordine ad assensum conclusionis. Sed contra est, quia si neque voluntas, neque aliud quodcunque obiectum impediuit intellectum, quominus penetraret connexionem conclusionis cum præmissis, nihil poterit impedire, quominus præstet assensum ipsi conclusioni, tota enim difficultas consistit in penetranda connexione conclusionis cum præmissis, sicuti tota difficultas consistit in penetranda connexionem inter terminos: ergo si neque voluntas, neque aliud quodlibet obiectum impediuit intellectum ab eo, quod est difficilius, & ad quod intellectus naturaliter non ferebatur, neque voluntas, neque aliud quodlibet obiectum impediet pro eo instanti intellectum ab eo, ad quod sine vlla difficultate, ideoque maxima vi intellectus naturaliter fertur. Sicut enim posita, evidenti penetratione terminorum non videtur intellectus subditus voluntati in ordine ad præstandum, vel non præstandum illis actualem assensum, ita posita evidenti cognitione de connexionem conclusionis cum præmissis præfirmatis non videtur intellectus subditus voluntati in ordine ad eliciendam, vel

vel nō eliciendā actūalem conclusionē, cum non sit tribuenda intellectui subiectio respectu voluntatis in ijs actibus, quos sine vlla difficultate, imō summa vi naturali habet intellectus elicere.

4 Dices secundò, intellectus est potentia finita, nec potest in vnico instanti exercere nisi certum numerū actūū: potest ergo accidere, vt ille certus numerus actuum sit expletus antequā eliciatur conclusio, ideòque in tali casu intellectus etiam elicitis præmissis, & cognita bonitate illationis ex defectu virium non exercebit actum conclusionis. Sed contra primò quia hoc argumentum probaret etiam, quod intellectus quoad exercitium non sit necessitatus quoad prima principia, posita euidenti terminorum penetratione, quia potest accidere, quod tunc temporis habeat alias cognitiones, ita vt non remaneat illi, virtus ad prestandum assensum, & componendos huiusmodi terminos primorum principiorum, quod esse falsum patet tum ex se, tum ex auctoritate S. Thomæ p.2. q. 27. art.6. Contra secundò quia si supponatur intellectus ita applicatus ad cognoscendam connexionem conclusionis cum præmissis, vt illam euidenter apprehendat,

&

& nulla supersit difficultas in ipso actu illi actui, vel pro eo instanti, vel certè pro instanti sequenti statim eliciet actum illationum, & potius excludet cognitionem aliorum obiectorum disparatorum, quàm suspendat actum, qui nullam continet nouam difficultatem.

5 Dices tertio si intellectus necessitaretur ad assensum conclusionis etiam quoad exercitium, nullus daretur habitus scientificus in ordine ad eliciendâ conclusionem, sed solum daretur habitus ad benè penetrandas, & ad assentiendum præmissis; sed nego sequelam, quia licet intellectus posita euidenti apprehensione connexionis præmissarum cum conclusione, necessitetur etiam quoad exercitium ad inferendam ipsam conclusionem, tamen habitus scientificus efficit, ut absque eo, quod præcedat attenta penetratio præmissarum, & bonitatis illationis, adhuc facile intellectus determinetur ad assensum conclusionis, ad quem non tam facile determinaretur sine habitu, non posita attenta penetratione præmissarum. Idè ab omnibus dicendum est de habitu primorum principiorum, quem dari constat ex Arist. quamuis enim posito, quod intellectus benè penetrauerit terminos

minos primorum principiorum, necessitetur ad assensum etiam quoad exercitium, datur tamen habitus facilitans intellectum ad assensum, etiam quando est pluribus intentus, nec attentè se applicat ad penetrandos terminos.

6 Si vel non appareat vel solum obscure cognoscatur connexio præmissarum cum conclusione, neque quoad specificationem necessitatur intellectus ad eliciendam conclusionem, nihil enim in tali casu datur, quod possit intellectum necessitare. Confirmatur experientia: facto enim syllogismo quantumvis in bona forma, & concessis præmissis, adhuc aliqui negant consequentiam, vel actum conclusionis suspendunt, ex eo quia, vel non cognoscunt, vel solum obscure cognoscunt connexionem præmissarum cum consequentia. Idem accidit in propositionibus enūciatiuis veris, quibus intellectus, vel non assentitur, vel etiam præstat actum indebitum, si connexionem, seu identitatem terminorum, vel nullo modo cognoscit, vel cognoscit tantum obscure.

CAPVT TERTIVM.

*An actus conclusionis necessa-
riò attingat obiectum præ-
missarum.*

PR O resolutione dicendum primò
est: actum conclusionis non per so-
lam denominationem extrinsecā
à præmissis, quæ præcesserunt, sed per
suum peculiarem modum tendendi
differre essentialiter ab omni alio actu
non illatiuo, quod probatur primò quia
per hoc, quod dixerim v.g. Omnis ho-
mo est animal, Petrus est homo, & de-
inde dicam Petrus est animal, non prop-
terea per illum actum *Petrus est animal*
feci actum illatiuum, non nisi quia talis
actus est merè enunciativus, & merè
materialiter subsequens ad illos alios
actus. Actus autem formaliter illati-
uus est, qui ità se sequitur ad alios, vt
per illum intellectus ostendat se tali
objecto assentiri ex vi præmissarum, &
tanquam determinatum à præmissis;
quod præstat per talem modum tendē-
di, qui designatur per particulam *Ergo*.
Se.

Secundò actus disiunctiuus, actus copulatiuus, præceptiuus &c. vt probauimus, dist. p. cap. 3. sect. 2. differunt ab alijs actibus per talem modum tendendi peculiarem, quem quilibet habet, idè ergo dicendum de actu illatiuo. Tertiò actus illatiuus, prout talis repugnat Deo, cum sit actus progressiuus à noto ad ignotum, sed non repugnat Deo assensus circa obiectum præmissarum, neque assensus circa obiectum conclusionis neque assensus circa hæc omnia simul, ergo assensus illatiuus ratione alicuius sibi peculiaris, & intrinseci repugnat Deo.

2 Hoc posito dicendum præterea, est: ad essentiam actus illatiui requiri, quod per illum aliquo modo attingatur intrinsecè obiectum præmissarum. Actus enim illatiuus est de sua essentia discursiuus, & progressiuus. De ratione autem actus progressiui, & discursiui est importare progressum, & motum intentionalem ab vno in aliud, non merè per hoc, quod ante vnum actum præcesserit alius, vt probauimus num. superiori, per sed hoc, quod ipsemet actus illatiuus ratione sui habeat esse progressuum, & illatiuum, ergo de ratione sui intrinseca habet esse motum ex vno

in aliud, sed non potest de se intrinsecè esse motus ex vno in aliud, nisi aliquo pacto attingat vnum & aliud; ergo de ratione actus illatiui est attingere aliquo modo vnum, & aliud, hoc est obiectum præmissarum, à quo progreditur, & obiectum conclusionis, ad quod progreditur. Confirmatur tum à paritate motus localis, de cuius ratione est attingere terminum à quo, & terminum ad quem: tum à paritate actus compositiui, de cuius pariter ratione est attingere duos terminos, qui componantur; ergo de ratione etiam actus illatiui erit attingere aliquo modo duo. Siue ergo actus illatiuus habeat ratione sui dependentiam essentialem à præmissis, siue non, adhuc ratione talis modi tendendi sibi essentialis, & intrinseci differt ab alio quolibet actu non illatiuo.

3 Attingitur autem per actum illatiuum obiectum vtriusque præmissæ non seorsim, sed confusè, & per modum vnius, sic si quis dicat omnis homo est animal. Petrus est homo, & ideo, seu propterea Petrus est animal, per ly *ideo*, seu *propterea* attingitur quidem obiectum vtriusque propositionis præcedentis, sed

con.

confusè, & per modum vnius. Hinc sicuti per particulam *ergo* Intellectus non nisi confusè reflectit, & attingit obiectum præmissarum, iâ non per formalem, sed per virtualem assensum iterum illi adhæret, non aliter ac in exemplo posito per particulam *propterea* designatur adhæsiō, quam intellectus præstat obiecto præcedenti, non per formalem, sed per virtualem assensum. Nō tamen per hoc asserimus, quod particula illatiua *ergo* idē omnino significet, ac particula illæ *ideo*, & *propterea*, nam non semper per particulas *ideo*, & *propterea* designari videtur progressus mentis à noto ad ignotum, sicuti huiusmodi progressus designatur per particulam *ergo*, quando verè elicitur actus formaliter illatiuus, ad quem designandum est instituta particula *ergo*.

4 Dices primò si actus conclusi- nis attingeret obiectum præmissarum, frustra fuisset obiectum præmissarum præcognitum in præmissis. Sed contra est; quia si dicam Petrus est rationalis, & propter hoc est risibilis, per ly *propter hoc* iterum confusè attingo id, quod clarè affirmaueram per illam propositionem *Petrus est rationalis*, nec tamen illa pro-
Y 3 positio

positio, ideòque neque præmissæ sunt frustraneæ, quia in illis clarè cognoscitur id, quod non nisi confusè attingitur per propositionem sequentem, & per actum conclusionis. Si enim obiectum præmissarum non fuisset in præmissis taliter cognitum, non posset determinari intellectus ad actum conclusionis; ideòque talis clara cognitio in præmissis nō fuit frustranea. Hinc etiamsi actus illatius attingat obiectum præmissarum, non tamen in solo actu illatiuo consistit tota essentia syllogismi, quia ad syllogismum requiruntur formales præmissæ, quarum obiecto distinctè cognito præstetur ab intellectu formalis assensus, ad hoc ut determinari postmodum possit ad actum conclusionis, non nisi confusè deinde iterum attingentem obiectum præmissarum.

5 Dices secundò: ex regulis dialecticorum medius terminus non debet ingredi conclusionem, ingrederetur autè si actus conclusionis attingeret obiectum præmissarum. Respondeo Dialecticis satis esse, quod medius terminus non importetur in actum conclusionis, prout hic attingit terminum ad quem, cæterum quod prout confusè attingit terminum à quo, confusè etiam attingat medium

medium terminum, hoc nihil facit ad
 summulistas.

6 Dices tertio, in hoc syllogismo
 omnis substantia est homo. Christus est
 substantia, ergo Christus est homo, con-
 sequentia, & consequens sunt vera; sed
 consequentia esset falsa, si ly ergo attingeret
 obiectum premissarum, ergo &c.
 Respondeo consequentiam, & actum
 illatum existimari, ac dici verum,
 quoties infert id, quod ex tali obiecto
 præmisso est inferendum, quidquid sit
 vtrum quatenus virtualiter assentitur
 obiecto præmissarum verè. vel falsò il-
 li assentiat, hoc enim impertinenter se
 habet ad veritatè, vel falsitatè illationis.

7 Dices quartò si actus conclusio-
 nis attingeret obiectum præmissarum,
 sequeretur, quod quoties recordamur
 nos eliciisse conclusionem, deberemus
 etiam recordari præmissarum, hoc au-
 tem est contra experientiam. Respon-
 deo posse nos recordari, vel solius obie-
 cti conclusionis, vel conclusionis, vt cõ-
 clusio est, vel conclusionis, & talis con-
 clusio est, seù vt deducta est ex talibus
 præmissis. Sicuti postquam affirmavi
 v. g. hominem esse risibilem, possum re-
 cordari vel solum, quod cognouerim
 iudicium circa hos terminos, vel solum

quod elicuerim aliquod iudicium, & tamen certum est, quod actus iudicii attingit clarè obiectum prædicati, & subiecti, ergo multò magis postquam iactuli aliquam conclusionem, licet hæc attingat obiectum præmissarum, potero aliquando recordari, quod elicuerim actum illatiuū, absque eo quod recorder, ex quibus præmissis illum intulerim, cum actus conclusionis non nisi confusè attingat obiectum præmissarum.

CAPVT QVARTVM.

Reliquæ quæstiones de syllogismo in communi.

T Res tantum dantur figuræ syllogismorum, quarta enim figura Galeni non differt ab Aristotelicis nisi merè accidentaliter, nam sicuti figura est dispositio medijs cum extremis, ita essentialis figurarum diuersitas desumitur ex dispositione medijs cum extremis essentialiter diuersa, cum ergo tam in prima figura Aristotelica, quam in quarta figura Galeni medius terminus

par-

partim subiiciatur, partim prædicetur, essentialiter inter se conueniunt, & differunt solum in hoc, quod secundum primam figuram Aristotelicam medius terminus subiiciatur in maiori, prædicetur in minori, secundam quartam verò figuram Galeni medius terminus prædicetur in maiori, subiiciatur in minori, quod est merè accidentale, cū nihil peculiare diuersum ex hoc habeatur præter meram transpositionem materialem propositionum, è contra multa peculiariter diuersa habètur per hoc, quod medius terminus, vel bis prædicetur, vel bis subiiciatur, vel partim subiiciatur partim prædicetur, vt propterea diuersæ tradantur regulæ pro diuersa hac medijs termini dispositione, quæ proinde meritò triplicem figuræ diuersitatem constituit. Cæterum si æquè medius terminus partim subiiciatur, partim prædicetur, quod subiiciatur in maiori, vel in minori, nullam facit diuersitatem nisi accidentalem, & quoad solam materialem transpositionem propositionum, quæ si satis esset ad essentialem figurarum diuersitatem, possemus etiam in modis secundæ, & tertiæ figuræ facere similem transpositionem, & addere quintam, & sextam

figuram, quæ tamen vt inutiles reijciuntur.

2 Dices: *Cesare*, & *Camestres*, *Datisi*, & *Disamis* cōstituunt modos diuerfos ratione solius transpositionis præmissarum, ergo sola propositionum transpositio poterit constituere diuersam figuram. Sed disparitas est, modi enim illi sunt diuersi, quia ex præmissarum transpositione inferri possunt diuersæ conclusiones; ideòque recipiuntur tanquam vtilis ad diuersas veritates; at in quarta figura Galeni præter meram præmissarum transpositionem nulla diuersa vtilitas habetur.

3 Principia illa *dictum de omni*, & *dictum de nullo* sunt proximè regulatiua syllogismorum secundum præcipuos modos, quia hæc duo principia proximè regulant modos omnes perfectos primæ figuræ habentes conclusionem affirmatiuam, eorum enim bonitas probatur ex eo, quod quidquid dicitur de omni, dici debeat de quolibet sub illo omni contento: *Dictum verò de nullo* regulat modos primæ figuræ habentes conclusionem negatiuam, ex eo, quod quidquid negatur de omni, negari etiam debeat de quolibet contento sub illo omni. Si ergo dictum de
omni

omni, & dictum de nullo proximè regulant modos perfectos primæ figuræ, regulabunt etiam præcipuos modos aliarum figurarum, quarum bonitas ostenditur per reductionem ad modos perfectos primæ figuræ, sed cum Brocardo, & Barocco non possint reduci ad modos perfectos primæ figuræ, ideò dixi dictum de omni, & dictum de nullo proximè regulare syllogismos secundum præcipuos modos; omnes enim per illa principia regulari non possunt, cum bonitas modorum in Brocardo, & Barocco ostendatur solùm per reductionem ad impossibile.

4 Dixi hæc principia esse proximè regulatiua syllogismorum. Hæc enim ipsa principia probari vltèrius possunt per principium illud metaphysicum: *idem non potest simul esse, & non esse*, sed hoc principium est remotum, & communius, ideò iue huic tandem principio metaphysico vniuersaliori, tota vis syllogistica innitetur, quod quidem est facile, sine multa attentione extorquet assensum, & per hoc bonitas modorum omnium cuiuscunque figuræ, nullo excepto, probari poterit. Ratio verò cur Aristoteles huius principij non meminisset, est, quia mentionem solùm

voluit facere illorum principiorum, quæ sunt propria, & proximè regulatiua syllogismorum.

§ Principium illud. *Quæ sunt eadem uni tertio, sunt eadem inter se* offertur solum ab Aristotele in Topicis post institutionem artis syllogisticæ, & quidem meritò, neque enim est tale principium cui tota vis syllogistica possit, inniti. Primò enim, prout iacet est in diuinis falsum, quod si illi addantur limitationes, & adminicula, iam non erit illud principium, sed aliud. Præterea multis hoc principium subesse potest æquiuocationibus. Quando enim dicis duo esse eadem cum vno tertio, si sunt idē, quonam modo possunt esse duo, & si sunt duo quomodo possunt esse idem. Pariter si sunt eadem cum vno tertio: quomodo hoc est tertium; multæ ergo ad illius principij intelligentiam afferri deberent explicationes, & limitationes; cum è contra tam principia, illa dictum de omni, & dictum de nullo, quam principium illud, idem non potest simul esse, & non esse, sine vlla explicatione, & limitatione satis pateant, & sint vniuersaliter vera, quibus propterea tota vis syllogistica firmiter inniti poterit.

CAPVT QVINTVM.

An , & quotuplex detur in nobis scientia, & demonstratio.

S Iuè nomine scientiæ veniat scientia principiorum, quæ ab Aristotele vocatur scientia immediatarum, siuè veniat actus certus, & evidens per veram demonstrationem deductus ex præmissis, certum est dari in nobis multarum rerum scientiam, multa enim prima principia evidentissimè per meram terminotum apprehensionem sciimus, & affirmamus, & multa ex primis principijs evidentissimè per evidentem demonstrationem inferimus. Imò qui omnem scientiâ negant, hoc ipso scientiam astruunt, dum enim dicunt nullius rei scientiam dari, vel hoc sciunt, vel non, si hoc non sciunt, quomodo hoc affirmant, si sciunt, ergo habent alicuius rei scientiam. Hinc veteres, ut ait Arist. potuerunt quidem ore tenus dicere, quod nihil sciretur, sed nullo modo potuerunt ita sentire, nam inter
am.

ambulandum, si spon.ē non ruebant in puteum v.g., putabant profectō non similiter esse bonum, & non bonum ruerē, sed determinatē sciebant esse bonum non ruerē, erga aliquid sciebant.

2 Verum quidem est omnem nostram cognitionem, & scientiam originari à sensibus, & hos esse fallaces, sed verum etiam est, quod nec in omnibus sensus fallūtur, & si quando falluntur error vnius sensus corrigi potest, vel per alium sensum, vel per lumen intellectus, ideòque saltem in multis tollitur omnis error. Adde quod quamvis intellectus accipiat à sensibus species rerum, non tamen ex iudicio sensuum, sed ex innato suo lumine assentietur Intellectus multis veritatibus certis, & eidentibus, vt v.g. quod non possit idē simul esse, & non esse, &c. Similiter quamvis res creatæ sint in continua mutatione, tamen & hoc ipsum cadere potest sub scientiam, & licet mutantur quoad existentiam, quia tamen non mutantur, quoad essentiam, & quoad connexionem prædicatorum, poterit saltem de rerum essentijs dari scientia, ideòque propter aliquorum stultitiam omnia reuocantiam in dubium, nullo modo dicendum est, quod nihil sciri possit.

Per-

3 Porro non qualibet scientia, quæ in nobis datur, est mera reminiscencia, sed datur vera scientia de nouo acquisita, tum quia error est animas rationales ante corpora fuisse creatas, & in eo statu habuisse scientiam eorum, quorum cum per immersionem in corpus fuerint oblitzæ, paulatim deinde reminiscantur, tum quia si scientia esset nobis innata, quomodo nos lateret? non enim fieri posset, vt sciens nesciat se scire; tum etiam quia sequeretur, quod qui à natiuitate caret aliquo sensu, haberet scientiam eorum, quæ tali sensu percipiuntur, adeoque cæcus à natiuitate habere posset perfectionem omnem cognitionis intuitiue de coloribus, quàm habet videns. Neque dicas Cæco deesse phantasmata, nam si cæcus à natiuitate habuisset aliquando perfectam scientiam de coloribus, sed tantum hic, & nunc illorum non recordaretur ob defectum phantasmatum, posset saltem per sensibilia vnius sensus venire in memoriam sensibilibus alterius sensus, sicuti ex visione sacchari venimus in notitiam, & recordamur delectationis, quæ alias in Saccaro sumus experti. Demum ex doctrina Sancti Thomæ 2. contra Gent. cap. 83. Natura nulli rei adiungit

git aliquid, per quod eius operatio impediatur, sed magis ea, per quæ fiat convenientior, & p.p. q. 84. art. 3. ait *inconueniens est, quod naturalis operatio alicuius rei totaliter impediatur per id, quod est sibi secundum naturam*. Quare quando puer gradatim interrogatus benè respondet, hoc non accidit ex eo, quod recordetur oblitorum, sed quia à cognitionibus præhabitis gradatim manuducitur ad cognitiones subsequentes aliarum rerum propter affinitatem, quam habent obiecta priorum cognitionum cum obiectis posteriorum. Hoc autem patet ex eo, quod si non ordinatè interrogetur, sed ab vno obiecto immediatè fiat transitus ad aliud disparatum, nullo modo sciet respondere.

4. Scientia strictè dicta acquiritur per demonstrationē, quæ propterea dicitur syllogismus sciētiālis, seu paries sciētiā, cōclusio enim syllogismi demonstratiui est scientia actualis, sicuti habitus, qui ex illa gignitur, est sciētiā habitualis quidquid pro nūc sit id, per quod in ratione habitualis constituitur, de quo in libris de anima. Demonstratio alia est *propter quid*, seu per causam, alia *quia*, sub qua comprehendimus omnem aliā quæ non est per causam, ne ab Aristotele.


tele recedamus, in hæc duo membra, adæquatè diuidente omnem demonstrationem. Rursus demonstratio propter quid alia est perfecta, in qua scilicet demonstratur effectus ex causa mediata, vt si demonstretur risibile ex rationali, inter rationale enim, & risibile mediat admiratiuum, alia est perfectissima, & strictissimè dicta, in qua prima passio per essentiam de subiecto adæquato demonstratur, Sic cum de omni homine adhibito medio *rationalis*, quod est hominis essentia, demonstratur, quod sit admiratiuus, erit perfectissima demonstratio.

5 Tria sunt ad demonstrationem, sicut & ad alium quemlibet Syllogismum præcognita, subiectum, & prædicatum conclusionis, & medius terminus, præcognitiones verò sunt duæ: *An sit, & quid sit*. De subiecto, & prædicato conclusionis, ac medio termino præcognoscendum est in quolibet Syllogismo quid nominis, & quid rei, saltem in confuso, aliter adduci non possent in disputationem. Ad solam demonstrationem perfectissimam præcognosci de subiecto debet eius possibilitas; cum enim impossibile nullam habere possit passionem, cuius, ratione
 sit,

ñi, sit causa, nulla poterit de impossibili demonstrari passio, & per consequens nulla de illo poterit fieri demonstratio perfectissima, in qua prima passio de impossibili demonstraretur.

6 Præmissæ demonstrationis perfectissimæ debent esse veræ; ex falso enim non potest sequi vera conclusio, per quā habeamus scientiā, imò debēt esse necessariæ, & æternæ veritatis, quia conclusione prima passio metaphysica ita prædicatur de essentia, vt de illa necessario, & per propositionem æternæ veritatis prædicetur, huiusmodi autem debet esse vtraque præmissa; aliter conclusio sequens debiliorem partem, non esset æternæ veritatis. Secundo debent esse certæ, & euidentēs, idēque primæ, & immediatæ, vel quod verè sint prima principia indemonstrabilia, vel quod ita fuerint probatæ per aliud medium, vt in probationibus deuentum fuerit, vel deueniri euidenter possit ad principia simpliciter prima, ad hoc vt Intellectus possit totaliter quiescere, quod ad perfectissimam demonstrationem requiritur. Tertiò debent esse vniuersales, quia prima passio naturæ multiplicabilis demonstrari in illa debet de subiecto ad quato, quale est natura

tura vniuersalis, ideòque si conclusio debet esse de subiecto vniuersali etiam ambæ præmissæ debent esse vniuersales, cum conclusio vniuersalis non sequatur, nisi ex vtraque præmissa vniuersali. Quartò debent esse principia, secundum quod ipsum, quia cum in demonstratione perfectissima ex essentia demonstratur prima passio, debet in præmissis tam subiectum, quam prædicatum conclusionis connecti cum essentia, cum essentia autem connecti non potest, nisi secundum quod ipsū. Demum esse debent causa conclusionis, non solum quatenus quælibet præmissæ sunt causa conclusionis, sed etiam quia medius terminus, qui ponitur in præmissis demonstrationis perfectissimæ, est causa metaphysica passionis, quæ infertur in Conclusionem.



CAPVT SEXTVM.

*An possit esse simul, vel identi-
ficari actus scientiæ, cum a-
ctu opinionis de eodem
obiecto.*

DVo hic quærimus, primum est, an in eodem intellectu possint simul dari duo actus distincti de eodem obiecto materiali, quorum vnus sit actus scientiæ, alius opinionis. Secundum est; An propositis duobus motiuis alio scientifico, alio opinatiuo, possit intellectus elicere vnicum actum, per quem eidem obiecto materiali assentiatur ex vi vtriusque motiui, ideòque talis actus sit simul scientiæ, & opinionis, sed cum scientia alia sit perfecta, alia perfectissima, ideò de vtraque scientia quæritur verum identificari possit cum opinione. Porro cum certum sit non posse eundem actum esse simul scientiæ, & opinionis cum actuali formidine, quæ ab actu scientiæ necessario excluditur, quæstio procedet solum

solum de opinione cum formidine radicali de tali scilicet actu, qui ratione motiui probabilis ita assentiatur conclusioni, vt ex vi talis assensus possit dicere, quod conclusio possit aliter se habere non simpliciter, sed solum quantum est ex vi talis motiui probabilis.

2. Quoad primum ergo dicendum est: non posse in eodem intellectu dari pro eodem instanti circa idem obiectum duos actus distinctos, quorum vnus sit scientificus, alter merè opinatiuus cum formidine solum radicali, idque dicendum est etiam posito, quod de eodem obiecto materiali fieri ab intellectu possint duo actus distincti, est enim peculiaris ratio, cur actus scientificus, & merè opinatiuus non possint esse simul. Ratio autem peculiaris est, quia actus solus opinionis, & merè opinatiuus, etiā cum sola formidine radicali, est actus, qui quamuis non importet actualem formidinem, qua intellectus actu dicat posse obiectum aliter se habere, non tamen adhæret, neque assentiatur tali obiecto cum ea firmitate, validaque adhæensione, qua adhæret actus scientificus; Alioquin si supponatur adhærere per actum scientificum, iam non erit actus merè opinatiuus, cum enim in-

telle;

intellectus moueatur ad ad assensum maiorem, quam qui possit haberi dependenter à solo motiuo opinatiuo, non erit actus merè opinatiuus, sed actus importans firmitatem propriam actus scientifici. Hoc posito saltem naturaliter non potest accidere, quod simul tempore circa idem obiectum habeat intellectus duos actus distinctos, vnum cum maiori, alium cum minori firmitate, & adhæsiōe, etiam si actus cum minori adhæsiōe non actu determinet intellectum ad dicendum simpliciter, quod obiectum possit aliter se habere, nam intellectus est potentia necessaria, ideòque positis omnibus requisitis agit quantum potest producendo effectum perfectissimū, quem potest. Sed quando elicit vnum actum scientificum, adsunt omnia requisita ad hoc vt eliciat alium etiam actum cum adhæsiōe, & firmitate maiori, ergo non poterit elicere actum cum adhæsiōe, & firmitate minori propria actus opinatiui, sed rapietur ad adhærendum obiecto per vtrunque actum firmitate maiori, qua potest.

3 Verum quidem est, quod ex imperio voluntatis posset intellectus distrahi, ne attenderet ad motiuum
scien-

scientificum, sed cum supponatur ad illud attendere, quia dependentē à motiui scientifico elicit actum scientificum, non poterit se cohibere, & præstare assensum cum adhæsiōe, & firmitate tanta, & non maiori. Sic potest ex imperio voluntatis oculus apertus aliō diuerſi, sed si vertatur ad hoc obiectum, videbit illud maiori claritate, qua hic, & nunc potest videri. Pariter si duæ faces vna maior, alia minor illuminent eodem tempore idem obiectū, & possent de eodem obiecto dari simul tempore duæ visiones distinctæ non tamen posset oculus elicere simul de eodem obiecto vnā visionem magis claram dependentem à face clariori, & aliam obscuriorem dependentem à face minus clara, ergo similiter si simul representetur idem obiectum veluti illuminatum à motiui scientifico clariori, & à motiui opinatiui minus claro, non poterit elicere vnum actum habentem minorem firmitatem dependentem à motiui opinatiui, & alium cum firmitate maiori dependentem à motiui scientifico. Neque dicas vnum ex illis actibus posse esse opinatiuum, quatenus nō attingit nisi motiui opinatiuum, etiā si obiecto materiali assentiatur firmitate

te maiori, quam quæ posset oriri à solo motiuo opinatiuo; nam contra est: quia si datur adhæsiio intellectus maior, quæ quæ posset ex alio quocunque capite, haberi, non habebitur nisi ex vi motiui scientifici.

4 Quoad secundam quæstionem, initio propositam dicendum est dari posse vnicum actum, per quem intellectus eidem obiecto materiali assentiat, ex vi duplicis motiui, quorum vnū sit, si non perfectissimè, saltem perfectè scientificum, alterum verò opinatiuum, ideòque talis actus sit scientiæ simul, & opinionis. Probatur. Actus perfectè scientificus est ille, per quem intellectus adhæret quidem obiecto firmiter sine vlla formidine, sed non ita, vt adhuc illi firmitus adhærere nō possit, actus enim, quo adhæreat obiecto tali firmitate, vt maiori adhærere non possit, est actus scientiæ perfectissimæ, de quo dicemus paulo post. Ergo obiecto, cui intellectus firmiter adhæret per actum perfectè scientificum, poterit adhuc firmitus adhærere, si accedat motiuum opinatiuum, ergo dependenter à motiuo scientifico, & opinatiuo, poterit elicere vnicum actum, qui habeat firmitatem maiorem, quam haberet actus de-
pen-

pendenter à solo motiuo scientifico. Prima consequentia probatur primò experientia, passim enim in huiusmodi demonstrationibus præter motiua scientifica quærimus etiam probabilia, & demonstrationi addimus auctoritatem. Secundò quia si non posset coniungi motiuum scientificum cum probabili, neque posset coniungi motiuum minus probabile cum magis probabili, certè si semel habemus, quod cum motiuo validiori coniungi potest minus validum, & ex vtròque oriri firmitior assensus, non est cur cum motiuo quantumcunque validiori coniungi non possit aliud minus validum, dummodo à motiuo validiori supponatur intellectus motus ad adhæSIONEM firmam, sed ità vt adhuc ad firmitiorem possit moueri.

5 Confirmatur à paritate, si ex vna parte bilancis sit pondus v, g. vnus libræ, & alteri bilanci apponatur pondus v g. decem librarum, hoc vtique attollet illud, sed quia non attollit impetu maximo, quo posset attolli, idè quodcunque pondus etiam debilius coniungatur cum pondere decem librarum producet impetum maiorem in pondere alterius bilancis; & quia

Z

semel

se pareret actualem formidinem, nisi radix formidinis à motiuo scientifico impediretur à productione actualis formidinis.

6 Dices non debet intellectus relictò actu perfectiori solius scientiæ elicere actum scientiæ simul, & opinionis, cum hic sit imperfectior, actus enim affirmans existentiam A, v.g. propter existentiam B. scientificè cognitam, & propter existentiam C, cognitam, solum opinatiuè, potest esse falsus, si accadat quod C, verè non existat, cum enim actus conclusionis attingat, & implicite affirmet obiectum præmissarum, actus conclusionis affirmans indiuisibiliter aliquid verum, & aliquid falsum; est simpliciter falsus; è contrà actus affirmans existentiam A, propter solam existentiam B, scientificè cognitam non potest esse falsus ergo hic est perfectior illo. Respondeo actum scientiæ, & opinionis posse in aliquo casu esse aliquatenus imperfectiorem ratione illius, quod assertur in obiectione, sed ex alio capite talis actus est perfectior, quatenus scilicet intellectus ex motiuo scientifico, & opinatiuo firmitus adhæreat obiecto materiali, quam ex solo motiuo scien-

tifico, cum ergo non possit haberi hoc bonum firmioris adhæſionis, absque eo quod intellectus se exponat periculo aliqualis mali pro aliquo casu, non est cur ex imperio voluntatis non possit amplecti bonum certius firmioris adhæſionis cum solo periculo huius aliqualis mali, aliqualis, inquam, mali, quia etiam si assentiatur dependenter à motiuo opinatiuo, adhuc intellectus habet totam illam notitiam de obiecto materiali ex vi motiui scientifici, quam haberet, si nullo modo illi assentiretur ex vi motiui opinatiui.


7. Supereſt quæſtio de ſcientia perfectiſſima, per quam ſcilicet intellectus ita adhæreat obiecto, vt firmius illi adhærere non poſſit. Sed primum dubitari poſſet, Vtrum aliqua in nobis deſtur huiuſmodi ſcientia. Ratio dubitandi eſſe poteſt quia cum magis, vel minus firma adhæſio oriatur ex magis, vel minus clara cognitione obiecti, ſicut nulla noſtra cognitio eſt ita clara, vt clarior eſſe non poſſit, ita nulla videtur habere adhæſionem ſuo obiecto ita firmam, vt firmior dari non poſſet, ſi clariuſ cognosceretur obiectum; Sed quidquid ſit de hoc, ſi dantur huiuſmodi actus perfectiſſimè ſcientifici, di-

cendum est non posse dari actum, qui simul sit perfectissime scientificus, & opinatiuus, nam si à motiuo perfectissime scientifico supponitur intellectus moueri ad adhesionem firmissimam, quæ dari possit, motiuum opinatiuum nihil efficiet, ideòque non erit motiuum si absolute loquamur nisi materialiter, dixi si absolute loquamur, quia videatur posse esse aliquo modo motiuum formaliter, sed solum conditionate, quatenus scilicet ex imperio voluntatis potest intellectus habere talem modum tendendi, per quem ostendat se firmissimè adhærere obiecto ex vi motiui scientifici, sed ita vt esset paratus illi etiam assentiri ex vi motiui opinatiui, si scientificum deesset, ea tamen adhesionem, quam tale motiuum opinatiuum mereretur.

8 Neque dicas posse cum scientia perfectissima identificari actum opinatiuum, si summa illa adhesio non præsteretur ab intellectu ex vi solius motiui scientifici, sed partim ex vi illius, partim ex vi motiui opinatiui: nam cum ad assensum ex motiuo opinatiuo requiratur imperium voluntatis, ante huiusmodi imperium intellectus rapitur à motiuo scientifico, ex vi cuius,

cum sit potentia necessaria, statim elicit adhæſionem maximam, quam potest. Saltem cum, siue adsit, siue non adsit motium opinatum, semper supponatur Intellectus adhærere obiecto maxima firmitate; qua potest; positiuè probandum esset; quod quando adest motium opinatum, motium scientificum non efficiat quidquid potest potius enim ratio stat in contrariū, cum enim tam ipsa motium scientificum, quam intellectus sint agentia necessaria, semper eodem modo dicenda sunt agere, donec positiuè probetur, quod actiuitas motui scientifici ex parte impediatur, quando adest motium opinatum.

De scientijs totalibus, earumque obiectis agimus initio libri sequentis, ideòque huic finem imponimus.



INDEX

DISTINCTIONVM CAPITVM, ET SECTIONVM LIBRI PRIMI.



DISTINCTIO PRIMA.

Logicae proemialia. Pag. 1.



Apud 1. Origo, existentia, Necessitas, ac Divisio logica. pag. 1.

Caput 2. Vtrum logica sit practica, vel speculativa. pag. 10.

Sectio 1. Rejiciuntur varia sententiae circa essentiam cognitionis practicae. pag. 10.

Z

4

Sectio

I N D E X.

Sectio 2. *Proponitur nostra sententia de cognitione practica.*
pag. 16.

Sectio 3. *Statuitur cognitiones omnes proprias logicae esse practicas.* pag. 20.

Caput 3. *De obiecto logicæ.* pag. 26.

Sectio 1. *Quid, & quoniam sit obiectum.* pag. 26.

Sectio 2. *Infertur obiectum materiale logicæ.* pag. 31.

Sectio 3. *Quodnam sit obiectum formale attributionis in logica.*
pag. 37.

Caput 4. *Vtrum logica sit virtus intellectualis.* pag. 46.

Sectio 1. *Quid requiratur ad rationem virtutis intellectualis.* pag. 46.

Sectio 2. *Infertur quinam habitus sint virtus, & secundum quas sui partes logica sit virtus.* pag. 50.

INDEX.

DISTINCTIO SECVNDA.

De vniuersali in communi.

pag. 54.

Caput 1. *Quid, & quotuplex sit
vnitas.* pag. 54.

Caput 2. *Quid, & quotuplex sit
rerum distinctio.* pag. 63:

Caput 3. *Vtrum detur præcisio
obiectiua.* pag. 69.

Caput 4. *Quid sit, & an detur
vniuersale.* pag. 78.

Caput 5. *Vtrum vniuersale quã-
do prædicatur de inferioribus
retineat suam vniuersalitatẽ*
pag. 82.

DISTINCTIO TERTIA.

*De vniuersalibus in particulari,
seu de quinque prædicabili-
bus.* pag. 87.

Caput 1. *De diuisione prædicabi-
lium.* pag. 87.

Z 5

Caput 2

I N D E X.

Caput 2. *De genere . pag. 89.*

Caput 3. *De specie . pag. 96.*

Sectio 1. *Quid, & quotuplex sit species . pag. 96.*

Sectio 2. *Quid sit differre specie . pag. 100.*

Sectio 3. *An dari possit species, seu creatura immultiplicabilis . pag. 106.*

Caput 4. *De indiuiduo . pag. 110.*

Caput 5. *De differentia, proprio, & accidente . pag. 113.*

DISTINCTIO QVARTA.

In antepredicamenta . pag. 117.

Caput 1. *De equiuocis, uniuocis, & analogis . pag. 118.*

Caput 2. *An ens sit equiuocum . pag. 126.*

Caput 3. *De ente possibili . pag. 134.*

Caput 4. *De ente existente . pag. 139.*

Caput 5. *De proprietatibus entis . pag. 145.*

Caput 6.

I N D E X.

**Caput 6. De ente substantiali,
& accidentali. pag. 148.**

**Sectio 1. An dentur accidentia
realiter distincta à substantia.
pag. 148.**

**Sectio 2. Per quid differat sub-
stantia ab accidente. pag. 152.**

Caput 7. De ente infinito. pag. 157.

**Sectio 1. Quid, & quotuplex sit
infinitum. pag. 157.**

**Sectio 2. An sit possibile infinitū
categorematicum in rebus di-
uisibilibus. pag. 161.**

**Sectio 3. An possit à Deo poni
infinitum categorematicum
in perfectione. pag. 177.**

**Caput 8. De ente rationis meta-
physico. pag. 181.**

**Caput 9. De ente rationis logico.
pag. 194.**

**Caput 10. De ente negativo.
pag. 198.**

DISTINCTIO QUINTA.

De predicamentis. pag. 215.

INDEX.

Caput 1. *Prædicamentorum diuisio.* pag. 215.

Caput 2. *De prædicamento substantiæ.* pag. 218.

Caput 3. *De prædicamento quantitatis.* pag. 222.

Sectio 1. *Quid, & quotuplex sit quantitas.* pag. 222.

Sectio 2. *In quo consistat ratio formalis quantitatis continuæ.* pag. 225.

Sectio 3. *An quantitas permanens extensiva sit accidens distinctum realiter à rebus quantis* pag. 230.

Sectio 4. *An quantitas, & aliud quodlibet continuum componatur ex solis indiuisibilibus finitis, vel infinitis.* pag. 235.

Sectio 5. *Per quid continuètur partes continui permanentis.* pag. 243.

Sectio 6. *Infertur quænam partes in continuo permanenti sint actu distinctæ, quæ verò solum potentia.* pag. 258.

Sectio 7.

I N D E X.

*Seçtio 7. An etiam continuum
successuum componatur ex mi-
nimis physicis pag. 266.*

*Seçtio 8. An in cōtinuo extenso
permanente, præter minima phy-
sica admittēda sint aliqua indi-
uisibilia mathematica. pag. 272.*

*Seçtio 9. An in cōtinuo successi-
uo dentur aliqua instantia ma-
thematicè indiuisibilia. pag. 284.*

*Seçtio 10. De rerum inceptione,
& desitione. pag. 289.*

*Caput 4. De prædicamento quali-
tatis. pag. 294.*

*Caput 5. De prædicamento rela-
tionis. pag. 299.*

*Seçtio 1. De relatione tran-
scendentali. pag. 299.*

*Seçtio 2. An dētur, & per quid
formaliter constituentur rela-
tiones prædicamentales. pag. 323.*

*Seçtio 3. Infertur relationem
prædicamentalem non constitui
per modum superadditum pro-
ximæ, & completæ rationi
fun-*

INDEX.

fundandi. pag. 334.

*Sectio 4. Reliquæ quæstiones de
relatione prædicamentali pag. 349.*

*Caput 6. De prædicamentis actio-
nis, & passionis. pag. 358.*

*Sectio 1. Quid sint, & quomodo
inter se differant actio, & passio.
pag. 358.*

*Sectio 2. De subiecto, prioritate,
& alligatione actionis ad fines,
& conditiones pag. 367.*

*Caput 7 De prædicamento quan-
do. pag. 376.*

*Caput 8. De prædicamento ubi.
pag. 382.*

*Sectio 1. Quid, & quatuorplex sit
locus. pag. 382.*

*Sectio 2. Alia de ubi quæstio-
nes. pag. 395.*

*Sectio 3. An, & quæ dari possit
corporum replicatio. pag. 403.*

*Sectio 4. An dari possit vacuū,
& qua virtute moueantur cor-
pora ad illud impediendū. p. 420.*

*Sectio 5. An, & qui motus dari
possent*

INDEX.

posset in vacuo si daretur. p. 437.

*Caput 9. De predicamentis situs,
& habitus. pag. 448.*

DISTINCTIO SEXTA.

In libros Peribermenis. pag. 451.

Caput 1. De vocibus pag. 451.

Caput 2. De enūciatione. pag. 465.

*Caput 3. Reliqua quæstiones de
veritate, & qualitate propositionum.
pag. 479.*

Caput 4. De modis sciendi. pag. 488.

DISTINCTIO SEPTIMA.


In libros Priorū, & posteriorum.

*Caput 1. Vtrum ad eliciendam
conclusionem prærequiratur nō
modo iudicium de maiori, &
minori propositione, sed etiam
iudicium de bonitate consequen-
tiæ. pag. 494.*

Caput 2.

I N D E X .

- Caput 2. *An, & quomodo ab assensu præmissarum necessitetur intellectus ad assensum conclusionis, pag. 500.*
- Caput 3. *An actus conclusionis necessario attingat obiectum præmissarum. pag. 506.*
- Caput 4. *Reliquæ quæstiones de syllogismo in communi pag. 512.*
- Caput 5. *An, & quotuplex detur in nobis scientia, & demonstratio. pag. 517.*
- Caput 6. *An possit esse simul, vel identificari actus scientiæ cum actu opinionis de eodem obiecto. pag. 524.*



Errata.

Corrige.

Pag. vers.

Definitione	4.	27.	Definitionem.
Ab	5.	26.	Ad
Probare	6.	6.	Probari.
Sed practica praxis			Sed potest esse praxis.
	11.	27.	
Determinat	21.	3.	Determinatio.
Diuidisse	23.	17.	Diuisisse.
Instrumentum corpo-			Instrumentum philo-
ris	26.	10.	sophia.
Hoc	33.	3.	Hec
Quibus semper ve-			Quibus anima semper
rum dicit	50.	7.	verum dicit.
Veritatis	54.	14.	Vnitatis.
Distinctio rationis est			Distinctio rationis ra-
	64.	4.	tiocinantis.
Vnum, & non aliud			Vnum, & aliud.
	68.	6.	
De quodlibet	81.	21.	De quolibet.
Dicendendū	158.	1.	Dicendum.
Vt	145.	16.	Et
Sine motui	150.	3.	Sine motu.
Intellectu	182.	4.	In intellectu.
Proportionibus possibi-			Propositionibus impos-
libus	185.	3.	sibilibus.
Directè	195.	25.	Reflexè.
Ferantur	313.	15.	Ferantur.
Verique	220.	8.	Vtrique.
Nionis	256.	13.	Vnionis.

Ta-

Errata.

Corrige.

Pag. vers.

Totale 253. 20. Tale.

Continuata 272. 22. Non continuatum.

Cōtinuatas 282. 27. Continuatas.

Qualitas tendit Qualitas extratendit

298. 3.

pradicatum 323. 11. pradicamentum.

Effextia 328. 29. Essentia.

Vtrumq; 335. 22. Vtrumq;

Determinitatē Determinatē.

350. 27.

Effectus sunt qui Effectus qui sunt.

sunt 360. 28.

Entitati 361. 1. Entitati.

hi 361. 2. hic.

fuisset 376. 13. fuisse.

posterius 377. 28. posterius.

prior 380. 13. posterior.

tam ex 380. 28. tamen.

compositio 381. 8. composito.

De duratione De ratione.

409. 28.

per so 418. persona.


modum 423. 19. modo.

Suppositio 426. 7. Supposito.

Veniri 460. 6. Venire.

quam habent hic quam habet hic.

476. 12.



Si-

Errata.

Corrige.

Pag. vers.

Similitudino

Similitudo.

476. 27.

cognitionis 476. 30. *cognitioni.*

penetretur 498. 22. *penetretur.*

per sed hoc 507. 27. *sed per hoc.*



LIBER.

